



BIBLIOTECA NAZIONALE

XXV\*

B

36

NAPOLI


178

H

55







**T R I G A**  
**OPUSCULORUM**  
**CRITICORUM RARIORUM,**

IN QUIBUS.

*Multa veterum Auctorum loca explicantur, illustrantur, & emendantur.*

Accesserunt


Locorum citatorum adnotationes, Notae, atque Indices Necessarii.



TRAJECTI ad RHENUM,

Apud { **MATTHAEUM VISCH,**  
**G. T. & PADDENBURG,**  
ET  
**ABR. & PADDENBURG,** } Bibliopolas.

M D C C L V.





*n iterum, Benivole Lector, tria Opuscula Critica, quae post CONTARENI & MARTINI VARIAS LECTIONES tuos in usus recudenda curarunt Bibliopolae nostri Trajectenses.*

*Primum inter ea locum occupant PETRI AVELLANI, Valesii Icti, Loci aliquot bonorum auctorum restituti: qui primum prodierant A. 1541. in 8°. De illo Auctore, quippe mihi ignoto, quod moneam, nihil habeo. Doctorum aliquot de eo testimonia sistit Cl. Otto in Praef. ad Tom. 1. Thesauri sui Juris. pag. 44. Cel. Burmannus ad Sueton. in August. Cap. 45. magnificum potius, quam felicem conjectorem ipsum vocat. Quod Viri Doctiss. effatum sicuti prorsus negari nequit, ita fatendum tamen, esse in illo opusculo internitentes hic illic gemmas, quae Avellanum ipsum, non in ea literarum luce, qua quidem hodie fruimur, viventem, minime indoctum ostendunt; ejusque operam illis, qui hoc studiorum genere delectantur, commendant.*

*Sequitur JOANNIS MARII MATII, Brixiani, Annotationum in varios Auctores Latinos & Graecos liber. Prodiit ille olim Ticini A. 1575. in 8°, & liber erat rarissimus, licet haud pauca bonae frugis complexus. Eum autem excipiunt ejusdem scriptoris Opinionum Libri Tres; quorum tamen in titulo MATTIUM se vocare ipsi placuit: item, Defensio secundae suae Adnotationis contra eorum opinionem, qui ex aliquot locis Quinctiliani contendunt, Rhetorica ad Herennium ab Cornificio esse certo agnoscenda auctore: tum Carmina nonnulla, & Libellus de Orthographia: quae quidem omnia simul prodierant Alexandriae Statiellae ex Officina*


*Herculis Quintiani. A. 1598. in 4<sup>to</sup>. Auctorem eorum, vulgari Dialecto MAZZIO dictum, patria Brixianum, primum Professore Eloquentiae egisse Alexandriae Statiellorum; deinde vero eodem munere functam Mediolani in Collegio Simonis, & in summa egestate mortuum fuisse Alexandriae A. 1600, annos natum LXVIII. praeter illa etiam, quae hic habentur, Additiones ad Calepini Dictionarium, & Nizolii Thesaurum Ciceronianum scripsisse: intelligitur ex Girolamo Ghilini in Teatro d'huomini Letterati. Venet. 1647. in 4<sup>to</sup>. juncta Francisci Cicericii Epistolâ, Mattii Opinionibus inserta, pag. 379. hujus editionis.*

*Nunc in recusis hisce Opusculis quid praestitum sit, breviter indicandum restat. Auctorum Orthographia plerumque servata, etsi nonnunquam erronea. Loca veterum scriptorum, quos adducebant, indicatis capitibus vel paginis librorum, accuratius fuere designata. Hic illic adscripta una alterave nota, quae ad Auctores hosce intelligendos, aliquando etiam corrigendos, necessaria videbatur; licet nunquam eorum reprehendendorum occasio captata fuerit. Notulae interim illae, quas Carminibus Mattii adjunctas videbis, priori editioni debentur. Adjecti tandem duo Indices, Auctorum unus, alter rerum. Hisce tu, L. B. fruire, & vale.*

PETRI AVELLANI,  
*Valesii, Jcti,*  
ALIQUOT LOCI  
BONORUM  
AUTHORUM  
RESTITUTI,

Vel aliter quam vulgo fere intelligantur,

EXPLICATI.





REVERENDISS. P.  
D. PHILIPPO A CAMERA,

Cardinali Boloniensi,

PETRUS AVELLANUS, *Valesius*, S.



Uum tu me antea sæpe dignatus sis literis tuis, amplissime Cardinalis, existimaui meas quoque literas, & eas οἷα ἀδωρεά, vicissim tibi reddi oportere. Mitto enim cum literis opusculum, paucorum illud quidem versuum, sed in quo summam ingenii & industriæ nostræ vim tanquam in speculo facile poteris perspicere. Et est profecto admodum iniqui rerum aestimatoris earum pretium magnitudine metiri non artificio potius architecti. Quantam alioqui laudem tulit, qui totam Homeri Iliada nuce conclusit? quantam qui quadrigam muscæ alis obtectam representavit? Quæ non eo dicuntur quod præclarum quiddam me hic expressisse confidam, sed ut intelligas, quicquid mihi ingenii erat huc omnino fuisse collatum. Solet sibi quisque peculiarem aliquem authorem deligere, quem vel obeliscis confodiat; vel asteriscis illustret, vel in quem varias passim annotationes inspergat. Ego vero per omne genus authorum circumvolitando hinc & illinc decerpsi, quæ instituto nostro visa sunt accommoda: scilicet imitatus apes, quæ diversos flores delibant, ut alveis suis, quantum possunt, serviant. Institutum autem nostrum est huiusmodi, ut qui dederim operam multorum locorum apud bonos authores ruinam instaurare, compluresque sententias aliter explicare, quam vulgo fere intelligantur. Parum certe gratus futurus est, quisquis lectis nostris lucubrationibus non agnoverit ingentes tenebras beneficio nostro depulsas esse, ut id interim mihi meo quodam iure arro-

*gem, quod doctorum plerique certatim tribuunt. Ac te istud malo legendo cognoscere, quam ambitiose prædicando immodice a me efferri. Et ingentes tenebras beneficio nostro ab authoribus depulsas dico, non ex mea, sed aliquot doctorum hominum sententia, quibus quum magnopere nostra hæc placerent, arbitratus sum tibi doctissimo non ingratum fore eundem conatum. Sed ut hac parte sim inferior, jucundissimus & acceptissimus non poterit non esse bicce labor, quem in gratiam nepotis tui ANT. A CAMERA Episcopi Belisensis designati, jamdiu insumpsi. Eum siquidem charissimum habes, non quod solum propinquus sit, verum etiam quod quam de se in studiis expectationem concitarat, eam non sustineat modo, sed longe quoque superet. Sic enim tibi visum est, ut juvenis optimæ spei cum splendore generis egregiam quandam literarum cognitionem conjungeret. Ita me Deus amet, nihil prætermitto in illo instituendo, quod officii mei esse videatur: cui rei argumento esse queat, qualecunque istud est, quod sub tuo nomine in vulgus editur, illius causa elaboratum. Merces laboris nostri illa erit præstantissima, si te chorago has satis digne partes agam.*

*Non utar pluribus, ne te Summi Pontificis & Christianissimi Regis negotia tractantem pergam odiosius interpellare. Recte nimirum in te quadrat illud Flacci ad Fulium:*

*In commoda publica peccem,*

*Si longo sermone morer tua tempora Juli.*

*Vale unicum ornamentum urbis Romanæ. Pictavii,  
Die Thomæ Sacro. 1540.*

BARTHOLOMÆI LUXII TASTÆI,

*Burdigalensis,*

A D

PETRUM AVELLANUM,

*Valesium, Jctum,*

Carmen hortatorium, ad hujus Libri editionem.

• *Quid cohibes lucis cupidum Avellane libellum:  
Cælasque ingenii pignora docta tui?  
Pignora quæ niveus doctorum calculus ornat:  
In lucemque dari publica vota petunt.  
Quis genitor natis coeli spirabile lumen  
Invideat? cujus tam fera corda rigent?  
Hinc hinc conspicuum poterit tibi surgere nomen:  
Posteritas quod amet, famaue laudet anus.  
Nam veterum si quis veneratur scripta virorum,  
Sedulus ille tui præco laboris erit.  
Plurima, quæ cæcis latitabantmersa tenebris,  
Accipiunt lucem, punice tersa tuo.  
Plurima, quæ mendis fœde violata jacebant,  
Vindice te, prisco clara nitore micant.  
At multis sterili captatur fama labore:  
Dum prosperat nugæ edere quisque suas:  
Carmina permulti vix dum bene nata propinant,  
Sic, ut sint numeris plurima trunca suis.  
Hinc fit, ut infelix vulgo sit fabula vates:  
Dum caput ex ima tollere certat humo.  
Sed tuus ingenuas quando labor adjuvat arteis,  
Laudibus hunc ultro publica fama feret.  
Ede igitur lucis cupidum Avellane libellum:  
Nec coela ingenii pignora docta tui.*

JO. GOSSETIUS, JGtus.

A D

PETRUM AVELLANUM,

*Valesium.*

**T***inxisti prima vix dum lanugine malas ,  
Et juvenilis adhuc spirat in ore rubor ,  
Attamen obliquo figentes lumine terram  
Exuperas rerum cognitione senes.  
Exeris in lumen cæcis prius abdita claustris ,  
Et luci reddis quæ latuere diu.  
Qui tibi præripiat palmam nec vivere credo ,  
Nec posthac unquam forte futurus erit :  
Sive libet fido claroque interprete fungi ,  
Seu medicam luxis vis adhibere manum.  
Ergo stemmatibus titulisque VALESIA regum  
Clara , tuo vivet nomine clara magis,*

A D L E C T O R E M.

Ὅστις δρᾷς τὴν μου νῦν, ὦ ξένη φίλτατε, βιβλον,  
Φείδεο, μὴ δ' αὐτὴν τὸ ψέγε Φαῦλος ἰών.

IN.

# INDEX CAPITUM.

- CAP. I. **L**ocus nunquam antea intellectus libro ix. Epistolarum familiarium Ciceronis Ep. 2.
- II. *Locus Ciceronis explicatus* libro v. Epist. 12. & lib. xv. Epist. 6. Familiarium, *de Hectore Næviano.*
- III. *Emendatus locus apud Suetonium Tranquillum,* in Augusto cap. 45.
- IV. *Explicatus locus Tertulliani de lauitia Rufi in mensis.*
- V. *Multos errare in illa loquendi formula: Propius nihil factum est.*
- VI. *Locus restitutus apud Gellium, capite ultimo libri ix.*
- VII. *Apud eundem vocem unam perperam legi, libro xvii. capite ii.*
- VIII. *Explicatus unus locus, & alter restitutus apud Tibullum.*
- IX. *Locus apud Persium Sat. i. v. 69. aliter quam vulgo, explicatus.*
- X. *De quantitate verbi, Contudit, & accentu verborum, Arguit & Calefacit.*
- XI. *Suspecta quædam apud Acronem.*
- XII. *Duo senarii apud Porphyrium a nemine animaduersi.*
- XIII. *Explicatus locus in oratione pro Coelio cap. 5. ubi hæret interpres.*
- XIV. *Locus restitutus apud Lucium Florum cap. 18. lib. 3.*
- XV. *Unde natum sit proverbium: Aliquid monstri alere.*
- XVI. *Locus emendatus in Andria Terentii Act. 2. Sc. 2. v. 14.*
- XVII. *Restitutus locus in inscriptione Eunuchi.*
- XVIII. *Restitutus locus apud Donatum.*

# INDEX CAPITUM.

- CAP. XIX. *Duo loci in prologo Heautontimorumeni, in quibus cæcutiunt omnes Interpretes.*
- XX. *De nomine Heautontimorumeni, & quo habitu Menedemus in scenam prodierit.*
- XXI. *Explicatus locus Ciceronis, libro I. de Legibus, de auspicio Aquilæ.*
- XXII. *An adulterium natura turpe sit.*
- XXIII. *Qua ratione capti in bello non occidantur, sed seruentur.*
- XXIV. *Emendatus locus in l. Quum duobus 52. §. si in coëunda 2. ff. pro socio. unde sensum vix elici posse dicebat Budæus.*
- XXV. *Restitutus locus in l. Idem Pomponius scribit: si frumentum 5. §. sed si plumbum 2. ff. de rei vendicatione, qui hætenus non est intellectus.*
- XXVI. *Restitutus locus in l. Placet 2. C. de pedaneis iudicibus.*
- XXVII. *Explicatus locus Ulpiani longe aliter, quam vulgo intelligatur in l. qui vas 48. §. si ancilla 5. ff. de furtis.*
- XXVIII. *Definitionem Iustitiæ perperam vulgo intelligi.*

# RESTITUTI ALIQUOT LOCI BONORUM AUTHORUM,


Vel aliter, quam vulgo fere intel-  
ligantur, explicati:

PER  
PETRUM AVELLANUM,

*Valesium, Jctum.*

## CAPUT I.

*Locus nunquam antea intellectus, libro IX.  
Familiarium Epist. Ciceronis Ep. 2.*

icero in Epistola quadam ad Varronem  
[lib. 9. ep. 2. ad fam.] Te vero (inquit)  
nolo, nisi ipse rumor jam raucus erit  
factus, ad Bajæ venire. Erit enim nobis  
honestius etiam quam hinc discefferimus,  
videri venisse in illa loca ploratum potius quam natatum.  
Hunc locum nulli adhuc Interpretes, quod sciam,  
videntur assequuti. Imperitissime enim ad famam  
referunt, quæ de rumore rauco hic à Cicerone di-  
cuntur. Nos igitur primi omnium, quid velit Ci-  
cero,



cero, aperiamus. Is *rumorem*, fluvium Tyberim intelligit, & *raucum rumorem* fluvium tempestuosum appellat. Sententia esto. Nisi fluvius sit concitior ac tempestuosior, nolim te ad Bajas venire: ne quis suspicetur natandi nos potius causa & voluptatis, quam plorandi illuc venisse. Nempe si fluvius, quo irrigantur Bajæ, exundantior factus fuerit, jam in eam suspicionem non veniemus. Ad probandum hunc intellectum duo nobis sunt evincenda. Prius, *Rumorem* Tyberim nuncupari. Alterum *raucum* idem nonnunquam significare quod tempestuosum. Virgilius, *Rumorem Tyberim* dixit *Aenëidos lib. VIII. [vers. 90.]*

*Ergo iter inceptum celerant Rumore secundo.*

*Rumore* (inquit Servius) pro *Rumone* posuit. Nam ut supra diximus, Tyberis *Rumon* est dictus: unde & *ficus Ruminalis*, ad quam ejecti sunt Remus & Romulus: quæ fuit, ubi nunc est *lupercal* in circo. Hac enim *labe*bat *Tyberis* antequam Neptuno factis sacrificiis averteretur. Ergo si fuerit *Rumone* secundo, favente fluvio intelligimus. Idem Servius eodem lib. [vs. 63.] tradit Tyberim *Rumonem* vocitatum, quod *ripas* *ruminet* & *exedat*, juxta illud Virgilianum.

*Stringentem ripas, & pingua culta secantem.*

*Raucum* vero fluvium tempestuosum appellari posse, ostendimus ex Horatii lib. II. *Carminum*, [Od. 14. vs. 13.] qui *raucum Hadriam* posuit pro tempestuoso & sonoro, interprete Acrone.

*Frustra cruento Marte carebimus,*

*Fractisque rauci fluctibus Hadriæ,*

*Frustra per autumnos nocentem*

*Corporibus metuemus Austrum.*

Virgilius. [*Aeneid. v. vs. 866.*]

*Tum raucæ assidue longe sale saxa ruebant.*

Adjutat sententiam nostram quod est apud Cicero-

nem



nem pro Coelio. [cap. 15.] *Accusatores quidem libidines, amores, adulteria, Bais acta convivia, comestationes, cantus, symphonias, navigia jactant.* Et ibidem. *Habes hortos ad Tyberim ac diligenter eo loco præparasti, quo omnis juventus natandi causa venit.* Si quis tamen præfractius nobiscum agat, en ultro arena cedimus, si docuerit ex ullis authoribus *raucum rumorem* pro fama depereunte atque evanescente vel semel fuisse usurpatum. Nec enim facile patiemur nobis palmam extorqueri, propterea quod quidam [Doletus] in *Commentariis suis linguae latine* istam loquendi formulam in eum sensum observavit, nullo alio loco præter hunc citato.

C A P U T II.

*Locus Ciceronis explicatus lib. v. Famil. epist. 12. de Hectore Næviano, & lib. xv. ep. 6.*

**M**eminit Cicero libro v. *Epist. Famil.* [Epist. 12.] & lib. xv. [Epist. 6.] *Hectoris* cujusdam *Næviani*, qui se a laudato demum viro optabat commendari. At de eo interpretes obmutescunt. Sciendum igitur scriptam fuisse fabulam a Nævio, quæ inscribatur *HECTOR PROFICISCENS*, unde locus ille Ciceronis depromptus fuit. Eo titulo scriptam fuisse a Nævio fabulam probò ex Prisciani *lib. viii.* [pag. 801. Ed. Putschii.] *Nævius* (inquit) *in Hectore proficiscente. Tunc ipsos adoriant.* Adverte tamen illum Prisciani locum in omnibus exemplaribus vitiatum circumferri. Sic enim legitur: *Nævius in iii. Hectore proficiscente. Tunc ipsos adoriant.* Vides quid porrexerit errori ansam. Nam facile posuit particula, *in*, geminari transireque superscriptis tribus apicibus in notam numeri ternarii. Ita cer-

certe, ut retuli, legitur in codice manu scripto, quem Rupellæ reperi in vetusta Ptochotrophii bibliotheca (a), quum me illuc ad docendum aliquando Stephanus Noëllus vir in omnibus artibus apprimè detritus pellexisset.

## CAPUT III.

*Emendatus locus apud Suetonium Tranquillum in Augusto cap. 45.*

**M**iror post tot lucubrationes doctissimorum hominum in Suetonium, locum unum depravatissimum relictum fuisse. Sic etenim apud illum legitur, in Augusto. [cap. 45.] *Nam bistrionum licentiam adeo compescuit, ut Stephanionem togatarium, quum in puerilem habitum circumtonsam matronam ministrasse compererat, per trina theatra virgis cæsum relegaverit.* Dicant mihi illius authoris castigatores, Beroaldus, Egnatius, & Erasmus quid sententiæ elici possit ex præcedentibus verbis. Ego profecto famæ meæ periculo admoneo non *ministrasse*, sed *monstrasse*, legi debere. Illamque verissimam esse lectionem satis arguunt sequentia. *Et Pyladem (inquit) urbe atque Italia submoverit, quod spectatorem a quo exhibebatur, demonstrasset digito conspicuumque fecisset.* Hic locus præterea indicat lapsum Fausti Victoris, qui existimavit supposititium

(a) Priscianus G. J. Vossii MStus quoque habebat. *Nævius in Hectore proficiscente: Tunc ipsos adoriant.* Vossius tamen legere malebat. *Nævius in Hectore: Proficiscentes tum ipsos adoriant.* Vid. ejus notas ad P. Scriverii *Collectanea Veterum Tragicorum* pag. 75. sic fabulæ Nævianæ nomen HECTOR fuisset, non HECTOR PROFICISCENS. Sed vix est, quod in hisce veteris ævi reliquiis tuto decernas.

tium esse apud Acronem Horatii interpretem, Augusti tempore fuisse latam legem, qua scenici a maledictis deterrentur.

Ut enim lex comœdiæ Archææ multis ante Augustum seculis lata fuerit, fuit illa tamen renovata & confirmata, ut pleræque aliæ, tempore Augusti. Ergo Acro non commeruerat repræhensionem, si quis hunc Suetonii locum excusserit. Et forte illuc respexit Horatius, quum ad Augustum scriberet. [*Epist. lib. 2. ep. 1. vs. 152.*]

— — — *Quin etiam lex*  
*Pœnaque lata, malo quæ nollet carmine quemquam*  
*Describi, vertere modum formidine fustis*  
*Ad benedicendum delectandumque redacti.*

#### CAPUT IV.

*Explicatus locus Tertulliani, de lautitia  
 Ruffi in mensis.*

**I**nterrogatus sum aliquando, quos Ruffos notasset Tertullianus [*de Pallio cap. 5.*] his verbis: *Taceo Neronēs, & Apicios, & Ruffos, impuritatem Scauri, & aleam Curii, & vinolentiam Antonii.* Sic respondi: Ruffus Prætorius ciconiarum pullos in mensas primus vocavit, qui quum in Prætura ideo repulsam tulisset sequentibus *cuâ?* laceffitus fuit (a).

*Ciconiarum Ruffus iste conditor,  
 Hic est duobus elegantior Plancis,*

*Suf.*

(a) Hi scazontes leguntur apud veterem Scholiastem ad *Horat. Serm. Lib. 2. Satyr. 2. vs. 50.* Observandum autem, *Salmasium* etiam in notis ad *Tertulliani Pallium* p. 461. *Sempronium Rufum, Virum Prætorium, hic intelligere, quem ab interpretibus ante se non repertum gloriatur.*

*Suffragiorum puncta non tulit septem.*

*Ciconiarum populus ultus est mortem.*

Clarum igitur est, quid sibi voluerit Tertullianus, qui post Apicium egregium cupediarum artificem, *Ruffum* nominarit. Sed quid causæ est, cur *Ruffus* in illis *σκάρις* dicatur *elegantior duobus Plancis*? *Plocius Plancus* rhombum & ciconiam primus mensis consecravit, quo facto Populum Romanum vehementer abs se alienavit. *Elegantior* igitur & delicatior fuit *Ruffus Planco*, qui ciconiis non contentus earum pullos ascivit in convivia.

## CAPUT V.

*Multos errare in illa loquendi formula:  
Propius nihil factum est.*

**Q**ui sic exponunt hoc genus loquendi, *Propius nihil factum est*, id est, *parum abfuit quin fieret*, penitus errant. Cicero ad Quintum fratrem: [*lib. 1. epist. 2. in fin.*] *Propius nihil factum est, quam ut ille occideretur.* Idem pro Cluentio: [*cap. 21.*] *Sic nunc propius nihil factum est.* Idem in Verrin. [*accus. 5. cap. 36.*] *Nec quicquam propius est factum, quam ut illud Uticense exemplum de Hadriano transferretur Syracusas.* in quibus locis, *propius* pro *citius* accipi debet, authore Servio in illum versum Virgilii. [*Aenëid. 8. vs. 78.*]

*Adfis tandem, & propius tua numina firmes.*

Repræhendendus ergo est interpretes ille doctissimus Epistolarum Guilielmi Budæi. Sic enim scripsit Budæus: *Adeo nihil propius factum est his alteris tuis literis, quam ut librum meum de Asse exoscularer.* *Propius factum* (inquit interpretes) id est, *paulum abfuit, quin exoscularer*: *παρ' οὐδὲν ἤλθον τὴν βιβλον τὴν ἐμὴν καταφιλεῖν.* Sed errat, quia in illo loco Budæi, *propius* pro *citius* & potest & debet accipi. CA-

C A P U T. VI.

*Locus restitutus apud Gellium, capite ultimo libri ix.*

Ufque adeo aliquod semper consequimur laboris nostri præmium. Quis liber frequentius Gellio teritur manibus omnium? En tibi tamen locus apud illum corruptissimus, a nobis primum animadversus, capite ultimo libri ix.

Authoris verba sunt hujusmodi: *Vir fortis præmio quod optaverit donetur. Qui fortiter fecerat petiit alterius uxorem in matrimonium, & accepit. Is deinde cujus ea uxor fuerat fortiter fecit: repetit eandem, contradicitur. Eleganter (inquit Plinius) & probabiliter ex parte posterioris viri fortis uxorem sibi reddi postulantis, hoc dictum est. Si placet lex, redde. Si non placet, redde. Fugit autem Plinium sententiam istam, quam putavit esse argutissimam vitio non carere, quod Græce ἀντισπείρον dicitur. Et est vitium insidiosum & sub falsa laudis specie latens. Hæc ille. At quid istud est, vitium insidiosum & sub falsa laudis specie latens? Quid huic loco cum laude? Dic igitur compendio scribendi mendum irrepsisse, & non laudis, sed lemmatis esse reponendum, Rem (ut dico) habere convincam ex argumentatione Plinii, quæ lemma seu dilemma notissimo Rhetoribus nomine appellatur. Superfedeo aliis probationibus, ne in re manifesta anxie me torqueam.*

## CAPUT VII.

*Apud eundem vocem unam perperam legi ,  
libro xvii. cap. ii.*

**E**x cognatione nominum suspicor locum quemdam corruptum esse apud eundem authorem libro xvii. cap. ii. Illius verba hæc sunt: *Sed Plutarchus in libro Symposiacōn authorem Platonis sententiæ Hippocratem dicit fuisse. Idemque esse opinatos & Philistiona Locrum & Dioxippum Hippocraticum, veteres medicos & nobiles.* Ego igitur hic puto non *Dioxippum* debere legi, sed *Dexippum* (a). Suidas enim *Dexippum Cōum* fuisse tradit, Hippocratisque discipulum, a quo relictus est unus de medicina liber, & de prognosticis. At *Dioxipporum* tres tantum insignes & nobiles audivimus, quorum nullus medicinam professus est. Eorum unus *Comicus* fuit poëta, cujus meminit Suidas. Alius *Athleta*, cujus meminit Plinius. [*Hist. Nat. lib. xxxv. cap. ii.*] Tertius miles *Alexandri*, cujus meminit Aelianus (b). Sed cur non licebit impingere Gellio αἰμαρτημα μνημονικόν, quo

(a) Nec Gellius, nec ejus librarii erroris sunt infimulandi. *Plutarchus* enim diserte nominat Διωξίππον, in loco quem respicit Gellius, *Sympos. lib. 7. Quæst. i. pag. 699.* Eum tamen à *Dexippo Cōo*, cujus præter *Suidam* meminit *Galenus*, diversum non esse censent Viri Docti, *Gronovius* in notis ad locum Gellii, & *Fabricius* *Biblioth. Græc. vol. xiii. pag. 139.*

(b) Respicit *Æliani* locum *Var. Hist. lib. x. cap. 22.* quem tamen si inspicias, videbis, *Avellanum* ex uno *Dioxippo* fecisse duos. Namque *Dioxippus* ille, de quo ibi loquitur *Ælianus*, non fuit miles *Alexandri M.* sed ipse ille *Atheniensis Athleta*, cujus præter *Plinium* multi alii ex veteribus meminerunt. Vid. notas ad illum *Æliani* locum.



quo doctissimus quisque laborat, ut pro *Dexippo* *Dioxippum* scripserit magna nominum similitudine?

C A P U T VIII.

*Expositus unus locus, & alter restitutus  
apud Tibullum.*

**A**ntiqua numeri libertate usus est Tibullus, qui nobis merenti, pro merentibus dixit, ut in codice meo manu scripto annotatum est. Neque probare possum vulgatam illius loci lectionem, quæ insertis distinctionibus vitat, quam dixi, numeri libertatem. Quid enim vetat quo minus nobis merenti dixerit Tibullus, ut Terentius [*Eunuch. Act. iv. Sc. 3. vs. 7.*] *absente nobis*. Pomponius, *præsente amicis*. Varro, *præsente legatis?* [*ap. Donat. ad Terent. l.c.*] Locum integrum adscribam, ut diligentius secum qui volet, inquirat. [*Eleg. 6. lib. 3. vs. 47.*]

*Et si perque suos fallax juravit ocellos,*

*Funonemque suam, perque suam Venerem:*

*Nulla fides inerit. perjuriam ridet amantum*

*Juppiter, & ventos irrita ferre jubet.*

*Ergo, quid toties fallacis verba puellæ*

*Conqueror? ite a me seria verba precor.*

*Quam vellem tecum longas requiescere noctes:*

*Et tecum longos pervigilare dies.*

*Perfida. nec merito nobis inimica merenti.*

*Perfida. sed quamvis perfida, chara tamen.*

Vulgata lectio distinctione sic vitat illum ἀρχαῖσιν nobis inimica, merenti Perfida.

At non admodum dissimile est apud eundem lib.

II. [*Eleg. I. vs. II.*]

*Vos quoque abesse procul jubeo: discedite ab aris.*

*Cui tulit externa gaudia nocte Venus.*

B

Nem.

Nempe, non *cui*, sed *quibus*, dictum oportuit. In quo versu posteriore advertendum est mendose legi *externa*, pro *hesterna*: ut intelligamus hesternæ nocte pollutos prius lustrari & purgari oportere.

## CAPUT IX.

*Locus apud Persium, aliter quam vulgo explicatus.*

Quum Persii libellus multum noctis habeat, libuit aliquando ingenium exercere in eruendis verioribus sensibus, quam qui ab Interpretibus promebantur. Neque enim ii mihi videntur percepisse, quorsum spectaret Persius in his versibus. [Sat. I. vs. 69. seqq.]

*Ecce modo Heroas, sensus afferre videmus:*

*Nugari solitos Græce: nec ponere lucum*

*Artifices, nec rus saturum laudare.*

Britannicus cum cæteris per *lucum* rem humilem intelligit & minimam. Sed errat meo iudicio. Debemus enim potius intelligere per *lucum*, & *rus saturum*, locos communes: quos etiam Græce solitos confici testis est Plutarchus in *vita Catonis*. Eos igitur insectatur Persius, qui locos communes male norunt accommodare, & quasi assuere rei materiæque præsentī. Quum profecto de locis communibus loqueretur Horatius in *arte Poët.* proximo his exemplo usus est. [vs. 14. seqq.]

*Inceptis gravibus plerumque, & magna professis*

*Purpureus late qui splendeat, unus & alter*

*Assuitur pannus. cum lucus & ara Dianæ*

*Et properantis aquæ per amoenos ambitus agros,*

*Aut flumen Rhenum, aut pluvius describitur arcus.*

*Sed nunc non erat his locus.*

Ad-



Adde apud eundem authorem me non sentire cum Vadiano, qui sic emendavit illum versum. [*Ejusd. Sat. vs. 95.*]

*Sic costam longo subduximus Apoenino.*

*Sic os tam longo subduximus Apoenino.*

Mihi siquidem verisimilius est loquutum Persium de carmine hexametro, quam ut ad ea respexerit quæ longa serie recenset Vadianus. Pro nobis facit quod Cicero in libris *de Legibus*, [*Lib. 2. cap. 27.*] hexametros versus, *longos* vocat ex Ennio.

# CAPUT X.

*De quantitate verbi, Contudit, & accentu verborum, Arguit ac Calefacit.*

**P**ræter Grammaticorum sententiam, scias licenter corripì mediam verbi *Contudit*, syllabam: ut refert Acro in illum locum Horatii. [*Serm. lib. 2. Sat. 7. vs. 15.*]

————— *Postquam illi justa chiragra*

*Contudit articulos:*

Nam & Ennius produxisse legitur in hunc modum.

————— *Viresque valentes*

*Contudit genialis byems.*

Frequentius tamen correpte legitur, licet pugnantè ipsius natura, ut & in illis versibus. [*Horatii Epistol. lib. 2. Ep. 1. vs. 10. seqq.*]

————— *Diram qui contudit Hydram,*

*Notaque fatali portenta labore subegit,*

*Comperit invidiam supremo fine domari.*

Item interfui nonnunquam circulis doctorum hominum, qui non solum præcedens illud mirabantur, verum etiam quod scripsit Priscianus, in verbo *Calefacis* & *Calefacit* in penultima signandum esse ac-

centum. At omnem admirationem longe superat quod me legere memini apud Porphyryonem, verbum *arguit*, quando præsentis est temporis accentum habere in penultima. Hæc eo libentius commemoravi, quo longius a medio visa sunt esse seposita.

## CAPUT XI.

*Suspecta quædam apud Acronem.*

**I**mpense dubitabam qua satis probabili causa *Hotius Oceanum rubrum* περιφραστικῶς occidentem nuncuparet, [*Carm. lib. I. od. 35. vs. 29. seqq.*]

*Serves iturum Cæsarem in ultimos*

*Orbis Britannos, & juvenum recens.*

*Examen, Eois timendum*

*Partibus, Oceanoque rubro.*

Quem locum Acro de occidente interpretatur. Juvenis quidam doctissimus, quo cum has nostras vigilias communicabam: An non (inquit) Occidentem propterea *Oceanum rubrum* vocavit, quia quum in Occidente sol condatur non sine ingenti quodam rubore circumfuso, contegitur? Quæ conjectura vehementer mihi placuit. Alias si Acronis interpretationem referas ad mare Rubrum divisum in duos sinus Persicum & Arabicum, nulla ratione nitetur interpretis sententia. Ad hæc apud alium nunquam legi Europam ab Asia dividi Scamandro fluvio, quod ille in his versibus asserit. [*Epod. XIII. vs. 13.*]

*Te manet Assaraci tellus, quam frigida parvi*

*Findunt Scamandri flumina, lubricus & Simois.*

CAPUT XII.

*Duo Senarii apud Porphyrium a nemine animadversi.*

**D**uo sunt senarii apud Porphyrium, qui fere non advertuntur. Unus est in *capite de genere*. alter in *capite de specie*. Sic enim ille,

Καὶ γὰρ ἡ πάτρις ἀρχὴ τίς ἐστι τῆς ἐκάστης γενέσεως.  
Hic est versus trimeter Jambicus ex aliquo Græco scriptore,

Ἀρχὴ τίς ἐστι τῆς ἐκάστης γενέσεως.

Idem in capite περὶ εἶδος : πρῶτον (inquit) εἶδος ἄξιον τυ-  
ραννίδος. Qui locus corrupte legitur. Dēest enim μὲν,  
ut sit trimeter Jambicus, quod clarissimum est ex  
interpretatione Boëtii. Πρῶτον μὲν εἶδος ἄξιον τυ-  
ραννίδος.

CAPUT XIII.

*Explicatus locus in Oratione pro Coelio cap.  
5. ubi hæret interpres.*

**A**ffero insignem locum ex Oratione Ciceronis  
pro Marco Coelio, [cap. 5.] *Nobis quidem* (in-  
quit) *olim annus erat unus ad cohibendum brachium  
toga constitutus, & ut exercitatione ludoque campestri  
tunicati uteremur, eademque erat, si statim mererē  
stipendia coeperamus, castrensis ratio ac militaris. qua  
in ætate nisi qui se ipse sua gravitate & castimonia, &  
cum disciplina domestica, tum etiam naturali quodam  
bono defenderet, quoquo modo a suis custoditus esset,  
tamen infamiam veram effugere non poterat.* Hic hæ-  
ret Interpres. Solebant veteres (inquit) pueris inhi-

bere quum luderent, & sese exercerent, ne vestis exueretur, ne detectis virilibus pudicitiam violarent. Tunicali ergo utebantur ludo campestri, id est, in campis tunica induti se exercebant. Istam interpretationem cur non probem multæ sunt causæ. Primum Cicero de pueris non loquitur, sed adolescentibus. Deinde unum annum Cicero constitutum fuisse dicit, interpretes nullum certum tempus præscripsit. Postremo quid sibi velit Cicero in posterioribus verbis nullo modo explanat. Sic igitur tibi dicendum puta. Post pubertatem, authore Servio, [ad Lib. 7. Æn. vs. 162.] juvenes armis exercebantur, & sexto decimo anno militabant, quo etiam solo sub custodibus agebant, postea quicquid vellent libere facituri. Quo tempore veste utebantur non laxa, & illud est quod dicit Cicero, *brachium toga cōhibere*, Tibullus lib. 1. [Eleg. 9. vs. 69.]

*Nunc si clausa mea est, & copia rara videndi,*

*Hei miserum. laxam quid juvat esse togam?*

Persius satyra 5. [vs. 30. seqq.]

*Quum primum pavido custos mihi purpura cessit,*

*Bullaque succinctis laribus donata pependit,*

*Quum blandi comites, totaque impune saburra*

*Permisit sparsisse oculos jam candidus umbo.*

Sic intellige hos versus Ovidii, [lib. 1. Art. Am. vs. 41.]

*Dum licet, & loris passim potes ire solutis,*

*Elige cui dicas: tu mihi sola places.*

Respexit siquidem Ovidius ad id temporis quo veste laxa & soluta uti licebat, submoto omni custode: licet Bartholomæus Merula foede in ejus loci interpretatione erraverit, nescio quid de curis commentus: quasi per illas passim ire non liceat.

De hac oratione pro Coelio meminit Suetonius Tranquillus in libello de Claris Rhetoribus [cap. 2.] his verbis, ubi de Plotio Gallo verba facit: *Hunc*

*eun-*

*eundem* (inquit) *Marcus Coelius* in oratione, quam pro se de vi habuit, significabat dictasse a *Cratino* accusatori suo actionem (a). Vides quam sit hic prodigiosum erratum. Neque enim a *Cratino*, sed *Atratino* legi debet.

C A P U T XIV.

*Locus restitutus apud Lucium Florum, capite 18. libri III.*

Circumferuntur quatuor libri rerum a Romanis gestarum Lucio Floro auctore, qui tamen cujusdam Marci Annæi esse lectitantur in codice manu scripto & istud nomen παρεμβεβλημένον εἶναι satis arguit quædam Epitome in Livium sub eadem inscriptione evulgata, hinc illuc, nisi fallor, transfuso titulo. Utcunque res sit, locus unus apud eundem mendose scriptus est, neque Beroaldi, neque Camertis opera castigatus, libro III. cap. 18. *Primum* (inquit) *fuit belli in Albano monte consilium, ut festo die Latinarum Sextus Lucius Cæsar, & Martius Philippus Coss. inter sacra & aras immolarentur.* At sic legendum est: *Sextus Julius Cæsar, & Lucius Martius Philippus.* Id ego perspicuum facio ex Suetonio Tranquillo in *Cajo Julio Cæsare* (b). *Consules* (inquit) *ante Dictatorem fuerunt Sextus Julius Cæsar cum Lucio Martio Philippo.* Sed & apud Julium Ob-

(a) Orationem Ciceronis pro Coelio ab ea, quam memorat Suetonius, distinctam fuisse; & hanc esse deperditam monet Vinetus ad h. Suetonii locum: & recte: illius enlm, quam pro se ipse habuit Coelius, tanquam à sua diversæ meminit Cicero pro Coelio cap. 19. ubi *Abramus* docet in notis, Coelianæ orationis fragmentum superesse apud *Quintilianum Inst. Orat. L. XI. c. 1.* Et extat etiam aliud apud *Festum* in V. *Oreæ.*

(b) Recte adscribitur huic loco in *Thesaurio Juris.* Verba hæc in *Suetonii Cæsare* non extare: *Eutropium* vero princ. lib. 7. horum Consulum meminisse.

Obsequentem *de prodigiis* [cap. 114.], idem reperitur: ubi describuntur prodigia visa *Lucio Martio & Sexto Julio Consulibus*. Quod si quis fuerit *Lucius Julius Cæsar*, is Consul fuit cum *Publio Rutilio Lupo*, ut res Romanas peruestigantibus potest liquere.

## CAPUT XV.

*Unde natum sit proverbium, Aliquid monstri alere.*

**M**onstrum alitur, ubi quid occulti vitii latere significamus. Pamphilus in *Andria*. [Terentii *Act. 1. sc. 6. vs. 16.*] *Aliquid monstri alunt, ea quoniam nemini obtrudi potest, itur ad me.* Erasmus existimavit inde natum proverbium, quod *monstra* ob pudorem clanculum aluntur & occultantur. Ego puto sumptum istud fuisse ex constitutione Romuli, qui prohibuerat monstra in urbe ali. Ergo ubi quid clanculum fit, puta contra legem, & ubi celatur vitium, *monstrum ali* proverbialiter dicitur.

## CAPUT XVI.

*Locus emendatus in Andria Act. 2. sc. 2. v. 14.*

**R**ivius minima quæque observavit apud Terentium. Sed & illud observationem promerebatur, *Hem*, pro *En*, parum eleganter legi in *Andria*, [Act. 2. sc. 2. vs. 14.] hoc modo. P. *Obsecro te, quamprimum hoc me libera miserum metu.* D. *Hem, Libero: uxorem tibi jam non dat Chremes.*

Ecquis enim unquam legit, *Hem* demonstrative poni? At Donatus. [in eum locum.] *En* (inquit) ecce. *Demonstratio est facti.*

C A.



CAPUT XVII.

*Restitutus locus in inscriptione Eunuchi.*

**I**nscriptio *Eunuchi* fere ab omnibus corruptissime lecta est, quod sine flagitio prætermittendum non erat à Rivio. Ibi enim ita scribitur: *Acta ludis Megalensibus, L. Posthumio. L. Cornelio ædilibus curulibus. Egit Lucius Ambivius Turpio, L. Attilius Prænestinus tibiis duabus dextris. Tu expunge hoc postremum verbum, & substitue. Tibiis duabus dextra & sinistra.* Ratio hujusce correctionis est, quod in hac comoedia plurimum joci seriæ gravitati permiscetur: quod quum accidebat, tibiis duabus agebantur comoediæ, dextra & sinistra. Sed & istud, repugnantibus quibuslibet, satis probatur ex Donati prolegomenis in eandem comoediam. *Acta plane est* (inquit ille) *Eunuchus ludis Megalensibus L. Posthumio, L. Cornelio ædilibus curam ædium habentibus. Etiam tunc personatis L. Numidio Posthumio, L. Ambivio Turpione. Item modulante Flacco Claudio tibiis dextra & sinistra, ob jocularia multa permixta gravitate.*

CAPUT XVIII.

*Restitutus locus apud Donatum.*

**D**onatus in illum locum Terentii, [*in Eunuchō Act. 3. sc. 4. vs. 2.*] *Ut de symbolis essemus. Essemus* (inquit) *legendum est producta e litera.* Quæ verba Donati à mediocriter eruditis non intelliguntur. Sciendum ergo hæc illius verba ad naturam dictionis referri oportere. Nam verbum, *Essem*,

priorem habet natura correptam, si a *sum* descendat, licet eadem syllaba positione producat. Si autem, *Essem*, defleatur à verbo, *Edo*, priorem habet natura longam, & positione. Quod ad naturam attinet, consule secundam personam utriusque verbi. *Es*, si a *sum* veniat, corripitur. si ab *Edo* producit. Quid ergo mirum si in reliquis temporibus & personis utrobique natura sua constet? Illud certe est quod scribit Fabius, syllabarum quasdam esse longiores, quasdam longissimas. Nam longior est ea syllaba, quæ cum naturali productione positionem quoque conjunxit: cujusmodi est verbum *essem*, ab *Edo*, in illo loco, *Ut de symbolis essemus*. Et in *Andria*. [Act. 1. sc. 1. vs. 53.]

Filius

—————  
*Perduxere illuc secum, ut una esset, meum.*

Ubi Donatus. *Producte legitur, esset, ut cibum capiat. Et correpte, ut alibi*. [Act. 3. sc. 5. vs. 26.] *Essem una qua cum cupiebam Antipho*. Qui tamen Donati locus in omnibus exemplaribus mendose legitur.

## CAPUT XIX.

*Duo loci in Prologo Heautontimorumeni, in quibus cæcutiunt omnes Interpretes.*

**V**idi magnos (si diis placet) Grammaticos errare in loco apud Terentium non admodum difficili, qui sic habet.

*Ne cui vestrum sit mirum, cur partes seni*

*Poeta dederit, quæ sunt adolescentium.*

*Id primum dicam. deinde quod veni eloquar.*

*Ex integra &c.*

Objiciebam promissis non stetisse Prologum, qui  
quum



quum promississet se dicturum cur partes seni poëta dedisset, quæ erant adolescentium, id primo loco non attingit. Respondebant illi esse hysteron proteron. Quo dicto quid ineptius? Versus ergo ille: *Id primum dicam*: non debet referri ad præcedens, *Cur partes seni poëta dederit*, sed ad sequentia, *Ex integra Græca, &c.* Sententia est: *Dicam cur partes seni poëta dederit, quæ sunt adolescentium, si præmiserò, ex integra Græca integram Comoediam me acturum.*

Alter est locus, iisdem plane ignoratus, quare *Heautontimorumenos* dicatur *Comoedia duplex*. [*in Prologo vs. 6.*] Omissis eorum nugis dic causam esse, quod duobus diebus acta fuerit. Quod certissimum cognosces ex *Act. 3. Sc. 1. vs. 1.*

*Lucefcit. Hoc jam cesso pulsare ostium vicini?*

## CAPUT XX.

*De nomine Heautontimorumeni, & quo habitu Menedemus in Scenam prodierit.*

**Q**uid significet *Heautontimorumenos*, sic exponit Horatius. [*lib. 1. Serm. Sat. 2. vs. 19. seqq.*]

*Hic vix credere possis  
Quam sibi non sit amicus. ita ut pater ille, Terenti  
Fábula, quem miserum nato vixisse fugato  
Inducit. non se pejus cruciaverit atque hic.*

At quo habitu ὁ ἑαυτὸν τιμωρόμενος in scenam prodierit, his verbis declarat Varro libro 2. [*de re rustica. cap. 11.*] Capra (inquit) pilos ministrat ad usum nauticum, & ad bellica tormenta, & ad fabrilia vasa. Neque non quædam nationes harum pellibus sunt vestitæ, ut in Getulia & Sardinia: cujus usum apud antiquos quoque Græcos fuisse apparet, quod in Tragoediis *Jenes* ab hac pelle vocantur διφθερίαι. Et in Comoediis  
qui

qui in rustico opere morantur, ut apud Cæciliū in Hypobolimæo habet adolescens, apud Terentiū in Heautontimorūmeno senex. Hæc ille. Eodem vestimenti genere uti fecit suū Laërtem Homerus *Odys.* xxiv., si satis memini. [*vs.* 226. *seqq.*]

Adde sexagenarios senes in Comoediis induci solitos, ex sententia Varronis & Donati, [*ad Adelph. Act.* v. *sc.* 8. *vs.* 15.] & ideo non temere scribitur. [*Act.* i. *sc.* i. *vs.* 10.]

*Annos sexaginta natus es.*

Item alius est locus [*in ead. Comoed. Act.* i. *sc.* 3. *vs.* 18.] qui parum concinne, mea quidem sententia, exponitur a Calphurnio: ego acutiorem interpretationem ponam.

Chrem. *Quid narrat? Clit. quid ille? se miserum esse. Chrem. Miserum? quem minus credere est? Quid reliqui est, quin habeat quæ quidem in homine dicuntur bona:*

*Parentes, patriam incolumem, amicos, genus, cognatos, divitias?*

Hunc locum sic exponit Calphurnius. Non est (inquit) censendus miser, qui potest habere parentes, patriam incolumem, amicos, genus, cognatos, divitias. Ego vero existimo hic miserum pro innocente accipi, hoc sensu. Chr. *Quid narrat? Clit. se miserum esse, id est, innocentem, & nimis duro patris imperio coactum patria excessisse.* Chr. *Innocentem ais?* imo nihil minus est quam innocens, quippe per quem stat, quo minus habeat, quæ in homine dicuntur bona. Nam scelestus est, & non ferendus, qui sua culpa in rebus optimis & maximis sibi dæst: quique patria carere mavult, quam in eadem manere obtemperando patri. At ne suspecta videatur hæc nostra interpretatio, audiamus Terentiū in *Hecyra* [*Act.* 3. *sc.* 6. *vs.* 21.]

*Mirr.*

*Mirr.* Misera sum, id est innocens, interprete Donato. Phidipp. Utinam sciam ita esse istuc. te scilicet esse innocentem. Et certum est apud bonos auctores miseros vocari, qui nulla sua culpa in calamitatem sunt redacti. Quintilianus in *Declamationibus*: Omnium, quos miseros unquam fecere virtutes, innocentissimus. Virgil. lib. XI. [*Aen.* vs. 119.]

— — Miseris supponite civibus ignem.

Id est, aliena culpa pereuntibus, secundum Servium.

Sunt & plerique leviores loci in quibus desidero diligentiam Calphurnii. Ego unum & alterum attingam: [*in ead. Comoed. Act. I. sc. 4. vs. 15.*]

*Mea est potens, procax, magnifica, sumptuosa, nobilis.*

Nobiles dicuntur fere apud Comicos meretrices, & gladiatores, quod non puduit Donatum alibi indicare. Sic Cicero in ea oratione quam habuit antequam iret in exilium, dixit, *Resistere nobilium furori.*

Ibid. [*Act. 2. sc. 2. vs. 11.*]

*Viden' tu ancillas, aurum, vestem?*

Vestem vocabant veteres vestium apparatus & ornatum, vestitumque magnificum. Cicero in oratione in Vatinium [*cap. 13.*] Omitto festum diem, argento, veste, omni apparatu, ornatuque visendo. Pari modo usurpant Græci τὴν ἰσθῆτα. Lucianus in *Alectryone* [*cap. 12.*] τὴν ἰσθῆτα καὶ τραπέζας, καὶ ἱκώματα, πάντα ἐμὰ εἶναι; id est, Vestem, & mensas, & pocula omnia mea esse.

Ibid. [*vs. 49.*]

*Capillus passus, prolixus, circum caput Reiectus negligenter. Pax.*

*Pax*; tantummodo significat auctore Prisciano. [*lib. 15. p. 1015. Ed. Putschii.*] Græci tamen pro, Pa-

Papæ, illud videntur accipere (a). Lucianus *in Fugitiviis* in fine.

Φεῦ τῶν κακῶν ὅτιοι. παπᾶ, παιᾶξ.

Ibid. [v. 59.]

*Nam disciplina est eisdem, munerarier*

*Ancillas primum, ad dominas qui affectant viam.*

Ovidius legem illam & disciplinam his versibus sic est persequutus. [Art. Am. lib. I. v. 351. seqq.]

*Sed prius ancillam captatæ nosse puellæ*

*Cura sit: accessus molliet ista tuos.*

*Proxima consiliis dominæ sit ut illa, videto.*

*Neve parum tacitis conscia fida jocos.*

*Hanc tu pollicitis, hanc tu corrumpere rogando:*

*Quod petis, ex facili, si volet illa feres.*

Ibid. [Act. 3. sc. I. v. 11.]

*Somnum hercle hac nocte oculis non vidi meis.*

Videre somnum, hujus loci imitatione dixit Cicerone, *Epist. 30. Familiarium lib. VII. Fuit* (inquit) *mirifica vigilantia, qui suo toto consulatu somnum non viderit.* Idem *Epist. I. ad Atticum lib. VIII. non somnum videre, sed capere dixit. Ego* (inquit) *si somnum capere possem tam longis te epistolis non obtunderem.*

Ibid. [Act. 4. sc. 3. v. 1.]

*Me Syri promissa huc induxerunt.*

Proprie dicuntur feræ induci in retia. Unde ad fraudem amatoriam transfertur. Tibullus [lib. I. eleg. 6. in pr.]

• Sem-

(a) Errat Avellanus. Nec quidquam huc facit adductus Luciani locus. Aliud Græcis est παιᾶξ, aliud παῖξ, de quo adverbio vide quæ notarunt Lindenbrogius ad Terent. *Heautont. IV. 3. 39.* & Ill. Scaliger ad Plaut. *Mil. Glor. III. 1. 39.* ex quibus utramque suam notam ad Terentium descripsit Westerhovijs.

*Semper ut inducar blandos offers mihi vultus,  
Post tandem es misero tristis & asper amor.*

Infiniti sunt hujusmodi loci (specimen enim tantum dare volui) prætermisſi a Calphurnio, quos aliquando accuratius tractabimus, ſi dabitur.

C A P U T XXI.

*Explicatus locus Ciceronis libro I. de Legibus  
cap. I. de auspicio Aquilæ.*

**C**icero libro I. de Legibus, meminit cujusdam auſpicii, de aquila evolante ex quercu, quod pauci pro dignitate tractant. Sic ille ſcriptum reliquit. [cap. I.] *Quare glandifera illa quercus, ex qua olim evolavit*

*Nuncia fulva Jovis, miranda viſa figura &c.*

Quem totum locum elegantiffime deſcribit idem Cicero libro I. de divinatione cap. 47. his verbis: *Quid eſt, inquit, illo auſpicio divinius; quod apud te in Mario eſt, ut utar potiſſimum te authore.*

*Hic Jovis altiſoni ſubito pinnata ſatelles  
Arboris e trunco ſerpentis ſaucia morſu  
Subſilit: ipſa feris tranſfigens unguibus anguem  
Semianimem, & varia graviter cervice micantem;  
Quem ſe intorquentem lanians, roſtroque cruentans,  
Jam ſatiata animos, jam duros ulta dolores,  
Abjicit efflantem, & laceratum affligit in unda:  
Seque obitu a ſolis nitidos convertit in ortus.*

*Hanc ubi præpetibus pennis, coeloque volantem  
Conſpexit Marius divini numinis augur;  
Faſtaque ſigna ſuæ laudis, reditusque notavit.  
Partibus intonuit coeli pater ipſe ſiniſtris.*

*Sic Aquilæ clarum firmavit Juppiter omen.*

Horum tamen verſuum aliqui in nonnullis exemplaribus



ribus mendose leguntur. Quod attinet ad aquilam quæ hic appellatur *Nuncia Jovis*, certum est & eam alitem atque armigeram Jovis dici propterea quod fulmine sola non exanimetur: secundum Plinium [*H. N. lib. 10. cap. 3.*] Cicero *Quæstionum Tusculanarum libro 2. cap. 10.* ex Æschylo vertit: *Jovis satellitem.*

Alter est locus quo haud scio an ullus sit difficilior: ibi [*eodem lib. 1. eod. cap.*] *ab Aquila Tarquinio apicem impositum putent.* Nihil legi quod huc pertineat, nisi apud Dionysium Halicarnasæum. [*lib. 3. pag. 195. Ed. Sylburg.*] *Tarquinio regnanti* (inquit) *Hetrusci detulerunt insignia, quibus ipsi reges suos adornabant. Coronam videlicet auream, sceptrumque habens super caput aquilam. Tunicam purpuream cum signis aureis: & amictum purpureum fimbriatum. Tulerunt etiam ei duodecim secures sumptas ex urbibus singulis singulas, quas cum virgarum fasce lictores ante regem ferebant (a).*

## C A P U T XXII.

*An adulterium natura turpe sit.*

**P**robra (inquit Ulpianus) [*l. 42. D. de verbor. signif.*] *quædam natura turpia sunt, quædam civiliter & quasi more civitatis, ut puta furtum: adulterium est natura turpe.* Andreas Alciatus existimavit defendi posse, furtum turpe natura non esse, quod passim gentium, ut apud Lacedæmonios, in numero delictorum non habeatur. Sed eo mihi ille errare visus est, quod neget defendi posse, adulterium turpe natura non esse. Qua enim ratione dicimus furtum turpe natura non esse, quia apud non-

(a) Errare Avellanum docuit Davis. ad Cicer. l. c.

nonnullos impune furari licet: eadem ratione possumus dicere adulterium turpe natura non esse: quia apud quasdam gentes, adulterium criminis loco non ducitur. Nam Mirrha apud Ovidium, *lib. x. Metamorphoseos* [vs. 320. seqq.] pluribus argumentis certat ostendere, incestos amores quam adulterium natura graviores, ut ait Papinianus, jure naturali, quod & gentium appellatur, in reprehensionem non incidere. Versus Ovidii bellissimos hic libuit inferere.

*Et secum. quo mente feror? quid molior? inquit.  
Dii precor, & pietas, sacrataque jura parentum,  
Hoc prohibete nefas, scelerique resistite nostro.  
Si tamen hoc scelus est. sed enim damnare negatur  
Hanc venerem pietas. coeunt animalia nullo  
Cætera delectu. nec habetur turpe juvencæ  
Ferre patrem tergo. fit equo sua filia conjunx,  
Quasque creavit init pecudes caper. ipsaque ejus  
Semine concepta est, ex illo concipit ales.  
Felices quibus ista licent. HUMANA MALIGNAS  
CURA DEDIT LEGES, ET QUOD NATURA  
REMITTIT,  
INVIDA JURA NEGANT. gentes tamen esse  
feruntur,  
In quibus & nato genitrix, & nata parenti  
Fungitur, & pietas geminato crescit amore.  
Me miseram, quod non nasci mihi contigit illic:  
Fortunaque loci lædor.*

Cæterum pro Alciato facit, quod scribit Papinianus, incestum Jure gentium prohiberi. At ego intelligo tale jus gentium, cui præluceat ratio ejus faciendi vel omittendi, quod apud plures Respublicas bene constitutas fere inveteravit. & istud æque patet ad damnandum furtum ac adulterium, ut nihil pensi habuerit Alciatus, cur aliud assereret in



furto quam adulterio. De tali jure, quod ratione regitur, sentit Chrysostomus, qui loquens de Republica Platonis & Zenonis, eos dicit Πολεμῆν τῇ ἡμῶν φύσει, quando nudatas virgines in hominum conspectum producunt, καὶ λαθραῖα κατασκευάζει γάμους, & quando passim furtum fieri non vetant. Addam hoc unum, errasse Raphaëlem Regium in interpretatione horum versuum.

—————      —————      —————  
Gentes tamen esse feruntur,  
In quibus & nato genitrix, & nata parenti  
Fungitur.

Hos versus ille exponit de Troglodytis, de quibus nihil tale legimus. Sequar potius Catullum, qui Persarum istud proprium & præcipuum fuisse ostendit in hunc modum. [Epig. 91.]

Nascetur magus ex Gelli matrisque nefando  
Concubitu. & discet Persicum Aruspicium.

Nam magus ex matre & nato gignatur oportet,  
Si vera est Persarum impia religio.

D. quoque Augustinus eam fuisse Persarum consuetudinem confirmat, explicans caput Levitici XVIII. quod est de vetitis nuptiis. De his personis ergo (inquit) videtur loqui, quæ possent non habentes viros in matrimonium convenire, nisi lege prohiberentur, sicut fertur esse consuetudo Persarum. Idem etiam legitur apud Servium Aenëidos VI. illo versu [623.]

Et thalamum invasit natæ, vetitosque hymenæos.  
Vetitos (inquit) legibus. Nam dicendo vetitos, ostendit aliquando fuisse non vetitos, velut est apud Persas hodie. Unde Donatus male ait, natura & legibus vetitos. Quod spectat ad præcedentia, Cicero lib. I. Officior. [cap. 35.] pari loco ponit furta & adulteria, Latrocinari, (inquit) fraudare, adulterari re turpe est.

C A P U T XXIII.

*Qua ratione capti in bello non occidantur ,  
sed servantur.*

Q uæsitum est a permultis quid causæ esset , cur in bello capti servi fierent hostium. Petrus Perticanus & Jacobus Ravennas id ex necessitate factum contendunt , propterea quod nisi servi efficerentur , eorum bona una cum persona ad hostes ipsos transirent. Quæ ratio displicuit Joanni Fabri: non enim possent captivi bona sua ad hostes transmittere , quæ in promptu non haberent. Quare aliud dicendum ille censuit. Ideo scilicet servitutem istam introductam , quod nisi captivi servi fierent , cogerentur ad contrahendum vel testandum in utilitatem eorum , qui victoria potiti essent: vel etiam illud ipsum sine vi , favore hostium facerent. Alciatus non sine stomacho insectatur hanc rationem Joannis Fabri. *Quasi* (inquit ille) *non restitueretur , qui vi vel metu contraxisset.* Sed ego respondeo pro Joanne Fabri , Alciati reprehensionem fringere. Licet enim restitutio postea impetrari possit , non sequitur tamen , quin nostra intersit nos non esse obligatos: quia si vel restitutio vel exceptio omitteretur , utendum esset iure communi , & promissum exoluendum , qua consideratione talis servitus potest videri fuisse introducta. Item Alciatus non subvertit alteram partem distinctionis Joannis Fabri , quando favore hostium sine dolo vel metu iniissent contractum. Nemo enim dicat tam fatuum esse Prætorem , ut rescindere id velit , quod metu vel dolo gestum non esse constat , quasi dolo vel metu gestum sit. Fuit

& Jafoni sua ratio, ideo captivos in servitutem redigi, ne si victores nihil lucri consequerentur ex victoria, personas misere trucidarent, utpote inutilia mancipia. Sed ne hanc quidem probavit Alciatus, quum pariter latronum servi esse deberemus, ut hac qualicunque libertatis nostræ jactura, vitæ consuleremus, quoniam non minus periculi vitæ nostræ imminet a latronibus quam hostibus. Defendi potest Jason contra Alciatum: idem in bellis & latrociniiis non esse asserendum; quod si in latrociniiis servitus illa frequentaretur, aperiretur ingens fenestra ad delinquendum. Hisce itaque rationibus omnibus reprobatis suam sic stabiliiit And. Alciatus. *Quum bella (inquit) e jure gentium orta sint, & utrinque licita, nullaque sit inter alienigenas & Romanos differentia, quantum buc attinet, merito est introductum, ut inde tam Romani quam hostes lucrarentur, atque captivi fierent servi hostium.* Hæc Alciati ratio non ita multum differt a ratione Jasonis, quam supra retuli. Sed nos jam aliquid probabilius cæteris afferamus. Dicimus servitutem istam jure belli emerfisse, quo omnia licent in victos, sive venum exponantur, sive eis quidvis imperitetur, sive trucidentur. At quoniam lege Græcorum, unde profluxerunt jura Romanorum, prohibitum est, ne captivi trucidarentur, sed servarentur; inde servi vocati sunt, quos in bello interceptos lex jubebat servari, non occidi. Lex sic scripta erat.

Τῶν αἰχμαλώτων μηδένα βούλομαι θανεῖν.

Id est.

*Neminem e captis sciens cædi sinam.*

Ejusdem legis meminit Euripides in *Hecuba*. [vs. 291.]

Νόμος δ' ἐν ὑμῖν τοῖς τ' ἐλευθέροις ἴσος

Καὶ τοῖσι δούλοις αἵματος κεῖται πέρι.

Id

Id est,

*Lex æqua porro apud vos de sanguine,  
Servisque liberisque capitibus stata est.*

Hoc igitur uno sublato victos posse interfici, reliqua omnia belli jura victoribus integra remanserunt, quorum nonnulla his versibus continentur ex eodem authore. [vs. 357.]

*At serva nunc sum: protinus vocabulum hoc  
Minime assuetum facit, ut expetam mori:  
Dein forsitan continget immitis mihi  
Hærus, ære me quicumque commercabitur  
Et Hectoris quondam sororem, & plurium:  
Adigensque vi me pinsere in tectis, solum  
Verrisse coget, staminique insistere,  
Vitam exigentem duram, & illætabilem.*

# CAPUT XXIV.

*Emendatus locus in l. quum duobus 52. § si  
in coëunda 2. ff. pro Socio. unde sensum  
vix elici posse dicebat Budæus.*

**H**ic locus multum torquet Doctos, qui in vulgatis omnibus exemplaribus sic legitur: *Et Celsus libro septimo Digestorum ita scripsit. Socios inter se dolum & culpam præstare oportere. Si in coëunda societate (inquit) artem operamve pollicitus est alter, velut quum pecus in commune pascendum, aut agrum pollicitatori colendum damus, in commune quaerendis fructibus, nimirum ibi etiam culpa præstanda est. Precium enim operæ, artis est velamentum. Quod si rei communi socius nocuit, magis admittit culpam quoque venire.*

Budæus omnium, qui ætate nostra vixerunt doctissimus, hinc sensum vix elici posse dicebat Ulpiani



piani sententiæ congruum : nisi quis (inquit) hunc sensum esse putarit, operæ precium enim artis est velamentum, pro eo quod est, magni æstimandum est, & magni pendendum. Quæ tamen interpretatio durissima omnibus visa est, & ideo non recepta. Sed neque illa lectio probatur. *Precium enim operæ & artis est velamentum* (a). Hoc est, ἀντάξιός γάρ η̃ τὴν τῆς τε ἐργασίας, καὶ τῆς τέχνης. Siquidem *velamentum* non est dictio latina. Nos in codice manu scripto, quum de eo loco dubitaremus, paulo diversam lectionem animadvertimus. Ibi sic legitur. *Precium enim operæ artisve est æquamentum*: Quæ lectio verissima est, & a tenebris remotissima, & ejusmodi, ut quæ facile corrumpi potuit ex particula, *ve*, suo loco mota. Sententia est. Aequissimum est tum culpam admissam præstari, quando alter fundum, alter operam præstat. Neque est quod putet alterutèr se esse altero potiozem quasi rem parem non præstante. *Precium enim operæ vel artis, id est, æstimatio, æquat fundum*

(a) Sic ex prima hujus libelli editione imprimendum curavi; cum in Cl. Ottonis *Thesauro Juris* hic legatur: *pretium enim operæ & artis est velamentum*; & mox: *siquidem velamentum non est dictio Latina*. Qui error Typographicus Virum Clariss. impulit, ut in Præf. ad Tom. I. *Theaur.* p. 44. scriberet. Nec video cur Avellanus neget, *velamenti* vocem satis esse Latinam, qua Livius, Tacitus, Seneca & Tertullianus utuntur. Sed fallitur Cl. Otto. Nunquam enim *velamenti* vocem improbavit Avellanus: sed *valementum* Latine dici posse negat, respiciens scilicet ea, quæ scripsit Budeus in *Annot. ad Pandect. ad h. L. 52. Pro Socio.* ubi ita loquitur Vir Doctiss. *Quod si legas valementum, ut sit: Pretium enim operæ & artis est valementum: hoc est, ἀντάξιός γάρ η̃ τὴν τῆς τε ἐργασίας καὶ τῆς τέχνης, occurrit non esse dictionem Latinam valementum, nec Ulpiano convenientem.* Cæterum inter varias vexatissimi hujus commatis emendationes & explanationes, multum mihi adridet Avellani hæc correctio, cum ea menti Jcti satis convenire videatur. Fateor illam longiuscule à scriptura Codicis Florentini recedere: sed in magnis morbis graviora etiam remedia possunt adhiberi. *Vulgatæ autem*

dum ipsum, & contra. Simile habes apud Plautum, [*Afinar. Aët. I. sc. 3. vs. 20.*] *Par pari datum hostimentum est, opera pro pecunia.* Sic ergo emendandus est hic locus, antea, ut vides, depravatissimus.

CAPUT. XXV.

*Restitutus locus in 1. Idem Pomponius scribit: si frumentum. 5. §. sed si plumbum. 1. ff. de rei vindicatione, qui hactenus non est intellectus.*

**S**ed si plumbum (inquit Ulpianus) cum argento mixtum sit, quia diduci potest, nec communicabitur, nec communi dividundo agatur, quia separari potest, agatur autem in rem actione. Sed si diduci (inquit) non possit, ut puta si æs & aurum mixtum fuerit, pro parte esse vendicandum nequaquam erit dicendum, quod de mulso dictum est, quia utraque materia, etsi confusa sit, manet tamen. Accursius dupliciter hic speciem po-

tem explicatio, quas habent Otto l. c. Marcellus ad §. 2. l. de societate. aliique, mihi non admodum probantur, longius quippe petitz, & à mente Celsi alieniores. Si enim ad verba legis attendamus, quærere videtur Jctus, num si societas operæ & rei sit inita, etiam dominus rei culpam præstet in re sua: & ait, ibi etiam culpam præstandam esse. Ratio cur censeam Jctum potius agere, an culpa à domino rei sit præstanda, quam de eo qui operas confert, est in verbis sequentibus. Quod si rei communi socius nocuit, magis admittit, culpam quoque venire: ubi quædam gradatio occurrit. Scilicet primo quærit Jctus, num societate rei operarumque inita rei dominus culpam præstare debeat, de quo dubitari posse videbatur, cum nemo culpam præstet in re sua. Sed respondet, culpam etiam hic à domino rei præstandam esse, cum operæ artisque pretium ab altero socio adhibitz dominium æquet. Pergit. Quid si rei communi socius nocuit. tumque magis admittit, culpam quoque venire. Si enim in re mea, de qua societatem contraxi, culpam præstem; multo magis eam præstare debeo in re, quæ utriusque communis est.

ponit, sed neutro modo rem attingit. *Primum* (inquit) *si nullo modo separari possit æs ab auro, communi dividundo agitur, & pro parte vendicatur, & tunc non idem est quod in mulso quod specificanti cedit.* Hæc species reprobatur ab eodem, quia æs ab auro artificum opera separari potest, *l. lacus 12. §. si ære 1. ff. de acquir. rer. dom.*

Secundo modo sic fingitur species. *Si æs ab auro facile separari non potest, tunc pro parte vendicatur: sed nec communicatur, nec communi dividundo agitur, nec erit dicendum quod a quibusdam de mulso dicitur, licet male, scilicet ut communicetur.* hanc speciem probat Accursius. Ego vero ineptissimam arbitror: quia omni casu æs ab auro opera artificum pari facilitate separari potest, ut propter istam facilitatem & difficultatem diversum jus introducendum non fuerit. Præterea species hæc, quam sequitur Accursius, implicat contraria: dicit enim compositum ex ære meo & argento tuo, a me vendicari posse pro parte, neque tamen esse commune, quam interim sola communia pro parte vendicari possint, *l. Marcellus 3. §. Pomponius 2. ff. de rei vendicat.* alias si casu meum æs cum tuo argento confusum sit, non vendicabo compositum pro parte, sed id tantum quod meum erit, quoniam separabile est. Et verba illa inserta contextui: *quia utraque materia, etsi confusa sit, manet tamen:* significant nequaquam totum compositum vendicari posse pro parte cujusque, quia licet utraque materia æris & argenti confusa sit, manet tamen, ut mirum non sit, si totum æs per se vendicari ab uno debeat, & totum argentum ab altero: non autem simul æs & argentum ratione solius æris vel solius argenti. Accursius certe in explicatione horum postremorum verborum fluctuat, nescius, quo po-



potissimum rationem illam accommodare debeat. Tu igitur fide vetusti exemplaris expunge particulam negativam præpositam verbo, *possit*: & omnia erunt planissima. Neque dubito quin mecum sensurus sit, quisquis paulo diligentius adverterit Ulpianum in posteriori illo dicto referre verba Pomponii, cujus autoritate sententiam suam confirmat. Quum igitur Ulpianus docuisset, si plumbum cum argento permisceretur, non futurum commune, nec tum actionem communi dividendo competere posse, sed actionem in rem: citavit verba Pomponii, quod in §. 1. & 2. *ejusdem legis* fecit. & huic lectioni appositive quadrat particula, *inquit*, ibidem posita.

C A P U T XXVI.

*Restitutus locus in 1. Placet 2. C. de Pedaneis iudicibus.*

**A**ccursius impudenter admodum & inscite melius loqui potuisse Imperatores Diocletianum & Maximianum in hoc contextu scripsit. *Placet nobis, Præsides de iis causis, in quibus, quod ipsi non possent cognoscere, antehac Pedaneos Iudices dabant, notionis suæ examen adhibere: ita tamen ut si vel propter occupationes publicas, vel propter causarum multitudinem, omnia huiusmodi negotia non potuerint cognoscere, Iudices dandi habeant potestatem. Quod non ita accipi convenit, ut in iis etiam causis in quibus solebant ex officio suo cognoscere, dandi iudices licentia eis permissa credatur. Quod usque adeo in Præsidium cognitione retinendum est, ut eorum iudicia non diminuta videantur: dum tamen & de ingenuitate, super qua poterant etiam ante cognoscere, & de libertinitate Præsides ipsi dijudicent. Melius dixissent Imperatores (inquit Accursius) sed & de ingenuitate, ubi dixerunt, dum*

*tamen* & *de ingenuitate*. At unde nobis ista correctio? Nimirum quia Accursius non intellexit contextum, neque ullus alius eorum qui Accursium sequuti sunt. Itaque nosse oportet, voculam, *eorum*, depravatam esse, & concisam ex verbo *Pedaneorum*. Significant igitur Imperatores, *Pedaneorum judicia non esse diminuta*: eos scilicet delegari posse in omnibus causis, in quibus prius delegabantur, cum ea modificatione quæ initio hujus legis posita fuit, id est, occupatis Præsidibus in cognitione causarum publicarum: dum tamen Præsides in posterum de causis Ingenuitatis & libertinitatis cognoscant, de quibus ipsi Pedanei prius poterant cognoscere. Varie hic errant interpretes. Primum, dicunt illi Præsidum judicia non esse diminuta, quum textus loquatur de Pedaneis, & horum judicia non esse diminuta innuat. Deinde illa verba, *de ingenuitate super qua poterant etiam ante cognoscere*, male referuntur ad Præsides, quum de Pedaneis sint intelligenda. Postremo verbum *dijudicandi*, positum in textu, non recte restringitur ad pronuntiationem sententiæ. Nam modus ille delegandæ causæ reservata sibi sententia multis post hanc legem annis introductus fuit. Ad stabiliendum hunc intellectum probari oportet, iudices Pedaneos potuisse olim cognoscere de causis Ingenuitatis & libertinitatis. Affero legem, *Si manumissus 2. C. de libertis* & *eorum liberis*. *Si manumissus* (inquit Constantius Imperator) *ingratus circa patronum suum extiterit, & quadam jactantia vel contumacia cervicem adversus eum erexerit, aut levis offensæ contraxerit culpam, a patrono rursus sub imperium ditionemque mittatur, si in judicio, vel apud Pedaneos iudices patroni querela exorta eum ingratum ostendat*. Ex his verbis constat Pedaneos iudices de causis libertinitatis & ingenuitatis po-

tuisse

tuiffe cognoscere. Quod si mihi fortasse objicias, Constantium Imperatorem post Diocletianum & Maximianum floruisse, quæram quid causæ sit, cur Pedanei Judices prius de illis causis cognoscere non poterant, de quibus, ut ostendi, cognoscere postea potuerunt: præsertim quum non ita multum temporis inter utrosque intercesserit. Ex præcedentibus intelligitur *l. cum proponas 6. C. de Reb. Cred. & jurejurando*, male hætenus exposita in arbitro compromissario. Ea enim intelligi debet in iudice Pedaneo, qui alias *arbitr* frequentissime nominatur. Illius legis iidem authores sunt Diocletianus & Maximianus. *Cum proponas* (inquiunt) *partibus placuisse, jurisjurandi religione, generis & ingenuitatis questionem decidi, Præses provincie juxta decretum arbitri amittæ tuæ filiis consulet.* Vulgatam interpretationem reprehendo ex *l. non distinguemus 32. §. de liberali 7. ff. de receptis arbitris*, ubi causa ingenuitatis & libertinitatis prohibetur tractari apud arbitros compromissarios. Hanc argumentationem sensit Lodoicus Romanus, quam ut eluderet dixit; *d. l. cum proponas 6.* loqui in casu incidenti, non quando principaliter causa ingenuitatis vel libertinitatis tractaretur ab arbitris compromissariis. Is igitur singulari cccclxvi. ponderat hunc textum ad hoc, quod *arbitr* incidenter cognoscere potest de causa status. Velim mihi respondeat Lodoicus Romanus, aut quisquis alius ei assentitur, quod verbum excerpti ex hoc contextu possit, unde subolere possit causam ingenuitatis non principaliter, sed incidenter hic actitatem fuisse. De iudice igitur Pedaneo accipi id debet, ut longe verissima sit nostra sententia.

## CAPUT XXVII.

*Explicatus locus Ulpiani longe aliter quam  
vulgo intelligatur in l. qui vas 48. §. si  
ancilla 5. ff. de furtis.*

**U**lpiani hæc verba sunt, sub titulo *de furtis*. Si ancilla furripiatur prægnans, vel apud furem conceperit, partus furtivus est: sive apud furem edatur, sive apud bonæ fidei possessorem. Sed in hoc posteriore casu furti actio cessat, sed si concepit apud bonæ fidei possessorem, ibique peperit, eveniet, ut partus furtivus non sit, verum etiam usucapi possit. Hæc ille.

Rixantur inter se Doctores in excogitanda ratione præcedentium verborum. Quæ fiat ut quum partus conceptus apud furem, & editus apud bonæ fidei possessorem res sit furtiva, neque usucapi possit, pro eo tamen non detur actio furti. Jacobus Ravenas, & Bartholus, egregii Interpretes, censuerunt propterea partum eo casu usucapi non posse, quia partus in utero existens habetur pro jam nato, quantum pertinet ad ea, quæ spectant ad ipsius commodum. Sed interest ejusdem partus remanere apud priorem dominum, neque transire ad alium per usucapionem: ergo habebitur pro jam nato, tempore conceptionis, quo tempore si natus esset non posset usucapi, quia natus apud furem. At detur necne actio furti, nihil ad partum; sed unius domini sive damnum sive incommodum est: ideo partus conceptionis tempore in hoc casu non habebitur pro jam nato.

Hanc Bartholi rationem improbat Raphaël Fulgosius, quia (inquit) fortasse pluris intererit partus transire ad alium, si frugi sit & minime malus, quam remanere apud priorem dominum improbissimum forsan hominem. Ille igitur aliam rationem confinxit. Partus (inquit) furtivus est, quia vitium furti est



est reale afficiens rem, quocunque vadat. Ideo separatis partibus integralibus vitium semper adhærebit: sicut lepra leprosum semper comitatur. Ergo partus separatus a ventre ancillæ non liberatur vitio semel contracto. Sed actio furti non est realis, sicut ipsum vitium, imo est personalis competens contra furem non quidem ad rem ipsam, scilicet ad ancillam, sed ad pecuniam, respectu tamen valoris ancillæ. At regulâ est in actionibus personalibus nos excludi & submoveri a persequutione partium, quando sumus consequuti totum integrale. Itaque quum dominus agendo actione furti ad ancillam consequutus sit totum integrale, id est, æstimationem ancillæ cum ejus partu, ad ipsum partum manifestum est non amplius superesse actionem.

Hæc Raphaëlis interpretatio est ineptissima, quia si verum sit, quod ille scribit, quare pro matre & partu disjunctim datur actio furti, si is fuerit editus apud furem? Nonne intentando actionem furti pro matre, debuit dominus æstimationem quoque partus consequi? Quod autem pro matre & pro partu edito apud furem dentur duæ actiones furti, locupletissimi testes sunt Imperatores Diocletianus & Maximianus. [l. 12. C. eod.] *Ancillæ (inquiunt) subtractæ partus apud furem editi, priusquam a domino possideantur usucapi nequeunt: matris furem etiam horum causa furti actione teneri convenit.*

Ego igitur miror tantam lucem non incurrisse in oculis Doctorum juris. Tu sic habeto, non dari actionem furti pro partu edito apud bonæ fidei possessorem, quia fur partum ipsum non contrectavit: ergo æquum est eum non teneri actione furti, quæ ex contrectatione nascitur.

Unde falsissima apparet theoria communis, ceneri contrectatum fuisse partum ubi primum mater fuit

fuit contrectata. Nam si partus sit adhuc portio viscerum matris, ut omnes satis agnoscunt, quo modo dici fingive potest duplex & diversa contrectatio? Itaque si partus editus sit apud furem, dabitur duplex actio furti, propter duplicem contrectationem matris scilicet, & ipsius partus. In reliquis non admodum dissentio ab aliis.

## C A P U T XXVIII.

*Definitionem Justitiæ perperam vulgo intelligi.*


**P**erpauci sunt ex Interpretibus juris, qui recte intelligant definitionem Justitiæ, quæ hoc modo definitur. *Justitia est perpetua & constans voluntas, jus suum unicuique tribuens.* Omissis portentosis eorum interpretationibus, rem paucis evolvam. Hæc definitio seu potius *ἰσότης* constat ex genere & officio. Genus est. *Perpetua & constans voluntas.* Perpetua autem & constans voluntas, sive vitæ ratio, idem omnino quod virtus. Id enim Cicero hisce verbis declarat libro 1. de Legibus. [cap. 17.] *Constans* (inquit) *& perpetua ratio vitæ quæ est virtus, itemque inconstantia quod est vitium, sua natura probatur.* Adhibe simile. Temperantia est perpetua & constans voluntas in cupiditatibus moderandis regendisque animi motibus. Fortitudo est perpetua & constans voluntas in superandis difficultatibus. Patientia est perpetua & constans voluntas in perferendis atque tolerandis periculis. Quum igitur perpetua & constans voluntas aliud non sit quam virtus, quis non rideat bardos istos & stupidos doctores, qui infarciunt multas paginas hoc loco de constantia divinæ & humanæ justitiæ.

F I N I S.

JOAN-

JOANNIS MARIII MATII,  
*Brixiani,*  
ANNOTATIONUM  
IN  
VARIOS AUCTORES  
LATINOS ET GRÆCOS  
LIBER.  
AD  
CÆSAREM GAMBARAM,  
*Episcopum Dertonaë,*





JOANNES MARIUS MATIUS  
ILLUSTRI & REVERENDISS.  
C. CAESARI GAMBARAE,

Episcopo Dertonensi.

S. P. D.



**N**icolaus Siccus V. C. quo cum vivo mihi summa fuit & jucunda familiaritas, suscepta ex communibus studiis; posteaquam ille abdicatis Regum publicis negotiis, & maximarum rerum tractationibus se ad mansuetiores musas retulerat, saepe mihi de te, & de suavitate morum, atque humanitatis tuae solitus est narrare: non quod putaret ignotam esse mihi communi civi ullam virtutem tuam; sed qui amant, de amico etiam praedicant & canunt. scire enim ac vere dictum est ab quodam docto homine graeco, Amorem musicam docere. Faciebat ille libenter, ut quem diligeret, laudaret; & de quo optime sentiret acerrimi judicii vir, frequenter etiam praedicaret; & meritis virtutum, sui sensus testimonium diceret verissimum & gravissimum: praesertim quod intelligebat, me non minus avide audire, quam ipse libenter loquebatur. raro alloqui hominem contigit ( & cum eo eram frequens) ut non haberet omni sermoni nostro paratam aliquam novam accessionem laudum tuarum. Itaque crebra commemoratione liberalissimarum tuarum virtutum incredibile in animo meo accenderat jam tum cognoscendi tui desiderium. nec quidquam postea ardentius umquam concupivi, quam dari mihi ali-

D

quan-

quando facultatem, qua praesens studium meae in te propensissimae voluntatis declararem, coramque te venerarer Pontifex Amplissime, quem fama & praedicatione cum multorum aliorum, tum in primis gravissimi viri cognitum singulari observatione colebam. Atque ecce posteaquam Siccus Romam fuerat profectus, credo fatis eo hominem vocantibus, ut vir clarissimus in urbe orbis clarissima vitam finiret, baud ita multo post ego ad te accessi propius, demigrans Alexandriam arcer situ Hieronymi Gallarati f. m. tunc urbis Episcopi. non quod felicissimam patriam nostram mihi iustissimis & publicis & privatis de causis clarissimam Statiellensibus antepone-rem. sed vel invitabat Genius loci, ubi antea fuisset, & quem semper amavi, vel rationes meae visae sunt ita postulare. Ecce (inquam) fors obtulit mihi commoditatem opportunissimam consequendi, quod antea tantopere expetivissem. ut quoniam essem Alexandriae, in urbe tuae Dertonae finitima, possem interdum propter locorum propinquitatem ad te visendum & venerandum transire. Et si autem incredibili laetitia afficiebar, consecutum prope esse me his novis sedibus meis tantam tamque mihi antea saepius exoptatam facultatem, tamen hactenus ab animo meo impetrare non potui, ut te adire, convenire, & affari auderem. Non est restinctus ardor ille pristinus. immo inflammatus & accensus est magis accessione testimonii cum plurimorum provincialium, tum maxime Gabrielis Frascari communis civis & amici. qui mihi non ea modo confirmat, quae de Siccio eram solitus audire, sed multarum praeterea praeclarissimarum laudum & virtutum tuarum praestantiam insigni atque benevolentissima praedicatione saepius est prosecutus, ea narrans de te, quae de eo viro praedicari possunt, qui omnes numeros habeat optimi atque sapientissimi principis. sed deterruit me pudor meus hominem natura & moribus ad verecundiam

diā natum & institutum, non verentem quidem difficultatem adeundi (aures enim tuas congressumque tuum, quae tua est suavitas & mansuetudo ab animi generosa altitudine profecta, omnibus semper patere audio) sed tamen cupientem adiutorem aliquem, & quasi interpretem, qui mihi aditum ad tuam familiaritatem patefaceret. Quem nunc & quidem fidelem atque amicum reperisse videor, fortuna bonestati desiderii mei favente. Namque peropportune nuper Annotationum quarundam mearum in diversos auctores Latinos & Graecos librum absolvi. cuius ope ad cognitionem tuam conciliandam mihi utendum statui. Cum esset edendus liber, non est diu consultatum, cui labores hos industriae nostrae, qualescumque illi sunt, mitteremus, statim de te & cogitatum est simul & constitutum. Venit igitur liber ad te Caesar Pontifex amplissime, simul ut auctoritate nominis tui commendatior prodeat in lucem, simul domino operam navaturus, ut ipso duce, adiutore, interprete, & auctore quasi fores amicitiae aperiantur nobis pridem nominis tui studiosissimis. Neque uero hic mihi faciendum censeo, quod plerique in hoc genere consueverunt, ut dicam de te, & apparatu aliquo orationis laudes tuas percenseam. primum non est id instituti huius mei. deinde epistolam esse hanc non panegyricum volo. tum haud ita in obscuro positus est fortunae & virtutis tuae splendor, & gentis tuae nobilissimae, ut meo aut cuiusque praefatio ad claritatem indigeatis. Gens vestra illustravit haud ita pridem ipsa se artibus belli & pacis, sicut vix ulla familia non solum in patria nostra, sed etiam in tota reliqua Italia, plures nobilissimarum facultatum cognitione & tractatione insignes viros tulerit. Tuque majorum vestigia secutus non fuisti nobilitate contentus, quam a patribus acceperis. sed ad splendorem generis splendorem etiam christianarum, civiliumque, & liberalissimarum aliarum artium adjunxisti quae te

clarissimum & notum omnibus sine cujusque externi  
laudatoris praeconio faciunt, quaeque in hunc am-  
plissimum Pontificatum extulerunt, vestrae familiae  
prope hereditarium propter merita virtutum, &  
propter egregie navatam saepissime Maximis Ponti-  
ficibus & Reipub. Christianae, operam. Itaque (ut  
dixi) non eges tu mea aut cujusquam praedicatio-  
ne. infirmis & per se vix stantibus haec adjumenta  
foris parantur. recta, solida, valens, & vera vir-  
tus viribus ipsa suis nititur. nec aliunde suspensas ha-  
bet rationes celebritatis ad gloriam. laudat tollitque  
ipsa se. nec societatem atque opem externae commen-  
dationis ad comparandam famam expectat, quae  
commendatio plerumque in hoc praesertim genere epi-  
stolarum assentatio potius est & fucus, quam veri-  
tatis & meritorum testificatio. dum astuti laudatores  
blando laudationum pruritu aures titillant, ut quod  
circulatores post cantilenas & praestigias solent ab-  
eant aliqua mercede munerati. mea me & patriae  
natura ab omni assentatione semper voluit esse alien-  
num. verecundiamque hanc institutione & moribus  
studiose etiam semper alui & auxi. Quamquam, si  
hic de te aliquid loquar, non sim adulator, sed veri-  
tati meritum testimonium dicam. Verumtamen quod  
feci in eo libro, quem superioribus annis ad Hiero-  
nymum Gallaratum Pontificem Alexandriae misi  
paullo ante quam e vita vir ille summus excederet,  
idem hic mei memor ingenii & constantiae servabo.  
Ergo de te nihil. de me hoc tantum. Matus pate-  
factum sibi aditum ad amicitiam tuam per hunc li-  
brum maxime cupit, seque totum tibi in fidem &  
clientelam commendat & tradit. Vale. Alexan-  
driae. clb. Id. LXXV. III. Kal. Sextiles.



JOANNIS MARI MATII,  
*Brixiani,*  
 ANNOTATIONES  
 IN  
 VARIOS AUCTORES  
 LATINOS ET GRAECOS.

---

## CAPUT I.

*Emendatus & expositus Virgilii versus.  
 Belli portæ. Janus Geminus.*



Suspicio mendum esse in versu Virgilii  
 ex lib. 7. [vs. 607.] recte ne, an secus  
 sim suspicatus, doctis judicandum re-  
 linquo.

*Sunt geminae belli portae. sic nomine dicunt.  
 Religione sacrae.*

Ego pro geminae, Gemini legendum puto. ut sit Ja-  
 ni Gemini. Non solum enim inter reliqua cognomi-  
 na Jani, etiam Geminus fuit, sed ejus Jani, cujus  
 templum pacis erat & belli argumentum, de quo  
 Virgilius intelligit. Praeterea *Belliportae* conjuncte  
 lego: ut prope unica dictio sit. Sic, *Gemini*, &  
*Belliportae* duo erunt propria nomina. Ergo lego  
 hoc pacto.

*Sunt Gemini Belliportae (sic nomine dicunt).  
Religione sacrae.*

Ac ne temere audere videar contra receptam per tot saecula lectionem, audiantur, quibus ego auctoribus id audeam. Ac prius de Gemini cognomine (quamquam rem notam afferam) auctores aliquot citandi sunt, ut satisfiat etiam imperitioribus, deinde quod ad verbum *Belliportae* attinet, doctrina locupletum scriptorum firmabimus. Paterculus igitur lib. 2. [cap. 38.] sic scribit: *III. Augusto principe certae pacis argumentum Janus Geminus clausus dedit.* Julius Capitolinus in Gordiano Juniore. [cap. 26.] *Gordianus aperto Jano Gemino, quod erat signum indicti belli, &c.* Suetonius in Nerone. [cap. 13.] *Janum Geminum clausit.* Florus lib. 1. cap. 4. *Janumque Geminum eundem pacis ac belli fidem.* Idem lib. 4. cap. ultimo. *Aususque tandem Caesar Augustus septingentesimo ab V. C. anno Janum Geminum claudere, bis ante se clausum.* Plinius lib. xxiv. cap. 7. *Praeterea Janus Geminus à Numa dicatus: qui pacis bellicae argumento colitur.*

Atque haec satis probant Geminum cognomen fuisse Jani ejus, cujus templum conditum fuit ut clausum pacis, apertum belli esset argumentum. Probemus nunc templum id dictum fuisse *Porta belli*. Priscianus lib. viii. in 12. *Virg. versus.* [p. 1263. Ed. Putschii.] *Belliportae enim, quamvis sint duae partes orationis, pro uno tamen nomine accipiuntur. quod significat fores Jani templi.* ubi tamen advertendum est, quod Priscianus dicit Belliportas significare fores Jani templi, meliores scriptores templum ipsum eo nomine appellatum tradunt.

Plinius, seu quicumque alius fuit is, qui de viris Illustribus scripsit, in Numa. [Aur. Victor de Vir. Ill. cap. 3.] *Portas Jano Gemino aedificavit.* Porphyrio  
ex-



exponens carmen illud Horatii ex prima epist. lib. II. [v. 255.]

*Claustaque custodem pacis cohibentia Janum.*

Sic ait: *Janī Gemini templum, ac portas belli pacato orbe terrarum solus clauserat Caesar Augustus. de qua re Virgilius, Belliportae dirae ferro & compagibus, arctis. & Mos erat Hesperio.* Plutarchus in Numa.

[Tom. I. p. 73. A.] ἔσι δὲ αὐτῷ καὶ νεὼς ἐν ῥώμῃ διθυροσ, ὃν πολέμῳ πύλην καλᾷσι. Quo quid dici potuit apertius? sed quorsum tot Virgilianae sinceritatis assertores atque interpretes huc aggero? ipse sibi Virgilius cum lib. I. [v. 298.] quando ait: *Claudentur belliportae*, tum hoc eodem carmine, de quo loquimur, enarrator interpresque est. nec digito innuit, sed nominatim & aperte testatur, Belliportas esse nomen templi, & pro uno nomine accipiendum, cum ait: *Sic nomine dicunt.* Itaque quin versus ita legendus sit & exponendus, ut nos censemus, ex doctis dubitaturum puto neminem. Qui vero varia Janī cognomina, eorumque causas avet scire, adeat lib. I. *Saturn. Macrobbi cap. IX.* apud quem etiam alia scitu non ingrata inveniet.

## C A P U T II.

*Libros Rhetoricorum ad Herennium non esse Cornificii.*

Qui libros Rhetoricorum ad Herennium Cornificio adscribunt, quo in numero sunt magni hac tempestate nominis viri, ex aliquot locis Fabii Quintilianī, quo auctore ipsi ad ita sentiendum moti sunt, facile convincuntur. Fabii igitur lib. IX. cap. 3. haec verba sunt, ubi de figu-

ris agit. *Haec omnia copiosius sunt exsecuti, qui non ut partem operis transcurrerunt. sicut Caecilius, Dionysius, Rutilius, Cornificius, Visellius, aliique non pauci.* Auctor enim Rhetoricorum ad Herennium de tota arte Rhetorica, non de figuris tantum tractat. quod fecisse Cornificium scribit Fabius: quodque fecisse Rutilium omnes scimus. Idem Fabius paullo post. *Quaedam omnino non sunt figurae: sicut Ordo, Dinumeratio: Circumscriptio, sive hoc nomine significatur comprehensa breviter sententia, sive finitio.* Nam & haec Cornificius atque Rutilius schemata dictionis putant. Atqui in toto eo opere, quod Cornificio vindicant, de figuris, Dinumeratione, & Circumscriptione ne verbum quidem. Idem Fabius ibidem. *Adjicit his Caecilius περιφρασίην, de qua dixi.* Cornificius Interrogationem, Ratiocinationem, Subjectionem, Trallationem, Occultationem. At ubi de occultatione in eo toto libro? Idem eodem capite, sed paullo supra. *Equidem tradi inter praecepta miror: eorumque exempla vitandi potius, quam imitandi gratia pono, Amari jucundum est, si curetur, nequid insit amari, Avium dulcedo ad avium ducit, & apud Ovidium ludentem: Cur ego non dicam Furia te furiam? Cornificius hanc traductionem vocat.* In libro quidem quarto operis ad Herennium [cap. 14.] in Traductione exemplum illud legitur, *Amari jucundum est, si curetur nequid insit amari:* caetera vero nequaquam. immo in figura, quam Annominationem ille auctor vocat, exemplum illud ponitur. [lib. iv. cap. 25.] *Avium dulcedo ducit ad avium.* ut qui loco hoc Fabii nitantur, probaturi ex eo, opus illud esse Cornificii, tenui admodum, atque adeo nullo filo pendeant: vel etiam suo ipsi gladio confodiantur. Qui veros eosdem libros Ciceroni adseribunt, & imperitiam suam ostendunt: nec vi-

dent

dent, quam male de Cicerone mereantur, opus illud tanto viro indignissimum illi attribuentes.

CAPUT III.

Nepos & Neptis *ex filio latine loquentibus*  
*quid significant* Daretis Phrygii  
*locus perpensus.*

**N**epos seu neptis *ex filio* significat filium filiamve filii, omnes quidem filii filiaeve filiorum, avo nepotes, neptesve sunt. sed additur interdum *ex filio*, ad ambiguitatem eorum nepotum aut neptum tollendam, qui quaeve *ex filia* sunt geniti. Ergo *nepos meus ex filio* nihil aliud est, quam filius mei filii. *Nepos ex filia* pariter est filius filiae. Quod porro de voce *Nepos* scribo, idem in verbo *Neptis* accipi volo. *Nepos* vero & *Neptis* fratris mei, aut *sororis meae* is eave est, cui ego sum major patruus, aut major avunculus, id est cui meus frater avus est, aut mea soror est avia. Itaque Octavius, qui adoptatus a C. Julio Caesare dictus est C. Julius Caesar Octavianus, recte dicitur nepos sororis Julii Caesaris. quippe cui Julia Caesaris soror avia fuerit. Julia enim ex Attio Attiam, Attia ex Octavio Octavium genuit. Itaque *Suet. in Augusto* [cap. 7.] Julium Caesarem Augusti majorem Avunculum scribit fuisse. Quod sicubi de Octavio aliter scriptum traditumve reperias; vel illi in Historia sunt hallucinati, vel eorum libri lectionem habent corruptam, vel male ipsi locuti sunt. in quo numero est Eutropius cum alibi, tum de ipso Augusto loquens. Non sum nescius interpretem Daretis Phrygii, qui Cor-

nelius Nepos creditur (a), communem consensum suae aetatis (vixit ille cum Cicerone & Attico) & omnium superiorum scriptorum neglexisse, qui Hermionem Helenae filiam neptem Castoris & Pollucis appellavit, non sororis filiam. Daretis haec sunt verba: [cap. 9.] *Castor & Pollux ad Clitemnestram ierant, secum Hermionem neptem suam, filiam Helenae adducentes.* In quibus tamen verbis venit mihi in mentem, subvereri, ne vitium aliquod sit. Et fortasse sciolus aliquis voces illas duas, *Neptem suam*, in margine libri aliquando scripsit. (vulgo enim pridem Nepotes Neptesque appellamus populari & vernacula lingua, filios filiasque fratrum & sororum) quae verba postea in ordinem ab imperito librario sunt trallata. Neque vero mihi quis opponat Eutropium, Spartianum, & alios ejusdem classis scriptores. Qui Spartianus in Hadriano, Sabinam uxorem Hadriani, neptem Trajani scribit fuisse, quae Sabina filia fuit sororis Trajani. quod aperte Xiphilinus ex Dione testatur *in principio vitae Hadriani.* Numquam (inquit) *vivens Trajanus adoptavit. popularis illi erat: educatusque sub eo. affinis deinde. Nam illi nupserat sororis Trajani filia.* Spartiani porro haec sunt verba [in vita Hadrian. c. 2.] *Nepte per sororem Trajani uxore accepta.* Idem in Severo. [cap. 21.] *Falsus est ipse Trajanus in suo municipe & nepote deligendo.* Sed Spartianus & ejus notae auctores ob historiam leguntur. latine bene scire & scribere per temporum infelicitatem non potuerunt.

(a) Nemo hodie Cornelium Nepotem Daretis interpretem credit; nec scriptor ille licet satis antiquus ad eam aetatem adscendit. v. Fabricii Biblioth. Græc. vol. 1. p. 27. Proinde opus non est, ut multum de stilo ejus simus solliciti.

CAPUT IV.

*Ciceronis locus expositus.*

**L**ib. iv. *Epistol. ad Sulpicium epistola iv.* hæc sunt verba: *Itaque cum omnes ante me rogati gratias Caesari egissent praeter Volcatium; is enim, si eo loco esset, negavit, se facturum esse.* Doctus vir interpretatur hæc verba, si eo loco fuisset, id est, si Marcellus fuisset. Ego vero expono, si esset ea dignitate. nostramque expositionem adjuvant duo alii Ciceronis ipsius loci similes & iidem: *Epistola enim XIV. ad Terentiam lib. xiv.* sic scribit: *Reliquum est, quod ipsae optime considerabitis, vestri similes feminae sintne Romae.* Et ejusdem lib. *epist. XVIII.* *Vos videte, quid aliae faciant isto loco feminae.* Plaut. tamen Bacchid. [*Act. 4. sc. 9. vs. 116.*] priore modo accepit.

*Verum (inquit) ut ego opinor, si ego in istoc siem loco, Dem potius aurum, quam illum corrumpi sinam.*

CAPUT V.

*Ciceronis locus declaratus.*

**S**unt in epistola illa longa ad Lentulum [*lib. i. Epist. ad fam. ep. 9.*] hæc verba: *Scripti igitur Aristotelico more, quemadmodum quidem volui, tres libros in disputatione & dialogo de Oratore.*

Aristotelico more cum dicit Cicero, non respicit ad disputationem & dialogum, etiamsi libri de Oratore in dialogo & disputatione sunt conscripti, sed intelligi vult, traditam ibi esse rationem disputandi de aliqua re proposita in utramque partem, quo-



quoniam mos fuit Aristotelicae scholae in hanc & illam sententiam Academica consuetudine dicere, ut ex hac meditatione & exercitatione uberius ad dicendum copia & acumen pararetur. Hunc porro fuisse Aristotelicorum morem, quem dixi, declarat idem Cicero *lib. 3. de oratore* [cap. 23.] his verbis: *Sin aliquis extiterit aliquando, qui Aristotelico more de omnibus rebus in utramque sententiam possit dicere, & in omni causa duas contrarias orationes praeceptis illius cognitis explicare &c.* Idem in *Oratore*. [cap. 14.] *In hac Aristoteles non ad Philosophorum morem tenuiter differendi, sed ad copiam Rhetorum in utramque partem, ut ornatius & uberius dici possit, exercuit: idemque locos (sic enim appellat quasi argumentorum notas) tradidit, unde omnis in utramque partem traheretur Oratio.*

Aphrodisaeus etiam Alexander in *I. Topicorum* docet Aristotelem & veteres philosophos in disputationibus hanc consuetudinem secutos fuisse, ut de proposita quaestione in utramque partem disputarent. Praeterea in suis libris de Rhetorica, quod maxime ex primo patet, praecepta dat Aristoteles in utramque partem, ad rem aliquam confirmandam, & ad eandem infirmandam. Ergo, *Aristotelico more*, cum dixit Cicero, non respexit ad verba illa, in *disputatione & dialogo*, quod scilicet libri de oratore *διαλογίως* scripti sint, sed quod tradita ibi sunt praecepta in utramque sententiam, ad rem eandem oratione probandam & refellendam. In epistolis ad Atticum [lib. 13. ep. 19.] *Ἀριστοτέλειος* mos aliud est, de quo docte, ut de omnibus, Siganus in *lib. de Dialogo*. Peripateticos porro & Academicos eosdem olim fuisse leges apud Cic. *III. de Oratore*, & *lib. v. de Finibus bis*, & *I. Officiorum*.



## CAPUT VI.

*Falli Celsum Jurisconsultum in tradenda die  
Bissexti. Terminalia. Locus Livii  
expositus.*

**I**ntercalabant Romani inter Terminalia, & Regifugium. Terminalia erant vii. Kalen. Martias, id est, vicesimo tertio die Februarii. Regifugium vero vi. Kalen. id est, vicesimo quarto ejusdem mensis. Diemque intercalatum cum eo, qui statim sequebatur, pro uno censebant, & utrumque sexto Kalen. dicebant. Hinc Bissexti appellatio est subsecuta: nimirum, quod bis diceretur, sexto Kalendas, quoties quarto quoque anno intercalandus erat dies. si ergo statim post Terminalia, id est, post vicesimum tertium diem Februarii intercalabatur, ut probabimus, necesse est, ut ex duobus diebus, qui iterum repetito eodem numero sexto Kalen. dicebatur prior non posterior sit adjectus & intercalaris, contra quam sentit Celsus Jurisconsultus lib. xxviii. Digestorum in L. 98. de Verb. Signif. sic scribens: cum Bissexto Kalendas est, nihil refert, utrum priore an posteriore die quis natus sit, & sic deinceps Sexto Kalendas ejus natalis est, nam id biduum pro uno die habetur, sed posterior dies intercalatur, non prior. Ideo quo anno intercalatum non est, sexto Kalendas natus: cum Bissexto Kalendas est, priorem diem natalem habet. Catoensem intercalarem addititium: omnesque ejus dies pro momento temporis observat. Aperte Celsus tradit posteriorem esse diem, qui intercaletur: non priorem. sed nos testimonio locupletissimorum auctorum contra sentimus:

mus; Livii inprimis lib. XLV. [cap. 44.] *Intercalatum est eo anno, postridie Terminalia intercalares fuerunt. Idem lib. XLIII. [cap. II.] Hoc anno intercalatum est: tertio die post Terminalia Kalendae intercalares fuere.* Quo in loco *tertio die post*; valet idem, quod *postridie*. ratio enim intercalandi non patitur, ut aliter intelligamus. Quamquam (libere enim dicam, quod sentio) opinor hic apud Livium scriptum fuisse, *postridie Kalendas*; quemadmodum in superiore exemplo est locutus, sed locum vitiavit imperitus aliquis: qui stulte judicans, *postridie* significare non posterum diem, ut certe significat; sed post tertium diem, in libri margine scripserit pro expositione, *tertio die post*, quæ dictiones postea sint in librum traductæ temere, rejecta vera scriptura. Cenforinus libro de die natali. [cap. 20.] *Praeterea pro quadrante diei, qui annum verum suppleturus videbatur, instituit, ut peracto quadriennii circuitu dies unus, ubi mensis quondam solebat, post Terminalia intercalaretur, quod nunc Bissextum vocatur. Macrobius lib. I. Saturn. cap. 14. Et ne quadrans deesset, statuit, ut quarto quoque anno sacerdotes, qui curabant mensibus ac diebus unum intercalarent diem, eo scilicet mense ac loco, quo etiam apud veteres mensis intercalabatur. id est, ante quinque ultimos Februarii mensis dies, idque Bissextum censuit nominandum. Idem cap. 13. ejusdem libri. Romani non confecto Februario, sed post vigesimum tertium diem intercalabant, Terminalibus scilicet jam peractis. deinde reliquos Februarii mensis dies, qui erant quinque, post intercalationem subjungebant. Terminaliorum porro diem fuisse VII. Kalen. Martias, sicut Regifugium VI. Kalen. & ex superius allatis Macrobius verbis, & praeterea ex Kalendario Romano satis patet, & ex Varr. lib. v. [p. m. 46.] Terminalia (inquit) quod is dies*  
an-

anni extremus constitutus. Duodecimus enim mensis fuit Februarius. & cum intercalatur, inferiores quinque dies duodecimo demuntur mense. Non me fugit, Ovidium lib. II. *Fastorum* (quod & a Paulo Manutio est observatum) Regifugii diem in vicesimum tertium Februarii diem rejicere, cum scribit. [vs. 685.]

Nunc mihi dicenda est Regis fuga: traxit ab illa  
Sextus ab extremo nomina mense dies.

Quod quidem convenire non potest, cum illis de causis, quae ex superius à nobis scriptis rationibus cuilibet possunt succurrere, tum ob hanc etiam: quod dies Regifugii erat N. hoc est (ut interpretantur) nefastus. Terminaliorum autem dies. NP. id est, nefastus primo. ut in eundem diem uterque Terminaliorum & Regifugii dies incidere non potuerit. Sed Ovidius vel memoria lapsus est. vel quadam securitate, quae interdum scriptoribus oboritur tractantibus res vulgo notissimas, est tractus in fraudem. vel non *sextus*, sed *quintus* dies est legendum. Qui vero Terminalia in VIII. Kalen. retraxerunt. (nam & id aliqui scripseré) refellendi non sunt, res enim apparet, vel nullo patrono. primum nullo auctore id tradunt. deinde si intercalaris dies est Sexto Kalendas, & post Terminalia statim intercalabatur, quomodo non sunt Terminalia VII. Kalen. celebrata?

## CAPUT VII.

*Livii locum non fuisse mutandum: & Virgilii  
versus expositus.*

**G**ermania non solum est nomen provinciae longe lateque patentis ultra Rhenum & Alpes, quae innumerabiles prope gentes ad Septemtrionem continet, sed etiam cis Rhenum pars est Galliae Belgicae satis ampla. quippe quae est in duas divisa partes, ut Ptolemaeus oculis etiam subjicit. Sed Dionis etiam testimonium addamus. *lib. LIII. [p. 505. Ed. Leuncl.]* Nam (inquit) *Celtae quidam, quos Germani vocamus, cum omnem Celticam regionem, quae ad Rhenum est, occupassent, effecerunt ut ea Germania vocaretur. superior ea quae Rheni fontibus propior est, inferior quae ab hac usque ad Oceanum Britannicum se extendit.* Quo in loco, quemadmodum quoque alibi, ipse, & alii scriptores Graeci, appellatione Celtarum Germanos vocat, Celticam tamen regionem proprie Galliam intelligit. Propterea quam cladem accepere in Galliae Belgicae populis Eburonibus Titurius & Aurunculejus Caesaris Legati, ut est apud eundem Caesarem *comment. lib. v. [c. 24. seqq.]* Suetonius in *ejus vita*, acceptam in Germania scribit: nimirum hanc Citeriorem intelligens. Nam Eburones in Germania inferiore fuerunt, inter Mosam & Rhenum, auctore eodem Caesare *eodem commentario. [c. 24.]* Suetonii autem verba, si quis forte desideret haec sunt: *[cap. 25.] In Germanorum finibus Titurio & Aurunculejo legatis per insidias caesis.* Idem aliquot post paginis. *[cap. 28.] At idem obsessione castrorum in Germania nunciata, per stationes hostium Gallico habitu penetra-*

vit ad suos. Caesar ipse *Comment.* [*Lib. 2. cap. 4.*] *Condrusos, Eburones, Caeresos, Paemanos, qui uno nomine Germani appellantur, arbitrari ad quadraginta millia. Eutropius lib. vi. [cap. 17.] Inter tot successus ter male pugnavit. Apud Arvernos semel praesens, & absens in Germania bis. Nam legati ejus duo Titurius & Aurunculejus per insidias caesi sunt. Tacitus in lib. de situ, moribus, & populis Germaniae. [cap. 2.] Qui primi Rhenum transgressi Gallos expulerint, nunc Tungri, nunc Germani vocati sunt.*

Atque auctores solent interdum differentiae significandae gratia hos Germanos *Cisrhenanos*, illos vero *Transrhenanos*, sive trans Rhenum appellare. Suetonius ibidem. *Germanos, qui trans Rhenum incolunt, primus Romanorum ponte fabricato aggressus maximis affectu cladibus. Caesar principio primi comment. Germanos trans Rhenum &c. Idem lib. vi. de bello Gallico. [cap. 2.] Quibus rebus cognitis Caesar cum undique bellum parari videret, Nervios, Aduaticos, ac Menapios, adjunctis Cisrhenanis omnibus Germanis, esse in armis, &c. Eodem libro [cap. 32.] Segni, Condrusique, ex gente & numero Germanorum, qui sunt inter Eburones Trevirosque legatos ad Caesarem miserunt oratum, ne se in hostium numero duceret, neve omnium Germanorum, qui essent citra Rhenum, causam esse unam judicaret. Plinius lib. xxv. cap. 3. In Germania trans Rhenum castris a Germanico Caesare promotis. Caesar *Comment. v. [cap. 2.] Germanosque Transrhenanos sollicitare dicebantur. Idem primo. [cap. 28.] Ne propter bonitatem agrorum Germani, qui trans Rhenum incolunt, e finibus suis in Helvetiorum fines transfrent. Eutropius lib. 6. [cap. 17.] Germanos trans Rhenum aggressus, inmanissimis praeliis vicit.**

Haec autem omnia idcirco à nobis altius sunt re-



petita, ut aequi iudices intelligant, male factum a Glareano: qui apud Livium *lib. v.* contra mirabilem consensum omnium veterum & recentium librorum, pro *Germanorum* ausus est ipse *Caenomanorum* substituere, legitima & certa lectione expuncta, in illis verbis, ubi de transitu Gallorum in Italiam Livius loquitur. [*cap. 35.*] *Alia subinde manus Germanorum Elitovio duce vestigia primorum secuta, eodem saltu favente Belloveso cum transcendisset Alpes, ubi nunc Brixia ac Verona urbes sunt, (locos tenuere Libui) confidunt.* Ibi (inquam) Glareanus pro *Germanorum*, *Caenomanorum*, reponit: sed male. Nam etsi Caenomani Transalpinæ Galliae populi fuere, & quidem duplices (nam & Celtarum, & Aquitaniae fuerunt Caenomani.) regioque Italiae, ubi Brixia ac Verona urbes sunt (latius tamen, quam Livius tradit Caenomanorum fines extendebantur.) Caenomanorum est vocitata, non tamen ob id nomen ipsum solum debuit in tam praecipitem animadversionem Glareanum trahere. Potuit enim fieri, ut Galli, qui Elitovio duce in has partes penetraverunt, invenerint regionem vocari Caenomanorum, fortasse a Caenomanis Aulercis, qui duce Belloveso ante in Insubres venerant. (Caenomanos autem Aulercorum gentem fuisse testantur aperte Ptolemaeus & Plinius [*lib. 4. c. 18.*]) Nam & Bellovesus circa Ticinum populos invenit, Livio ibidem [*cap. 34.*] auctore, *Insubres appellatos, cognomines Insubribus, pago Heduarum.* Quid? quod censent nonnulli, multo ante omnium Gallorum in Italiam adventum Caenomanos meos a Cidno, qui cum Eridano regionem eam coloniis implevit, nomen invenisse? *Cidnomanos*que prius, deinde *Caenomanos* esse vocatos? Nec me latet, quid Plinius subobscurè de origine Caenomanorum *lib.*



III. cap. 19. tradat ex Catone. Omnino quidquid sit, vetus lectio mutanda non est, sed retinenda. atque de Germanis, Gallis, id est, Cisrhenanis apud Livium intelligendum est. Etsi Glareani animadversio (adeo visa est plausibilis propter voces cognomines) secum traxit, quicumque post eum scripsere.

Cum igitur Livius in transitu Gallorum in Italiam Germanos nominavit, Germanos non Transrhenanos, sed Cisrhenanos, qui sunt in tertia parte Galliae ex divisione Caesaris, quam Belgae olim dicti tenuerunt, intellexit. Neque vero fuerit omnino ἀποσδιόνυσον admonere, solere me hoc itidem modo Virgilianum illum versum in Bucolicis exponere. [Ecl. I. vs. 63.]

*Aut Ararim Parthus bibet aut Germania Tigrim.*

Ubi συνεδοχικῶς Germaniam pro Gallia, partem nimirum provinciae pro tota provincia, accipio.

## CAPUT VIII.

### *Comoedia unde dicta. Drama.*

**C**omoediam volunt aliqui nomen invenisse (a) ab iis, qui tenuiores ipsi a potentioribus in agris injuriam passi, nocte urbem ingrediebantur, & in

(a) De variis vocis *Comoedia* originibus ex mente Veterum Grammaticorum vid. *Diomed.* Grammaticum Latinum Lib. III. p. 485. Ed. *Putschii*. Habentur etiam nonnulla huc spectantia in *Diomedis* Scholiis ad *Dionysium Thracem* ineditis, de quibus vide Virum Celeb. & optime de me meisque studiis meritum P. *Burmman*, ad *Vales.* de *Critica* Lib. I. c. I. p. 145. Ea cum edita non sint, & nonnulla complectantur ad illustrationem eorum, quæ *Matius* habet hoc in capite, huc adscribam. Sic igitur ille: ἐν τῇ δὲ ἡ κωμῳδία, ὅς φα-

& in viis nominatim eos canendo indicabant. quoniamque id faciebant somni tempore, id est τῷ κώματος, propterea hinc dictam comoediam volunt. Alii ἀπὸ τῶν κώμων id est, pagis, deducunt. quod nondum constitutis urbibus, in pagis, vel etiam in compitis, id est, ἐν ταῖς κώμαις (utrumque enim significat κώμη.) laeti rustici ac ostentabundi id genus carminis canebant, quod postea accedente arte in comoediam est expolitum. idque factum in Lenaeis. (Dionysia nonnulli scribunt, cum tamen Le-

naea

εἶν, ἕκ τίνος τοιαύτης αἰτίας. βλαπτόμενοί τινες γεωργοὶ παρὰ τῶν πολιτῶν, τῶν ἐν Ἀθήνῃσι, καὶ θέλοντες ἐλέγχειν αὐτοὺς, κατήεσαν ἐν τῇ πόλει, καὶ περὶ τὸν καιρὸν τοῦ καθεύδειν περιίοντες περὶ τὰς ἀγυῖας, ἔλεγον ἀνωνυμῶς τὰς βλάβας αὐτῶν. ἵνατι σάφεστερον εἴπωμεν, τοιαῦτά τινα ἔβόων. ἐνταῦθα μένει τις, τὰδε καὶ τὰδε ποίῶν τισὶ τῶν γεωργῶν, καὶ οὐ μικρὰς τινὰς βλάβας ἐπιφέρων αὐτοῖς, ὥστε τοὺς γεινιῶντας ἀκούοντες, ἡμέρας γυνομένης πρὸς ἀλλήλους λέγειν, ἃ ὑκλῶρ παρὰ τῶν γεωργῶν ἤκουσαν· ἐκονίδισον δὲ ἦν τῷ ἀδικούντι· τὸν δὲ ἐμφανίζοντο τοῖς ἐπὶ τῆς πόλεως αἰδεῖσθαι, καὶ παύεσθαι τῆς τοιαύτης ἀδικίας. τοῦτοις πολλὰς παρεκπολῶντες πολλοὶ τῶν ἀδικούντων ἀνέειλαν· ὅθεν τοῖς τῆς πόλεως ἔδοξαν (l. ἔδοξεν) ἐπ' ἀγαθῇ γεγενῆσθαι τὸ ἐπιχειρήμα τῶν κομικῶν, (f. κομητῶν vel κομητῶν) καὶ ἀναζητησάντες αὐτοὺς ἠγάγησαν καὶ ἐπὶ θεάτρῳ τοῦτο ποιεῖν. οἱ δὲ αἰδούμενοι, μᾶλλον δὲ φοβούμενοι, τρυγὶ περιχρίοντες αὐτῶν τὰς ὄψεις, οὕτως εἰσίσταν. καὶ ἐτι μᾶλλον ἐλεγχόμενων τῶν ἀδικούντων ἐπὶ θεάτρῳ ἀνοχῇ τῶν ἀδικιῶν ἐγένετο, τῆς αἰδοῦς ἐτι συνοικουσίας (l. συνοικουσίας) τοῖς ἀνδράσιν. ἔδοξεν οὖν αὐτοῖς (f. τοῖς) τῆς πόλεως τὸ ἐσχέτημα καλῶς ὑπάρχειν, καὶ λόγους ἀνδρας αὐτὸ μεδιέναι. (forte leg. καὶ λογίους ἀνδρας αὐτὸ μετιέναι, ut sensus sit, visum fuisse civibus hoc institutum pulchrum esse, iisque placuisse, ut illud persequerentur & excolerent viri disertī & eloquentia non destituti.) Jam ea sequuntur, quæ de Sufarione ex hoc Scholiaste protulit Erud. Bentlejus in Anglice scripta dissertatione de Epistolis Phalarid. p. 203. ipsique Sufarionis Jambi, ibidem egregie emaculati. Dein interjectis quibusdam de veteris, mediæ, & novæ Comoediæ differentiis, sic pergit Diomedes. εἶρηται δὲ ἡ κωμῳδία οἰονεῖ ἐπὶ τῷ κώματι ὡδῇ, καὶ γὰρ περὶ τοῦ καιρὸν τοῦ ὕπνου ἐφευρέθη. ἢ ἡ τῶν κομητῶν ὡδὴ κῶμῃ γὰρ λέγονται οἱ μεζόνες ἄγροι.

naea a Dionysiis sint diversa auctore Laërtio in *vi-  
ta Platonis* [lib. III. c. 56.] sed id paullo post solve-  
mus.) Alii in Nomii Apollinis festis tradunt. Sunt  
qui inde habere nomen volunt, quod ἐν ταῖς κωμά-  
σεσι τῷ Διονύσῳ originem habuerit. Alii ἀπὸ τῶν κώμων  
quidem deducunt. non quod ἐν ταῖς κώμαις cantari  
coepta sit, sed quod, qui ἐν ταῖς κώμαις rustici ab no-  
bili aliquo injuriam acceperant, nocte urbem in-  
grediebantur, & in ea urbis regione, ubi habita-  
bat auctor injuriae, clamabant. Hic (nomen di-  
cebat) injuriam agricolae (nomen quoque suum  
dicebat) fecit, θεῶν ὄντων καὶ νόμων. Nonnulli alii  
ἀπὸ τῆς κωμάζειν, five id verbum *comeffare* significat,  
qua in significatione saepe accipitur: quod post  
convivia laeti in pagis carmina quaedam rudia &  
incondita, quae postea in comoedias sunt expolita,  
cantarent: five etiam κωμάζω significat δρᾶμα ἄδω,  
καὶ ὑκρίζω, quod tradit Suidas, id est *comoedias ca-  
no*, & petulanter in aliquem dico. quae quidem in an-  
tiqua comoedia fuit impune omnibus licentia ma-  
xima. ut non magis κωμάζω ἀπὸ τῆς κώμης, quae vox  
inter alias notiones *convivium*, & *Conium Deum* co-  
messationum & petulantiae significat, quam ἀπὸ τῆς  
κώμης, id est a pago & compitis duci queat. Sed Ari-  
stoteles in *lib. de arte Poëtarum* [cap. 3.] comoediam  
non ἀ κωμάζω, verum omnino ἀπὸ τῆς κώμης agno-  
scit, Dorienſibus comoediae originem ab Athe-  
nienſibus vindicans. Affirmat enim Dores Comoe-  
diae atque etiam Tragodiae, non Athenienſes  
fuisse repertores. probatque hoc argumento ab ety-  
mologia vocis utriusque Comoediae & Dramatis  
ducto: contendens κώμη vocem, unde comocdia  
est dicta, esse vocabulum Megarenſium, qui Do-  
res fuere, non Athenienſium. Qui Athenienſes  
pagos vocant δήμους, non κώμας. Item cum δρᾶμα,

quo nomine significatur *fabula* (sic enim vertendum fuit, non *actus*, ut fecerunt nonnulli) id est comoedia & tragoedia ἀπὸ τῆ δρᾶν, quod Doricum est verbum, non Atticum, deducatur, patet Drama, id est, utramque comoediam & tragoediam ab Doribus non Atheniensibus manavisse. Nam Athenienses πράττειν dicunt, quod Doribus est δρᾶν. sicut δῆμους Attici vocant, quas κώμας Dores appellant, unde comoediam dictam volunt, ut si tragoediae & comediae inventionem Atticis tribuamus, necesse sit δράματα appellata esse ab eorum verbo πράττειν πράγματα: & comoedias δημοδίας ἀπὸ τῶν δήμων, Attico item verbo. At (dicet aliquis) cur tam morose & παρέργως Aristoteles originem quaerit comoediae & tragoediae? Ut Platonem magistrum suum, a quo vel longe captata opportunitate saepe dissentit, doceat non vere sensisse, quod in Minöe confirmet, tragoediam inventum Atheniensium multo ante Thespim & Phrynichum fuisse. Sed enim quam firmiter pugnet contra Platonem Aristoteles solo fultus argumento etymologiae, statuunt alii. in quo tamen si firmamenti satis sit, non vindicabit tamen Doribus Comoediam ob id, quod Megarensium vox sit Comoedia. Quippe Megarenses initio Jones Atticique fuere non Dores, ut duobus in locis docet Pausanias in *Atticis*. ut Strabo *initio lib. 9.* ad quos lectorem rejicio. Sunt etiam qui comoediae Originem ad Siculos referant auctores. vid. Solin. *cap. 11.*

Sed quod de Lenaeis & Dionysiis five Dionysiacis polliciti sumus, legimus in Midiana Demosthenis, & alibi etiam apud eundem, praeterea apud Scholiasten Acharnensium *Aristoph. [ad vs. 377.]* bina Dionysia (a) diversis temporibus constituta fuisse

(a) Imo vero tria fuere Dionysia. τὰ κατ' ἀγῶνας, quae  
men.

fuisse Dionysia. Vere in urbe, in agro in Leno alio die. Utraque autem Dionysia dicta sunt. proprie autem quae in Leno (Lenus Atticae vicus fuit) Lenaea sunt vocitata. Qui igitur Dionysiis originem habuisse comoediam scribunt, Lenaea quidem intelligunt, sed nomen generis pro specie accipiunt.

mensē Posideone celebrabantur. τὰ ἐν ἄρσει, quæ veris initio, mensē Elaphebolione agebantur. Conf. *Theophrast. charact.* c. 4. & ibi *Casaubon.* eundemque ad *Athen.* L. vi. c. 15. p. 445. Et denique τὰ ἐν λίμναις, quæ & ἀρχαῖα dicuntur, & incidebant in mensem Anthesterionem. Vid. summum *Scalig. de Emend. temp. Lib. 1. p. 29. Petitum ad leg. Att. p. 45. & Spanhem. in princip. Comment ad Aristoph. Ranas.* Verum notandus imprimis de Dionysiis *Hesychii* locus, qui ita habet. Διονύσια, ἑορτὴ ἀθήνητι, ἢ Διονυσῶ ἡγίτο. τὰ μὲν κατ' ἀγροὺς μὲνός ποσειδιῶνος. τὰ δὲ κλαῖα μὲνός ληναιῶνος. τὰ δὲ ἐν ἄρσει ἐλαφροβολιῶνος. Cujus quidem Glossæ media verba, τὰ δὲ κλαῖα μὲνός ληναιῶν, corrupta cum sint, varic à Viris Doctis restituuntur, ut ex luculentissima Grammatici editione, à Viro summo *J. Alberti* procurata, videre licet. Diu vero est, quod cum *Heinsio, Salmasio, Sopingio & Vossio* legendum censuerim, τὰ δὲ ληναῖα μὲνός ληναιῶνος, atque ita ληναίων nomine designasse *Hesychium* illud Bacchi festum, quod alii Διονύσια ἐν λίμναις vocant. Et hujus conjecturæ veritas patet, cum quod illud Bacchi festum, quod Lenæone mensē celebrabatur, ληναῖα vocet ipse Grammaticus in voc. ληναίων μὲν, tum quod ληναῖα acta fuisse ἐν λίμναις scribat in voc. λιμνάγηνες. Præterea in voc. ληναίων μὲν, mensem Lenæonem æquiparat Boeotiorum Hermæo, qui secundus in eorum anno mensis est. Cumque primus Bucation respondeat Atheniensium Gamelioni, vid. *Jos. Scalig. de Emend. Temp. Lib. 1. p. 53.* sequitur, ut Hermæus conveniat eorum Thargelioni, quo mensē celebrata fuisse τὰ ἐν λίμναις Dionysia veteres omnes tradunt. Etiam si autem probabiliter admodum docuerit *Dodwellus de Veter. Græc. & Rom. Cyclis Diff. v. 6. 17. 18.* Lenæonem convenisse cum Bucatione, nihil tamen obstat, cur non potuerit *Hesychius* erroneam illorum opinionem sequi, qui Lenæonem ab Hermæo diversum non esse, & proinde Anthesterioni respondere putant; adeoque scribere Διονύσια ἐν λίμναις, sive ληναῖα secundum ipsum, celebrata fuisse mensē Lenæone. Utrum vero recte, an secius censuerit Lexicographus ληναῖα eadem esse cum Dionysiis ἐν λίμναις, nunc ne nimis sim, non disquiram.

## CAPUT IX.

*Virgilii locus explicatus. India duplex: Mare Persicum, Rubrum, & Atlanticum.*

**N**icolaus Siccus civis meus, vir belli pacisque virtutibus ornatissimus admirari se magnopere aliquando mihi solitus est narrare, cur Virgilius Persidem Aegypto vicinam scripserit: curque Nilum fluvium ab Indis decurrere cecinerit his verbis Georg. IV. [vs. 287. seqq.]

*Nam qua Pellaei gens fortunata Canopi  
Accolit effuso stagnantem flumine Nilum,  
Et circum pictis rebitur sua rura faselis:  
Et viridem Aegyptum nigra foecundat arena.  
Et diversa ruens septem discurrit in ora  
Usque coloratis amnis devexus ab Indis,  
Quaque pharetratae vicinia Persidis urget,  
Omnis in hac certam regio jacet arte salutem.*

Sane res est animadversione dignissima. praesertim cum ex interpretibus alii hic suspendant pedem; alii etiam vitiatum esse locum sint arbitrati. Sed sanus integerque est, solaque indiget explicatione. Nodus autem ille, quem esse duplicem diximus, scilicet quomodo Aegypto vicinam esse Persidem recte dixerit: & Nilum ab Indis decurrere, dissolvetur, & expedietur parvo negotio, cum probavero Rubrum mare, cujus Arabicus sinus pars est, etiam Persicum esse appellatum. quo Rubro mari sive Persico Aegyptus ab oriente alluitur. quae res priorem tollet dubitationem. cumque ostendero Aethiopiam, per quam Nilus decurrit, & alias interiores Africae regiones, Indiam vocari. quo cognito alter nodus expedietur. Illud tamen multo ante moneo: limitem Africae, qua parte Asiam

spe-



ſpectat, non eundem ab omnibus ſtatui. Multi Nilum fecere: Pomponius Mela [*lib. i. cap. 8.*] Catabathmon: Ptolemaeus, quem ego ſequor, Arabicum maris Rubri ſinum & Iſthmum. Idque Homerum & eruditiores ſecutos eſſe abunde docet Strabo *lib. i. § II.* Ac Rubrum mare Graecis Erythraeum dictum ab Erythro Rege: qui primus Ora-  
 ctæ (quam tamen Mela *lib. iii. cap. 8.* Ogyrim; Strab. *lib. xvi. [pag. 1111. Ed. Almelov.]* Tyrinam vocat) inſulae contra Carmaniam imperium tenuit, non eſt ſolus ſinus Arabicus, quem Hebraei duce Moſe ſiccis veſtigiis tranſierunt, & quo Chencres Pharaon obrutus eſt divino beneficio, non magico veneficio, ut Beroſus tradit. ſed hoc nomine totus Oceanus Indicus, Carmanicus, Perſicus, Arabicus, & Aegyptius, totuſque Africus ad Atlanticum continetur. Quae res auctoritatibus demonſtrabitur. deinde oſtendam hoc, quod dixi, Rubrum mare etiam Perſicum fuiſſe appellatum, ut intelligatur, recte a Virgilio dictum fuiſſe Perſidem Aegypto vicinam. Ac de priore prius.

Joſephus *Antiquitat. Judaic. lib. i. [cap. i. ſect. 3.]* Euphrates autem & Tigris in mare Rubrum feruntur. Diodorus Siculus *lib. iii. cap. 3.* Euphrates & Tigris per Babyloniam fluentes in mare Rubrum deferuntur. Idem *lib. xix.* Tigris in Rubrum exit mare. Arrianus *lib. viii. de rebus geſtis ab Alexandro (a).* Perſidis regionem tripliciter dividi fama eſt. nam quae pars ejus ad mare Rubrum reſpicit, arenosa eſt & ſterilis. Tacitus *lib. ii. [Annal. c. 61.]* Exin ventum Elephau-

(a) Habentur hæc in *Arriani Hiſtoria Indica cap. 40. p. 355. Ed. Gronov.* quam quidam olim, ſed perperam, pro Octavo aperis de Expeditione Alexandri libro habuerunt, v. notas Gronovii ad princ. hujus libri.

phantinen: & Syenen, claustra olim Romani imperii, quod nunc Rubrum ad mare patefcit. Plinius lib. vi. cap. 24. de Carmania loquens, Irrumpit deinde in hac parte geminum mare in terras, Rubrum dixere nostri. Graeci Erythreum a rege Erythra: aut (ut alii) solis repercussu talem reddi colorem existimantes: alii ab arena terraque: alii tali aquae ipsius natura. Sed in duos dividitur finus. is qui ab oriente est, Persicus appellatur. XXV. M. pass. circuitu, ut Eratosthenes tradit. ex aduerso est Arabia cujus XII. M. pass. est longitudo. rursus altero ambitur sinu Arabico nominato. Idem cap. 25. Regna Parthorum duodeviginti sunt omnia. ita enim dividunt provincias circa duo (ut diximus) maria: Rubrum à meridie, Hircanum a Septentrione. Et cap. 26. Persae Rubrum mare semper accollere, propter quod is sinus Persicus vocatur. Et ibidem, A mari Rubro si Tigri navigatur. CCCXX. M. Et cap. 27. ejusdem lib. Namque in Mediam, Parthiam, & Persidem ab oriente Indo, ab Occidente Tigri, a Septentrione Tauro Caucaſo, a meridie Rubro mari terminatur. Arrianus lib. 8. [Hist. Ind.c. 19.] Usque in Sinum Persicum, quem alii mare Rubrum appellant. Et paullo post. Sinus Persicus introrsus recedit, quem mare Rubrum appellamus. Sicque saepe alibi apud eundem. Auctor de Viris Illustribus cap. 77. de Pompejo loquens: Primus in Hircanum, Rubrum & Arabicum mare usque penetravit. Curtius (a) lib. iv. [cap. 12. §. 9.] Indi, ceterique Rubri maris adcolae. Idem lib. v. de Tigri & Euphrate. [cap. 1. §. 15.] Eadem per Babyloniorum fines in Rubrum mare pertinet. Idem lib. vi. [cap. 2. §. 12.] Hinc Parthienem  
ven-

(a) In prima hujus libelli editione scriptum est *Justinus*, quod vitium correxi, cum ea quæ hic & in sequentibus profert *Matius* omnia apud *Curtium* reperiantur.

ventum est, tunc ignobilem gentem, nunc caput omnium, qui post Euphratem & Tigrim amnes siti Rubro mari terminantur. Idem lib. VII. [cap. 3. §. 21.] Perpetuum habent dorsum: ex quo Asiae omnia fere flumina, alia in Rubrum, alia in Caspium, alia in Hircanium & Ponticum decidunt. Idem lib. VIII. [cap. 9. §. 14.] Mare certe, quo alluitur (India) ne colore quidem abhorret a ceteris: ab Erythro rege inditum est nomen, propter quod ignari rubere aquas credunt. Pomponius Mela lib. I. cap. 2. Tribus hanc (Asiam) e partibus tangit Oceanus, ita nominatus, & locis differens. Eous ab Oriente: a Meridie Indicus: a Septemtrione Scythicus. Et paullo post: Ex illo Oceano, quem Indicum diximus, Arabicum mare & Persicum, &c. Item lib. III. cap. 7. Inde (ab Indico) ad principia Rubri maris pertinent. Et paullo post: Duosque (Rubrum mare) iterum sinus aperit: Persicus vocatur dictis regionibus propior: Arabicus ulterior. Solini verba ex cap. 67. non apponam; sunt enim prope ad verbum ex Mela & Plinio tralata. Strab. lib. XI. [pag. 797.] Persae magna ex parte mare Rubrum accolunt. Idem ibidem. [p. 801.] In Rubrum mare Euphrates & Tigris exeunt. Idem lib. XVI. [pag. 1110.] Orientale Persicus sinus, Occidentale Arabicus, Australe mare magnum, quod extra utrumque est sinum. idque totum mare Rubrum vocatur. Idem eod. libro. Rubrum mare contra Persiam. &c. Ubi varias opiniones unde dicatur Erythraeum affert. Herodotus autem sic. [lib. VI. cap. 20.] Milesii a caede conservati dehinc Susa perducti sunt: quos rex Darius nulla alia poena afficiens collocavit in urbe Ampe ad mare, quod Rubrum vocatur, sita. Idem lib. IV. [cap. 37.] Ubi Persae incolunt, id ad australe portenditur mare, quod dicitur Rubrum. Et paullo post: [cap. 40.] Quae supra Persas sunt &  
Me-

*Medos, & Sapires, & Colchos, auroram versus & solem orientem, hi Rubro alluuntur. Idem lib. I. [cap. 189.] Cyrus Babylonem tendens, ubi venit ad Gynden amnem, qui Matienis ortus montibus per Dardaneos in Tigrim amnem fluit, qui Opim urbem praeterlabens Rubro infunditur mari, conabatur hunc fluvium Gynden transire. Et paullo supra. [cap. 180.] Euphrates, qui magnus, & altus, & celer ex Armeniis in Rubrum mare decurrit. Et eodem libro. [cap. 202.] Nam & illud, quod Graeci omne pernavigant, & id quod extra columnas vocatur Atlanticum & Rubrum, idem mare est. Eodem etiam nomine fere semper appellat Dio. Ac quod hic Herodotus Rubrum mare Atlanticum vocat, idem facit & Strabo lib. XVII. Ab occidente (inquit) Indus fluvijs australe & orientale latus, quae sunt aliis majora, in Atlanticum pelagus. Xenophon lib. VIII. Paediae Cyri ad finem bis Erythraeum mare pro Persico & Indico posuit. ut interim scrupulum ex eo auctore tollamus, qui multos doctos male habuit, qui existimantes mare Rubrum esse solum sinum Arabicum, concipere non poterant quomodo fieri posset, ut ab Oriente regnum Cyri Rubro mari terminaretur. Xenophontis verba sunt haec. [pag. 188. Ed. Leuncl. An. 1569.] Itaque illius imperii termini fuerunt, ad orientem quidem Rubrum mare. ad Septentrionem autem Euxinus pontus. ad occidentem vero Cyprus & Aegyptus. ad meridiem autem Aethiopia.*

Atque haec satis sint ad ostendendum, mare illud totum, quod ab Eoo ad Aegyptum, Aethiopiam, & ad reliquam littoralem oram ejus partis Africae protenditur, Rubrum fuisse ab antiquis appellatum. Restat nunc, ut probemus, hoc Rubrum mare etiam Persicum fuisse appellatum. quo intelligatur, bene dictum esse a Virgilio, Persidem

(ni-

(nihil autem refert Persicum mare aut Persidem dixisse) Aegypto vicinam esse. Igitur Strab. *lib. xi.* [pag. 792. Ed. Almel.] *Tigris & Euphrates coeunt, deinde in mare Persicum emittuntur.* Plinius *lib. v. cap. 26.* *Necessarium est hoc in loco signare & Medorum situm, terrarumque faciem circumagere ad Persicum mare.* Et paullo post: *Persae Rubrum mare semper accoluerunt: propter quod is sinus Persicus vocatur.* Et ibidem de Tigri loquens: *Mox alveo vasto profusus, dextra Characis oppidi infertur mari Persico decumo ore.* Idem *lib. xii. cap. 9.* *Gentes supradictas Persis attingit, Rubro mari, quod ibi Persicum vocavimus, longe in terra aestus agente.* Herodotus *lib. iv. [cap. 39.] Altera vero a Persis incipiens porrigitur ad Rubrum mare, quod & Persicum vocatur.* Atque haec etiam sufficiant. Si ergo Persicum mare Rubrum mare est, & Aegyptus alluitur Arabico sinu, qui est Persici sive Rubri maris pars, jam clare patet Aegyptum Persidi, id est Persico mari vicinam esse. Atque quod ad Arabicum sinum pertinet, mirum videri debet nemini, si mare Persicum dicatur, toto scilicet mari pro parte accepto. Sic multi Graeci Historici facere consuevere: qui Adriaticum sinum, Jonium frequenter vocant. Sic Pausanias *Messeniacis & Atticis*, & *Eliacorum* secundo, sic Strab. *lib. ii. vi. & vii.* saepe. sic Procopius *in historia aedificiorum Justiniani.* sic facit Plutarchus *in Antonio*, sic Thucydides *lib. i. vi. & vii.* Sic Diodorus *lib. xiii. & xvi.* Sic Lucianus *in Dialogo ἑρπῆτες.* Sic Horatius *Epod. in Maevium [od. 10.] Herodiani ex lib. viii. de Alpibus loquentis verba ponam, & Aristidis. ille igitur sic scribit. [c. i. §. 12.] Laeva ad Tyrrhenum pelagus. dextra ad Jonium usque pertingentes.* Aristides vero *in Oratione de Urbe Roma.* [Tom. I. pag. 199. Ed. Jebbii.] *Futuraque*



*una urbs perpetua in Jonium mare protensa.* Dio quoque *lib. xli.* Quod neque rediisse adhuc ex Hispania Caesarem putabat (*Pompejus*) atque ut maxime reversus esset, minime tamen suspicabatur, eum hieme Jonium mare trajicere ausurum. Appianus saepissime de Jonio meminit, nec fere aliter cum de sinu Adriatico loquitur.

Quod vero Aegyptus diu fuerit sub imperio Persarum (si quod forte & id ad rem facit) quilibet ex Josepho, Herodoto, Beroso, & Manethone atque aliis potest cognoscere. Sed quando priorem obscuritatem illustravimus, lucem etiam posteriori afferamus: declarantes, quinam sint Indi, unde Nilus decurrit. Ac absolvi quidem res brevibus posset, si dicamus id, quod tradit Josephus *lib. i. Antiquitatum Judaicarum, cap. 2.* Nilum unum ex quatuor fluminibus, quae Paradysum, ubi collocati fuerunt a Deo Adamus & Eva primi hominum parentes, oriri quidem in orientali parte (cujus & venam esse fontem Capernaum in Judaea nonnullos esse arbitratos tradit idem *lib. iii. cap. 18. belli Judaici.*) Sed occultis postea tramitibus penetrare in Aegyptum: quo in errore fuisse aliquamdiu & Magnum Alexandrum tradit Strab. *lib. xv. [pag. 1020.]* & Arrianus *initio lib. vi.* Pausanias etiam Corinthiacis: [*cap. 5.*] *Atque ipsum Nilum Euphratem primo esse dicunt. quem coeno absorptum latere aliquamdiu putant. rursusque emergentem supra Aethiopiam efficere Nilum.* Verum ut hanc expositionem penitus nec rejicio nec assero, ita inclinatur animus huc magis, ut credam appellatione Coloratorum Indorum a Virgilio intelligi interiorem Aegyptum & Aethiopias, per quas Nilus decurrit. idque non tam, quod (ut tradit Arrianus *lib. viii.* & Herodotus *lib. iii.* & Strab. *lib. xvii.*) Aethio-  
pia

pia Indiae sit similis: nam & Indici fluvii Crocodilos habent, sicut & Nilus, & eosdem pisces, praeter Equum fluviatilem: & Indorum corpora atque Aethiopum hominum non multum differunt: sed quod Aethiopes, qui utrasque Nili ripas habitant, immo longius latiusque ibi extenduntur, (ut est legere cum apud alios, tum apud Diodorum *lib. iv. cap. 1, 2, 3. & 4.*) Indi proprio nomine appellantur, non tantum hoc loco a Virgilio, sed etiam *lib. ii. ejusdem operis. [vs. 116.]*

———— *Sola India nigrum.*

*Fert Ebenum.* ————

Ibi enim proculdubio de Aethiopia intellexit. quoniam Aethiopiae arbor est Ebenus, auctore Herodoto *lib. iii. his verbis. [cap. 114.] Haec (Aethiopia) & auri multum fert, & vastos Elephantes prominentibus utrinque dentibus: & cum agrestes omnes arbores, tum vero Ebenum, nec non viros maximos pulcherrimosque & aevi longissimi.* Testatur id quoque Diodor. *lib. ii. cap. ultimo. Aethiopes, qui ad meridiem spectant, aggressus victos acie tributum pendere compulit Ebenum, aurum, & Elephantorum dentes.* Et de Meröe loquens Nili insula: *Ebenum insuper fert.* Dioscorides *lib. iii. cap. 110. in India & Aethiopia nasci Ebenum tradit.* Theophrastus *lib. iv. cap. 5. Indici tantum meminit.* Strabo *lib. xv. in India, & lib. xvii. [p. 1177.] in Meröe.* Sed ad Nilum. Procopius *de aedificiis Justiniani. [lib. vi. cap. 1.] Nilus (inquit) ab Indis in Aegyptum decurrens finitimam terram usque ad mare in duas partes dirimit.* Neque vero (id enim ὁδοῦ παράγου ad dam) Virgilius ab Herodoto dissentit, quod putavit Plinius *lib. 4. cap. 12. cum dicit, sola India nigrum fert Ebenum,* sed vel simul uno nomine utramque Indiam intellexit, Asiaticam scilicet, & Africanam,  
id

id est Aethiopiam: vel solam designavit cum Herodoto Aethiopiam, securus quid contra Theophrastus traderet. vidit quoque id utcumque Servius, doctus Maronis interpres, cujus haec sunt verba.

— — — *Sola India Nigrum.*

*Fert Ebenum:)* atqui in Aegypto nascitur. Sed Indiam omnem plagam Aethiopiae accipimus. De Aethiopico Ebena & Mela lib. III. cap. 9. Sed ad Indiam revertamur. Hyginus fab. cclxxv. de Thebis Aegyptiis. Jovis in India Thebas Thebaïdos nomine nutricis suae, quae Hecatonpylae appellantur, ideo quod centum portas habent. Idem ibidem. Liber in India Hammonem &c. Josephus II. belli Judaici [cap. 16. Tom. 2. p. 190. Ed. Havercamp.] etiam tam aperte Aegyptum Indiae vicinam ponit, ut amplius de interpretatione nostra non sit dubitandum. Sed quid opus est longe petitis exemplis potentiam explicare Romanam? cum eam possitis de vicina vobis Aegypto diligenter inspicere: haec enim cum usque ad Aethiopas porrigatur, opulentamque Arabiam, contiguaque sit Indiae, quinquaginta & septingentas myriadas habens praeter Alexandrinorum plebem &c. Sensus porro Virgilianorum versuum hic est. a mediterraneo mari (quod intelligitur cum ait:

*Nam qua Pellaei gens fortunata Canopi &c.*

Canopus enim est Aegypti ad unum ex ostiis Nili, quod inde Canopicum vocatur) ad Persicum mare (qui est Sinus Arabicus, & reliquus Oceanus alluens continuatam illam oram Aegypti & subsequens regionum: quod significat versus ille:

*Quaque pharetratae vicinia Persidis urget.)*

Et ad Aethiopas reliquosque circa populos (quod versu illo declaratur:

*Usque coloratis amnis devexus ab Indis)*

Totus ille tractus & ea omnis in hac certam regio  
jacet

*jacit arte salutem.* Qui limites Aegypti scire cupit, praeter Ptolemaeum, & Plinium, adeat Strab. lib. xvii. Procopii verba non fortasse supervacuum fuerit apponere. faciunt enim ad illum verbum:

*Et circum pictis vebitur sua rura faselis:*

Ille igitur de aedificiis Justiniani [lib. vi. cap. i.] Nilus (inquit) Fluvius ad Alexandriam usque non decurrit, sed oppidulum quoddam, quod Cheraeum vocatur, alluens, in sinistram deinceps fertur, relictis Alexandrinorum promontoriis. Quamobrem antiqui habitatores, ne fluvii commoditate urbs omnino careret, egesta profunda fossa quadam, angusti fluminis meatum ad urbem perduxerunt, in quem alii quoque effluxus e stagno, quod Maria dicitur, exonerant. Haec fossa magnarum navium patiens non est. Sed Lembis Aegyptii fruges ex Cheraeo transferentes ad urbem convehunt, qua per fossam fluminis ope jam appropinquare possunt: atque fruges exponunt in locum, quem Phialem Alexandrini vocant.

## CAPUT X.

*Censere, & locus Livii declaratus.*

**C**ensere pulchram atque elegantem notionem habet apud Livium lib. iii. [cap. 40.] ubi de Decemviris agit. Cum aliud, praeterquam de quo retulissent, Decemviri dicere probiberent, Claudium interpellandi verecundia fuit. sententiam igitur peregit: nullum placere senatusconsultum fieri: omnesque ita accipiebant, privatos eos a Claudio judicatos: multique ex consularibus verbo assensi sunt. alia sententia asperior in speciem, vim minorem aliquanto habuit, quae Patricios coëre ad prodendum Interregem jubebat. Censi-

*sendo enim quoscumque magistratus esse, qui Senatum haberent, judicabat, quos privatos fecerat auctor nullius Senatusconsulti faciendi.*

In his verbis Livii nihil est addendum. verum ut obscuritas quae inest, tollatur, sic locum interpungendum cenfeo. *Censendo enim, quoscumque magistratus esse, qui senatum haberent, judicabat: quos privatos fecerat auctor nullius senatusconsulti faciendi.* Obscuritas, quae negotium facit, tota est in voce hac, *censendo*: cujus vis & potestas hic est perelegans. Quippe dictum est ab Livio absolute *Censendo*, pro dicendo, suadendo, & probando quantum possit patribus sententiam allatis rationibus, ut in eam discedatur. Itaque *Festus* inter alias significationes dicit hoc verbum *censere* significare *suadere & decernere*. Et fane qui censet, in hoc censet, ut decernatur, & Senatusconsultum in sententiam suam fiat. Totius autem loci haec est sententia. Qui coire patricios ad prodendum Interregem jubebat, magistratus esse Decemviros sic censendo judicabat: quos Decemviros Claudius auctor non censendi, id est, non decernendi, nulliusque Senatusconsulti faciendi privatos judicaverat. Ratio autem, quare Claudius contenderet, non posse nec debere fieri Senatusconsultum, est: quod Senatus legitime non convenisset: ut qui esset a Decemviris coactus, qui non amplius essent magistratus, sed privati: ut quorum magistratus jam esset finitus. Itaque etsi Senatus frequens convenerat a Decemviris vocatus, tamen annitebantur cum Claudio seniores, ne Senatusconsultum fieret. videbant enim id esse praejudicium, apertamque & expressam confessionem, quod Decemviri magistratus essent. quippe quibus vocantibus & consulentibus senatum, senatores conveniendo paruiissent, censuissent, & Senatusconsultum esset factum. sic verba haec: *Censendo*



do enim, quoscunque magistratus esse, qui Senatum haberent, judicabat: quos privatos fecerat auctor nullius Senatus consulti faciendi. Haec (inquam) verba reddunt causam sententiae superioris: quare scilicet cum asperior esset in speciem, vim tamen aliquanto minorem haberet, immo causam publicam proderet. hanc autem esse sententiam Livius ipse paullo ante his verbis ostendit. [cap. 38.] Qui aliquando se ipsorum frequentior convenit. quo facto proditam a patribus plebs libertatem rata: quod iis, qui jam magistratu abiissent, privatisque si vis abesset, tamquam jure cogentibus senatus paruisset. Quod vero censere potestatem eam notionemque, quam dixi, habeat, duobus, sed ad rem maxime appositis, exemplis Sili & Taciti comprobetur. Silius igitur lib. II. [vs. 373.] sic ait:

*Factaque censendi, patrum de more, potestas.*

Tacitus vero lib. II. [Histor. cap. 91.] *Ac forte Priscus Helvidius praetor designatus contra studium ejus censuerat.*

## CAPUT XI.

*Ursos & Cervos nasci in Africa: multos scriptores saepe diversa tradere.*

Ostentant nonnulli ingenium & philosophantur in eo Virgilii versu de Tartaro. [Aenëid. VI. vs. 578.]

*Bis patet in praeceps tantum tenditque sub umbras:*

*Quantus ad aetherium coeli suspectus Olympum.*

Quaerunt hic, cur duplo majore spacio Tartara descendere, quam attollatur a terris coelum dixerit Virgilius. Verum torqueri in his quaestionibus ulli non est operae pretium. Nam licentia haec est,

quam sibi suo jure quodam vindicant poëtae; ut pro libidine in hujusmodi rebus fingant & tradant, quae collibuit. Hesiodus quippe in Theogonia pari spacio terram ab utroque Coelo & Tartaro distare scribit. [vs. 720.]

Τόσσον ἐνερθ' ὑπὸ γῆς, ὅσον οὐρανὸς ἐς' ἀπὸ γαίης  
Ἴσον γὰρ τ' ἀπὸ γῆς ἐς Τάρταρον ἠερόεντα.

An non de Cerberi capitibus diversa tradunt? trium capitum Virgilius, & eum secuti innumeri latini poëtae scribunt. Hesiodus quinquaginta capitum appellat. [Theogon. vs. 311.]

Κέρβερον, ὠμῆσιν, αἰδέω κύνα χαλκεῷ φωνόν,  
Πεντηκοντακάρηνον, ἀναιδέα τε, κάρτερόν τε.

Sibyllas alii quatuor, alii decem fuisse scripserunt, ut est apud Aelianum *de varia historia lib. XII. [cap. 35.]* In numero liberorum Niobes dissentiunt item poëtae. verba apponam Aeliani *lib. XII. [cap. 36.]* *Videntur antiqui in numero filiorum Niobes inter se minime concordare. Homerus quidem sex ait fuisse mares, & totidem feminas. Lasus vero bisseptem. Hesiodus autem decem & novem. Si modo Hesiodi versus illi sunt, ac non falso, ut multa alia, illi sunt attributa. Alcman decem ait. Mimnermus viginti. Pindarusque totidem. Hydrum alii quinque, alii septem capitum scribunt fuisse. Hyginus novem. quod etiam multo ante cecinerat Alcaeus: ut est apud Scholiastem Hesiodi in Theogonia. [vs. 313.]* Simonides autem eodem tradente Scholiaste quinquaginta capitum dixit. Diodorus Siculus centum. Sed de Hydra Pausanias Corinthiacis. [cap. 27.] *Hydra unum caput habuit. Pisander Camirensis, ut bellua videretur horribilior, & poësis efficeretur fide digna, capita Hydrae plura attribuit. De Tityo Virgilius. [Aeneid. VI. vs. 596.]*

— per tota novem cui jugera corpus  
Porrigitur. — —

Quod

Quod ex IX. *Odyssææ* sumptum est. At Hyginus septem tantum. Ac scitu dignum est, quod scribit Pausan. Phocaicis. [cap. 4. pag. 806.] Locum, ubi Tityus sepultus fuit, novem jugerum fuisse: hic poëtae occasionem fabulae invenerunt. Cajetam Aenæae fuisse nutricem Virgilius. [*Aeneid.* VII. init.] At Dionysius [lib. I. p. 43. Ed. Sylburg.] & Livius Prochytae putavere: unde & Prochytae insulae nomen inventum. Herculem apud alios duabus, apud alios tribus noctibus conceptum fuisse scriptum reperies, si Plauti *Amphitruonem*, Oetaeum Senecae *Herculem*, & Statii lib. XII. legas. Itaque a Lycophrone [vs. 33.] τρισπέριος λέων, Hercules dicitur, & à Pallada in Epigram. Graecis τρισέληνος. Scyllam, quae in marinum monstrum sit versa, Virgilius modo Nisi, modo Phorci filiam tradit (a). Historiae quoque gravissimos scriptores diversa scribere, saepe est animadvertere. In Africa ursum non nasci prodit Plinius lib. VIII. cap. 37. & penultimo ejusdem libri. At Solinus cap. 39. & Herodotus [lib. IV. c. 191.] contra scriptum reliquere. ut non sit mirandum, quod Virgilius lib. V. [*Aeneid.* vs. 37.] sic cecinit:

*Horridus in jaculis, & pelle Libystidis ursae.*

Idem Plinius eodem cap. & lib. Africam Cervos non gignere affirmat. At Herodotus (b), Mela, & Virgilius aliter crediderunt. Sic enim poëta lib. I. [*Aeneid.* vs. 188.]

-- -- Tres

(a) Vid. Virgil. *Aeneid.* III. vs. 424. Georg. I. vs. 404. & praecipue *Eclog.* VI. vs. 74. & quæ ad h. l. notarunt Heinsius & Burmannus. conf. etiam quæ ipse auctor habet infra cap. LXX.

(b) Imo vero contrarium scribit Herodotus Lib. IV. cap. 192. ubi: *cervus & aper prorsus in Africa nullus est.* Eique adsentitur etiam Servius ad Virgilii l. c. nec puto apud Melam reperiri, quod hisce refragetur.

— — — *Tres littore cervos*

*Prospicit errantes. hos tota armenta sequuntur.*  
 Aeolias insulas, quae & Aeolides, Lipareorum, Vulcaniae, Hephestiae, & Hephestiades sunt appellatae, numero esse septem tradidere Mela [l. II. c. 7.] Plinius [l. III. c. 8.] Didymus, Solinus. [cap. 6.] Novem Ptolemaeus. tantum quinque Ap- pianus Alexandrinus lib. v. *bellorum civilium*. [pag. 1158. edit. Tollii.] Hujusmodi sexcenta ociosis & cu- riosis occurrent.

## C A P U T XII.

*Fabulas poëtarum plerumque historiam ali-  
 quam respicere. locique aliquot  
 Virgilii illustrati.*

**N**on sunt ita apud poëtas fabulosa omnia, ut vulgus censet, ut nunc omittam reliquos, de Virgilio loquar. apud quem vix fabulam invenias, quae non aliquam historiam obumbret. Ecce, quid magis vanum trajectione mortuorum nauta Charonte? At id totum figmentum ex penitissima historia Aegyptiorum est petatum. qui mortuorum cadavera ex continente per Nilum & Acherusiam paludem ad sepulcrum efferebant, trajiciente por- titore, quem Charontem vocarunt. Quae historia a Diodoro Siculo lib. III. cap. 6. traditur longiori- bus verbis, quam ut huc sint transferenda. Apud eundem Virg. [*Aenëid. vi. vs. 617.*]

— — — *Sedet, aeternumque sedebit.*

*Infelix Theseus.* — — —

Legunt hic quidam *Tereus*: quoniam eductum ab Hercule jam ex inferis locis Theseum in fabulis le-  
 gunt,

gunt, nullo alio argumento ducti. at id corrumpere est auctores, non exponere, ex libidine quidquid sit libitum mutare tam leviter. quasi Virgilius non respexerit vel ad umbram Thesei: quoniam antiquorum quorundam Theologia tenuit, mortuorum quidem corpora terrae, animas coelo, umbras vero inferis reddi: vel etiam ad fabulam, quae dicitur, Thesei nates diutina sedendi in vinculis apud inferos necessitate, lapidi, ubi sedebat, adhaesisse: & cum Hercules abreptum abduceret, agglutinas ad saxum illas reliquisse. itaque Virgilius prudenter verbo sedendi est usus, ad nates alludens. Praeterea quoniam Theseus Atheniensis fuit, potuit & Virgilius ad illud respicere, quod de illis fertur. Nam quoniam rei nauticae essent omnino dediti Athenienses, Depyges sunt dicti a Comicis, quasi diu sedendo nates perderent, ut loquitur (opinor) Plautus. Fabula praeterea de Theseo & Perithoo ex eo ficta est, quod uterque ad Aidoneum, quem *Adon* alii dicunt, Regem Molosseorum accesserunt. qui filiam ex Cerere uxore Proserpinam nomine locare non alia conditione volebat, nisi prius canis, cui Cerbero nomen fuit, singulari certamine a proco esset superatus. Haec omnia & alia plura, quomodoque Theseus in vincula coniectus, ab Hercule fuerit liberatus, vel etiam ipse Perithous, legere quilibet potest apud Pausaniam in *Atticis*, & Plutarchum in *Theseo*, Diodorum *lib. iv. cap. 3. & lib. v. cap. 5. ad finem*, & apud Aelianum *lib. Variae Historiae iv. in principio*. Quid? illud de effera immanitate Mezentii *lib. viii. [vs. 485.]* non est ex historia petatum? Cum scribit illum cadaveribus vivorum corpora alligare solitum, ut putrescerent prius, quam anima essaretur?



*Mortua quin etiam jungebat corpora vivis,  
Componens manibusque manus, atque oribus ora,  
Tormenti genus: & sanie, taboque fluentes  
Complexu in misero longa sic morte necabat.*

Audi Ciceronis verba ex Hortensio, quae sunt apud Augustinum IV. contra Pelagium. Verumque sit illud, quod est apud Aristotelem, simili affectos supplicio, atque eos: qui quondam cum in praedonum Etruscorum manus incidissent, crudelitate excogitata necabantur: quorum corpora viva cum mortuis adversa adversis accommodata quam aptissime colligabantur. ita nostros animos cum corporibus copulatos, ut vivos cum mortuis esse conjunctos. Hanc eandem historiam lib. VIII. cap. 2. de Crudelitate refert Valerius Max. Ciceronis verbis: *Ac ne Etrusci quidem parum feroces in poena excogitanda, qui vivorum corpora cadaveribus adversa adversis alligata atque constricta, ita ut singulae membrorum partes singulis essent accommodatae, tabescere simul patiebantur. amari vitae pariter ac mortis tortores.*

### C A P U T XIII.

*Quirinus in Evangelio Lucae non Cyrinus legendum, & apud Josephum.*

**G**raeci cum non habeant Q. litteram, quam Latini in multis vocibus usurpant, suo K. utuntur in vertendis Latinis nominibus in suam linguam. Itaque Κυρίτας, Κοίτρος, vel Κυήτρος, Κυρίους & Ἀκυλλίους scribunt, quos nos Quirites, Quinctos, Quirinos, & Aquillios dicimus. carerent ergo reprehensoribus interpretes, qui in Evangelio Lucae & apud Josephum & Dionem, & Juvenus etiam poeta (Syllabae etiam non habita ratione) Cyrenum, vel Cyrenium, vel Cyreneum verterunt, si  
Qui-

*Quirinum* transtulissent. fuit enim Syriae Praefectus P. Sulpicius P. F. P. N. Quirinus. qui jam Cos. fuerat cum M. Valerio M. F. M. N. Messala Barbato Aimilib. Hic P. Sulpicius Quirinus in Syria (Syriae autem Judaea provincia erat) censum egit: illuc missus ab Augusto ad id curandum, & praeterea ad Archelai Romam deportandas pecunias, quem privatum Toparchia in Urbem Galliae Viennam cum uxore Glaphira idem Augustus relegaverat. Ac de hoc Quirino Josephus *lib. VII. & in fine lib. XVII. & principio XVIII.* belli Judaici, & Capitolini lapides. qui cum per se satis magnam fidem faciunt, *Quirinum* non *Quirinium* scribendum, tum haud temere umquam leges Cognomen ullum ad ea usque tempora in IUS prolatum (a). Censum autem, de quo est in eodem Lucae Evangelio, cur Augustus instituerit, ut universae civitates, & privatim & publice res suas rusticas & urbanas profiterentur, lege apud Dionem & Xiphilinum *lib. LVI.* Quirinus ergo & apud Lucam, non Cyrinus, & praeterea apud Cornelium Tacitum scribendum, qui saepe hujus Quirini meminit: quamquam omnes libri *Quirinium* habent, ut vertère etiam Dionis interpretes, sed male.

(a) liſdem rationibus, ut verum suum nomen Quirino adſereret, uſus eſt Cel. Perizonius in *Differtat. de Auguſtae Orbis terrarum deſcriptione* §. 30. Atque ita etiam P. SULPITIUS QUIRINUS dicitur in Marmore apud *Murator. Theſ. Nov. p. DCXX. 1.* quod ante aliquot annos ſpeciali Diſſertatione egregie illuſtravit Vir Ampliſſ. A. vander Mieden. Errat igitur *Lipſius*, cum ad *Taciti Ann. III. cap. 48.* vulgata in Tacito ſcripturam defendit.

## CAPUT XIV.

*Horatius expositus.*

**U**na littera dempta illustrat obscurum & corruptum una tantum littera supervacua locum apud Horat. lib. I. Serm. Satyr. VII. [vs. 9. seqq.] cujus plures versus describendi sunt, ut periodus, quae longiuscula est, integra praesentetur.

*Ad regem redeo, postquam nihil inter utrumque  
Convenit; (hoc etenim sunt omnes jure molesti,  
Quo fortes, quibus adversum bellum incidit. Inter  
Hecora Priamiden, animosum atque inter Achillem  
Ira fuit capitalis, ut ultima divideret mors:  
Non aliam ob causam, nisi quod virtus in utroque  
Summa fuit, duo si discordia vexat inertes,  
Aut si disparibus bellum incidat, ut Diomedes  
Cum Lycio Glauco, discedat pigrior, ultro  
Muneribus missis) Bruto Praetore tenente  
Ditem Asiam, Rupili & Persi par pugnatur, uti non  
Compositus melius cum Bitho Bacchius. —*

Quorum versuum haec est sententia cum verborum ordine. Postquam orta inter Rupilium & Persium rixa, Bruto Praetore ditem Asiam tenente, inter utrumque nihil convenit, nec ullo pacto ea rixa componi potest, sic exarsere, & sic pugnatur uterque inter se belle, ut Bacchius cum Bitho melius non sit compositus. Parenthesis enim multorum versuum fecit longissimum hyperbaton eorum verborum. *Bruto Praetore tenente ditem Asiam Rupili & Persi par pugnatur, uti non compositus melius cum Bitho Bacchius.* postquam igitur inter utrumque nihil convenit ob hanc causam quoniam pares sunt uterque, & neuter alteri cedit de suo jure, ut sic dicam:

cam: par enim pari vix umquam cedit. quod contrario duorum strenuorum exemplo fit clarum. ut enim capitales inimicitiae sunt inter duos strenuos, ut in quorum utroque summa sit virtus, nec alter quiescit nisi altero oppresso, cujusmodi fuit inter Hectorem & Achillem ira, quam capitalem & irreconciliabilem faciebat summa in utroque virtus, sic si duo inertes discordia vexat, eodem jure & eadem pertinacia omnes (*omnes hic valet, utrique*) molesti implacabilesque sunt, quoniam in his est summa inertia, ut in illis summa fuit virtus. Postquam (inquam) nihil inter utrumque convenit, pugnat par, intellige, sic belle, uti non sit compositus melius cum Bitho Bacchius. At si disparibus bellum incidat, qualis fuit inter Diomedem & Glaucum pugna, cito facileque hic componitur finiturque contentio. inferior enim vel ultro missis muneribus cedit superiori & meliori. Ergo ut ex Horatianis versibus sequatur haec sententia, quae sic est eorum verborum germana, ut vocari in controversiam probabili ratione non possit, *At*, non *Aut*, in eo versu legendum est. *At si disparibus bellum incidat.* etiamsi veteres & novi libri, quos quidem viderim, habent, *Aut*, ab nullo interprete levissimo sed molestissimo errore haec tenus animadverso.

Ac ne illi quidem alter ejusdem poetae versus *Satyr. iv. [vs. 87.]* ab aliquo satis est luculenter declaratus:

*E quibus unus aet quavis aspergere cunctos,  
Praeter eum, qui praebet aquam.* —

Hic enim *praebere aquam*; non est balneum convivis dare, ut exponunt aliqui, sed materiam & facultatem ad adaspergendos libertate procacioris linguae convivas ceteros. cumque usus sit hoc verbo *aspergere*; pro vellere, pungere, secare, defricare,

care, mordere, proscindere; in eadem eleganti persistens metaphora dicit, *praeter eum, qui praebet aquam*, id est praeter convivatorem, qui ad aspergendos ceteros salibus & petulantia praebet aquam, id est convivium apparatus & lautum, ubi bene habiti, acceptique pròlixè convivae hilaritatem principio, deinde calescente frequenti invitatione, mente petulantiam fumunt ad ceteros perfundendos & aspergendos.

## CAPUT XV.

*Livii locus emendatus.*

**I**n restituendo Livio, qui foedis maculis haftenus fuit inquinatus, elaborarunt multi docti viri. Sed enituit super ceteros opera Caroli Sigonii sic, ut de eo merito dici possit, quod de Tiresia apud Homerum cecinit Ulysses, datum esse nimirum illi

Οἷον περνύσθαι, τοι δὲ σκιάλ ἀποσσεύειν.

Restitui ego quoque atque exposui locos aliquot. nunc non est praetermittendus ille ex *lib. v. [cap. 10.]* cui cum remedium ullum opportunum afferre Glareanus non posset, frustra elaborandum esse non putavit. Livii verba haec sunt: *Comitiis Tribunorum plebis numerus expleri nequii. pugnatum inde, in loca vacua ut patricii cooptarentur. postquam obtineri non poterat, tandem labefactandae legis tribuniciae causa effectum est, ut cooptarentur Tribuni plebis C. Lucerius & M. Acutius haud dubie patriciorum opibus. [cap. 11.] Fors ita tulit, ut eo anno Tribunus plebis C. Trebonius esset.* Haftenus bene se habent omnia. quae vero sequuntur, auxilio egent. *Is, quod petiissent patres quidam, primo incocepto repulsi, tamen* Tri-



*Tribunos militum expugnasse vociferans, legem Treboniam sublatam, & coöptatos Tribunos plebis non suffragiis populi, sed imperio patriciorum; & eo devolvi rem, ut aut patricii, aut patriciorum aëclae habendi Tribuni plebis sint: eripi Sacratas leges, extorqueri tribuniciam potestatem: id fraude patriciorum, scelere ac proditioe collegarum factum arguere.* Fateor, si sic legatur, nec historiam constare, nec sensum integrum elici posse. Itaque partim ex ingenio, partim ope antiqui scripti libri adjutus sic emendo, ut pro, *Patres quidam primo incoepto repulsi*, legam & interpungam sic. *Patres, primo quidem incoepto repulsi, tamen Tribunos &c.* ubi duae illae particulae, *quidem*, & *tamen*, sibi pulcherrime respondent. porro pro, *Tribunos militum*, legi omnino debet, *Tribunos plebis*, & pro; *expugnasse*, meus vetustus scriptus in membranis liber habet, *expugnassent*. ibique interpungens suspendit sententiam: vocem illam, *vociferans*, sequentibus annectens, recte quidem, nisi fallimur hoc pacto. *Is, quod petiissent patres, primo quidem incoepto repulsi, tamen Tribunos plebis expugnassent, vociferans legem Treboniam sublatam, & coöptatos Tribunos plebis non suffragiis populi, sed imperia patriciorum: & eo devolvi rem, ut aut patricii, aut patriciorum aëclae habendi Tribuni plebis sint: eripi sacratas leges: extorqueri tribuniciam potestatem: id fraude patriciorum, scelere ac proditioe collegarum factum arguere.* Sic igitur congruenter omnia procedunt. Nam quod *Tribunos militum* in *Tribunos plebis* mutarim, audax nimis videri non debeo. sic enim historia ut legatur postulat. Quorum enim hic Tribunorum militum mentio? ipse quoque Livius monere potuit sic legendum esse. Nam cum dicit, *extorqueri Tribuniciam potestatem*, repetit quod paullo ante posuerat, *Tribunos plebis*  
ex-

*expugnassent.* Repulsi autem primo incoepto patres ob id dicuntur, quod impetrare non potuerant, ut patricii coöptarentur. expugnassent autem Tribunos plebis (nisi forte quis malit legere *Tribunatum plebis*, quod libentissime concederem) id est extorsissent, ut C. Lucerium, & M. Acutium coöptarent Tribuni ii, qui patriciorum partes fovebant. Coöptatos autem aliquando in collegium Tribunorum plebis patricios, & quidem consulares, testis est ipse Livius *lib. III. [cap. 55.]* his verbis: *Coöptandis collegis patrum voluntatem foverunt. duos etiam patricios consularesque Sp. Tarpejum, & A. Aterium coöptavere. Consules creati, Lar. Herminius, T. Virginius Coelimontanus, nihil magnopere ad patrum aut plebis causam inclinati, otium domi ac foris habuere. L. Trebonius Tribunus plebis infestus patribus, quod se ab iis in coöptandis Tribunis fraude captum, proditumque a collegis ajebat, rogationem tulit: ut qui plebem Romanam Tribunos plebis rogaret, is usque eo rogaret, dum x. Tribunos plebis faceret. infectandisque patribus (unde Aspero etiam inditum est cognomen) tribunatum gessit.* Haec Livii verba plufcula apposuimus, quoniam declarant, quae fuerit lex Trebonia: quae ad restitutum a nobis locum facit.

## CAPUT XVI.

*Declaratus alter Livii locus.*

**I**n verbis Livii, quae apponam ex *lib. II. [cap. 12.]* nullum inesse vitium puto. *Obsidio erat nihilominus: & frumenti cum summa caritate inopia, sedendoque expugnaturum se urbem spem Porsena habebat. cum C. Mucius adolescens nobilis, cui indignum videbatur, Pop.*

Pop. Rom. servientem; cum sub Regibus esset, nullo bello, nec ab hostibus ullis obsessum esse; liberum eundem populum ab iisdem Etruscis obsideri, quorum saepe exercitus fuderit: itaque magno audacique aliquo facinore eam indignitatem vindicandam ratus; primo sua sponte penetrare in hostium castra constituit.

Longum quidem verbi hyperbaton factum est: elegantiam tamen mihi videtur habere insignem. Casus enim illi, *C. Mucius, adolescens, nobilis, ratus*, universi pertinent ad verbum, *constituit*. interjectis vero causis, quae adolescentem ad id suscipiendum facinus impellebant, periodus visa est facta longior, quam ut lectoris memoria retentis prioribus continuare & pertingere posset ad sequentia. Propterea ad memoriam exsuscitandam & renovandam conjunctionem illam, *Itaque*, inseruit: quae perinde est, ac si dixisset, *ob haec*, aut, *ob has causas*, aut quid huiusmodi. Aristoteles in his ἀποδόσεις frequens est, dicereque solet in longioribus periodis ὥστε, vel οὖν. Cujus tria exempla non pigebit subjicere, & duo Xenophonis, & unum Hippocratis, quoniam similia, paria, gemina, germana, ac plane eadem cum Liviana figura videntur. Aristoteles igitur *lib. i. de arte Rhetorica*. [cap. 41.] Ἐπεὶ δ' ἀνάγκη τὸν ἀδικούμενον βλάπτεσθαι, καὶ ἀκουσίως βλάπτεσθαι; αἱ μὲν βλάβαι ἐκ τῶν προτέρων φανεραὶ εἰσι. τὰ γὰρ ἀγαθὰ καὶ τὰ κακὰ διήρηται κατ' αὐτὰ πρότερον. καὶ τὰ ἐκούσια, ὅτι ἔστιν ὅσα εἰδότες. ὥστε ἀνάγκη πάντα τὰ ἐγκλήματα ἢ πρὸς τὸ κοινόν, ἢ πρὸς τὸ ἴδιον εἶναι. Idem in *lib. de Poëtica*. [cap. 9.] Ἐπεὶ δὲ οὐ μόνον τελείας ἐστὶ πράξεως ἢ μίμησις, ἀλλὰ καὶ φοβερῶν καὶ ἐλεεινῶν, ταῦτα δὲ γίνεται μάλιστα τοιαῦτα καὶ μᾶλλον, ὅταν γένηται παρὰ τὴν δόξαν, δι' ἄλλα, τὸ θαυμαστὸν οὕτως ἔχει μᾶλλον; ἢ εἰ ἀπὸ τύχης ταῦτα θαυμασιώτατα δοκεῖ, ὅσα ὥσπερ ἐπὶ τῆδε φαί-

φαίνεται γεγονέναι. οἷον ὡς ὁ ἀνδρεῖας ὁ τῷ Μίτυος ἐν Ἀργεὶ ἀπέκτεινεν τὸν αἵτιον τοῦ θανάτου τῷ Μίτυϊ θεωροῦντι ἔμπεσάν. ἔοικε γὰρ τὰ τοιαῦτα οὐκ εἰκῇ γενέσθαι, ὥστε ἀνάγκη τοὺς τοιοῦτους εἶναι καλλιῶς μύθους. Idem lib. III. de anima. Ἐπεὶ δὲ δύο διαφοραῖς ὀρίζονται μάλιστα τὴν ψύχην, &c. ὅτι μὲν οὖν ταυτὸν ἐστὶ τὸ αἰσθάνεσθαι, καὶ τὸ φρονεῖν φανερόν. In quae verba Simplicius latine sic ait: *Quod autem ad loquendi rationem pertinet, ad illam conjunctionem, ἐπεὶ. longiuscule id reddidit. Quod haud idem ipsum sentire, atque ipsum sapere manifestum esse, scribens. propterque longiorem illam redditionem particulam, οὖν, admovit.*

Joannes quoque Philoponus idem in eundem locum tradit: Ἰδοὺ ἡ ἀπόδοσις τοῦ ἄνω. Ἐπεὶ δὲ δύο διαφοραῖς ὀρίζεται ἡ ψύχη, μιμήσει τὲ καὶ τῷ νοεῖν, ὅτι μὲν οὖν οὐ ταυτὸν ἐστὶ γνώσις ψυχῆς, καὶ αἰσθήσεις ἐντεῦθεν δῆλον. τὸ δὲ, οὖν, διὰ τὴν μεταξυλογίαν κείται. ἔθος γὰρ εἶχον οἱ παλαιοὶ ἐν ταῖς μακραῖς ἀποδόσεσι προσιδέναι τὸ, οὖν. Xenophon lib. IV. Paediae. [pag. 89.] Ὅς γὰρ ἦν μοι μόνος καλὸς, ὃ δέσποτα, καὶ ἀγαθὸς, καὶ ἐμὲ φιλῶν καὶ τιμῶν, ὥσπερ ἂν εὐδαίμονα πατέρα παῖς τιμῶν τιθεῖν, τοῦτον ὁ νυνὶ βασιλεὺς οὗτος, καλέσαντος τοῦ τότε βασιλέως, πατὴρ δὲ τῷ νῦν, ὡς δώσοντος τὴν θυγατέρα τῷ ἐμῷ παιδί, ἐγὼ μὲν ἀπεπεμφάμην. Idem primo Anabaseos. [pag. 203.] Ὅδὲ Πρὸξενος, ἔτυχε γὰρ ὕπερον προσιῶν, καὶ τάξις αὐτῷ, ἐπομένη τῶν ὀπλιτῶν, εὐθὺς οὖν εἰς τὸ μέσον ἀμφοτέρων ἄγων, ἔθετο τὰ ὄπλα. Hippocrates lib. IV. Aphorismorum Aphor. XLIX. Ἐν μὴ διαλείποντι πυρετῷ, ἢν χεῖλος, ἢ ὄφρυς, ἢ ὀφθαλμός, ἢ ρίς, διαστροφῇ, ἢν μὴ βλέπη, ἢν μὴ ἀκούῃ, ἢ δὴ ἀσθενέος ἔοντος τοῦ σώματος, ὅτι ἂν τούτων γένηται ἐγγὺς ὁ θάνατος. Cic. lib. X. ad Atticum. [Epist. 3.] Cum quid scriberem, plane non haberem, haec autem reliqua essent, quae scire cuperem: profectus ne esset, quo in statu urbem  
reli-

reliquisset, in ipsa Italia quem cuique regioni aut negotio praefecisset, & qui essent ad Pompejum & ad Consules ex S. C. de pace legati, ut igitur haec scirem, dedita opera has ad te litteras misi. Idem ad eundem lib. xv. [Epist. 18.] Quoniam intelligo te distentissimum esse, qua de Buthroitiis, qua de Bruto, cujus etiam ludorum suorum curam, etiam administrationem suspicor ex magna parte ad te pertinere: ut ergo in ejusmodi re, tribues nobis paullum operae. Pro Cn. Plancio. [cap. 41.] Hic ergo simulatque me mare transisse cognovit, audi atque attende Laterensis, ut scias quid ego Plancio debeam, confiteareque aliquando, quod faciam, me grate & pie facere, huic quae pro mea salute fecerit, si minus profutura sint, obesse certe non oportere. Nam simulatque me Dyrrachium attigisse audivit. Ex libro incerto epistolarum ad Brutum apud Fabium. [lib. ix. cap. 3.] Ego cum in gratiam redierim cum Ap. Claudio, & redierim per Cn. Pompejum, ego ergo cum redierim, &c. Utitur idem Cic. in hujusmodi ἀποδόσει aliis particulis, quae tamen idem praestant. quales sunt. sed, verumtamen, propter hanc causam. Sed ego citandis locis & verbis superfedeo brevitatis causa. Horat. in Poëtica. sed tamen dixit. [Serm. lib. i. sat. 1. vs. 23. seqq.]

Praeterea, ne sic, ut qui jocularia, ridens  
 Percurram, (quamvis ridentem dicere verum  
 Quid vetat? ut pueris olim dant crustula blandi  
 Doctores, elementa velint ut discere prima.)  
 Sed tamen amoto quaeramus seria ludo.



## CAPUT XVII.

*De ludis apud Virgilium & versus ejus expositi. Caestus.*

**S**ex genera ludorum, quibus juvenus Latini exercebatur, ponit Virg. lib. vii. [vs. 162.]

*Ante urbem pueri, & primaevae flore juvenus*

*Exercentur equis: domitantque in pulvere currus:*

*Aut acres tendunt arcus: aut lenta lacertis*

*Spicula contorquent: cursuque, ictuque laceffunt.*

Quorum versuum hic est sensus, numerusque ludorum.

I. Aut enim equis insidentes equestris certaminis imaginem reddebant: vel etiam de equorum pernicitate certabant. hoc enim est, quod ait. *Exercentur equis.*

II. Aut curule certamen imitabantur in curribus agitantes: vel etiam ad metam currendo de arte agitandi contendebant. quod significatur, cum dicit. *Domitantque in pulvere currus.*

III. Aut arcibus in scopum sagittas dirigebant. Scribit enim. *Aut acres tendunt arcus.*

IV. Aut jaculo contendebant, id est. *Aut lenta lacertis Spicula contorquent.*

V. Aut cursu de pernicitate pedum certabant. quae res uno verbo exprimitur. *cursuque.*

VI. Aut caestu depugnabant. quod intelligitur, cum ait. *Ictuque laceffunt.* Pugiles autem erant, qui caestum manibus induebant, pugnisque plagas inferebant. Atque in versu Virg. *ibid.* *Ictuque laceffunt.* conjunctio illa, *que*, quae copulativa dicitur, pro *ve*, disjunctiva posita est. ut sit.

*Cur-*

*Curfu, iſtuve laceſſunt.* quomodo idem poëta *lib.*  
x. eſt uſus *Aenëid.* [*vf.* 708.]

*Actus aper, multos Veſulus quem pinifer annos*  
*Defendit: multosque palus Laurentia, ſilva*  
*Poſtus arundinea.*

Ubi, *que*, pro vel poſita eſt. Idem *lib.* ii. [*vf.* 36.]  
*Aut pelago Danäum inſidias, ſuſpectaque dona*  
*Praecipitare jubet: ſubjectisque urere flammis.*

Pro, vel urere ſubjectis flammis. Neque vero Latini tantum, ſed Graeci etiã ſcriptores eodem modo hanc particulam, καὶ uſurpant. Simplicius *lib.* iv. *Phyſicorum*, in tractatione de loco, explicans haec verba *Ariſtotelis*, quae ſic habent: Πάντα τόπον ἔχειν τὸ ἄνω, καὶ τὸ κάτω Sic ait: πέμπη τόπον ἔνοια, τὸ διαφοράς ἔχειν τὸ ἄνω, καὶ τὸ κάτω. οὐχ ὅτι πᾶς ὁ ληφθεὶς ἀμφω ἔχει ταῦτα. τοῦτο γὰρ αἰδύνατον τὸ συνδραμεῖν εἰς ταυτὸν τὰ ἀντικείμενα. ἀλλ' ἡ τῶ, καὶ, συνδέσμῳ συμπλέκτικῳ ὄντι ἀντὶ διαζευκτικοῦ τοῦ, ἡ, ἐχρήσατο. ἵν' ἡ λέγων. πάντα τόπον ἔχειν τὸ ἄνω, ἡ τὸ κάτω. ὥσπερ Ὁμηρος τ' αὐναντίον τὸ, ἡ, ἀντὶ τοῦ, καὶ, ἐχρήσατο λέγων. Ἡ νέος, ἢ παλαιός. ἀντὶ τοῦ νέος, καὶ παλαιός. Atque quod annotat hic Simplicius de uſurpatione τοῦ ἡ, ἀντὶ τῆς καὶ, Latini etiam ſcriptores non eſſe Graecorum aemuli hac quoque in parte noluerunt. *Virg. lib.* vi. [*vf.* 769.]

*Silvius Aenëas pariter pietate, vel armis.*

Pro, *et armis.* Ne vero quis interpretationem noſtram repudiet, cum diximus, *Iſtuque laceſſunt*, verbis iis ibi pugiles ſignificari, & ludum caeſtuum, ſciat ab eodem ipſo Virgilio petitam, qui *lib.* iii. *Georg. circa principium* [*vf.* 20.] clarius haec duo ludorum genera uno itidem verſu expoſuit dicens:

*Curſibus, et crudo decernet Graecia caeſtu.*

In quo tamen verſu exponendo nonnulli dubitant,

an caestus Graecorum ludus fuerit. quasi vero Hercules non Graecus fuerit, qui Erycem hoc certaminis genere interemit. Sed quando istis ipse Virg. non facit fidem, si adhibebunt Xenophonem in extremo quarto *Anabaseos*, desinent dubitare. Πάλιν δὲ καὶ πυγμὴν, καὶ πανκράτιον καλὴ θεὰ ἐγένετο. Propert. lib. III. in Elegia ad Sparten de *Ludis Laconicis*. [*Eleg.* XII. vs. 9.]

*Nunc ligat ad caestum gaudentia brachia loris.*

Plato ludi hujus mentionem facit lib. XXXIV. *dialogo VIII. de legibus*. Aristot. I. *de Rhetorica*. Ὅδὲ ὥσαι τῇ πληγῇ πυκνικῶς. Plutarch. *de Lycurgo*. Πυγμὴν δὲ καὶ πανκράτιον ἀγωνίζεσθ' ἐκώλυεν. Orph. *Argon*. [vs. 584.]

Πυγμαχίης δὲ τάπητα λιανθέα δῶκε φέρεσθαι  
Ἀθλοφόρῳ Πολυδεύκει.

Porro caestus fuit manica, id est indumentum manuum, loris bubulis plumbeisque laminis aut ferreis confertum ad graviolem plagam inferendam. Itaque Cic. *Tuscul.* II. [cap. 17.] dixit: *Pugiles caestibus confusi ne ingemiscunt quidem*. Virg. V. [vs. 404.] de Caestibus Entelli.

-- -- *Tantum ingentia septem  
Terga boum plumbo insuto, ferroque rigeant.*

CAPUT XVIII.

*Guttur, Pharynx, Larynx, Isthmus, fauces. Virgilii locus expositus, item Alcaeï, & Xenophontis.*

**S**ternitur. *haesit enim sub gutture vulnus, & udae Vocis iter, tenuemque inclusit sanguine vitam.*  
Versus sunt Virgiliani, ex VII. *Aenëid.* [vs. 533.] doctrinam continentes non ita trivialem; quam nos pro viribus, id est pro tenuitate nostra non pigebit longioribus, contra consuetudinem nostram (sic autem res postulat.) aperire. *Guttur* (ut hinc potissimum incipiamus) interdum est arteria aspera, id est fistula pulmonis & meatus spiritus vocisque. interdum hujus fistulae superior pars, quae larynx Graecis dicitur. supra laryngem cavitas est, & tamquam vallecula excipiens ostia utriusque gutturis, & stomachi (stomachum oesophagum Graeci, nos gulam etiam vocamus. quamquam stomachum etiam & infimam partem gulae antiqui medici dicunt, id est cardiam, auctore Suida) quae pharynx saepe a Galeno appellatur. Hanc pharyngem mediam secatur quoddam spatium interjacens inter ostia utriusque gutturis & gulae. quod intervallum *Isthmus* dicitur, per metaphoram ab Isthmo proprie dicto. quae est, quemadmodum etiam tradit Galenus in XXVI. *Aphorismum lib. III. Hippocratis*, angusta terra pervia duo diversa maria dividens, qualis est Corinthiacus Isthmus: quem nunc *Hexamillum* vocant, Graeca & Latina compositione, a longitudine sex millium passuum. Sed ad Virgilium. *Vulnus* (vulneris nomine telum accipit,

pit, more huic poëtae, atque aliis satis familiari.) *haesit sub gutture*, id est in larynge. sive summum guttur, sive fistulam ipsam infra laryngem intelligas. Nam larynx & summam fistulae partem, & totam hanc fistulam significat. *Sub* autem plerumque *in* significat. quomodo à Virgilio, ut alios quoque bonos scriptores taceam, positum sexcenties reperiēs. non negem quidem posse etiam accipi, *sub gutture*, pro infra guttur, id est infra summam gutturis partem, quae larynx dicitur. Sed superiorem expositionem magis probo. *Udam* autem vocem dixit poëta nimirum propter instrumenta vocis perpetua humectata saliva, qualia sunt lingua, palatum, lingula, pharynx. Praeterea lingula (Graecis ἐπιγλωττις) quae (ut dixi) est inter praecipua vocis modulandae instrumenta, constat ex humida, pingui, & glutinosa carne: ut succulenta sit, nec assiduo spiritus com meatu areseat. tunc enim voces ederentur clangoris similes. Itaque in ardentibus febribus difficiliter homines loquuntur, propter arefactam illam lingulam, & partes vehementer exsiccatas, quae ad pharyngem & arteriam pertinent. Quid? an *udam* dixit vocem ob id quoque? quod multo ante Galenum cognovit ex Platonis Timaeo, partem potius delabi per guttur in pulmonem? unde spiritus ad vocem formandam ascendit? Certe Platonicae doctrinae studiosissimus est Maro, & ubicumque se opportunitas offert, arripere tamquam ansam, & in poësim suam magni illius viri doctrinam transferre non dubitat. Profecto ad vocis compositionem, & temperaturam (ut sic dicam) quamdam necessaria est huiusmodi aliquantula portio, vel Galeno teste *lib. de usu partium VII.* quod arida nimis arteria trachea & cetera vocis instrumenta clangorem  
non



non vocem emitterent. Sed Platonis verba, quae diximus, ex Timaeo haec sunt, ubi de pulmone loquitur: *Primum quidem mollem & sanguinis expertem, deinde intus habentem fistulas tanquam spongiae foraminosas. ut excipiens spiritum & potum respirationem refrigeraret, aestumque mitigaret.* Quorum verborum testimonio Plutarchus (praetereo enim libens ac sciens, quae Aulus Gellius, quem nunc Agellium quidam scribunt, retulit *lib. xvii. cap. ii.* quae item Macrobius *lib. vii. cap. 15.* a Plutarcho excerpta.) eorum, qui potum in pulmonem per guttur demitti totum crediderunt, atque etiam tradiderunt, patrocinium suscipit *Sympos. Problem. Decad. vii. cap. i.* magno quidem cum impetu ac conatu, sed utinam ne majore animo quam viribus. Nec Platonem solum sentire id, sed multos praeterea antiquissimos ac doctissimos viros in eadem fuisse sententia versibus eorum citatis contendit. Homerum scilicet, Eupolim, Eratosthenem, Euripidem, Philistionem Locrensem, Dioxippum, & Alcacum. Quorum ut nonnullos in hac opinione fuisse concedo, ita non clam me est, hanc istorum haeresim jam olim convulsam justis de causis & explosam non ab Erasistrato solum, medico nobilissimo, ut ipsi tradidere Plutarchus, Gellius, & Macrobius, sed etiam ab Hippocrate *lib. iv. de Morbis vulg. circa finem.* cujus verba paucula apponam: *Quidam dicunt, quod potus in pulmonem devenit: ex hoc vero in reliquum corpus. hi autem, qui hoc dicunt, redarguuntur ex hoc, quod dicturus sum &c.* redarguuntur item ab Arist. *lib. iii. de Partibus animalium.* Quod autem ait Plutarchus Homerum quoque in hac opinione fuisse quando *ix. Odyssae* scribit, Cycloper per pharyngem vinum vomuisse his verbis. [*v. 372.*]

-- -- -- καὶ δέ μιν ὕπνος ·

Ἦρει πανδαμάτωρ, Φάρυγος δ' ἐξέσσυτο οἶνος,  
Υῶμοι τ' ἀνδρόμεοι.

Quam rem imitatus uterque Virg. lib. III. *Aenëid.*  
[vs. 632.] & Ovid. xiv. *Metamorph.* [vs. 211.] sic  
retulere. Virg.

--- --- *saniem eructans, ac frustra cruento*  
*Per somnum commista mero.*

Ovid. vero

--- --- --- *ejectantemque cruentas*

*Ore dapes, & frustra mero glomerata vomentem.*

Quodque idem Plutarchus asserit pharyngem esse omnibus antiquis & recentioribus scriptoribus Bronchum, id est pulmonis fistulam, hoc mendacio & fucoco facit in reliquum caussam suam deteriorem, cum res deprehensa erit. Quis autem Homero (ut διθυραμβικωτέρως insurgam) naturae poetæ, naturae miraculo, omnium fonti doctrinarum prope & artium, universarum rerum, quae in natura sunt proprietatem propriis, suis, & significantibus verbis commodissime exprimenti, quis (inquam) tanto viro maculam tam pudendi erroris audeat inurere? credereque illum, vel suspicatum aliquando fuisse, in pulmonem potum illabi, inde in reliquas partes corporis? stolidum profecto est, quid stolidum dico? furiosum est, credere non vinum tantum, sed praeterea frustra viscerum ab Cyclope voratorum evomi per guttur ex pulmone, quo illabi quidquam crassum non potest, aut certe illapsum non diu morari citra, si non subitam, certe certam perniciem? neque enim exitum ullum habet pulmo ad transfundendum & participandum reliquis partibus corporis, quod ipse hausserit. ut anatome ipsa manibus & oculis testibus ostendit. Non Homerus id credidit; multoque minus scripsit.

Nec

Nec verum est, Plutarche, pharyngem omnibus antiquis & recentioribus scriptoribus (ut asseris) esse bronchum sive guttur. concedo quidem pharyngem multis esse id. quam rem Galenus quoque & Suidas & Jo. Grammaticus docet. Multis (inquam) concedo, non omnibus. Atque in illis multis Homerus nunc non est. neque vero huc afferam expositiones interpretum Homeri, Aristophanis, & aliorum, qui pro me quidem faciunt. gravioribus locupletioribusque testibus (quamquam nec illi proletarii aspernandique sunt) tecum congrediar. Est in ore ad imum palatum, & ad ostia utriusque stomachi & gutturis cavitas quaedam latiuscula, & quasi vallecula: quo ostia utriusque stomachi & gutturis terminantur, ut diximus. Hanc valleculam & vacuum spacium Homerus pharyngem (nostri medici fauces vertunt. quam bene, viderint ipsi.) vocavit. primus fortasse: at non sine rivali. Galenus vir doctissimus & grayissimus, arbiterque honorarius cum alibi, tum *lib. de Usu partium VIII. in principio* sic scribit: *Et primum, & maxime proprium instrumentum vocis, est illa, cui nomen larynx. Superior nimirum finis arteriae asperae, quam etiam pharyngem vocant: eodem scilicet nomine cum ea pharynge, quae est ante laryngem. Et in lib. Hippocratis Aphorismorum IV. Com. Aphor. xxxiv. Vel aliqua inflammatione totum viscus occupante, vel arteriam asperam, vel eam partem, quae est velut caput ejus, quam laryngem nominant. quae inflammatio interdum etiam fieri consuevit in praejacente lato illo spacio, cui nomen est pharynx. Sic & Homerus inquit:*

--- --- Φάρυγος δ' ἐξέσσοντο οἶνός,

Ψωμοί τ' ἀνδρόμεοι.

Spacium illud laxius supra os stomachi & gutturis naminans pharyngem. videtur autem & nunc Hippocrates hanc eandem partem eodem modo, quo etiam Homerus

*nominaſſe. Ait igitur : Si tumor non ſit in pharynge tantus , ut laxiſſime aperto ore poſſit intro diligenter videri pars , quod in larynge fieri non poteſt. Vides igitur , non omnibus pharyngem eſſe bronchum ſive guttur ? Quid ? non aperte oſtendit Ariſtoph. in Ranis [vſ. 587. ſeqq.] propter eam , quam dicis , notionem , aliud quoque pharyngem ſignificare & laryngem ?*

-- -- πλ. ὦ μιὰρὰ Φάρυγγε ,  
 Ὡς ἡδέως ἂν σου λίθῳ τοὺς γομφίους  
 Κόπτοιμι ἂν. οἷς μοῦ κατέφαγες τὰ Φορτία.  
 παν. Ἐγὼ δὲ γ' εἰς τὸν βάραθρον ἐμβαλοῖμί σε.  
 πλ. Ἐγὼ δὲ τὸν λάρυγγ' ἂν ἐκτέμοιμί σου ,  
 Δρέπανον λαβοῦς , ᾧ τοὺς κόλικας κατέσπασας.

Quibus in locis ſynecdochice utraque vox pharynx , & larynx accepta eſt pro ore vel gula. neque enim ſemper poëtarum aut etiam oratorum vocabula exigenda ſunt ad perpendicularum , atque ad amuſſim. Quemadmodum nec illud Virgilii lib. vi. [vſ. 421.]

*Objicit. ille fame rabida tria guttura pandens.*

Quemadmodum nec illud Cic. in Oratione pro Coelio. vitium ventris & gutturis. Quemadmodum item nec illud Plauti in Curgulione. [Act. i. ſc. 2. vſ. 9.]

*Sed quom adhuc naſo odos obſecutus es meo ,*

*Da viciffim meo gutturi gaudium.*

Quibus in locis poſterioribus guttur pro gula ſine dubio eſt poſitum. Ergo longe argutius , longe doctius , atque etiam ( ut quidem cenſeo ) longe verius defendit Platonem atque adeo interpretatur Galenus lib. viii. de placitis Hippocratis & Platonis ad finem. qui ad teſtimonium citatis aliquot ex eodem Timaeo locis probat , nec mentem Platonis , nec ſenſum eorum verborum eſſe , potum univerſum

sum in pulmonem delabi per arteriam tracheam : sed pusillam aliquam partem non recta , sed in orbem sensim , & quasi irrotatione quadam per tunicam quamdam internam gutturis & arteriae tracheae descendere. quod tractaverat & *lib. vi. de Usu partium.* & item *lib. ejusdem disputationis vii.* idque dicit prudenter a natura provisum : ne scilicet vocis & anhelitus instrumenta , assidua spiritus reciprocatione arecant : praeter nonnullas alias causas , quas hic referre non est praesentis operae. sed jam receptui canamus : repetamusque breviter summam eorum omnium , quae hactenus pluribus sunt disputata. *Vocem* igitur *udam* dixit Virgilius vel propter salivam humectantem instrumenta vocis linguam , palatum , pharyngem , & laryngem : vel propter naturalem linguae humiditatem , quae & ipsa est vocis instrumentum : vel propter aliquantulam illam potius partem descendantem per tunicam internam laryngis quae est primum & maxime proprium vocis instrumentum , quaque per arteriam tracheam ex pulmone spiritus exit ad vocem formandam. ob unam igitur harum trium , aut etiam ob universas has causas *udam vocem* dixit poeta. Larynx porro interdum accipitur pro toto gutture , id est pro arteria trachea , interdum pro summa & extrema tantum parte arteriae tracheae. *Quae etiam in collo extare apparet , tangentibusque ,* (Verba sunt Galeni *lib. vii. de Usu partium*) *dura sentitur , sursumque nobis transglutientibus fertur.* Quoniam autem Alcaeï meminimus , cujus carminis testimonio maxime nituntur , qui arteriam tracheam esse potius fistulam [contendunt] (quamquam aliter pulmonis humectatio & refrigeratio apud Alcaeum est accipienda) operae pretium est scire , citari illius poetae ver-  
sum



sum a multis quidem : sed vix duos invenias concordēs. nonnulli sic legunt.

Τέγγε πνεύμονας οἶνω. τὸ γὰρ ἄστρον περιτέλλεται.

Ἡδ' ὦρα χαλεπὴ, πάντα δὲ δίψῃ ὑπὸ καύματος.

Ut sint versus Alcaici, Choriambici. quales apud Horat. lib. I. *Carminum ad Leuconöen*. [Od. xi.]

Tu ne quaesieris, scire nefas, quem mihi, quem tibi.

Quae ratio mihi vehementer probaretur: si non alio ordine atque aliis interpositis versibus legerentur apud Proclum, ut patebit. apud Plutarchum heroico mensu sic putant legendum aliqui.

Οἶνω πνεύμονα τέγγε, τὸ γὰρ πυρὶ τέλλεται ἄστρον.

Quod mihi omnino non probatur. quod & aliter multo ab aliis citatur: quodque longe diversa est ratio sequentium deinceps versuum: qui leguntur apud Athenaeum, Suidam, Proclum, & alios. quae satis indicant, heroicum versum esse non debere. Quamquam non uno modo apud Athenaeum scriptos eos invenias. lib. enim primo sic leguntur. [p. 22. F.]

Οἶνω πνεύμονα τέγγε. τὸ γὰρ ἄστρον πυρὶ τέλλεται,

Ἀδ' ὦρα κλεπα, πάντα δὲ δίψαις ὑπὸ καύματος.

Lib. autem x. [p. 430. B.] sic collocantur, & leguntur.

Τέγγη πλεύμονας οἶνω,

Τὸ γὰρ ἄστρον περιτέλλεται.

Ἀδ' ὦρα χαλεπὰ

Πάντα δεδείψας ὑπὸ καύματος.

Atque in postremi versus verbis vitium esse aliquod apparet: siquidem sic legatur. apud Proclum in opera 3<sup>a</sup> dies Hesiodi [vs. 588. pag. 133. Ed. Heinsii.] sic leguntur.

Οἶνω πλεύμονα τέγγε.

Τὸ γὰρ ἄστρον περιστέλλεται.

Ἄ δ' ὦρα καλεπαῖ.

Ἀχεῖ δὲ καὶ σκόλιμος.

Νῦν δὲ μισαρῶταται γυναῖκες.

Λεπτοὶ δὲ τοὶ ἄνδρες.

Suidas *in voce* τέγγε sic adducit.

Οἶνω τέγγε πνεύμονα, τέγγε.

Φίλης δ' ἀπέχου κυθρείης.

Lego etiam alicubi sic allatos.

Θέρους δὲ τέγγη πνεύμονας οἶνω.

Ubi ridiculi isti sunt. qui duo illa prima verba θέρους δὲ versui Alcaei adjungunt, quae sunt Athenaci, unde sumpserunt. apud Macrobiū & Gellium sic leguntur.

Τὸν τὲ πνεύμονα οἶνω,

Τὸ γὰρ ἄκρον περισέλλεται.

Ubi omnino τέγγε & ἄκρον legendum est, non τὸν τὲ, & ἄκρον (a). sed nec satis scite ab aliquibus vertuntur. nonnulli enim versum hunc,

Τὸ γὰρ ἄκρον περισέλλεται.

sic verterunt.

*Nam sol circumagitur. id est ad occasum vergit.*

Omnino male. Nam Graeci appellatione τῷ ἄστρι, saepe non Solem, sed canem τὸν κύνα intelligunt. quod ab aliis etiam animadversum esse video. Id autem aperte cognoscitur esse verum ex versu Eupolidis Poëtae a Plutarcho ibidem allato.

Πρὸ τῷ κυνὸς τὸν πνευμονέκλυρον Φορῇ.

Xenophon quoque *in Cynaegetico* sic accipit. [pag. 771.] Ἐυρίνης δὲ ἔαν τῷ λαγῷ ὁσφραίνωνται ἐν τόποις ψιλοῖς, ξηροῖς, προσηλίοις, τῷ ἄστρι ἐπίοντος. Quam verbi notionem Leonicens, qui opusculum illud Latinum fecit, cum non assequeretur, locum corru-

pit,

(a) In citatione horum Alcaei versuum sequendam duxi eam, quam in prima hujus libelli editione reperi scripturam: licet illi longe aliter apud Athenaeum, Proclum, Macrobiū & Gellium hodie legantur.

pit, & sic vertit: *Austro imminente*. Sane imperite, qui Austrum, vocem Graecam putans, cum omnino sit Latina, *αυσρου* legit pro *αερου*. Ego, ut ad Alcaeum redeam, *περιτέλλεται* servandum censeo. Sed quod paullo ante monui. *Medici nostri recentes pharyngem fauces vertunt in Galeno & Hippocrate. quam bene ipsi viderint.* certe si pharynx *ἐνρυχωρία* est, id est latus locus, quomodo fauces dici potest? quae vox Latinis angustias significat? Itaque maris inter duo littora angustias, qui *πορθμὸς* Graecis, nostris fretum est, fauces Virg. dixit de Hellesponto loquens. [Georg. I. vs. 207.]

*Pontus, & Ostriferi fauces tentantur Abydi.*

Sic contra, terrae angustae perviaeque inter duo fauces, quem Isthmum Graecis dici scripsimus maria nostri appellarunt. interdum etiam *colum*, & *jugum*. Cicero in *Rullum* [cap. 32.] *Corinthus erat posita in angustis atque in faucibus Graeciae.* Livius lib. xxxi. [cap. 40.] *Celetrum est aggressus in peninsula situm. Lacus moenia cingit; angustis faucibus unum ex continenti iter est.* Et paullo post ibidem. *Obsessasque fauces agmine hostium viderunt.* Idem lib. xxvi. in expugnatione Novae Carthaginis. [cap. 42.] *Continenti urbem jugum ducentos fere & quinquaginta passus patens conjungit.* Plinius praeterea lib. xi. cap. 37. summum gulae fauces appellat, nimirum ubi angustatur. Itaque summum guttur, id est larynx, rectius fauces vocentur. quia in significatione videtur accipere Cicero *Tusc. I.* [cap. 16.] *Has tamen imagines loqui volunt: quod fieri nec sine lingua, nec sine palato, nec sine faucium laterumve & pulmonum vi, & figura potest.* Quod vero isthmum, id est intervallum illud inter duo ostia gulae & gutturis, fauces vertunt, perite. habent auctorem Livium, ut dixi.

C A P U T XIX.

*Virgilii loca quaedam illustrata.*

**V**irgilii aliquando loca quaedam vel praetereuntur, vel parum prolixè ab interpretibus tractantur. quae quod saepius remorantur attentius legentes, transmittere nonnulla hic nobis non est visum. Versus sunt *lib. III. Aenëid. [vs. 125. seqq.]*

*Bacchatamque jugis Naxum, viridemque Donyfam,  
Olearon, niveamque Paron, sparsasque per aequor  
Cycladas, & crebris legimus freta concita terris.*

Aperte Pomp. Mela [*lib. II. cap. 7.*] atque alii inter Sporadas collocant Olearon, & Donyfam. Paron autem & Naxum inter Cycladas. Sed Virg. uno nomine propter vicinitatem Cycladas universas appellat. ita tamen ut Sporadas etiam intelligi velit, cum sparsas addidit, epitheto Latino vocem Graecam interpretatus. Quin (quod etiam multo ante nos vidit Hermolaus Barbarus) consuevere ex veteribus plurimi Cycladas appellare, quae essent Sporades. Sed scriptores non concordant in recensendis duodecim Cycladibus. Strabo [*lib. x. p. 743.*] Prepesinthus, Olearon & Gyarum neque inter Cycladas neque inter Sporadas collocat: tantum attributas Cycladibus facit. Cycladas autem has nominat & numerat. Ceon, Cythnum, Seriphum, Melon, Syphnum, Cimolum, Parum, Naxum, Syrum, Myconum, Tenum, Andrum. Eodem *lib.* Virg. [*vs. 386.*]

*Infernique lacus, Aeaeque insula Circes.*

Ubi Servius *Aeaeae* tribus Diphthongis legit. ut sit *Circes Aeaeae* genitivo casu. quae lectio etsi omnino repudianda non est, quoniam habet auctorem

rem Homerum, qui *Odyssæe lib. XII.* Circen *Aeæan* vocat hoc versu [268.]

Κίρκης τ' Αἰαίης, ἥ μοι μάλα πόλλ' ἐπέτελλεν.

Tamen & *Aeæe*, id est Αἰαίη nominativo casu legi potest. Insula enim ab Circe habitata, olim *Aeæa* est vocitata. quae postea continenti adjuncta à Romanis scriptoribus *Circei (a)* sive *Circeum* est dicta. et est in Tirrheno mari, ubi quondam fuit antiqui Latii terminus, quod & Didymus in versus Homeri [*Odyss. K. vs. 135.*] quos scribam, docet.

Αἰαίην δ' ἐς νῆσον ἀφικόμεθ', ἐνθα δ' ἔναιε

Κίρκη εὐπλόκαμος δεινὴ θεὸς, ἀνδρῆσσαι.

Idem *ejusdem lib. initio.* [*Od. M. vs. 3.*]

Νῆσον ἐς Αἰαίην, ὃ ἧοῦς ἠριγενείης.

& quae sequuntur. in quibus item habitasse in insula *Aeæa* Circen tradit. Idque adeo testari non sum veritus: quoniam non me latet Melam *lib. II. cap. 7.* sic scribere: *Circa Siciliam in Siculo freto est Aeæa, quam Calypso habitasse dicitur.* Hyginus quoque *Fab. cxxv.* Sociis amissis enatavit in insulam *Aeæeam, ubi Calypso Atlantis filia habitasse &c.* Sed vel est utriusque Pomponii & Hygini error memoriae. vel alium uterque secutus est auctorem, vel pro *Aeæa* legendum est *Orygia*: in qua omnino habitavit Calypso teste Homero pluribus locis in *Odyssæa*. Et sane testantur nonnulli docti viri apud Hyginum, locum vitiatum fuisse in scriptis vetustis libris; in quibus vetere voce erasa, alia & multo recentiore manu vox *Aeæa* est superinducta. Profecto idem Hyginus *Fab. cxxvii.* Circes, non Calypsus *Aeæam* insulam fuisse sedem aperte tradit, quamquam idem *Fab. cxxv.* non in *Aeæa* sed *Aenaria*: (si modo vitium non est in voce

(a) Vid. Melam. *lib. II. cap. 4.* ubi *Circeji* hæc insula dicitur.



voce *Aenaria*: aut si non Aenariam eandem cum Aeaea esse existimavit) habitasse Circen scribit. Apollonii interpretes censent Circen appellari Aeaeam, ab Aeaea urbe Colchorum (a).

Idem eodem lib. [v. vs. 681.]

--- --- --- udo sub robore vivit

*Stupa vomens tardum fumum: intusque carinas*

*Est vapor*

Interpretes udo exponunt *vicino aquis*: quasi dicas humido & madido. ego uncto & picato.

Lib. II. [vs. 252.]

— — — fusi per moenia Teucri.

*Per moenia* synecdochice accipe, pro per urbem. ne te angat tortuosa Servii expositio.

Eodem lib. [vs. 513.]

*Ingens ara fuit, juxtaque veterrima laurus.*

Haec ara Virgilii interpretibus, Dareti Phrygio [cap. 41.] Pausaniae Messeniensis [cap. XVII. p. 321.] & Arriano lib. I. [pag. 25. Ed. Gronov.] de rebus gestis ab Alexandro, Jovis Hercei dicitur. Pausan. Arcadicis [cap. 46. pag. 694.] tradit, in dividenda praeda Trojana simulacrum Jovis Hercei Stenelo Capanei filio datum. Idem Phocaicis [cap. 27. pag. 865.] refert Lefcheum tradere, Priamum non ad aram Jovis Hercei fuisse trucidatum, sed abstractum ab ea, quae juxta atrii fores erat extructa: praeterea a Neoptolemo interfectum. Idem Corinthiacis, [cap. XXIV. pag. 165.] Ibi (*Larissae in Peloponneso*) inter alia donaria Jovis etiam conspicitur ligneum simulacrum duos in iis locis habens oculos, quibus a natura solent poni, tertium vero in fronte. *Fovem*

(α) Puto Matium respicere Scholia ad Apollon. Argonaut. Lib. 3. vs. 1073. ubi haec leguntur, Νῆσος ἐν τῷ Φάσιδι ἐστὶν ἡ Αἰαίη, ἐν ᾗ τὸ δῖρας ἔκειτο. αὐτὴ δὲ ἐστὶ κόλχων μητρόπολις.

venit hunc Priamo Laomedontis filio patrium fuisse, & in aula sub dio stetisse ajunt. Expugnato Ilio ad hujus aram Priamus confugit. Spoliis autem divisis Stene-  
lus Capanei filius eum arripuit. et eo propterea loco est dedicatus. Tres autem oculos ob has fortasse causas habere eum potest conjici. primo una vox omnium hominum est; Jovem in Coelo regnare. deinde qui sub terra imperium tenet, is quoque Homeri versu Jupiter vocatur. Jupiter infernus, laudandaque Persephonea. Aeschylus postremo, Euphorionis filius, maris quoque regem Jovem appellat. Tribus itaque oculis Jovem uti tradidit, quicumque tandem in tribus, quae vulgo celebrantur, sortitionibus imperare eundem est auctor. Herceum autem Jovem ait Festus, [in v. *Herceus Jupiter.*] intra conspectum domus cujusque coli solitum, quem etiam penetralem deum appellabant, Dictes vero Cretensis Aedificialem Jovem (a) hunc vocat lib. v. Jovis Hercei saepe meminit Demosthenes, quem cum Apolline Patrio Atheniensium Gentes, id est γέν, praecipue colebant.

Eodem lib. [vs. 363.]

Urbs antiqua ruit.

Antiqua. (inquit Servius) vel nobilis. vel quia duobus millibus octingentis annis regnasse firmatur. Ego ex Eusebio & Archilocho (b) trecentum tantum an-

(a) Apud Dictyn Cretensem Lib. v. cap. 12. vulgo legitur: Interim Priamus re cognita ad aram Jovis ante aedificiale confugit. Sed Viri docti praeventibus MStis legunt Jovis ante-aedificialis. vid. Obrechtii & Vindingii notas ad eum locum.

(b) Matium hic & infra cap. 21. decepit Annii Viterbiensis, egregii Veteratoris, impostura. Is enim ex non intellexit Eusebii in *Chronico*. ad An. 908. loco, Archilochum hunc Chronologum exsculpit & sub ejus nomine confictum de Temporibus librum cum Beroso, Metasthene, aliisque ejusdem farinae Scriptoribus publicavit. Vid. Baile in *Lexico Critico* in voc. *Archilochus* Not. O. ubi nonnullos quoque G. J. Vossii de Archilocho errores castigat.

annis minus tribus imperium Trojatum a Dardano ad urbis excidium durasse comperio.

*Eodem lib. [vs. 801.]*

*Famque jugis summae surgebat lucifer Idae,  
Ducebatque diem.*

Et paullo ante [vs. 694. seqq.]

*Stella facem ducens multa cum luce cucurrit.*

*Illam summa super labentem culmina tecti,*

*Cernimus Idaea claram se condere silva.*

Historiam hic scitu pulcherrimam tamquam aliud agens tangit poëta, quam verbis Pomponii Melae & Diod. Siculi exponere est visum, Mela igitur lib. 1. cap. 28. Ipse mons vetere Divarum certamine & judicio Paridis memoratus, orientem solem aliter, quam in aliis terris solet aspici, ostendit. Namque ex summo vertice ejus speculantibus pene a media nocte sparsi ignes passim micare, & ut lux appropinquat, ita coire, ac se conjungere videntur, donec magis magisque collecti pauciores subinde, & una ad postremum flamma ardeant. ea cum diu clara, & incendio similis effulset, cogit se, ac rotundat, et fit ingens globus. diu is quoque & terris annexus apparet. deinde paulatim decrescens, & quando decreverit, eo clarior, fugat novissimam noctem: & cum die jam sol factus attollitur. Diod. autem lib. xvii. [pag. 165. Edit. Wesseling.] Sed enim proprium, supraque omnium opinionem est, quod huic monti usu venit circa exortum Canis. In summo enim ejus vertice aer tranquillissimus efficit, ne ex pars flatum aliquem ventorum sentiat. Ibi nocte etiamnum durante sol radios suos emittens conspicitur: non quidem ut circularis ejus forma, sed potius ut fulgor late in partes multas ab eo diffusus appareat, velut si multus ignis terrae horizontem corripuerit. Paullo post totus ille splendor in unam magnitudinem coarctatur, donec dimidiati stadii spacium conficiat. tuncque die adveniente

*jam plena integraque solis amplitudo diei lucem inducit.*  
 Plinius quoque *lib. II. cap. II.* de sole exoriente  
 latitudinem Idae montis exsuperante breviter quae-  
 dam tetigit. operae pretium est apponere elegan-  
 tissimos versus Lucretii, hujus rei totius causam  
 ex opinione Epicuri evolventis *lib. v. [vs. 655.*  
*seqq.]*

*Tempore item certo roseam Matuta per oras  
 Aetheris Auroram defert, & lumina pandit.  
 Aut quia sol idem sub terras ille revertens  
 Anticipat coelum radiis accendere tentans:  
 Aut quia conveniunt ignes, & semina multa  
 Confluere ardoris consuerunt tempore certo,  
 Quae faciunt solis semper nova lumina gigni.  
 Quod genus Idaeis fama est e montibus altis  
 Dispersos ignes orienti lumine cerni.  
 Inde coire globum quasi in unum, & conficere orbem.*

## C A P U T XX.

*Servius defensus. Acrifioneis. Patronymica.  
 Amineum album, & purpureum.*

**A**crifioneis apud Virg. *lib. VII. [vs. 410.]*  
 omnino patronymicum est, quidquid contra  
 Servium quidam dicant.

*Acrifioneis Danæe fundasse colonis.*

*Acrifus* princeps quidem nomen est: a quo per pa-  
 ragogen *Acrifion*, *onis* deductum format *Acrifioni-*  
*des* patronymicum masculinum; unde est femini-  
 num *Acrifionis*, & interposito *πρὸς η*, *Acrifioneis*.  
 Sic *Japetionides* originem suam invenit. de qua re  
 Moschopulus apud Hesiodum [*Εργ. vs. 50.*] sic  
 ait: *Japetionides. videlicet filii Japeti. ab Japetus*  
*Ja-*

*Japetion per paragonem. Et ab Japetion Japetionides.*  
Nec me latet dici etiam *Acrifione* ab Homero *Iliad.*  
xiv. [vs. 319.]

Οὐδ' ἔτε περ Δανάης καλλισφύρε 'Αχρисиώνης.

Sed ibi ea forma est, quae & horum, *Amimone*, *A-*  
*draftine*, *Oceanine*, & similibus. Quae patrony-  
mica quidem esse censent nonnulli: quod negant  
alii, quoniam ea sit natura patronymicorum femi-  
ninarum, ut a patronymicis masculinis deducan-  
tur; quod his non contingit, ut quae statim a pri-  
mitivis formentur. *Abron* (a) (ut est apud Scho-  
liasten *Theogoniae* Hesiodi) *Paronyma* vocabat.  
Praeterea veteres Grammatici Latini Graecique  
*patronymica* appellant, quae nunc vulgo *possessiva*  
vocant: ea (inquam) quae a propriis parentum  
nominibus descendunt, ut *Saturnia Juno*. *Ice-*  
*taoniusque Timoetes*, lib. x. *Aenëid.* [vs. 123.] & *Inoo*  
*Melicertae*, primo *Georg.* [vs. 437.] a Servio. sic  
*Semelius Bacchus* ab *Acrone* i. *Carm. Horat.* [Od.  
17. vs. 22.] & *Neleus Nestor Iliad.* 11. [vs. 20.]  
ubi Scholiastes. Νηληϊῶν δὲ ἰοικῶς.) τῷ Νηλέως πατρί-  
δι Νέστορι ὁμοιωθεῖς. ὁ δὲ τύπος πατρωνυμικός. Jam  
Graeci scriptores in Romanorum nominibus pa-  
tronymica appellant, quae Gentilia nos dicimus.  
qualia sunt *Julius*, *Tullius*, *Cluentius*, & ejusmodi;  
tamquam quae a primis illis auctoribus defluerunt,  
*Julo*, *Tullo*, *Cloantho*. quorum imitatione exemplo-  
que nos eorum *Pelopidas*, *Atridas*, *Aeacidas*, &  
reliqua id genus Romano more possumus *Genti-*  
*lia* appellare. Formant porro Latini patronymica a  
suis nominibus, non solum a cognominibus, ut *Sci-*  
*pia-*

(a) Tryphon potius: respicit enim Scholia ad *Theogon.*  
vs. 389. pag. 269. col. 1. Ed. Heinsii.



*piades* a Scipione : sed etiam a Gentilibus nominibus ; ut a Memmio *Memmiades*, ut est apud Lucretium. [*lib. I. vs. 26.*]

Male habent eundem Servium , quod Amineam vitem albam uvam ferre dixerit , in eum Virg. versus *lib. II. Georg. [vs. 97.]*

*Sunt & Amineae vites , firmissima vina.*

Quasi vero non sint aliae vites , quae escarias uvas eodem nomine & specie purpureas & albas pariant. quasi Apianam purpuream & albam non norimus. Sed Vopiscus in *Floriano [cap. 4.]* satis Servium tuetur , sic scribens : *Vitis , quae uvas Amineas albas ferebat , eo anno plurima purpurea facta est.* Quod autem ad syllabarum mensuram pertinet , Serenus *cap. xxx.* Virgilium est secutus hoc versu.

*Succus Amineae vitis cum pane medetur.*

Ausonius Graecorum mensum imitatus est illo Pentametro. [*Epist. XVIII. vs. 31.*]

*Solus qui Chium miscet & Amineum.*

Sed quod non semper poëtae Latini numeros , quos apud Graecos invenerint , servant in Graecis dictionibus , alibi a nobis dicitur.

## C A P U T XXI.

*Magna Graecia tota Italia dicta est , & Sicilia.*

**H**ellas Capreolus (a) civis meus , qui communis patriae annales conscripsit jam olim non omnino ἀπούσους pro saeculi illius doctrina , vindicandus est a calumnia cujusdam , qui in sua Italiae descriptione ,

(a) Brixienfis hic Jctus scripsit XIV. Libros *Chronicorum de Rebus Brixianorum* ab Urbis Exordio ad Annum Christi 1510 , insertos *Tesaurus Italiae* Celeb. P. Burmanni. Vid. J. A. Fabric. *Biblioth. Mediae & Infimae Latinit. Lib. III. p. 216.*

ptione, quam ex expilatis Blondi, Sabellici, Volaterrani, Marliani, Merulae & hujusmodi scriptorum commentariis populari Italico sermone confecit, illorum tamen diligentiam non assequutus, quinto quoque verbo Heliae, quem dixi, magni loco criminis objicit, quod scripserit, Italiam olim *Magnam Graeciam* fuisse appellatam. concedo quidem, id quod omnes sciunt, Magnam sive Majorem Graeciam (sic enim vocat Valerius Maximus *lib. VIII. cap. 7.* de Pythagora loquens) nuncupatam fuisse portionem quamdam Italiae extremae, in qua fuerent potentissimae quondam urbes Croton, Thurium, quae postea Sybaris est dicta, & Tarentum. Sed quin nomen hoc longius latiusque extensum sit negare, hominis est ignorantiam fatentis. certissima hujus rei argumenta sumi possunt *ex toto initio xx. lib. Justinii*, & ex lingua, quae tota fere Italia Graeca fuit. Neque enim solum ad Italiae littora deductae sunt a Graecis coloniae, sed mediam etiam Italiam habuere, ut legere est apud Strabonem, & alios Graecae historiae scriptores, & apud Solinum *cap. 8.* quorum verba non apponam, contentus testimonio unius Myrsili antiquissimi scriptoris (*a*), qui de Tirrhenis loquens, totam Italiam a Graecis habitatam fuisse testatur, sic scribens: *Quod si etiam ad hos venit Torebus filius Ati, utique non ab eo advena nominati sunt Tirrheni indigenae, sed contra ab eis Torebus fuit cognominatus Tirrhenus a Graecis. igitur etsi totam Italiam coluerunt Graeci, ut nostri tradunt, ex ipsis tamen Lydis & Tirrhenis, vicinisque Romanis falsa esse ostendimus &c.* At (inquit

(*a*) Principem hic locum occupat inter scriptores ab Annio Vi-erbiensi confictos, ut adeo hoc, & sequens Archilochi testimonium nullius sint momenti. vid. supra ad Cap. 19.

quiet ille) nondum probas, Italiam fuisse *Magnam Graeciam* appellatam. diserte probari id tibi vis. audi igitur, quae Archilochus *lib. de Temporibus* tradit. Idem Homerus reformavit characteres, & Grammaticae praecepta primus dedit, cum antea quisque sermone scriberet simul & loqueretur vernaculo. Quae profecto etiam Italia, quae & magna Graecia suscepit. Ovid. *lib. iv. Fast.* [vs. 63.]

*Nec tibi sit mirum Grajo rem nomine dici:*

*Itala nam tellus Graecia major erat.*

Quid? quod & Sicilia ipsa magna est Graecia dicta. Cumque Graeci (verba sunt Strabonis *lib. vi.* [pag. 389.]) *utrumque simul litus ad fretum usque tenerent, inter Graecos & barbaros diutinum bellum conflatum est.* Et paulo post: *Jam enim tantopere res Graeca amplificata fuerat, ut & hanc & Siciliam magnam Graeciam appellarent.*

## CAPUT XXII.

*Fibrae, λόβοι. Virgilii locus explicatus.  
item Columella emendatus.*

**F**ibrae quae sint in extis & stirpibus quaerendum videtur. In extis, corde, jecore, & pulmone nihil aliud sunt fibrae, quam sectae imae eorum partes. λόβοι Graecis dicuntur. unde ἀλοβα ιερὰ Xenophonti *lib. iv. rerum Graecarum* [pag. 417.] in quibus fibrae non apparerent. Jecur (ut de eo potissimum loquar) in duas finditur fibras. propterea Cic. *fissum jecoris* appellat. [*lib. ii. de Divinat. cap. 12, 13.*] Servius in eum Virg. versum *lib. vi.* [vs. 600.]

— *nec fibris requies datur ulla renatis.*

Fi-

*Fibrae* (inquit) *sunt eminentiae jecoris*. Sane paulo melius, quam cum alibi [ad Georg. I. vs. 120.] *fibras* in jecore venas aut nervos interpretatur. inscite, quis negabit? deinde aliud est vena, aliud nervi, aliud etiam villi. (hos Graeci *ἰνᾶς* dicunt.) si forte Servius cum nervos exposuit, villos intellexit. *Fibrae* enim in extis sunt non venae, non nerui, non villi, sed *λόβοι*, id est eminentes & sectae imae partes. ad quarum similitudinem & infima auricula *λόβος* appellatur. & quamquam res est certissima, tamen exemplis scriptorum confirmabitur etiam. Plin. lib. xi. cap. 37. *Divo Aug. Spoleti sacrificanti primo potestatis suae die sex victimarum jecinora replicata intrinsecus ab ima fibra reperta sunt*. Suetonius in ejusdem Caesaris Augusti vita. [cap. 95.] *Et immolanti omnium victimarum jecinora replicata intrinsecus ab ima fibra patuerunt*. Plin. paullo infra locum citatum. *murium jecusculis fibrae ad numerum lunae in mense congruere dicuntur*. Cornelius Celsus lib. iv. cap. i. *Pulmo spongiosus, ideo spiritus capax, & a tergo spinæ junctus, in duas fibras ungulae bubulae modo dividitur*. Pomp. Mela lib. ii. cap. 3. de Peloponneso loquens: *Vocaturque Peloponnesus ob sinus & promontoria, quis ut fibræ littora ejus sunt incisa*. ex his, quae attulimus, exemplis, apparet satis credo, *fibras* in extis esse, quas diximus, extremas partes. In stirpibus autem quae *fibrae* sint, videtur egere expositione attentiore. Labuntur enim non pauci in notione hujus verbi explicanda. Servius in illum Virgilii versum Georg. i. [vs. 120.]

*Strimoniaeque grues, & amaris intuba fibræ.*  
*fibras* interpretatur *radiculas*: neque id sine rivali. ego *fibras* folia expono. quod autem folia *fibrae* sint, probat Columellae, lectissimi auctoris, testimo-

nium *lib. II. cap. 12.* de saritione sic loquentis: *Triticum & adorem cum quatuor fibras habere coeperit, ordeum cum quinque.* Idem *lib. VI. cap. 10.* *Porri etiam succus cum oleo, (sic enim lego; non succum oleo, ut in vulgatis libris legitur) vel ipsa fibra cum ordeacea farina contrita remedio est. ejusdem radices diligenter lotae, & cum tritico pinfitac, jejunoque datae vetustissimam tussim discutiunt.* Ecce ut fibram a radicibus clare distinxit. Idem *lib. XII. cap. 2.* *Eorumque tempestiva saritio est, cum enata frumenta quatuor fibrarum esse coeperint.* Plin. *lib. XVIII. cap. 26.* de segete sarienda. *Lex certa in eo, cum quatuor fibrarum esse coeperit. faba vero non antequam trium foliorum.* Columel. *eodem lib. cap. III.* de allio loquens: *Deinde cum ternas fibras emiserint spicae, sariantur.* Idem *x.* *Intuba cum teneris frondens lactucula fibris.* Virgilius igitur cum *fibras* dixit, folia non radices intellexit. cum autem *amaras* addidit, quasi allusit ad appellationem Graecam. Nam Graeci *κικώριον* quidem, sed *κικρίδα* etiam nuncupant, a *κίχρον*, quod amarum significat. *Intubum* autem Latinum verbum est. ideo per, *u*, media syllaba, non per *v* scribitur. Enecantur porro sata multo magis quam radicibus & capillamentis intubi, foliis & fruticantibus multis ex una radice ramulis nodisque ipsius intubi, huc illucque discursantibus, & implicantibus vicinas stirpes(a). ex unica namque in tubi radice brachia quam plurima prodeunt, & late funduntur. Ne tamen penitus inscitiae reum peragamus Servium (quamquam hic sententiam non mutuo) afferenda etiam exempla sunt bonorum scriptorum, qui fibras pro radicibus vel capillamentis radicum acceperunt. Plin. *lib. XVII. cap. 10.* *Quam minime rimosum (solum) ne penetrans sol exurat fibras.*

(a) Hæc corrupta videntur.



*bras. Cic. tertia Tusculana [cap. 6.] Nos autem audeamus non solum ramos amputare miseriarum, sed omnes radicum fibras. Idem ibidem ad finem. [cap. 34.] Haec sunt illae fibrae stirpium, quas initio dixi, persequendae, & omnes elidendae, ne ulla unquam possit existere. Idem de Senect. [cap. 15.] Et elicit herbescentem ex eo viriditatem: quae nixa fibris stirpium sensim adolescit: culmoque erecta geniculato vaginis jam quasi pubescens includitur. Theodorus cum locum hunc verteret πίζουρ dixit. Virg. in Moreto. [vs. 88.]*

*Quatuor evellit cum spissis allia fibris.*

*Plin. lib. XVII. cap. 18. Praecisarum ad radices plagam fibrasque aceto acri & urina vetusta madefacere. Idem XIX. cap. 2. Tuberha haec vocantur, undique terra circumdata, nullisque fibris nixa, aut saltem capillamentis.*

## C A P U T XXIII.

### *Livii locus declaratus.*

**L**ibro. IV. ab V. C. [cap. 58.] Livii haec sunt verba: *Profertur tempus ferundae legis: quam, si subjecta invidiae esset, antiquari apparebat. Legem hic intelligo non de Consule ex plebe creando: non agrariam: sed de bello Vejentibus indicendo. Nec aliter accipi posse, declarant Livii verba praecedentia & sequentia. quae praecedunt, haec sunt: Id patres aegre passi decrevere, ut Tribuni militum de bello indicendo Vejentibus primo quoque die ad populum ferrent. quod ubi primum promulgatum est, fremere juvenus. &c. quae sequuntur vero haec sunt: [cap. 60.] Repente spreto auxilio Tribunico certamen conferendi est ortum. & lege perlata de indicendo Vejentibus bello, exercitum magna ex parte voluntarium novi Tribuni militum consulari potestate Vejos duxere.*

C A-

## CAPUT XXIV.

*Ciceronis locus restitutus.*

**U**num verbum additum instaurat locum defectum in II. actione in Verrem. [lib. I. cap. 60.] *Petita multa est apud istum Praetorem a Q. Opimio: qui adductus est in iudicium, verbo, quod cum esset Tribunus plebis intercessisset contra legem Corneliam, quod in Tribunatu dixisset contra alicujus hominis nobilis voluntatem. adde ergo, re, vel revera: sic, verbo quod cum esset Trib. pleb. intercessisset contra legem Corneliam: revera, quod in Tribunatu dixisset contra alicujus hominis nobilis voluntatem.*

## CAPUT XXV.

*Ejusdem alter locus emendatus.*

**S**unt apud Ciceronem permulti loci integri fani- que, qui tamen manci corruptique censentur: maxime ob hanc causam, quod male verba interpuncta sunt. Ex multis quos nos aliter distinximus, atque antea habebantur, hic unum apponere est visum ex Bruto. [cap. 72.] qui nunc sic ubique scribitur: *Nec id solum domestica consuetudine, ut dudum de Laeliorum & Muciorum familiis audiebamus: sed quamquam id quoque credo fuisse, tamen ut esset perfecta illa bene loquendi laus, multis litteris, & iis quidem reconditis & exquisitis, summoque studio & diligentia est consecutus. Ego vero sic dispono: Nec id solum domestica consuetudine, ut dudum de Laeliorum & Muciorum familiis audiebamus: sed quamquam id quoque credo fuisse tamen, ut perfecta esset illa bene lo-*  
quen-

quendi laus, multis litteris, & iis quidem reconditis, & exquisitis, summoque studio & diligentia est consecutus.

CAPUT XXVI.

[Horatii locus expositus.]

In eo versu Horatii ex Oda prima lib. I. Carminum. [vs. 8.]

*Certat tergeminis tollere honoribus.*

Inquirunt omnes interpretes cum veteres, cum novi, quinam sint *tergemi* honores. nec adhuc quisquam mihi satis suam sententiam probat. Ego *tergeminos* expono multos, aut maximos, ex consuetudine linguae non solum Latinae, sed etiam Graecae. Quippe apud Plautum [*Aulul. Act. 1. sc. 4. vs. 47.*] *trifurcifer*, & *trifur* est pro eo, quod est insignis ac magnus furcifer, ac fur. sic *trivenefica* apud eundem [*Bacch. Act. 4. sc. 7. vs. 15.*] pro magna & insigni venefica. & *triparcus* [*Perf. Act. 2. sc. 3. vs. 14.*] pro tenacissimo atque arido, summeque avaro. Apud Graecos *τρίβαρβαρος*, maxime barbarus est; qui *τρίγληνα* quoque dicunt auctore Apione apud Suidam; [*in voc.*] & Eustathio in *Homer. Iliad. ξ. πολλῆς γλῆνης καὶ θέας ἄξια*, id est valde spectatu digna. *τρίκνυμία* decumanus ac maximus fluctus est apud Platonem *V. de Repub. libro.* ejusmodi sexcenta quivis reperiet *βάρος τριπόθητος, τριδουλος, τριπράτος, τρισευδαίμων (a)*, quemadmodum nos quoque *ter beatum ac felicem* aliquem nuncupamus.

(a) Secutus sum ipsius *Matii* editionem, licet verba *βάρος, & τριπράτος* quid velint, nesciam.

## CAPUT XXVII.

*Dares Phrygius, & Dictes Cretensis emendati: Virgilii locus expositus.*

**C**orruptus est locus apud Daretem Phrygium in catalogo auxiliariorum, qui Priamo adven-  
runt, qui tamen parvo negotio purgatur. Dare-  
tis haec sunt verba. [cap. 28.] *De Larissa Hippotho-  
gus & Cupeffus (a).* Ubi lege ex Dictes Cretensi, &  
Homeri Boeotia, [Il. β. v. 840. seqq.] *Hippothous  
& Pylaeus.* Homeri versus sunt.

Ἰππόθοος δ' ἄγε φῦλα πελασγῶν ἰγχεσιμῶρων.

Τῶν οἱ Λάρισσαν ἱριβώλακα ναιετάασκον.

Τῶν ἤρχ' Ἰππόθοός τε, Πύλαιος τ' ὄζος ἄρμος.

Τίς δὲ δύο λιθοιο πελασγοῦ Τευταμίδαο.

Dictes autem lib. II. [cap. 35.] *Dein Hippothous Py-  
laii ex Larissa Pelasgidarum.* quibus tamen in ver-  
bis, si Homerum sequamur, non Pylaei legendum  
est, sed, & Pylaeus: hoc modo. *Dein Hippothous  
& Pylaeus ex Larissa Pelasgidarum (b).* Atque hi  
duces sunt, & hi Pelasgi, de quibus intelligit Di-  
do sine dubio apud Virgilium, cum ait lib. I. *Aenēi-  
dos.* [v. 627.]

*Tempore jam ex illo casus mihi cognitus urbis*

*Trojanae, nomenque tuum, regesque Pelasgi.*

qui Pelasgi in Asia, non in Europa fuere. & Ci-  
licibus Troadem habitantibus finitimi fuere, &  
Priamo opem tulerunt, auctore Strabone lib. V.  
[pag. 338.] & XIII. [pag. 621.] ubi addit, eam,  
quae

(a) In quibusdam editionibus legitur: *Hippothous & Copefus.*

(b) Sic etiam hunc locum restituendum censuit Obrechtus  
in notis.

quae postea Jonia dicta est, olim Homeri temporibus Pelasgiam esse appellatam cum vicinis insulis: adeo ut Lesbus etiam in Pelasgis esset. Addit praeterea idem Strabo *lib. xiv.* [*pag. 995.*] Asianos omnes Cheronesi, id est Asiae minoris, quae ab Iffico sinu ad Sinopem in Ponto protenditur, socios Trojanorum fuisse.

C A P U T XXVIII.

*Ciceronis locus purgatus.*

**L**ibro II. de Oratore [*cap. 52.*] haec verba leguntur: *Invident autem homines maxime paribus, aut inferioribus, cum se relictos sentiunt, illos autem dolent evolasse. sed etiam superioribus invidetur saepe vehementer.* Invidia omnino non est in inferiores. Id certius est, quam ut probandum sit. Est enim invidia, aegritudo ex secunda alicujus parvis fortuna, & in eum dumtaxat, cujus sunt res felices, atque etiam meliores nostris. Ergo non invidetur inferioribus. Itaque confitendum est, maculam occupasse Ciceronis locum, in illis verbis: *aut inferioribus.* quod fatis ipse Cicero innuit, cum statim subjungit. *cum se relictos sentiunt.* hic enim evidenter ostendit, inferioribus non invideri. Itaque existimo, vocem hanc utramque: *aut inferioribus:* omnino vacare. Qui autem cupit pulchra, & scitu digna intelligere de natura Invidiae, praeter Aristot. *lib. II. de arte Rhetor:* adeat Plutarchum, qui elegantissimum & doctissimum libellum conscripsit de differentia Odii & Invidiae. Et nos quaedam tetigimus in nostro compendio in artem Rhetoricam. Si quis in verbis Ciceronis, *inferiores* exponat, qui aliquando inferiores fuerint, sed postea evolarint, dicet quidem



dem aliquid, sed isti comprehendantur necesse est verbis, quae statim subsequuntur, quae haec sunt: *sed etiam superioribus invidetur saepe vehementer.*

## CAPUT XXIX.

*Locus Diogenis Laërtii defensus.*

**D**iogenes Cynicus, ut est apud Laërtium [*in ejus vita sect. 24.*] appellare solebat τοὺς δημαγωγοὺς ὄχλου διακόνους. id est: *turbulentos oratores* (sic enim fere vertunt) *vulgi ministros*. quo in loco nonnulli non διακόνους, sed διαγωγούς ex ingenio legunt. Ego nihil mutandum censeo. Appellat enim Diogenes oratores servos populi: quod in concionibus populi auribus abblandirentur, universasque sententias suas non ad causam, sed ad studia vulgi, accommodarent, gratiae popularis emerendae causa. & ut servi dominorum nutum, sic ipsi mores & voluntatem concionis semper intuerentur: loquerenturque non quae utilia & honesta judicaret, sed quae quemque libenter esse auditurum arbitrarentur. Qua in re insaniisse praeter ceteros Periclem, servumque (ut sic dicam) maximum populi fuisse tradit Aelianus de varia historia lib. iv. [*cap. 10.*] Εἶτα οὐκ ἦν τοῦ δήμου Ἀθηναίων θεραπευτικός ὁ Ξανθίππου Περικλῆς; ἐμοὶ μὲν δοκεῖ. ὅσακις γοῦν ἐμελλεν εἰς τὴν ἐκκλησίαν παρίεναι, ἤρχετο μηδὲν αὐτῷ ῥῆμα ἐπιπολάσαι τοιοῦτον, ὅπερ οὖν ἐμελλεν ἐτραχύνειν τὸν δῆμον, πρόσαντες αὐτῷ γινόμενον, καὶ ἀβούλητον δόξαν. Quemadmodum autem Diogenes oratores vulgi ministros servosque ibi appellavit, id est διακόνους, sic alibi idem populum dixit *dominum oratorum*. Aelian. lib. ix. [*cap. 19. V. H.*] ἦρίσα ποτὲ Διογένης ἐν καπηλείῳ. εἶτα παρίοντα Δημοσθένη ἐκάλει. τοῦ δὲ μὴ ὕπα-

ὕπακούσαντος, αἰσχύνῃ ἔφη, Δημόσθενες, παρελθεῖν εἰς κα-  
πηλεῖον ; καὶ μὴν ὁ κύριος σοῦ καθ' ἑκάστην ἡμέραν ἐνθάδε  
εἴσεις· τοὺς δημότας λέγων, καὶ τοὺς καθ' ἓνα δηλῶν.  
ὅτι οἱ δημηγόροι καὶ οἱ ῥήτορες δοῦλοι τοῦ πλήθους εἰσὶ.

C A P U T XXX.

*Probum falli.*

**P**robus Grammaticus [*Inst. Gram. lib. I. p. 1432. Edit. Putschii.*] & eum secuti tradunt, *ae* diphthongum sequente vocali brevi, cum non excluditur, productam servari: ut eo versu Virgilii. [*Ecl. x. vs. 12.*]

*Ulla moram fecere, neque Aoniae Aganippe.*

Contra vero corripi, cum a longa vocali excipitur. ut apud eundem. [*Aen. III. vs. 211.*]

*Insulae Jonio in magno: quas dira Celeno.*

Sed contra ejus sententiam testimonium dicunt apud eundem Virgilium hi versus. [*Ecl. vii. vs. 53.*]

*Stant & juniperi, & castaneae hirsutae.*

Et [*Georg. lib. I. vs. 436.*]

*Glauco, & Panopeae, & Inoo Melicertae.*

Namque in *castaneae* diphthongus longa remanet sequente vocali longa. contra in *Panopeae*, brevi sequente vocali, tamen diphthongus corripitur.

C A P U T XXXI.

*Ultimam in vocibus supernè & infernè  
brevem esse.*

**V**ersus est Horatii dimeter Jambicus Archilochius Hypercatalecticis, *Ode ultima lib. II.*  
[*vs. II.*]

*Superne nascunturque leves.*

I

Quo

Quo in loco pro *superne* nonnulli syllabae timentes *superna* legendum scripserunt. quo modo & Virgilium asserunt posuisse. [Georg. lib. II. vs. 134.]

*Flos apprima tenax.* ———

Pro *apprime*. quasi vero eadem sit huic adverbio *superne*, cum *apprime*, *docte*, *probe*, & similibus, analogia. Falluntur hi. Namque quemadmodum ab *infime*, *extreme*, *intime*, adverbii nomina deducta sunt *infimus*, *extremus*, *intimus*, non contra, auctore Prisciano hb. xv. [p. 1016.] sic itidem *inferne*, & *superne* dicendum est esse originem: unde *infernus* & *supernus* nascantur, non autem contra. Ultimam porro habere brevem hanc utramque vocem *inferne* & *superne*, praeter Horatii testimonium, probant etiam exempla aliquot Lucretii, cujus est versus lib. iv. [vs. 441.]

*Remorum recta est, & recta superne gubernata.*

Idem lib. vi. [vs. 186.]

*Nec tibi sit fraudi, quod nos inferne videmus.*

Idem ibidem. [vs. 543.]

*Terra superne tremat magnis concussa ruinis.*

Ibidem. [vs. 764.]

*Ducere forte Deos manes inferne reamur.*

Ibidem. [vs. 596.]

*Tecta superne timent, metuunt inferne cavernas.*

## C A P U T XXXII.

*Ciceronis locus restitutus.*

**N**ullo modo extorqueri mihi potest, quin suspicer, in verbo *Leonaticum*, quod est apud Cic. III. de Natura Deorum [cap. 19. ad fin.] mendum esse. *Virorum* (inquit) *fortium memoriam honore Deorum immortalium consecratam. ob eam enim ipsam caus-*

*causam Erichtheus Athenis, filiaeque ejus in numero Deorum sunt. Itemque Leonaticum est delubrum Athenis, quod Leocorion nominatur.* Quaes-  
so, quod monstri est vox illa *Leonaticum*? At *Leocorion* (inquit Cic.) nominatur Athenis, id est *Λεωκόριον*. Latina porro quomodo? aut quid significat? Quoniam autem credendum est, Ciceronem voluisse Graecam vocem Latina oratione exprimere, & *Λεωκόριον* significat delubrum τοῦ Λεῶ κόριον, id est *Leo filiarum*, propterea pro *Leonaticum*, *Leo natarum*, diviso verbo legendum puto. Adducorque in hanc sententiam magis: quod quemadmodum meminit Cicero *Erichthei*, & ejus *natarum*, sic *Leo* (est autem *Λεῶ* genitivus Graecus Atticus) & *filiarum* ejus debuit meminisse. sic igitur lego: *Ob eam enim ipsam causam Erichtheus Athenis, filiaeque ejus in numero Deorum sunt. Itemque Leo natarum est delubrum Athenis, quod Leocorion nominatur.* quam suspicionem meam, atque adeo sententiam, persuadeo mihi, doctis omnibus probatum iri (a). Quod vero Cic. delubrum dixit, Aelianus *de Varia historia lib. XII. [cap. 28.]* τέμενος, Suidas ἱεῖον in dictione *Λεωκόριον* vocant. historiamque & nomina puellarum tradunt. & Diod. Siculus *lib. XVII.* Hujus fani meminit quoque Thucydides *lib. I. [pag. 166.]* & VI. *[p. 414.]* & Pausanias *lib. I. [cap. 5. p. 13.]* & Hegesias apud Strab. *lib. IX. [p. 607.]*

(a) G. Canterus *Lect. Novar. Lib. v. cap. 18.* conjiciebat *Leontium* vel *Leonticum*: sed hæc ejus conjectura merito displicuit Davifio in notis ad hunc Ciceronis locum. Is autem vulgatam scripturam retinendam censet, & vocem *Leonaticum* à Cicerone confictam putat, ut Graecum *Λεωκόριον* exprimeret. Mihi vero valde placet Matii correctio, cui præter D. Lambinum consentit quoque Vir Eruditiss. P. Lessartus *Emendat. Lib. XIX. cap. 23.*



[p. 607.] Gregorius etiam Nazianzenus. [*Jamb.* 18. p. 215. *Ed. Paris.* 1630.]

Τὶ ταῦτα τοῦ Λεῶ καὶ θαυμάζεις κόρας,

Τὰς τῶν Ἀθηναίων προσφαιγίσας ἀσμένως?

Leonis filiarum, atque etiam Erichthei, quae Hyantides fuerunt appellatae, historiam tangit Demosthenes in laudatione funebri Atheniensium. [p. 244. *in fin.* *Ed. Francof.* 1604.]

### C A P U T XXXIII.

*Feneratores cur boni dicantur. χεῖρς.*

**C**ur Plautus & Cicero feneratores *bonos viros* appellant? neque enim mihi persuadeo, ut irisionem putem. An, quemadmodum opes & fortunae, *bona* vocantur, sic feneratores, quod opulenti sint, *bonos* vocaverunt? An allusum est ad vocem *χεῖρς*? propter vicinitatem similitudinemque, quae est inter *χεῖρας*, qui sunt feneratores, & *χεῖρς*, qui sunt optimi? Plauti haec sunt verba in Curgulione. [*Act.* IV. *sc.* I. *vf.* 14.] *In foro infimo boni homines atque dites ambulant.* Cicero ad *Att. lib.* IX. [*Epist.* 12.] *Viri boni usuras perscribunt.* Idem *Officiorum II. ad finem.* Sed de hoc toto genere, de quaerenda, de collocanda pecunia, etiam de utenda commodius a quibusdam optimis viris ad medium Janum januae sedentibus, quam ab ullis philosophis ulla in schola disputatur. Neque solum feneratores *boni*, sed omnino divites, & qui constitutis rebus bene sunt, *boni* appellantur. Cic. *ultima ad Brut. Epistola. prope fin.* *Obdurescunt* (al. *obsurdescunt*) enim magis quotidie *boni viri ad vocem tributi.* *χεῖρς* autem modo feneratorem, modo debitorem significat. Sed ut suum cuique con-



# ANNOTATIONES. CAP. XXXIV. 133

confiteamur, apponamus verba Scholiastae *Aristoph.* in *Ranis* [in *Nubib.* vs. 239.] *χρήσας* Ἀριστοφάνης τοὺς δανεισὰς λέγει. ἡ μὲν γὰρ συνήθεια *χρεωφειλέτας* *χρήσας* καλεῖ, Ἀθηναῖοι δὲ τοὺς μὲν δανεισὰς *χρήσας* λέγουσι. τοὺς δὲ ὀφειλέτας, *χρεωφειλέτας* καὶ *χρεώσας*. Φωκυλίδης ἐν μὲν τοῖς αὐτοῦ ποιήμασι κατὰ τὴν συνήθειαν τοὺς *χρεωφειλέτας* *χρήσας* καλεῖ, λέγων οὕτως. *Χρήσης κακοῦ ἔμμεναι ἀνδρὸς Φεῦγε, μὴ σ' ἀνιῇσειε διδοὺς παρὰ καιρὸν ἀπαιτέων.* ἐν ἐκείνῳ μὲν τοι ἀντὶ τοῦ δανεισῆς λαμβάνεται. *Μηδέποτε χρήσης πικρὸς γένῃ ἀνδρὶ πένητι.* Atque admonendus est lector, priora Phocylidae carmina apud hunc interpretem perturbata corruptaque esse. neque in Paraenesi Phocylidae legi (a), quae quidem nunc circumfertur, cum posteriore loco citatus versus integer sit, & in illius libello legatur. [vs. 79.]

## C A P U T XXXIV.

*Silii Italici versus declaratus & emendatus.  
& Ciceronis loca exposita.*

**S**ospita Juno Lanuvii sanctissime colebatur. Cic. pro Murena. [cap. ult.] *Nolite a sacris patriis Junonis Sospitae, cui omnes Consules facere necesse*

(a) Verum est hos versus in *ιουθετικῷ*, quod sub Phocylidis nomine legimus, non reperiri. Et plura sunt, quæ veteres ex Phocylide protulerunt, ibi non invenienda. Atque hanc ob causam, ut & ob argumentum stilumque hujus admonitorii, Christiani potius aut Judæi hominis, quam Ethnici, non male censuisse videntur Viri Doctissimi, *Jos. Scaliger*, *Jf. Vossius* aliique, spurium esse illud *ιουθετικόν*, atque confictum, licet refragetur *Eruditiss. J. A. Fabricius Bibl. Græc. Lib. II. cap. II.* Interim illud notandum, integrum fere hoc scholium in Lexicon suum transtulisse *Suidam* in voc. *χρέτης*. ubi tamen Phocylidis versus æque corrupti

cesse est, domesticum & suum Consulem potissimum avellere. Silius Italicus lib. XIII. [vs. 364.] fingit Milonem quemdam militem Lanuvinum a Fulvio corona murali donatum, respiciens nimirum ad T. Annium Milonem civem Lanuvinum, qui P. Clodium civem seditionis interemit. Sed ex vicinitate vocum menda irrepsit in carmen Sili. pro *Lanuvio* enim *Lavino* nunc legitur. Sic ergo scribendum:

*Lanuvio generate (inquit) quem sospita Juno  
Dat nobis Milo, Gradiivi cape victor honorem.*

Ciceronis locus, qui subjungitur, corruptus nonnullis videtur, qui tamen vitio fortasse caret. verba sunt ex *F. Offic.* [cap. 7.] *Sed quoniam (ut praeclare scriptum est a Platone) non solum nobis nati sumus, ortusque nostri partem patria, partem parentes, partem amici sibi vindicant, atque (ut placet Stoicis) quae in terris gignuntur, ad usum hominum omnia creari, homines autem hominum causa esse genitos, ut ipsi inter se alius alii prodesse possit, in hoc naturam debemus sequi ducem,* In his Ciceronis verbis ex *I. Off.* duo sunt observatu & scitu digna. prius conjunctionem illam, *que*, in illis verbis: *Ortusque nostri partem patria, partem parentes &c.* non copulativam esse, sed adversativam, ut dicunt Grammatici: positamque esse pro *sed*. Quam expositionem satis aperte indicant Platonis verba ex epistola ad Archytam [Ep. 9.] unde sumpsit Tullius, esse veram & necessariam. ὅτι ἐκάστος ἡμῶν οὐκ αὐτῷ μόνον γέγενεν, ἀλλὰ τῆς γενέσεως ἡμῶν τὸ μὲν τί ἢ πάτρις μερίζεται. &c. non me latet, in suis libris nunc aliquos

leguntur. Sed emendat eos Kusterus hunc in modum:

--- -- χρείσῃς φύγειν κακοῦ ἔμμεναι ἀνδρῶς,  
Μὴ σέγ' ἀνησίου δίδους παρὰ καιρὸν ἀπαιτῶν.

Qui tamen fallitur, cum ad Aristoph. Nub. vs. 239. alterum etiam versus Μηδέποτε &c. in Phocylide hodie legi negat.

quos scribere, *Sed ortus nostri*, &c. sed prior scriptura mutanda haud fuit, non duce & auctore aliquo antiquo manuscripto libro. praesertim cum eodem modo & in eadem sententia particula eadem usus sit Virg. lib. vi. [vs. 735.] cum inquit:

*Quin & supremo cum lumine vita reliquit,  
Non tamen omne malum miseris, nec funditus omnes  
Corporeae excedunt pestes. penitusque necesse est  
Multa diu concreta modis inolescere miris.*

Ibi enim, *penitusque necesse est*, interpretor, *sed necesse est*. quam interpretationem aequus aestimator admittet libentius sat scio, si longam ibi eorum versuum expositionem Servii Honorati diligentius attenderit.

Alterum vero in Cicerone, quod dixi advertendum esse, sunt verba illa, *creari*, & *genitos esse*, per infinitum modum prolata, quæ pro indicativis ponuntur, *creantur & gignuntur*.

In prooemio quoque libri de Amicitia vocem illam, *Hemicyclus*, exponunt male, qui sellam putant significare: est enim Hemicyclus non cathedra, non sedes, sed locus multarum sellarum capax. Id ex Diodoro Siculo, & Suetonio in libro de Claris Grammaticis didicimus. Suetonii verba sunt in Verrio Flacco. [cap. 17.] *Statuam habet Praeneste in inferiore fori parte contra Hemicyclum; in quo Fastos a se ordinatos, & marmoreo parieti incisos publicarat.* Diodori vero lib. ii. cap. 5. *Adstantibus iudicibus amplius quadraginta numero, sedentibusque in praeparato ultra stagnum Hemicyclo, trahitur navis ad id composita ab iis, quibus ea cura injecta est, regente magistro, quem sua lingua Aegyptii Charontem vocant.*

## CAPUT XXXV.

*Cornelii Nepotis locus emendatus.*

**I**n vita Pomponii Attici, quam Cornelius Nepos scripsit, leguntur haec verba. [cap. 2.] *Nam universos frumento donavit; ita ut singulis VII. modii tritici darentur. qui modius mensurae Medimnus Athenis appellatur.* al. *qui modius Medimnus Athenis appellatur.* Utraque haec lectio corrupta falsaque est. Neque enim Modius, Medimnus est. immo qui curiosius haec observant, Modium sextam esse Medimni partem tradunt. praeterea non satis congruenter dicitur, *qui Modius mensurae Medimnus appellatur.* Itaque fatendum est, maculam esse in notis numerorum, & praeterea etiam in verbo *Modius*: quae macula non dubito, quin sit hoc pacto eluenda, pro *Modius*, *modus* legendo. *Ita ut singulis VI. Modii tritici darentur. qui modus mensurae Medimnus Athenis appellatur.* Sic Latina mensura Graecae mensurae respondet. quod (ut dixi) sex Modii (Romana haec est mensura) Medimnum faciunt. Medimnus autem Graeca mensura est.

Cum haec scripsissemus, allatus est nobis Paulli Manutii libellus Annot. in Vitam hanc Attici qui idem, ut fuit vir non hebetis iudicii, nobiscum vidit. itaque gaudeo sensus meos cum sententia hominis doctissimi congruere.

## CAPUT XXXVI.

*Loca duo A. Gellii restituta.*

**A.** Gellii, quem nunc *Agellium* scribunt, verba sunt haec cap. xv. lib. i. *Linguam autem debere ajunt non esse liberam, nec vagam: sed vinculis de*

*de pectore imo ac corde apertis moveri, & quasi gubernari. pro apertis, lege aptis: eo sensu, quo extat apophthegma sapientis illius, qui dixit. Nihil morari se fortunas de rudentibus aptas.*

Idem lib. III. cap. 9. de equo Sejani. *Mox eundem equum, qui Dolabellae fuerat, C. Cassium, qui Dolabellam obsederat, adduxisse. quem Cassium postea satis notum est, victis Parthis, fusoque exercitu suo miseram mortem oppetiisse. pro victis Parthis, lege omnino victis partibus. Bruti scilicet & Cassii ipsius. Non me quidem praeterit, hunc eundem C. Cassium M. Crassi Quaestorem post Crassianam cladem egregie Parthos ab Antiochia repulisse, quo tempore Cicero Proconsule Provinciam Ciliciam administrabat. Sed ea hic nunc historia nihil ad rem. Tum si Parthos vicit, quomodo ejus est fusus exercitus? Praeterea non post obsessum Dolabellam Parthi a C. Cassio sunt victi: sed contra. Itaque dubitandum non est, quin victis partibus sit legendum.*

## CAPUT XXXVII.

*Ilex a Virgilio cur opaca & frondens. & locus Livii explicatus.*

**I**lex, ut tradit Plin. lib. XVI. cap. XXI. & auctor Graecus Collectaneorum de re rustica lib. XII. cap. I. & alii, qui de stirpibus scripsere, arbor est ex genere earum, quibus numquam folia excidunt. haec ergo causa est, propter quam Virg. eam interdum *opacam*, interdum *frondentem* appellat. lib. V. [vs. 129.]

*Hic viridem Aeneas frondenti ex ilice metam Constituit.*



*Lib. vi. [v. 208.]*

*Talis erat species auri frondentis opaca*

*Ilice.*

Apud Livium est *lib. xxiii. circa finem [cap. 49.]* elegans figura dicendi, quam semel atque iterum usurpat. *Quorum duo fuerunt postulata. unum, ne alii triennio eo publicani essent. alterum, ut quae in naves imposuissent, ab hostium tempestatisque vi, publico periculo essent. & lib. xxv. [cap. 3.] Hi, quia publicum periculum erat a vi tempestatis, in iis, quae portarentur ad exercitus. Sc.* quibus in locis, *esse periculo publico, vel esse periculum publicum* (nam utrumque idem significat) nihil aliud est, quam navigare ea conditione, ut si quod damnum acceptum fuisset, vel ab hostibus, vel a tempestate, publica pecunia id detrimentum sarciretur. Sueton. in Claudio *[cap. 18.]* dixit: *Suscepto in se damno, si cui per tempestates damni accidisset.*

## C A P U T XXXVIII.

### *Ciceronis locus expositus.*

**D**estituere apud antiquos pro *figere*, seu *desigere*, quod idem est, positum reperitur. C. Gracchus in oratione de legibus promulgatis, ut est apud Gellium *lib. x. cap. 3.* *Idcirco palus destitutus est in foro: eoque adductus suae civitatis nobilissimus homo M. Marius: vestimenta detracta sunt: virgis caesus est.* Et paullo post: *Gracchus autem noster non querentis, neque implorantis, sed nunciantis vice: palus (inquit) in foro destitutus est: vestimenta detracta sunt: virgis caesus est.*

Haec idcirco a me annotata sunt, ut sciant studiosi epistolarum Ciceronis, quid significant verba

*ex* epistola illa ad Paetum *lib. ix.* cujus initium est. *Amo verecundiam.* [Ep. 22.] *Ita me destituit nudum. totus est sermo verbis tectus, re impudentior.*

*Destituere* namque verbum quidem honestum est. rem autem intelligi malo, quam a me declarari, quae obscoena est. Non me fugit P. Victorium Virum doctissimum & optimum, in suis annotationibus in Varronem *de re Rustica* [lib. i. cap. 2. num. 2. (si recte nemini) putavisse hic positum esse *destituit*, pro *restituit*. Sed quid tum?

# CAPUT XXXIX.

## *Virgilii locus expositus.*

**I**n Virgilio non fat tutum est a crimine insaniae, audere aliquid contra consensum fere saeculorum omnium. Sed tanti non sint criminationes, etiamsi publicae. audeantur vera. ne semper studiosi ejus poëtae vestigia sequentes male interpretantium, posteris etiam ipsi ac secuturis errorem confirment. Poëtae igitur versus sunt *lib. vii.* [vs. 408. *seqq.*]

*Protinus hinc fuscis tristis Dea tollitur alis*

*Audacis Rutuli ad muros. quam dicitur urbem*

*Acrifionëis Danæe fundasse colonis,*

*Praecipiti delata Noto. Locus Ardea quondam*

*Dictus avis. Et nunc magnum tenet Ardea nomen.*

Duo postremi versus male intellecti sunt. credoque occasionem perverse eos accipiendi ortam esse ex fabula ficta ab Ovidio *lib. xiv.* [Metam. vs. 573. *seqq.*] de urbe Ardea post incendium in avem versa. Sed quaenam tanta oculis omnium haëtenus versa est caligo, ut nullus adverterit, hic Virgilium nihil ne nutu quidem aut significatione ostendere

dere de volucri Ardea? Nam vocem illam, *avis*, qui vel prima rudimenta ponunt, fatebuntur admoniti ab posteriore syllaba, casum esse tertium ab eo, quod est, *avis*: non autem casum primum ab nomine, *avis*, volucrem significante. Praeterea ex vetustis scriptis codicibus, & ex Servii interpretatione in penultimo versu *Ardua*, non *Ardea* legendum est. Quae cum ita sunt, longe alius sensus sit, necesse est, quam vulgo putatur, qui quidem hic est. Locus, qui quondam ab *avis*, id est antiquis, *Ardua* dictus est, nunc *Ardea* dicitur: facta allusione (ut ait Servius) ad vocabulum hoc, *Ardua*. Res est adeo illustris, ut mirer, tamdiu allucinatas esse tot interpretum manus.

Quod autem Virgilius Allecto *tristem Deam* dixit, eo versu.

*Protinus hinc fuscis Tristis Dea tollitur alis.*

Respexit ad Graecorum vocem, qui furias *Σεμνὰς* vocant, ut *capite* XLIII. dicetur. Itaque *Tristis Dea* perinde est ac *furia*.

## C A P U T XL.

### *Livii locus defensus & expositus*

**S**ecundo lib. Livii [*cap. 37.*] initium orationis Tulli Attii hoc est: *Invitus* (inquit) *quod sequi jus sit, de meis civibus loquor.* Quidam pro *sequi jus, sequius* tradunt legendum, inculcantes Sosipatrum Charisium docere, *sequius* significare *minus bene* aut *minus bonum*. Sed id est fucum facere, non exponere, aut emendare. Neque enim Charisius hoc tradit. Namque scribit ille [*Inst. Gramm. lib 2. pa. 195. Ed. Putschii.*], *sequius* solummodo significare, *minus*: non autem *minus bene*, aut *minus bonum*. Itaque probo ego lectionem, quae citra ul-

ullam omnino mutationem aut transpositionem litterae ullius est in meo manuscripto vetere libro sic: *Invitus* (inquit) *quos sequi jus sit, de meis civibus loquor.* vox enim illa relativa, *quos*, ad cives est referenda, ut sit sententia. *Invitus loquor de meis civibus, quos & quorum consilia & facta si sequar, jure faciam: nedum ut eos criminari debeam.* Sic *III. Officiorum* [cap. 10.] loquitur Cicero: *Sic in vita sibi quemque petere quod pertineat ad usum, non iniquum est: surripere alteri jus non est.*

## CAPUT XLI.

### *Ora, Ostia, Capita in fluminibus.*

**F**luminum *ora* sunt & *ostia*. *Ora*, cum proprie loquimur, sunt fontes & capita, unde oriuntur. *Ostia* vero exitus fluviorum: ubi nomen amittunt, in mare, vel in alia flumina exeuntes: *ἐκβολαί* Graeci vocant. Pomponius Mela *lib. II. cap. 4.* *Interfluit Timavus, novem capitibus exsurgens, uno ostio emissus.* Virg. I. *Aenëidos.* [vs. 248.] de eodem Timavo.

— *& fontem superare Timavi:*

*Unde per ora novem vasto cum gurgite montis*

*It mare proruptum, & pelago premit arva sonanti.*

Ut non careant reprehensione, qui apud Virg. *novem ora* pro novem ostiis & exitibus acceperunt. Ut fileam, satis potuisse a Mela admoneri illos quoque alteros, qui *novem ostia* exponunt, *multa*, non autem praecise, *novem*. *Caput* autem commune nomen est tam *ori*, quam *ostio*. Ac quod pro ore accipiat, superius exemplum Pomponii ostendit. pro *ostio* vero liquet ex Caesaris *lib. IV. [B. G. cap. 10. in fin.]* de Rheno loquentis: *Multisque capitibus*

*bus in Oceanum influit.* Ora etiam pro ostiis ab optimis scriptoribus usurpantur. Virg. iv. *Georg.* [vs. 292.] de Nilo.

*Et diversa ruens septem discurrit in ora.*

Plin. lib. vi. cap. 37. de Tigri. *Infertur mari Persico decumo (al. duplici) ore.* Idem iv. cap. 3. de Danubio. *Singula autem ora tanta sunt, ut prodatur in XL. M. passuum longitudine vinci mare. dulcemque intelligi haustum.* Idem iii. cap. 4. de Rhodano. *Libyca appellantur duo ejus ora modica.* Polybius quoque [lib. iii. *Hist.* cap. 41.] de hoc eodem Rhodano loquens *σάμα* dixit, ostium intelligens. Livius i. [cap. 33.] *In ore Tiberis Ostia urbs condita.*

## C A P U T XLII.

*Creta Hecatompolis. Laurum mordere.*

**V**irgilii versus est lib. iii. [vs. 106.] *Aenëid.* de Creta.

*Centum urbes habitant magnas, uberrima regna.*

Homerus quoque in Boeotia [*Il.* β. vs. 156.]

*\*Ἄλλοι θ', οἱ Κρήτην ἑκατόμπολιν ἀμφιμένοντο.*

Idem tamen in *Odyss.* [*Od.* τ. vs. 174.] *ἐνενηκοντάπολιν* vocat. sed Scholiastes Homeri in carmen supra allatum causas reddit utriusque appellationis his verbis: *Cur hic Cretam dixit, centum urbium? in Odyssæa autem nonaginta? Dicendum igitur est, quod centum dixit non præciso certoque numero. sed finitum numerum pro infinito accipiens, centum dixit pro multis. vel (quod verius est) sicut ex historia accepimus. Leucus enim Creta potitus, decem urbes in ceterarum terrorem vastavit. Itaque probabiliter in*  
*Odyss.*



*Odyss.* dixit *Cretam nonaginta urbes habere*. Apud Platonem videor nonnihil in hanc sententiam legisse. Sed praestiterit Strabonis verba ex *lib. xi.* [p. 735.] apponere: quae haec sunt: *Cumque dicat Poëta, Insulam nunc quidem centum, nunc autem nonaginta urbes continere, Ephorus sane posterius decem conditas esse asserit, secundum Trojana tempora, ab Althaemene Argivo comitantibus Dorienfibus. Cretam sane XC. continentem urbes ab Ulyssæ nominatam dicit. Hic profecto probabilior est sermo. Alii autem ab Idomenei inimicis urbes everfas fuisse memorant. Ceterum poëta non Trojanis temporibus, sed potius aetate sua Cretam ἐκατόμπολιν, id est centum urbium vocat, ipse enim e sua persona loquitur. Quod si quis ejus temporibus loquens introduceretur, sicut in *Odyssæa* cum urbes XC. refert, sic recte accipienda esset elocutio. Et sequens servaretur oratio. Neque enim durante militia, neque post Idomenei reditum ex Troja ejus inimici probabiliter decem urbes destruxere. Nam ejus rei testis est poëta hoc modo dicens:*

Πάντας δ' Ἰδομενεὺς Κρήτην εἰσέγαγ' ἑταίρους,

οἳ φύγον ἐκ πολέμου. πόντος δὲ οἱ οὐτὶν ἀπηύρα.

*Hujus enim jacturae mentionem fecisset. Haud enim Ulysses earum urbium everfionem noverat, cujus nullum convenisse Graecum neque cum erraret, neque postea contigerat. Ille autem Et in expeditione socius Idomenei, Et simul incolumis evadens minime sciebat, quid illi domi evenisset, dum militaret. nec in suo bello reditu, sed neque post suum e bello reditum. Nam si cunctis cum sociis Et amicis evasit incolumis, potens utique reversus est. quo circa inimici non tantum invalescere debuerunt, ut decem illius urbes interciperent. Cur Virgilius *lib. iii. Aeneid.* [vs. 90.] dixit *laurum tremere?**

— tremere omnia visa repente ,

*Linninaque Laurusque Dei.*

Laurus erat prope Apollinis Tripodem, quam Pythia quassabat oracula redditura. Aristoph. in *Pluto* [v. 212.]

Ἐχω τίν' ἀγαθὴν ἐλπίδ', ἐξ ὧν εἶπέ μοι

Ὁ Φοῖβος αὐτὸς πυθικὴν σείσας Δάφνην.

Ubi ejus interpret Latine sic exponit. *Ajunt prope tripodem laurum fuisse, quam Pythia quassabat vaticinatura.* Praeterea Pythia ipsa lauro coronata vaticinabatur. Tripodes ipsi lauro erant coronati. mandebat & Laurum Pythia: qua comesta furens vaticinabatur. Unde proverbium natum. *Laurum momordit.* de quo Scholiaestes Theogoniae Hesiodi circa principium.

## C A P U T XLIII.

*Cylonium Scelus apud Ciceronem.*

**C**ylonium scelus verbum est in *II. de Legibus* libro Ciceronis [cap. 11.] continens antiquam historiam, quam cum nos verbis eorum scriptorum, a quibus tradita est, attulerimus, nihil necesse erit ad vocem & rem significandam atque explicandam amplius addere. Ciceronis haec sunt verba: *Nam illud vitiosum Athenis, quod Cylonio scelere expiato Epimenide Cretense suadente fecerunt Contumeliae fanum & Impudentiae.* per Cylonium scelus profanationem fani Furiarum intelligit factam ex caede eorum: qui duce Cylone arcem Athenarum, in qua fuit Furiarum fanum, quod dixi, occupaverant. Pausanias Achaicis. [cap. 25. p. 588.] *Lacedaemonii ad aras confugiunt Dearum, quae σεμναι, quasi severas dicas, appellantur.* Athenienses itaque supplices tum impune  
disce-

discedere sunt passi. Aliquanto autem post illi ipsi, qui magistratus gerebant, Minervae supplices occiderunt, postquam una cum Cylone arcem occupassent. idcirco cum ipsi interfectores, tum eorum liberi visi sunt piaculum commisisse. Thucydides lib. I. [cap. 126.] Primum jubendo tolli Dei piaculum, quod quidem tale erat. Cylon quidam Atheniensis fuit vir vetustae nobilitatis, ac potens, & qui Olympia vicisset. Huic in matrimonium accepta Theagenis Megarensis filia, tum Megarensium tyranni, apud Delphos oraculum Deus reddidit. quando maximum foret festum Jovis, occuparet arcem Athenarum. Is acceptis à Theagene copiis, persuasisque amicis, ubi advenere in Peloponneso Olympia, arcem urbis occupavit, tamquam tyrannum acturus. illud esse Jovis maximum festum interpretatus. Et paullo post: Quo cognito Athenienses ex agris ad hos coercendos universi concurrerunt: obsessosque oppugnant. Sed diutina obsidione affecti magna ex parte discessere, delegata novem Archontibus custodia: & permissa, quod optimum censerent esse, agendi arbitrio. Tunc enim novem Archontes pleraque ad Rempublicam pertinentia administrabant. At ii, qui cum Cylone obsidebantur, misere habebant, cibo & aqua defecti. Et ipse quidem Cylon ejusque frater fugam clam fecerunt. Ceteri vero fame consumpti, nonnullis jam extinctis, supplices ad Aram, quae est in arce, sederunt. quos jussos surgere ii, quibus permissa custodia erat, cum viderent expirantes in templo, ne quid in eo sceleris admitterent, abductos interemerunt. quosdam etiam ipso transitu, & apud praecipuos Deorum, atque ad altaria sedentes. Unde impii & profani & illi, & ab eis progeniti sunt appellati. Insuper & ab Atheniensibus in exilium acti: nec non & a Cleomene Lacedaemone postea, Atheniensibus seditione laborantibus non modo vivi expulsi, sed etiam sublata defunctorum ossa sunt abjecta. Nihil tamen

minus postea reverterunt. genusque illorum adhuc in civitate perstat. Quod piaculum Lacedæmonii exterminari jubebant, utique ante omnia Deorum vicem ulciscientes: sed scientes Periclem Xantippi filium huic piaculo affinem esse materno ex genere, credebant, eo dejecto facilius sibi de Atheniensibus successurum. Herodotus lib. v. [cap. 71.] Ἐπικλῆς, ita nominabatur, qui Atheniensium piaculo obstricti erant. Cylon quidam Atheniensis vir Olympionices affectatae tyrannidis compertus est. Simulato namque aequalium sodalicio arcem occupare conatus, id cum efficere non potuisset, assedit simulacro Dei supplex ipse ac socii. Hos illinc summovertunt quidem Prytanes Naucratorum, qui tunc Athenas gubernabant, data fide puniendi eos citra mortem. Sed culpa horum mox interfectorum fuit penes Alcmaeonidas. Haec ante Pisistrati aetatem sunt gesta. ubi Cleomenes per nuncium ejecit Clisthenem atque piaculares. Suidas in dictione Κυλώνειον: Κυλώνειον ἄγος, αἰπὸ Κύλωνος, ὃν καταφυγόντα ἐπὶ ταῖς σεμναῖς θεαῖς ἀπαράσαντες αὐτὸν οἱ περὶ τὸν περικλέα Ἀθηναῖοι ἀπέκτειναν. Diogenes Laërt. lib. i. in Epimenide. [sect. 110.] Porro illius fama per Graeciam volante Deo esse carissimus existimatus est. Unde & Athenienses cum aliquando peste laborarent, responso a Pythia accepto, urbem expiari oportere, Niciam Nicerati filium misere, Epimenidemque ex Creta advocarunt. Profectus autem Olympiade XVII. hustravit urbem: pestemque repressit hoc modo. Sumpsit oves nigro & candido velle, duxitque in Areopagum. Atque inde quo vellent, abire permisit, his, qui illas sequebantur, mandans: ubicumque illae accubissent singulas mactare Deo propicio. Atque in hunc modum quievit lues. ex eo jam hodieque per Atheniensium pagos aras sine nomine inveniri certum est, in ejus, quae tunc facta est, expiationis memoriam. Alii causam dixere pestis Cylonium

sce-

*scelus. liberationemque significasse, atque ideo mortuos, duos adolescentes Cratium, & Lysinnium. sicque cladem quievisse. Athenienses ea pernicie liberi talentum illi decernunt, & navim: quae illum in Cretam reverteret. Verum ille pecunia repudiata, amicitiam atque societatem Atheniensium & Gnosiorum impetravit. Strab. lib. x. [p. 734.] Phesto oriundum Epimenidem expiationes carminibus facientem ferunt: qui de purgamentis librum versibus edidit. Solon etiam quaedam sua epistola, quae est in volumine epistolarum Graecarum ad Epimenidem, de hac Epimenidis expiatione meminit. Plutarchus quoque in Politicis ad Trajanum [Tom. 2. p. 820. C.] & in vita Solonis [Tom. 1. p. 84. A.] Cylonii sceleris & ejus expiationis historiam itidem fere narrat. additque praeterea Epimenidem ab Atheniensibus corona ex sacra olea honoris ergo donatum fuisse. Athenaeus quoque lib. XIII. cap. 27. de hac expiatione meminit. Heraclides de Rebus publicis [post N. Cragium de rep. Laced. p. 500.] de Cylone sic tradit: Τὸς μετὰ Κύλωνος διὰ τὴν τυραννίδα ἐπὶ τὸν βωμὸν τῆς θεᾶς πεφευγότες, οἱ περὶ Μεγακλέα ἀπέπτεσαν, καὶ τοὺς θράσαντας ὡς ἐναγχεῖς ἤλανον. De Cylone & Epimenide quaedam etiam Pausanias lib. I. [cap. 14. & 28.] Porro quas Graeci σεμναὶ θεαὶ dicunt, sunt Furiae. Idem Suidas in voce σεμναί. Σεμναὶ θεαί, οὕτω καλοῦσιν οἱ Ἀθηναῖοι τὰς Ἐρινύας. Mentio etiam est τῶν σεμνῶν θεῶν Aristoteli lib. II. de arte Rhetorica. [cap. 43.] Dictae autem sunt Furiae Σεμναί, quasi severae & tristes. vel ut nonnulli tradunt per euphemismum, quasi μεγαλοπρεπεῖς dicās, id est magnificas & augustiores. quomodo & Eumenides appellatas censent, quasi humanas, faciles, & exorabiles: cum contra dirae sint re & nomine. Quamquam alii scribunt tunc Eumenides esse appellari coeptas, cum post absolutum in Areo-*



pago Orestem suffragio Minervae, placatae & faciles illi fuere, cui antea fuissent infestissimae. quamquam si vim verbi, & naturam Furiarum intueare, *σεμνὰς* putabis dictas, quasi severas & diras. Libet etiam Pausaniae in Atticis [cap. 28. p. 68.] verba apponere: quod ad Ciceronis verba mire faciunt. In propinquo (inquit) *Areopagus* sic dictus, quod in eo *Ἄρης*, id est Mars in iudicium sit vocatus. Quomodo autem, & qua de causa *Alirrbodium* occiderit, alibi a me est indicatum. Orestem postea ibidem parricidii causam dixisse perhibent. adest & ara Minervae *Areae*, quam erexit, ut iudicio fuit absolutus. Lapidēs vero argenteos, quibus rei atque accusatores omnes insistant, unum *Contumeliae*, *Impudentiae* alterum appellant. Juxta templum est sacellum *Dearum* quas *Athenienses* *σεμνὰς*, *Hesiodus* *Erinnys* in *Theogonia* appellat. Idem *Corinthiacis*. [cap. II. p. 136.] Templum *Dearum*, quas *Athenienses* *σεμνὰς*, *Sicyoniā Eumenidas* appellant. Verum hoc templum (ne quis fortasse in fraudem ducatur) diversum est ab eo, de quo supra diximus. illud enim *Athenis*, hoc in *Peloponneso* fuit, non procul ab *ripa Asopi*.

## CAPUT XLIV.

*Daphnis primus Bucolicorum carmen invenit.*

Cur tantopere, tam frequenter Virgilius in Bucolicis *Daphnim* celebrat? Dicunt aliqui, sub hoc nomine fratrem suum laudari a Virgilio. Et sane de Virgilio incerti auctoris carmen hoc extat. [in *P. Pithoei Catalect. lib. II. p. 43.*]

*Tristia fata tui dum fles in Daphnide Flacci,*

*Docte Maro fratrem Diis immortalibus aequas.*

Ego

Ego tam crebram tamque honoratam induci Daphnidis mentionem ob id maxime credo, quod Daphnis auctore Diodoro Siculo *lib. iv. [cap. 84.]* & Aeliano *de Varia historia x. [cap. 18.]* poëta Siculus fuerit bucolici carminis inventor, non Theocritus, ut interpretes Virg. scribunt, & propterea cum dicit poëta. [*Ecl. iv. ipso pr.*] *Sicelides Musae.* & [*Eclog. vi. ipso pr.*]

*Prima Syracusio dignata est ludere versu  
Nostra, nec erubuit silvas habitare Thalia.*

Ibi atque in aliis ejusmodi locis tanto magis Daphnim quam Theocritum significari censuerim, quanto honoratius est auctorem, quam imitorem alicujus virtutis fuisse. Diodori haec sunt verba: *In hujus regionis silva admodum amoena, in quam divertebantur Nymphae, ex Mercurio & Nympha Daphnidem natum tradunt. qui a laurorum multitudine, quae in ea frequentes sunt, appellatus est Daphnis. educatus a Nymphis boum permulta possedit armenta: a quorum cura Bucolos dictus est. Cum esset ingenio acri, studiumque plurimum gubernandis bobus impenderet, carmen Bucolicum, quod etiam nunc usque a Siculis in pretio habetur, adinvenit. Tradunt insuper illum in Dianae gratiam venandi studio impendisse operam: eamque fistula & cantu bucolico apprime oblectasse. Hujus amore captam Nympham praedixisse illi tradunt, si cui alteri jungeretur, se illum visu privaturam. Postmodum quadam Regis filia ab se ebrio stuprata oculis (ut praedictum fuerat) captus est. Sed de hoc Daphnide iterum referetur. Eadem fere tradit Aelianus (ut dixi) *lib. x. ad finem.**

## CAPUT XLV.

*Virgilii locus aliter quam ante expositus.*

**V**irgilii versus ex VIII. [vs. 268.] sunt ita distinguendi, ut nos interpungimus: quamquam ibi interpretes aliter sentiunt.

*Ex illo celebratus honos. laetique minores  
Servavere diem. primusque Potitius auctor,  
Et domus Herculei custos Pinaria templi.*

Hic consistendum est, deinde nova sententia ordi-  
dienda.

*Hanc aram luco statuit, quae Maxima semper  
Dicetur nobis: Et erit quae Maxima semper.*

Neque enim Potitii & Pinarii aram Maximam Hercu-  
li posuerunt, ut necesse esset intelligere, si legas  
& distinguas, sicut hactenus interpunctum fuit,  
hoc pacto,

— *primusque Potitius auctor,  
Et domus Herculei custos Pinaria templi  
Hanc aram luco statuit,*

Sed ipse sibi Hercules Maximam aram posuit, au-  
ctoribus, Livio, Solino, Ovidio, Propertio. Li-  
vius lib. I. [cap. 7.] *Dextra Hercules data ac-  
cipere se omen, impleturumque fata, ara condita at-  
que dicata ait.* Solinus cap. 2. *Quippe aram Hercu-  
les, quam voverat, si amissas boves reperisset, punita  
Caco, patri Inventori dicavit. & paullo post: Suo  
quoque numini idem Hercules instituit aram, quae Ma-  
xima apud Pontifices habetur.* Ovidius primo Fasto-  
rum. [vs. 581.]

*Constituitque sibi, quae Maxima dicitur, aram,  
Hic, ubi pars urbis de bove nomen habet.*

Pro-

Propertius *lib. iv.* [*El. 9. vs. 67.*] Herculem sic loquentem inducit.

*Maxima quae gregibus devota est ara repertis,*

*Ara per has (inquit) Maxima facta manus.*

Plutarchus tamen *in problem.* [*Tom. II. pag. 285. A.*]

Evandrum tradit Herculi aram hanc statuisse. Sed de rebus Italiae Italis scriptoribus praesertim vetustioribus est credendum,

## C A P U T XLVI.

### *Virgilii locus perpensus.*

**C**ur Virgilius *lib. viii.* [*vs. 669.*] in Clypeo Aeneae loquens dixit de Catilina?

— — — *Et te Catilina minaci*

*Pendentem scopulo, furiarumque ora trementem.*

Quemnam ibi scopulum voluit intelligi? an scopulum tribunal innuit & judicium? propter L. Cassium Praetorem: cujus tribunal ob severitatem judicandi, reorum scopulum appellabant? de quo Valerius Max. [*lib. III. cap. 7. Exemp. 9.*] An per scopulum Apenninum intelligit? ubi cum suis copiis juxta Faesulas constitit Catilina, ut est apud Sallustium [*in Catil. cap. 27.*]? An saxum intelligit, quod poëtae ambitiosis fingunt imminere apud inferos? quod quidem de Tantalo legimus. Virg. vi. [*vs. 602.*]

*Quos super atra flix jamjam lapsura, cadentique  
Imminet assimilis.*

Lucret. III. [*vs. 993.*]

*Nec miser impendens magnum timet aëre saxum  
Tantalus.*

Claudianus *in Rufinum lib. II.* [*vs. 506.*]

— — — genus omne dolorum  
*In te ferre juvat. dubio tibi pendula rupes  
 Immineat lapsu.*

Ac de hoc saxo Tantali meminit Euripides etiam [*in Orest. vs. 984.*], & Pindarus [*Isth. od. 8. vs. 21.*], Hyginus [*fab. 82.*], Athenaeus *lib. vii. cap. 3.* & Cicero *iv. Tuscul. [cap. 16.]* & *i. de Finibus. [cap. 18.]* Archilochus apud Pausaniam Phocaicis. [*cap. 31. p. 876.*] & sic Delphis pictus erat. Itaque immerito damnatur Tullius in hac re ab iis, qui deceptum eum in fabula hujus poenae Tantali: atque in eo ibi memoriae errorem arguunt. An vero damnatum Catilinam hac poena apud inferos voluit significare, ut saxo alligatus perpetuo penderet de eo? Certe in evocatione animarum Lucanus *lib. vi. [vs. 793.]* ad Virgilii verba alludit hoc carmine.

*Abruptis Catilina minax, fractisque catenis.*

Exercere studiosorum ingenia nobis hic est visum. Quod vero dicit, *Furiarumque ora tremementem*, Ultrices Furias mortis filii, atque aliorum nefandorum facinorum intelligit. Quippe Catilina necato filio vacuum domum scelestis nuptiis Aureliae Orestillae fecit. Fratrem interemit. cum virgine filia nefandissimam stupri consuetudinem habuit. Plutarcho in Cic. [*Tom. i. p. 865.*] Sallustio, [*in Catil. cap. 15.*] Appiano, [*Bell. Civ. lib. ii. p. 710. Ed. Toll.*] Cicerone [*Orat. i. in Catil. c. 6.*] auctoribus.



C A P U T XLVII.

*Facticia quae dicuntur verba. (a)*

<b>A</b> dulari	Canum abblandientium.
Balare	Ovium.
Balbire	
Bilbire	Insonantium vitreis vasis, & conca-
Biblire	vis.
Baubare	
Baubari	Canum.
Barrire	Elephantorum
	Romanorum militum.
Bibere	A vocis sono.
Blaſterare	Arietis.
Blaterare	
Blatire	Camelorum.
Boare	Boum.
Bombilare	Apum
Bubire	Butionum.
Bubulare	Bubonum.
Buccinare	Buccinae.

Ca-

(a) Animantium voces Graeci pariter atque Latini nominibus ab eorum sono formatiſ expreſſerunt: atque in iis colligendis officio ſuo non defuerunt Grammatici veteres. Inter Graecos videndus praeter alios eſt *Ammon.* in v. φωνῶν, & duo Opuscula, alterum *Zenodoti*, alterum *Anonymi* cujusdam, περὶ φωνῶν ζώων, quæ ex *Cod. MSto* primus evulgavit *Celeb. Valkenaerius* in *Animadv. ad Ammon. Lib. III. cap. 18. p. 229. & 231.* Junge etiam *J. A. Fabric. Bibl. Græc. Lib. 2. cap. 11. §. 4.* Inter Latinos eminet Auctor *Poëmatii*, quod *Philomela* dicitur, olim *Ovidio* male tributum: ex quo plurima, quæ habentur hoc capite, derivavit *Matius*. Sed quum illud ex antiquiſſimis membranis emendatius protulerit *A. Schottus* *Obſervat. Lib. 11. cap. 52.* eo lectorem remitto.

Cacabare	Perdicum.
Cachinnare	Ridentium.
Caurire	Panterarum.
Χαίρει	Pfittacorum.
Κλαγγάζειν	Gruum.
Clamare	A vocis similitudine.
	Tubarum
Clangere	Anserum
	Aquilarum.
Coaxare. Quaxare, Festo	Ranarum.
Cornicari	Cornicum.
Crepare	Inflatorum disruptorum. a vocis si-
Crocare	(militudine.
Crocire	Corvorum.
Crocitare	
Cucubare	Noctuarum.
Cuculare	Cuculorum.
Cucurrere	Gallorum.
Desticare	Soricum.
Dintrire	Mustelarum.
Drenfare	Cygnorum:
Felire	Pardorum.
Fervere	Aquae ab ejus rei simili sonitu.
Follicare	Narium.
Fragor	Arborum.
Frangi	Lignorum.
Fremere	Leonum. & a vocis similitudine.
Frendere	Dentium colliforum.
Frigulare	Graculorum.
Fritinire	
Τερεττίζειν.	Cicadarum.
Τεττίζειν	
Fringutire	Fringillae avis.
Gallulascere	Pubescentium.

Gannire	Canum
Garire	Vulpium.
	Avium
	Turturum
Gemere	Palumborum. & a vocis similitudine
	Columborum.
Glacitare	Anserum.
Glancitare	Catulorum.
Glocitare	Corvorum
	Onagrorum.
Glocidare	
Glocire	Gallarum incubaturarum ovis.
Glotorare	Ciconiarum.
Gracillare	Gallarum, cum cantant.
Gratitare	Anserum.
Grillire	Grillorum.
Gringire	Anserum
Gruere	Gruum.
Grundire	
Grunnire	Porcorum.
Hinnire &	
Hinnilitare	Equorum.
Hirrire	Canum rabientium.
Jugere	Milvorum, cum vocem emittunt.
Ἰππάρχειν	Citharoedorum summis canentium,
	dum aptant & intendunt chordas.
Jubilare	Rusticorum.
Lallare	Infantium, cum mammam renunt.
Latrare	Canum.
Lipire	Milvorum.
Μηκάζειν	Caprarum.
Minarrire	Palumborum.
Μινυρίζειν	Crispantium vocem in canendo.
Mintrare	Murum.
Mutilare	Acredularum.

Mugire	Boum Vitulorum.
Murmurare	
Murmurari	Aquarum leniter in decurrendo stre-
Murmurillare	pentium.
Muffare	Hominum occulte quid & pressa vo- ce loquentium, quod celatum velint.
Murmurare	Majoris soni, & proximi ad tu- multum.
Mutire	Hircorum. Loquentium timide.
Nictere	Canum odorandis vestigiis leviter
Oblatire	Camelorum. (gannientium.
Ololygo	Ranarum.
Oncare	Asellorum.
Orcare	Lyncum.
Pipilare	Passerum.
Pappare	Infantium edentium
Papissare	Infantium parentes appellantium.
Parala	Infantium patres appellantium.
	Drosteae avis.
	Plorantium Oscorum lingua.
	Gallarum.
Pipare	Accipitrum.
	Pullorum.
	Passerum.
Pipilare	Passerum.
Pipire	Pullorum
	Passerum.
Pisitare	Sturnorum.
Plaustare	Palumbium.
Pulpare	Vulturum.
Pupillare	Pavonum.
Queri	Avium.
Quiritare	Verrium.

Qui-

Quiritare etiam	Urbicolarum five Urbanorum.
Quaxare	Ranarum.
Rancare	Tigrium.
Rictare	Leopardorum.
Ringere	Canum morsurorum, vellatraturorum.
Ringi	
Rhonchiffare	Stertentium.
Rudere	Afinorum.
Rugire	Leonum.
Saevire	Urforum.
Sibilare	Serpentum.
Singultire	Gallarum ducentium pullos.
Sclopus	Disruptorum.
	Strigum.
	Vespertilionum.
Stridere	Funium.
	Valvarum.
	Metallorum ignitorum, dum in aqua refrigerantur.
Sorbere	A sono vocis.
Sufurrare	Summisse loquentium.
Tac, five	
Tax	Ictus, id est, sonus ex ictu.
Taratantara	Tubarum.
Tepettiζειν	
Tettiζειν	Cicadarum.
Fritinire	
Tetrinire	Anatum.
Tinnire	Metallorum, dum probantur pulsu.
Tintinire	Aurium.
Titinnare	Pari avis.
Tintinnare	Aurium.
Titiffare	Tintinnabuli.
	Passerculorum.

Tity-



Titybiffare	Hirundinum. Perdicum.
Tonthoriffare	Murmurantium fummiſſe, & que- rentium.
Θρεττανελὸ	Cithararum.
Triufare	Hirundinum.
Τριζεν	Perdicum.
Trutilare	Vespertilionum.
	Turdorum.
	Turturum.
Τρύζεν	Palumborum.
	Columborum.
Tutu	Noctuarum.
	Leporum.
Vagire	Infantium.
	Hoedorum.
Vibriffare	Criſpantium vocem in Canendo. Canum.
Ululare	Luporum. Ulularum.
Uncare	Urforum.
	Regulorum.
Zinzilulare	Meropum.
	Prognos.

## CAPUT XLVIII.

*A. vocalis in vocativis quanta ſit.*

**Q**uoniam apud Poëtas varie poſitas eſſe ultimas  
vocativorum primæ declinationis in *a* ex-  
euntium, in illis dumtaxat nominibus, quæ  
vel Græca ſunt, vel ad Græcorum formam ſunt  
conſtituta, ſæpe invenimus, propterea danda eſt  
ratio, quare hic brevem, ibi vero longam Poëtae  
eamdem ſyllabam collocent. ne licentiæ eſſe id vi-  
tium

tium fortasse quis arbitretur. Cum igitur longum invenerimus, *a*, in vocativis *Atrida*, *Anchisa*, & reliquis omnibus similibus, statim a nominativis in, *as*, *Atridas*, *Anchisas* derivabimus. Nam Dores nominativos in *as*, solent in *as* longum vertere. & pro *Ἀμφίτρουιδης*, *Ἀγχιεύς*, dicunt *Ἀμφίτρουιδας*, *Ἀγχιεύς*. quos Latini interdum sequuntur. Cum vero idem *a*, in vocativis legitur breve, erunt vocativi illi a nominativis in *a*, *Atrida*, *Thyesta* &c. Namque non pauca nomina sunt primi hujus flexus, quorum nominativi trifariam exeunt. Etenim *Atrides*, *Atridas*, & *Atrida* dictum invenies, quaedam exeunt in *as*, & *a*, tantum; ut, *Procas*, *Proca*. Cujusmodi exempla pauca quaedam afferam, Plautus in *Poemulo* [v. 4. 100.] *O Apella*, *o Xeuxis pictor*. a nominativo *Apellas* aut *Apella*. quin vero & *Apelles* dicatur, nemo dubitat. Hyginus *Fabula* xciv. *Anchisam Assaraci filium Venus amasse dicitur*. a nominativo *Anchisa*. Lucan. II. [vs. 54.]

*Hinc Dacus premat, inde Getes occurrat Iberis.*  
Horatius. [Serm. lib. II. sat. I. vs. 17.]

*Scipiadam, ut sapiens Lucillius, haud mihi deero,*  
Proculdubio a nominativo *Scipiada*. Seneca in *Troa-*  
*dibus*. [vs. 703.]

*Annosque dum recipiat, extendat supas*  
*Laërta: sic te juvenis accipiat tuus.*

Ovid. *Metamorph.* [VI. vs. 400.]

———— *Marsya nomen habet.*  
Idem XIV. *ejusdem operis*. [vs. 622.]

*Famque Palatinae summam Proca gentis habebat.*  
Virg. [Aenëid. VI. vs. 767.]

*Proximus ille Procas Trojanæ gloria gentis.*  
Ovid. III. *Fastorum*. [vs. 552.]

*Et potitur capta Maurus Farba demo.*  
Virg.

Virg. iv. *Aenëid.* [vs. 36.]

*Non Libyae; non ante Tyro despectus Farbas.*

Propert. lib. II. [Eleg. II.]

*Non ita Dardanio gavisus Atrida triumpho est.*

Claudianus in Panegyrico in Stiliconem. [lib. III. vs. 230.]

*Ditabat rutilo quidquid Mida tangeret auro.*

Fabius quoque lib. I. cap. 9. antiquos testatur omnia nomina a Graecis versa in *a*, non in *as* extulisse: ut, *Hermagora*, *Pelia*, *Aenea*, *Anchisa*. quam doctrinam postea etiam Priscianus est secutus. *Laërtas* ergo dicitur, *Laërtes*, & *Laërta*. *Atridas*, *Atrides*, *Atrida*. de nominativis *Laërtes* & *Atrides* non exspectat sat scio quisquam exempla. Quod *Laërta* & *Atrida* dicatur, probatum est auctoribus Propertio & Seneca. *Laërtas* autem pro *Laërtes*, & *Atridas* pro *Atrides* eodem nominativo casu dici Doricorum est dialectus, ut admonuimus. Itaque apud Pindarum invenies *ἑλλανοδίκας*, & *Ἀμφιτρωνίδας*, pro *ἑλλανοδίκης* & *Ἀμφιτρωνίδης*. Ergo ab his nominativis in *as*, vocativi in *a*, longum exeunt. Cum vero vocativi breves erunt, eorum origo erunt nominativi in *a*. Nam nominativos in *es*, mittere vocativum in *e* longum, ut *Anchises*, *Anchise*, ne admonendum quidem est. Atque longorum vocativorum haec sunt, quae nunc succurrunt exempla. Ennius apud Cicer. II. de Divinatione. [cap. 56.] *Aio te Aeacida Romanos vincere posse.* Silius lib. XIII. [vs. 897.]

*Felix Aeacida, cui tali contigit ore.*

Idem eodem lib.

*Quam te Dardanida pulcherrime, mente serena.*

Virg. III. *Aenëid.* [vs. 475.]

*Conjugio Anchisa Veneris dignate superbo.*

A nominativis *Aeacidas*, *Dardanidas*, *Anchisas*.  
Ser-

Servius quidem in versu Virgillii agnoscit *Anchisa* non esse vocativum Latinum: & recte quidem sentit. sed non belle se inde explicat. Atque haec de vocativorum extremis syllabis longis. sequentia exempla ad breves pertinent. Horat. *Serm.* [lib. II. *sat.* I. vs. 187.]

*Ne quis humasse velit Ajacem Atrida vetas cur?*

Seneca in *Agamemnone.* [vs. 933.]

*Aggrediar: & te Orestia furabor libens.*

Martialis I.

*Tereos, aut coenam crude Thyesta tuam.*

A nominativis *Atrida*, *Orestia*, *Thyesta*. Jam Aeo-lico, Boeotico, & Thessalico more nominativos hujusmodi prolatos esse a Poëtis, similes scilicet vocativis, notissimum est. Itaque saepissime est invenire Θύεσα, pro Θύεσης. ἰππία Νέσος, pro ἰππότης. μητιέτα ζεύς, pro μητιέτης. a, ultima vocali brevi. qualis etiam est in vocativis. Itaque *Orestia* & *Thyesta* apud Senecam & Martialem, etiam dici possent esse vocativi Graeci.

## C A P U T XLIX.

*Fabii & Virgilii locus restitutus.*

**A**udax fortasse, ac temerarius videar, qui in scirpo nodum quaeram: & de quo omnes securi in utramvis aurem dormiant, ego solus ambigam: immo haud dubitem aliam ab ea, quae multis jam saeculis in Virgiliano versu est, lectionem invehere. Versus de quo loquor, hic est lib. XI. [vs. 405.]

*Vel cum se pavidum contra mea jurgia fingit  
Artificis scelus.*

Hic si dicam, pro *mea*, *mis* legendum, exhiba-  
L bunt

bunt multi statim, fat scio. Sed fortasse acquiescent, aut etiam plausu excipient, cum intellexerint, qua semita in hanc viam venerim. Adducor autem duobus Fabii Quinctiliani locis, ut hic legendum, *mis*; contendam. prior est *lib. VIII. cap. 3.* sic: *Cum sint autem verba propria, ficta, trallata, propriis dignitatem dat antiquitas. Nam & sanctiorem & magis admirabilem faciunt orationem, quibus non quilibet fuerat usus. eoque ornamento acerrimi iudicii P. Virgilius unice est usus. Olli enim, & quianam, & mis, & pone pellucet, & aspergunt illam, quae etiam in picturis est gratissima, vetustatis inimitabilem arti auctoritatem.* His verbis Fabius Virgilium usum esse indicat vocibus illis vetustis, *olli, quianam, mis, & pone.* Erythraeus in *Virgilium*, [in Indice in voc. *olli*, & *quianam*] verba Fabii corrumpit legens pro *mis*, *mi*. quasi vero *mi* antiqua vox sit, & non usitata tam Poëtis Epicis, quam Comicis, & reliquis. immo in Epistolarum ad Atticum archetypis ajunt semper *mi* pro *mibi* legi. ut si leam millies legi apud Cic. *mi Attice*, *mi Voluumni*, & similia. Ac trium illarum, *olli, quianam*, & *pone*, exempla nemo sane desiderat. Si quis tamen expectet, haec sunt. [*Aenëid. I. vs. 258.*]

*Olli subridens hominum sator atque Deorum.*

[*Aenëid. v. vs. 13.*]

*Heu, quianam tanti cinxerunt aethera nimbi.*

[*Aenëid. II. vs. 725.*]

*Pone subit conjux. ferimur per opaca locorum.*

*Mis* vero ubi sit usus Virgilius, nullus ejus reperitur versus. Itaque recte hic a me reponi tamquam postliminio restitutam vocem alter locus Fabii testatur *lib. IX. cap. 3.* *Alia commendatio vetustatis: cuius amator unice Virgilius fuit,*

*Vel*



*Vel cum se pavidum contra mea jurgia fingit.*

Quaenam quaeso vetustas in hoc versu est, si sic legas? ergo antiquum illum casum, *mis*, repone pro *mea*: & vetustatem venustam & commendabilem, antea loco supra citato ab eodem Fabio observatam statim agnosces. Non me latet Budaeum virum doctum in Comment. linguae Graecae [pag. 1034. Ed. R. Stephani.] male habere Fabium in hoc loco: Credidit quippe Budaeus, Fabium antiquitatem annotare in prima voce versus Virgiliani, quae est, *Vel*. in quo fane verbo vetustas nulla est, ut idem probat Budaeus. Sed certe Fabius, *Mis*, vocabulum intelligebat: ut ex priore Fabii loco evidenter constat. quae vox *Mis* omnino, expuncta illa altera, subdititia, apud Fabium atque Virgilium in suum locum & possessionem quibusvis interdictis est restituenda.

## C A P U T L.

*Fabii locus purgatus. Idem a calumniis defensus.*

**F**abii locus est corruptus lib. vi. cap. 3. *Salsum in consuetudine pro ridiculo tantum accipimus. natura non utique hoc est. quamquam & ridicula oporteat esse falsa. Nam & Cicero omne quod falsum sit, ait esse Atticorum. quia sunt maxime ad risum compositi. & Catullus cum dicit:*

*Nulla in tam magno est corpore mica salis.  
non dicit, nihil in corpore ejus esse ridiculum. salsum igitur erit, quod non erit insulsum. Vult his verbis probare Fabius, salsum, proprie & sua natura non ridiculum significare. affertque verba Ciceronis & Catulli. quorum neuter falsum pro ridiculo posuit.*

Nam (inquit) Cicero non dixit omne id, quod falsum sit, Atticorum esse iccirco, quod Attici ad risum sint compositi. nec Catullus cum ait, *nullam in tanto corpore esse micam salis*, intelligit, nihil in tanto corpore ridiculum esse: sed profecto falsum est, quod elegans, urbanum & non infulsus est. Cum ergo haec sit Fabii mens, quam exposui, facile est ex sensu concipere, ubi sit error. Est autem ille in voce, *omne*, quae tollenda est: proque ea, *non*, negativa vox est substituenda. sic: *Nam & Cicero, non quod falsum sit, ait esse Atticorum, quia sint maxime ad risum compositi &c.* potest tamen & dictio illa, *omne*, servari. sed, *non*, vox negativa erit praeponenda: quod magis placet. hoc modo: *Nam & Cicero non omne, quod falsum sit, ait esse Atticorum, quia sint maxime ad risum compositi &c.* Substituimus etiam Ciceronis locum, unde id a Fabio petatum credimus. ut inde etiam animadversio nostra adjumentum inveniatur. Ille igitur lib. II. de Oratore [cap. 54.] sic scribit: *Inveni autem ridicula & falsa multa Graecorum. Nam & Siculi in eo genere, & Rhodii, & Byzantii, & praeter ceteros Attici excellunt.* Nisi forte verius Quintil. locum significat, qui est in Oratore [cap. 26.] his verbis: *Quibus exceptis sic utetur sale & facetiis, ut ego ex istis novis Atticis talem cognoverim neminem.* Cum id certe sit vel maxime Atticum. Hanc ego judico formam summissi oratoris, sed magni tamen & germani Attici. quoniam quidquid est falsum in Oratione, id proprium Atticorum est. e quibus tamen non omnes faceti. *Lysias satis & Hyperides: Demades praeter ceteros fertur: Demosthenes minus habetur, quo quidem mihi nihil videtur urbanius. Sed non tam dicax fuit, quam facetus.* Praeterea de Atticorum Urbanitate leges apud Lucianum in dialo-

go ad eum, qui dixit: *Prometheus es in sermonibus.*  
 [cap. 2.] Paulo supra illa Quintiliani verba, quae  
 attulimus, alter locus est, qui Oedipode aliquo, aut  
 Delio natatore indiget: vel fortasse Hippocrate.  
 acutiores in eo intendant diligenter aciem ingenii.  
 Ego in praesentia quam opem afferam, non habeo.  
 Quin illae ipsae, quae dictae sunt ac vocantur, quas  
 certis diebus festae licentiae dicere solebamus, si paul-  
 lum adhibita ratione fingerentur, aut aliquid in his se-  
 rium quoque esset admistum, plurimum poterunt uti-  
 litatis afferre. quae nunc juvenum vel sibi ludentium  
 exercitatio est. Hic quando (ut dixi) juvare Fa-  
 bium non possumus, admoneamus ejus studiosos:  
 injuste facere Joannem Brodaeum Gallum; qui  
 Quintilianum in expositione Catulliani versus, de  
 quo supra dictum est, reprehendit lib. VI. [cap. 12.]  
 Suarum annot. his verbis: *Quintilianus lib. VI. cap.*  
*3. Catullianum versum citans,*

*Nulla in tam magno corpore mica salis,*  
*nihil in corpore ejus ridiculum exponit. Ego veniam*  
*praefatus nihil in corpore esse gratiae ac Veneris.*  
*Quasi vero id Fabius scribat aut sentiat. An non*  
*Fabii expositio clara est, cum ait? Catullus cum*  
*dicit.*

*Nulla in tam magno corpore mica salis.*  
*non dicit nihil in corpore ejus esse ridiculum. falsum igitur*  
*erit, quod non erit insulsum.*

## CAPUT LI.

*Mediam in his vocibus syllabam, illius, ipsius,  
& similibus brevem esse non longam.*

**T**ollenda est jam olim inueterata Grammatico-  
rum opinio; qui in his dictionibus, *illius, ipsius, unius*, & similibus, tradunt mediam syllabam accentum habere, ut quae longa sit natura; quamvis poëtae interdum eandem corripiant. Sed contra res est. quippe accentus illis genitiuis in prima syllaba est; & mediam habent ex lege Latinarum vocalium ab aliis vocalibus exceptarum, natura brevem. Cujus tamen producendae licentiam saepe sibi poëtae vindicant. Probus quidem, Servius, & Quinctilianus *lib. 1. cap. 9.* atque alii, contra tradunt. Sed praeter legem, quam dixi, vocalium Latinarum, a nobis stat Tullius; cuius unius longe locupletissimi testis & magistri prior potiorque est sententia. qui *III. de Oratore [cap. 47.]* sic scribit: *Est autem Paeon hic posterior non syllabarum numero, sed aurium mensura, quod est acrius iudicium & certius, par fere Cretico, qui est ex longa, & brevi, & longa. ut Quid petam praesidi, aut exsequar? quove nunc? A quo numero exorsus est Fannius. Si, Quirites, minas illius.* Ecce quemadmodum Tullius vocem hanc, *illius*, Creticum esse aperte docet. qui Creticus est ex media brevi, & utraque extrema longa. Et Fannius orationes scripsit non poëmata. Orator enim fuit, ut aperte testatur Paterculus *in fine lib. 1. & initia 11.* Ac ne quis fortasse cavilletur, Cicero- nem intelligere tantum de primo pede, non etiam de sequentibus, id est, satis esse, ut in verbis Fannii: *Si, Quirites, minas illius:* primus pes, non etiam

etiam sequentes sint Cretici: sciat hic primum Ciceronem dixisse: *a quo numero exorsus est Fannius*. non, *a quo pede*. Numerus autem non uno, sed pluribus pedibus constat. deinde in superiore illo versu.

*Quid petam praesidi, aut exsequar? quove nunc?*

Quatuor sunt perpetui Cretici: cum tamen in verbis Fannii tantum tres sint. Quod autem numerus pluribus pedibus non uno constituatur, testes sunt omnes, qui de numeris Oratorum conscripserunt. Ut tamen quaerendi molestiam adimam, non univerforum, sed solius Ciceronis testimonium recitabo ex *II. de Oratore*. *Non loquor (inquit) de uno pede extremo: adjungo, quod minimum sit proximum superiorem: saepe etiam tertium. & tertio ejusdem operis [cap. 50.] Duo aut tres sunt fere extremi servandi & notandi pedes.*

## CAPUT. LIII.

[*Cicero emendatus.*]

**E**pistola xxiii. *ad Tironem*, quae est lib. xvi. epistolarum, quae familiares dicuntur, habet obscuritates: quarum nonnullae inde oriuntur, quoniam res continent diversis temporibus gestas. quod in primis est advertendum. Duae autem epistolae diversis temporibus scriptae in unam coierunt. Quod si dividantur, ut res & ratio postulat, non modica aperiatur ad lucem admittendam fenestra. Initium autem secundum epistolae inde ordiri placet. *Ad Bithynicum scripsi.* vel etiam inde. *De Servilio tu videris.* Id autem necesse esse facere, res ipsa loquitur. Nam prior scripta est vivente Caesare: quod probat bonorum professio, cujus ibi fit mentio. cujus professionis faciendae necessitas lege Ju-



lia ipso Julio Caesare vivente erat imposita. ut ex xxxiii. epistola lib. xiii. ad Atticum constat. Atque etiam videndum est, cum in eadem parte epistolae scribit: *Antonius, quid de lege egerit*, an intelligat legem de urbe augenda: quod quidem valde suspicor. quae lex promulgata fuerat Caesare & Antonio Coss. de qua etiam loquitur idem Cicero in Epistola xx. & xxxiii. ejusdem xiii. lib. ad Atticum. Quemadmodum autem historia cogit fateri, hanc priorem epistolam scriptam fuisse vivente Caesare, sic eadem historia & argumentum ipsum postulat, ut fateamur, posteriorem scriptam fuisse Caesare caeso, atque Antonio nondum aperte bellum patriae inferente. quod ostendit, cum de conservanda inveterata Antonii amicitia, & de terroribus, quos Antonii furor atque audacia nonnullis jam, atque Attico inprimis incutiebat. Totam autem hanc rem melius & clarius intelliget, qui trium postremorum ad Att. librorum epistolas percurrat.

## CAPUT LIII.

*Conradum corrupisse, non correxisse, quemdam in III. Tusculana locum,*

**N**on temere recepta scriptura repudianda est, nec facile audacibus in mutando correctoribus est assentiendum. Laudoque in hac parte eorum Typographorum prudentiam, qui in III. *Tusculana* Cic. [cap. 6.] antiquam & receptam & sine dubio veram lectionem retinuerunt, damnatam tamen a Sebast. Conrado in sua Quaestura, quam sane non ubique optima fide gessit. Apponam Cic. verba: quae quoniam germanam lectionem

nem continent, mutari nullo modo debent. *Nec absurde Crantor ille: qui in nostra Academia vel in primis fuit nobilissimus: minime (inquit) assentior his, qui istam nescio quam indolentiam magnopere laudant. quae nec potest ulla esse, nec debet. Ne aegrotus sim, inquit: sed si fuerim, sensus adsit, sive secetur quid, sive avellatur a corpore. Nam istuc, nihil dolere, non sine magna mercede contingit immanitatis in animo, stuporis in corpore.* Conradus autem inversiones quasdam inducit: quae nitorem & elegantiam sententiae miris modis foedant & distorquent. sic enim narrat. *De qua (indolentia) in manu scriptis libris sic Cicero scribit. Minime inquit, Crantor, assentior iis, qui istam nescio quam indolentiam magnopere laudant: quae nec potest ulla esse, nec debet: nec aegrototo etiam, inquit, nisi is, qui fuerat, sensus absit: sive secetur quid, sive avellatur a corpore. vel, ut in aliis libris legitur. nec aegrotis est, si is, qui fuerat, sensus absit.* Nescio ego Conradi libros. sed quos ipse vidi veteres scriptos, universi consentiunt. Tum elegantia orationis, & sententiae veritas lectionem Conradi improbant & convincunt. praeterea Plutarchus lectioni, quam nos defendimus, testimonium dicit in ea sive oratione, sive epistola, qua Apollonium consolatur, in principio [Tom. II. p. 102. D.] Cujus verba non appono. quoniam eadem sunt cum verbis Ciceronis: quippe a quo Plutarchus transtulit, ut multam partem totius illius commentationis.

Servandam etiam antiquam omnium codicum manuscriptorum lectionem in epistola secunda Asinii Pollionis ad Ciceronem *lib. fam. Epist. x. [Ep. 32.]* cenſeo in his verbis: *Et illi misero quirintanti, civis Romanus natus sum, responderet.* ubi viri docti judicant, omnino expungendam vocem illam *natus.*

licet ab ipsis in omnibus scriptis libris, ut testantur, inventam. quod dicant, nusquam alibi legisse se, *civis Romanus natus sum*. sed tantum, *civis Romanus sum*, quasi vero apud priscos & bonos auctores nulla singularia sint cum verba, tum eloquutiones. quamquam quid respondebunt ad illum Fabii locum ex *lib. v. cap. 10. Divisio* (inquit) *ad probandum simili via vadet. & ad refellendum. Probanti interim satis est unum habere hoc modo. Ut sit civis quis, aut natus sit oportet, aut factus. Neganti utrumque tollendum est, nec natus, nec factus.* Praeterea verbum illud, *natus*, indignissimam facti commiserationem amplificat, cum audiretur, civem natum a cive facto foedissimo supplicio affici. Denique, si sequenti epistola ejusdem Pollionis propter consensum omnium veterum librorum retinendum censent *Palmarer*, verbum nusquam alibi lectum: cur eandem hic constantiam, praesertim rationibus fultam non infirmis, non probant? cur juris idem Attii, quod Titii?

## CAPUT LIV.

[*Virgilius explicatus.*]

**M**irari se mihi dixerunt nonnulli, cur Virgilius in versu bucolico [*Eclog. vii. vs. 65.*] dixerit: *Pulcherrima pinus in hortis*, cum pinus montana silvestrisque arbor sit. Ego vero & domesticam pinum invenio: quippe Vegetius *lib. iv. cap. 15.* optimam caedi ad fabricandas Liburnas materiam ex pinu domestica tradit. Pausanias quoque Eliacorum. *ii. sive lib. vi. [cap. 9.]* de eadem pinu sic scribit: *Cur autem Pinus hortensis nucem ferat, & malum granatum mihi conjectura assequi non erat integrum.* Idem Phocaicis. [*cap. 13.*] ad Bisontes ferum animal

mal mansuefaciendum baccas pinus fativae adhiberi scribit.

C A P U T LV.

*Locus Ciceronis defensus & declaratus.*

**P**etrus Victorius lib. XII. cap. 17. *Variarum Lectionum*, corrumpit proculdubio locum in *Oratore* Ciceronis [cap. 44.] qui sic, ut ego apponam, ubique legitur nec profecto aliter legi debet. *Ne extremorum verborum cum insequentibus primis concursus, aut hiulcas voces efficiat, aut asperas. Quamvis enim suaves, gravesve sententiae, tamen si inconditis verbis efferuntur, offendunt aures: quarum est iudicium superbissimum. Quod quidem Latina lingua sic observat, nemo ut tam rusticus sit, qui vocales non lit conjungere: in quo quidam etiam Theopompum reprehendunt, quod eas litteras tantopere fugerit, etsi id magister ejus Isocrates fecerat. At non Thucydides. & paulo post, Nobis ne si cupiamus quidem, distrahere voces conceditur. indicant orationes illae ipsae horridulae Catonis. indicant omnes poëtae, praeter eos, qui ut versum facerent, saepe hiabant. ut Naevius. Vos qui accolitis Istrum fluvium, atque Algidam. & ibidem. Quam numquam vobis Graji, atque Barbari. At Ennius semel. Scipio invicte. & quidem nos. Hoc motu radiantis Etesiae in vada ponti. hoc idem saepius nostri non tulissent, quod Graeci laudare etiam solent. Sed quid ego vocales? sine vocalibus saepe brevitate causa contrahabant. ut dicerent, multi' modis: vasi' argenteis: palmi' & crinibus: tecti' fractis. Haec ego pluscula ex eo loco verba attuli, quod sperem fore, ut omnes sentiant per se ex citato Ciceronis loco, nihil esse immutandum. quamvis ubi legi-*

legitur: *nemo ut tam rusticus sit, qui vocales nolit conjungere*: Victorius pro *qui*, legat *quin*. ut sit, *quin vocales nolit conjungere*. Sensu omnino ex diametro voluntati & doctrinae Ciceronis contrario. cui lectioni nec superiora Ciceronis verba, nec sequentia ullo modo cohaerent. sensus enim est. Latini sic fugiunt asperitatem orationis, ut cum contingat, ut duo sint finitima verba, quorum prius in vocalem desinat, sequens a vocali item incipiat, (id enim hiulcam & asperam orationem facit) utramque vocem proferendo conjungant, non abjiciendo quidem vocalem ultimam praecedentis dictionis, sed dissimulando; quomodo loquitur Fabius, ut paullo post ejus verbis ostendemus. hujus rei exempla haec & alia ejusmodi sunt. cum nota Apostrophii. ut res melius intelligatur *Dix' ego, Far' age*. Porro hunc esse verum sensum, & hanc esse germanam lectionem, indicant sequentia haec paullo post verba: *Sed Graeci viderint. nobis ne si cupiamus quidem, distrahere voces conceditur*. indicant & illa. *Sed quid ego vocales? sine vocalibus saepe brevitatis causa contrahabant, ut dicerent, multi' modis: vasi argenteis: palmi' & crinibus &c.* Atque hic Cicero *contrahabant* dixit, pro eo quod supra *conjungebant*, dixerat. quod nihil aliud est, quam facta synaloepha & ejecta vocali praecedentis vocis, unam ex duabus dictionibus pronunciando efficere. Id autem propterea, putidiuscule fortasse, exponendum & significandum duxi, ne quis a Strabaeo in fraudem ducatur: qui existimans Ciceronem de temporibus, id est de quantitate syllabarum illic agere, interpretatur verbum illud, *contrahabant, corripiebant*. tamquam diceret, Syllabam longam corripiebant. quo quid dici potest a Ciceronis mente alienius? Atque meam hanc expositionem & sententiam Ciceronis sequi.



sequitur & confirmat Fab. lib. xi. cap. 4. de pronunciatione sic scribens: Nam *Ε* vocales frequentissime coeunt: *Ε* consonantium quaedam insequente vocali dissimulantur. utriusque exemplum posuimus. Multum ille *Ε* terris. & lib. ix. cap. 4. Atqui eadem littera, quotiens ultima est, *Ε* vocalem verbi sequentis ita contingit, ut in eam transire possit, etiam si scribitur, tamen parum exprimitur. ut, Multum ille. *Ε*. Quantum erat. adeo ut pene cujusdam novae litterae sonum reddat. neque enim exprimitur, sed obscuratur. Ergo inquit Cicero, non solum docti, sed rustici ipsi sic fugiunt hiatum & hiulcam orationem, ut jungant verba proferendo, quotiens contingant vocalium concursus, & Synaloephen (ut Grammatici loquuntur) duarum vocalium faciant. quae nihil aliud est, quam coeuntes inter se vocales. Quem vero ipse hiatum fecit non excludendo ultimam in voce *Etesiae*, in illo suo versu.

*Hoc motu radiantis Etesiae in vada ponti.*  
studio & dedita opera, ac cum judicio illud fecit: ut versum Arati videretur etiam in hiatu hoc penitus expressisse. hiat enim & Aratus in suo versu. [in *Phaenom.* vs. 153.]

Τῆμος καὶ κελεύδοντες ἱτησίαι εὐρέϊ πόντῳ.  
Hunc eundem hiatum aemulatus est & Lucretius in eodem verbo lib. vi. [vs. 716.] quamquam alii aliter legunt.

*Anni tempore eo, quo Etesiae esse feruntur.*

## CAPUT LVI.

*Horatii interpretes defensi. Luscinia  
cur Daulia.*

**I**n Ode XII. lib. IV. Horatii Glareanus male habet  
ibi interpretes, quod Atticum fuisse Tereum scri-  
bant, quem Thracem fuisse ipse contendit. Inter-  
pretes cum Atticum dixere, Graecum intelligunt,  
quippe qui Phocensis fuit. Atticae autem finitima  
Phocis fuit. Idque Thucydides lib. II. [cap. 29.] aper-  
te docet. Nihilque Tereo illi attinet, qui Progen Pandionis  
filiam ex Athenis duxit uxorem. Neque ex eadem  
ambo Thracia extitere. siquidem Tereus Dauliam, quae  
nunc terrae Phocidis vocatur, incoluit, tunc a Thracibus  
habitatae. qua in terra feminae facinus illud circa Ityn  
patraverunt, & a multis poetarum in commemoranda  
Philomela, Luscinia avis Daulia celebratur. Et credibi-  
le est Pandionem tantulo distantem affinitatem ex filia  
propter auxilium mutuum maluisse, quam eam, quae tot  
dierum viam usque ad Odrysas distaret. Pausanias etiam  
Phocaicis. [cap. 4.] In oppido Daulide mulieres di-  
cuntur Tereo apposuisse filium epulandum &c. Idem  
Atticis. [cap. 41.] Non procul inde tumultus conspicitur  
Terei, qui Progen Pandionis filiam uxorem habuit.  
Regnavit autem, ut Megarenses ajunt, Tereus in iis  
Megaridis partibus, quae Pegae, id est fontes appel-  
lantur. Sed ut mihi videtur, & certe adhuc conjecturae  
extant, in Daulide, quae supra Chaeroneam est, Te-  
reus regnavit. olim enim barbari ejus, quae nunc Grae-  
cia nominatur, multas partes incoluerunt. ob flagitia  
vero, quae Tereus in Philomelam & mulieres in Ityn  
commiserunt, subigere eos non potuit. Atque ideo ma-  
nus sibi ipse Megaris attulit, cui tumultum confestim  
excitarunt, & adhibitis pro mola calculis rem sacram  
quot-

quotannis peragunt. Upupam praeterea avem ibi apparuisse asserunt. Mulieres Athenas pervenerunt. ibique dum mala deplorant, quae passae fuerant, quaeque ultionis causa ipsae regefferant, lacrymando contabescunt. Unam item in Lusciniam commutatam ajunt, alteram in hirundinem, non aliam ob causam, ut puto, quam quod eadem quoque aviculae miserabilem edunt cantum & lamentis similem. Strabo lib. VII. [p. 494.] tradit Tereum Daulidem Terrae Phocidis tenuisse. Idem lib. IX. [p. 648.] Secundum Delphos (inquit) Daulis, quam Dauliam posterius dixere, ubi Tereus Thrax imperium tenuit. Hicque quae de Philomela & Progne traduntur &c.

## CAPUT LVII.

*Ciceronis locus declaratus. opera quae sint.*

**O**peribus, non opibus lego in epistola Ciceronis ad Coelium x. [lib. II.] Oppugnabam oppidum Pindenissum tantis operibus, tantoque negotio. nec machinas intelligit, cum operibus dixit, ut scripserunt nonnulli. Sed vallis, fossis, cuniculis & ejusmodi oppugnatum, aut aliquibus eorum Pindenissum voluit accipi. Sic Livius operibus captos Vejos scribit, quos cuniculo captos constat. Sic enim lib. v. [cap. 22.] ait: Postremo jam fato quoque urgente, operibus tamen, non vi expugnata est. paulo autem supra [cap. 19.] dixerat: Operum fuit longe omnium maximum ac laboriosissimum cuniculus, in arcem hostium agi coeptus. & paullo post. [cap. 21.] Nihil minus timentes, quam subrutis cuniculo moenibus arcem jam plenam hostium esse &c. Saepeque in eo libro operis vocabulo utitur, de hoc cuniculo loquens. Sic reliqui boni auctores opera appellant hujus-

hujusmodi oppugnationum genera. Cicero ipse ad Att. lib. v. [Ep. 20.] de eadem historia. *Pin-denissum &c. cinximus vallo, fossa, aggere maximo, vineis, turre altissima, magna tormentorum copia, multis sagittariis, magno labore, apparatu, multis faucibus, incolumi exercitu negotium confecimus.* Paterculus lib. II. de Numantia. [cap. 4. §. 2.] *Circumdatam operibus Numantiam, excisamque aequavit solo.* Aemilius Probus. In Miltiade [cap. 7. §. 2.] *Copias e navibus eduxit. urbem operibus clausit. omni-que commeatu privavit. deinde vineis ac testudinibus constitutis propius muros accessit.*

## CAPUT LVIII.

*Duo Ciceronis loca defensa & declarata.*

**P**etrus Victorius lib. XVI. *Var. Lectionum* [cap. 21.] addendam putat negandi particulam his verbis Ciceronis ex *Oratione pro M. Marcello.* [cap. 10.] *Ingratus est, injustusque civis, qui armorum periculo liberatus, animum tamen retinet armatum. ut jam ille sit melior, qui in acie cecidit, quam qui in causa animam profudit.* Legit enim Victorius. *quam qui in causa animam non profudit.* Sed omnino male. Existimat Victorius verborum eorum hanc esse debere sententiam. Meliorem fuisse, qui armatus & in acie periit, quam qui non periit. quae sententia non solum frigida est, sed a mente Ciceronis etiam, quantum excogitari potest, aliena. Nam dicit hoc Cicero: Meliores esse judicandos eos, qui armati contra Caesarem in acie perierunt, quam qui, postea quam victi fuerunt, paxque & securitas & patria illis est ab victore reddita, tamen ingrati sunt; & velut liberalitatem victoris

etoris aspernati eum oderunt. Nihil autem est aliud profundere animam in causa, quam pertinaciter causam ad mortem usque probare: nec ejus partis, quam semel probaris, studium nisi cum vita deponere.

Idem *lib. xv. cap. 11.* cum Hieronymo Ferrario inculcat eandem negantem dictionem in alio loco Ciceronis *Philipp. x. [cap. 10.]* quae quidem negatio addita elegantem sententiam confoderet. Ciceronis verba haec sunt: *Ita praeclara est recuperatio libertatis, ut ne mors quidem sit in repetenda libertate fugienda. quod si immortalitas consequeretur praesentis periculi fugam, tamen eo magis ea fugienda esse videretur, quo diuturnior esset servitus.* Illi, ut dixi, negativam vocem addunt ante eam dictionem, *tamen*, sic legentes: *Quod si immortalitas consequeretur praesentis periculi fugam, non tamen eo magis ea fugienda esse videretur, &c.* Sed quam insigniter decipiantur, perspicue intelliget, quicumque paullo attentius superiora, ac sequentia verba Ciceronis cum hac ab ipsis invecta lectione contulerit. Sensus autem est, ut ipsius Ciceronis verbis utar. aliae nationes servire non recusant: quoniam pericula mortis & labores libenter fugiunt, nec pro libertate sustinent de vita periclitari. Nos autem nostra omnia consilia & facta ad virtutem & dignitatem referimus. & mortem servituti anteponimus. adeo ut immortalitatem, quam omnes mortales appetunt, recusaturi simus, si ea habeat conjunctam cum perpetuitate vitae servitutem, idque tanto magis, quanto diuturnior servitus esset futura, immortalitati scilicet conjuncta. Porro pronomen, *ea*, ad immortalitatem, non ad vocem, *fugam*, est referendum. quam insulsa enim esset non solum sententia, sed etiam loquendi forma, si sic dicas? *tamen fuga magis fugienda videretur.*



## CAPUT LIX.

*Expositus Horatii versus. Turi deberi.*

**M**ale ominatur Horatius libro suo in ultima Epistola primi libri *Epistolar.* cum scribit [*vs. 13.*]  
*Aut fugies Uticam, aut unctus mitteris Iberdam.*  
 Fies (inquit) vilis, tuisque chartis tamquam emporetica utentur salgamarii: ex te fient tegmenta, & cuculli involvendis falsamentis, aut pipere, aut ejusmodi mercibus. *unctus* autem omnino legendum est, non *vinctus*.

Idem Horat. *ultima* epistola secundi. [*Ep. I. in fin.*]

*Deferar in vicum vendentem tus & odores.*

Statius *lib. IV. Silvarum* [*Carm. IX.*]

*Tu rosum tineis, situque putrem,  
 Quales aut Libycis madent olivis,  
 Aut Tus Niliacum, piperve, servant.*

Martial. *lib. III. [Epigr. 2.]*

*Vel Turis, piperisque fias cucullus.*

Quod autem Horatius & post eum Statius & Martialis libros turi maxime timent destinari, sumptum id a Graecis: qui (ut observarunt alii quoque) libros malorum poetarum turi dicebant deberi, proverbii loco. ut est apud Athenaeum *lib. IX. δειπνοσοφιστικῶν.* [*p. 374. A.*] de Alexandride Comico loquentem,

C A P U T LX.

*Quae nomina apud Graecos in ἰώτα &  
ὑφίλὸν exeant.*

**A**ristoteles in libro *de Arte Poëtica* [cap. 21.] tradit, tria tantum nomina in ἰώτα terminare: μέλι, κόμμι, πέπερι. cur praeterit κίκι, κιννάβαρι, σίμμι, σίνηπι, & κῦφι? Idem in ὑφίλὸν quinque tantum numerat. πῶϋ, γόνυ, νάπυ, δόρυ, ἄσυ. Cur δάκρυ? Cur omittit Homericum μῶλυ? An quod fortasse peregrina ea universa sint? At etiam Athenaeus libro 11. cap. 28. observatione dignum scribit, quod nullum nomen neutrum sit apud Graecos, quod in ἰώτα desinat, praeter μέλι. Nam (inquit) πέπερι, κόμμι, κῦφι peregrina sunt nomina.

C A P U T LXI.

*Praecedentes consonantes posse sequentem vocalem brevem producere.*

**V**incentius Madius civis meus in Commentariis suis doctissimis in Poëticen Aristot. negat plures consonantes praecedentes posse vocalem brevem sequentem longiorem facere. At Moschopulus agit causam Halicarnassei, quem Madius impugnat. Qui in eum versum [528.] operum & dierum Hesiodi.

Στρωφᾶται, βράδιον δὲ πανελλήνεσσι φασίνει,  
Sic ait: Στρωφᾶται) ἀπὸ τοῦ στρέφω, στρωφάομαι, στρωφῶμαι· τὸ δὲ στρω, ὥφειλεν μὲν μικρὸν γράφεσθαι, ὡς τὸ φο, ἐν τῷ φορέω, φορῶ, ἀπὸ τοῦ φέρω. ἐπεὶ δὲ ἔ-

χει τὸ σ, τὸ τ, τὸ ρ, ὧν ὁπισθεν εἰ πεσεῖται τι βραχὺ,  
ὑπ' αὐτῶν πάντως ἐκταθήσεται. Ἐ quae sequuntur.

## CAPUT LXII.

*Vermium quorundam nomina. quidque ro-  
dant, aut ubi nascantur.*

<b>B</b> lattae		Libros.
		Vestes.
		Alvearia.
		Alvearia.
Campae		Libros.
Erucae		Vestes.
		Caules.
		Olera.
Carpae		Oleas.
Cephalocrustae		Perficorum foliis involvuntur.
Cetrinae		Ficus.
Tineae		
		Frumenta.
Cies		Hordea.
		Ligna.
Cnipes		
Scnipes.	lege	Pfenes.
Convolvoli.	lege	Volvoces.
Coffes		
Coffi		Ligna.
Curguliones		Frumenta.
Deces		Ligna virida.
Erucae.	lege	Campae.
Galbae		Esculos.
Gurguliones	lege	Curgul.
Involvoli.	lege	Volvoces.
Ipes		Cornua.

Scni-

Scnipes	Vites.
Ices	Vitrum.
Lumbrici	Intestina.
Midæ	Fabas.
Mylacres	Farinam circa molas.
Phalangia	Ervum.
Pfenēs	
Scnipes	Ficus.
Cnipes	
Pityocampæ	Pinus.
Scnipes lege.	Ipes.
Setes	Vestes.
	Aurum.
Tarmetes	Carnem.
Termites	
Trypes	Ligna arida.
Thilphæ	Chartas.
	Naves
Tenthredines	Vestes
Terendines	Alvearia.
Tæniæ five	
Tineæ prima longa.	Intestina, nec sunt Lumbrici.
	Vestes.
	Libros.
Tineæ prima brevi	Alvearia.
	Faciem.
	Ficus.
Tropes	Legumina.
Volucrae	
Volvoces	Palmites teneros.
Convolvoli	Uvas teneras.
Involvoli	Et foliis involvuntur.

## CAPUT LXIII.

*Cur Rhodus ab Horatio clara dicatur.*

**H**oratus pluribus de causis videri potest appellasse Rhodum claram, eo versu *lib. I. Carminum. [Od. 7. pr.]*

*Laudabunt alii claram Rhodon, aut Mytilenen.*

- I. Una est, quod enata subito dicitur, sicut Delos, si Plinio credimus *lib. II. cap. 87.* Si Aristidi in libro *de Rebus publ.* & Pindaro *eid. ζ. ὀλυμπ.* [*vs. 104.*] quod cum prius tecta undis & obruta fuerit, deinde apparuerit.
- II. Altera, propter aeris & ferri fabricam, quam ibi Telchines (a quibus insula aliquando *Telchin* dicta est) invenerunt. Certe Plinius *lib. xxxiv. cap. 7.* Rhodi tria millia signorum fuisse scribit.
- III. Tertia, quod Rhodi floruerint eloquentiae & aliarum liberalium artium studia. Concessit Rhodum Cicero, ibique se Apollonio Molonis Alabandensis discipulo recoquendum tradidit. Delegit eam & Aeschines exilio suo.
- IV. Quarta, quod ibi ob felicitatem insulae aurum aliquando pluisse tradit ex Pindaro Strabo *lib. xiv. [p. 967.]* quo tempore Pallas e Jovis capite enata est.
- V. Quinta, quod Soli dicata fuerit, a quo & adoptata auctore Pindaro [*Olymp. od. VII. vs. 27.*] fuerit; & a quo nomen invenit. Ajunt enim Apollinem puellae cujusdam nomine Rhodae (Rhodon hanc & Rhodiam vocat Diod. *lib. v. [cap. 55.]*) amore captum insulam nomine illius appellavisse. Nam antea diversa habuit nomina. Quippe auctore Plinio [*lib. v. cap. 31.*] dicta



dicta fuit *Asteria*, *Aethea*, *Trinacria*, *Corymbia*, *Poeessa*, *Atabyrias*, *Macria*, *Oloessa*. adduntur ab aliis *Stachia*, *Telchin*. *Ophiufam*, etiam dictam tradit Aristides libro de Rebuspublicis a serpentum copia.

VI. Sexta, propter Jalysum insignem Protogenis picturam. quam ne perderet hostis Demetrius cognomento Poliorcetes oppugnationem solvit Rhodi. & propter illum admirandae magnitudinis Colossū, inter septem orbis miracula celebratum.

VII. Septima, propter praeclaras res mari ab Rhodiis gestas. floruit enim diu rei nauticae peritia & gloria. Ut sit Christianis aeternum futurum opprobrium, quorum ambitione & diffidiis factum est, ut tam clara (ut Horatiano verbo utar) tam nobilis (ut Catulliano) insula, tam firmum Christiani imperii propugnaculum patrum memoria Turcarum imperio cederet: de qua, ut ceteras commoditates fileam ab Strabone *lib. xiv. [p. 964.]* celebratas, in praesentia satis sit hoc ejus verbi referre: *Portubus autem, & viis, & moenibus & cetero ornatu tantum vincit ceteras urbes, ut nullam aliam illi parem, nedum meliorem dicere possimus.*

VIII. Octava, propter historiam, quam referunt Plinius *lib. II. cap. 62.* & Solinus *cap. 21.* tradentes Rhodi numquam tanta nubila obduci, ut non aliqua hora sol cernatur. quod & de Syracusis idem Plinius, [*ibid.*] & Cicero in Verrem [*lib. v. cap. x.*] scribunt, & de Alexandria Ammianus Marcellinus *lib. xxII. [cap. 16.]* Qui plura de hac insula cupit scire, adeat Diod. Siculi *lib. v. cap. 13.* & *lib. xx. [cap. 91. &c.]* & Strabonem *lib. xiv. [pag. 963. seqq.]*

## CAPUT LXIV.

[*Livius explicatus.*]

**L**ivii locus est *lib. xxi. in concione Scipionis ad milites. [cap. 41.] Pacem cum victis fecimus. tutelae nostrae deinde duximus, cum bello Africano urgerentur. Tutelae nostrae esse, nihil aliud significat, quam nobis tuendos esse. Itaque bello Africano cum urgerentur, eos juvimus. ejusdem formae ferme dicendi est illa locutio lib. xxxiii. [cap. 20.] Non est operae persequi, ut quaeque acta in his locis sint. Belli autem hujus Africani, quo Romani Carthaginenses juverunt, historiam lege apud Aemilium Probum in Amilcare. Idem lib. xxiii. [cap. 9.] Si nihil sancti, non fides, non religio, non pietas: audeantur infanda, si non perniciem cum scelere afferunt. quorum verborum hic est sensus. Si te non deterrent turpia, saltem incommodis moveare. Si certum est polluere & prodere simul fidem vel tesserae hospitalis, vel dexterarum, quas junximus, & religionem jurisjurandi ac pietatem patris, qui a filio impetrare honesta non potest, saltem quod capis consilium tutum sit. quod tantum abest, ut sit, ut etiam conjunctam habeat cum scelere certam perniciem. Nam de voce illa, audeantur, dubitari non debet quin Liviana sit. Alibi ea usus est Livius, lib. xxviii. [cap. 41.] Periculi tandem quantum audeatur, quem fallit? sic meus liber scriptus habet (a). Idem lib. xxxix. [cap. 8.] Multa dolo, pleraque per vim audebantur. Usus quoque est ab eo verbo participio audendus lib.*

(a) Editiones habent, audeatur.

*lib. XI. & lib. XVI. & XXXV. & XXXVIII. Sic Fabius lib. IX. cap. ultimo. Ut omnia credat audenda. Sic Paterculus lib. II. [cap. 56. §. 4.] Antonius omnibus audendis paratissimus.*

*Idem Livius lib. XLI. [cap. 3.] Tum demum nuncius ad tertiam legionem revocandam, & Gallorum praesidium, & simul ex omnibus locis ad castra recipienda, demendamque ignominiam rediri coeptum. male quidem verbum illud, coeptum est, cum primo illo membro cohaeret. Tum demum nuncius ad tertiam legionem revocandam, & Gallorum praesidium. Sed figura ejusmodi est, qualem nonnumquam apud Virgilium & Hesiodum, Ciceronem, & alios bonos scriptores legimus: velut est. [Aenëid. II. vs. 320.]*

*Sacra manu, victosque Deos, parvumque nepotem Ipse trahit.*

*Neque enim recte, ad sacra & ad Deos, quos ferebat, verbum, trahit, accommodatur. simile est illud Cic. in Oratore. [cap. 8.] Negat in eo esse positas Graeciae fortunas, hoc an illud, huc an illuc manum porrexerit. in quibus verbis, porrexerit, verbum non apte respondet ad eas voces: hoc, an illud. simile est item illud Coelii ad Cic. Epist. XI. [lib. VIII.] Multa transi, inprimis ludorum explosiones, funerum, & ceterarum ineptiarum. ubi verbum, explosiones, ad funera & ineptias male refertur. Quod autem Livius dicit, ad Gallorum praesidium: auxilia ejus gentis intelligit. credibile est enim Gallorum copias Romanis affuisse: quae tunc aliquo casu abessent ab exercitu. etenim paullo post sic scribit idem Livius. [cap. 5.] M. Junius Consul transire in Galliam, & ab civitatibus provinciae ejus, quantum quaeque posset, militum exigere est jussus. Sed horum auxiliorum ante nementio ulla apud Livium legatur, in causa est liber ille ἀκίφαλος.*

## CAPUT LXV.

*Tres Livii loci, unus emendatus, duo  
declarati.*

**P**arva saepe res magnum habet momentum. Ecce unius syllabae mutatio locum restituit antea vicium habentem, eo nocentius, quo erat occultius. id est apud Livium *lib. VII. [cap. 37.] Confestim signa mota: relictisque impedimentis castrorum valido praesidio, raptim agitur agmen.* Lego ego ex conjectura, ex Liviana dicendi formula, & ex rei natura, *Relictoque impedimentis castrorum valido praesidio.*

Existimatur alter locus apud eundem Livium *lib. VIII. [cap. 2.]* a Glareano viciatus. Sed est integer, & sanus. *Et quamquam superiores certaminibus Latini erant, haud inviti, ne saepius dimicandum foret, agro hostium excessere.* Duae causae reddi possunt, cur saepius Latini cum Samnitibus utile non putarent dimicare. Una, quod etsi victores ex levibus praeliis plerumque aut etiam semper abibant, tamen ipsorum quoque vires convellebantur: quotidieque copiae eorum carpebantur, & pauciores fiebant: quoniam & ipsis victoria sanguine suorum, quorum saluti praecipue erat consulendum, emebatur. nec tamen id ad summam victoriae proficiebat. Altera, quod hostem saepius in pugnam vocare, & cogere, nihil aliud prope est, quam peritiorem audaciorumque eundem facere. Itaque sapientissime judicatus est Lycurgus Spartanorum Legislator constituisse, qui prohibuit, saepius cum eodem hoste configere. Quod saluberrimum praeceptum ab Agesilao neglectum regnum Spartaе funditus evertit. & ipse Thebanos

nos frequenter praeliis laceſſendo hoſtem adeo affi-  
dua exercitatione erudiit, ut tandem optima diſci-  
plinæ didactra magiſtro reddiderit: acceptasque  
clades compenſarit *αὐτῷ τῷ μέτρῳ, καὶ λῳίον.*

Idem *eod. lib.* [*cap.* 38.] ubi locus nulla ope emen-  
dationis eget, ſed declarationis. *Auxerat id maxime  
animos, quod ignari, loco iniquo, non hoſti ceſſum, ve-  
lut fugientes ac territos, terribiles ipſi ſecuti fuerant.*  
Quorum verborum hæc eſt ſententia. Sumpſerant  
animos ex eo Samnites, quod crediderant Romanos  
territos metu nocte, quæ præceſſerat, locum quem  
ceperant, deſeruiſſe, atque inde auſugiſſe. Sed ali-  
ter res erat. Dictator enim vitium ſuorum caſtro-  
rum videns locum illum eſſe relinquendum ſtatuit.  
Itaque cum inde diſceſſit, non hoſti ceſſerat, tam-  
quam eum timens, cui animo & viribus par erat,  
ſed loco iniquo (dativus caſus eſt, *loco iniquo.*) ceſſe-  
rat, ne ex iniquo loco cum hoſte eſſet ipſi pugnan-  
dum: neve militum virtuti damno eſſet vitium loci.

Sed plus, quam polliciti ſumus, præſtemus, &  
quaedam alia Livii loca explicemus. Ejus hæc ſunt  
verba *lib.* ix. [*cap.* 23.] *Quorum præda onuſtum mili-  
tem in Romana caſtra Dictator reducit, haud quaquam  
tam victoria lætū, quam quod præter exiguam deſor-  
matam incendio partem, cetera contra ſpem ſalva invenit.*  
Reductus exercitus lætus erat quidem victoria par-  
ta, ſed lætitiā illam augebat & cumulabat, quod  
ſalva ab incendio caſtra invenit; quæ tota igne  
conſumpta fuiſſe exiſtimaverat. *Invenit*, enim  
verbum, non ad Dictatorem, cujus fuit ſtratego-  
ma incendendi partem caſtrorum, ſed ad exerci-  
tum referendum eſt.

*Lib.* x. [*cap.* 18.] *Ceterum eo magis proſectum  
eſt, quod mature ventum erat &c.* Levis res eſt, in  
qua variant veteres libri, meus ſcriptus codex col-  
locat



locat post vocem, *magis*, adverbium illud, *eo*, sic. *Ceterum magis eo profectum est, quod mature ventum erat.* Verum utrocumque modo legatur, erit idem sensus. Etenim vox illa, *eo*, non perinde est, ac *tanto*: sed significat *ob id*. ut sit, *magis ob id profectum est, quod mature ventum erat, quam quod &c.* Eodem lib. [cap. 31.] *Et parte alia in Aeserniacum, quaque Vulturno adjacent flumini, descendere.* hanc lectionem servat idem meus scriptus liber, sensu claro, & aperto, ut sit: in Aeserniacum, & cetera loca, quae Vulturno flumini adjacent.

## CAPUT LXVI.

*Virgilii versus expositus.*

Quemadmodum exponatur *lutum croceum* apud Virgilium eo versu. [Eclog. iv. vs. 44.]  
*Murice, jam croceo mutabit vellera luto.*

omnibus notum est. Aliqui hypallagen putant ibi esse. dictumque a poëta *luto croceo*, pro, *croco luteo*. Alii *luto* per contractionem pro *luteo* dictum contendunt, & *Glaustum* intelligunt. Alii *Lutum* integro, non contracto verbo, dici tradunt: & significare, quod dixi, *Glaustum*, quam aliis & *Isatidem*, *Luteum*, *Luteam*, a Virgilio autem hic *Lutum* vocari scribunt. quamquam sunt etiam qui *Glaustum* aliam esse a *Luteo* herbam putent. Sed nos nunc non id agimus. Ego in Virgilio *Luto* interpretor, *medicamento*, id est colore. ut *Luto Croceo* nihil aliud sit, quam *colore croceo*. medicamenta enim, quibus alius, quam est nativus color, inducitur, vel viciū aliquod emendatur aut tegitur, poëtae solent figurate nunc *venenum*, nunc *fucum*,  
nunc

nunc *lutum*, atque alio fortasse nomine appellare.  
Virg. [*Georg.* II. *vs.* 465.]

*Alba nec Assyrio fucatur lana veneno.*

Cn. Matius gentilis meus apud Gellium. [*lib.* XX. *cap.* 9.] *Fam tonsiles tapetes ebrii fucō, Quos concha purpura imbuens venenavit.* Martialis *lib.* III. [*E-pigr.* 74.]

*Resina, Veneto nec refecare luto.*

Sed objiciunt mihi syllabam apud Virgilium, quam esse brevem in ea significatione in voce *Lutum*, semper dicunt. Ego autem plerumque quidem, at non semper. Itaque non solum Virgilius hic, sed & Claudius Rutilius *lib.* I. [*vs.* 377.] eam producit.

*Egressi, villam petimus, lutoque vagamur.*

Quin contra: quae syllaba in *Luteum* pro Isatide, & ejus colore longa est, a Tibullo etiam corripitur *lib.* I. [*Eleg.* 9. *vs.* 52.]

*Sed nimius luteo corpora tingit amor.*

## C A P U T LXVII.

*Livii locus expositus.*

**I**n verbis Livii, quae apponam ex *lib.* VI. non multo ante finem [*cap.* 38.] nihil desiderari puto. *Et quod usque ad memoriam nostram Tribuniciis Consularibusque certatum est viribus, Dictaturae semper altius fastigium fuit.* Integra enim est sententia. Nec verba adminiculo addendae vocis ullius egent. Certatum (inquit) est quidem inter Tribunos & Consules. Numquam tamen inter Tribunos & Dictatorem. quoniam fastigium Dictaturae altius semper fuit, quam ut cum ea Tribunis certandi licentia, atque audacia fuerit. Quamquam autem  
hoc

hoc loco sic tradit Livius, tamen idem *lib. vii. paulo post principium [cap. 3.]* Tribunos contra Dictatorem insurrexisse aperte testatur. Sic enim de L. Manlio loquens ait: *Bellum Hernicum affectans, delectu acerbo juventutem agitavit. tandemque omnibus in eum Tribunis plebis coörtis, seu vi seu verecundia victus, Dictatura abiit.* Sed jam Livius causam attulerat audaciae hujus. Etenim L. Manlius non Reipublicae gerendae, sed religionis solvendae, id est clavi figendi causa dictus Dictator fuerat. Propterea minus audax eorum jure videri potuit licentia, cum in eum sunt coörti.

## CAPUT LXVIII.

*Virgilii versus expositi.*

**T***eruva leaena lupum sequitur: lupus ipse capellam:  
Florentem cythisum sequitur lasciva capella:  
Te Corydon o Alexi. trahit sua quemque voluptas.*  
Occultus & elegans in his versibus [*ex Eclog. ii. vs. 63. seqq.*] sensus latet. licet primo ingressu prae se ferant reconditum nihil. idque haecenus adverterunt pauci. certe explicavit, quod sciam, nemo. Sciendum autem est, prope *διαλογίσις* totam extremam partem Eclogae hujus cantari. Nam hoc versu & sequente altero.

*Rusticus es Corydon, nec munera curat Alexis,  
Nec si muneribus certes, concedit Iolas.*

Stultitiam suam agnoscens se inculcat Corydon, tamquam male imprudenterque amores suos posuerit. habens praefertim rivalem potentiorum & propterea etiam gratiosiorum. illis deinde sequentibus,

*Quem fugis ab demens. habitarunt Dii quoque  
silvas,*

*Dar-*

*Dardaniusque Paris. Pallas, quas condidit arces  
Ipsa colat. nobis placeant ante omnia silvae.*

Inconstans est, abblandirique iterum incipit. Sed paullo post quasi Alexim excusans, ac prope ex Alexidis persona sic inquit:

*Torva leaena lupum sequitur. lupus ipse capellam.  
Florentem cythifum sequitur lasciva capella.*

*Te Corydon o Alexi. trahit sua quemque voluptas.* tamquam dicat. Non mirum adeo & grave videri debet, si Alexis aures meis blanditiis & amoribus obturat, & me spernit. scilicet cognoscit liquido, meos amores non benevolentiam esse in se, sed meras insidias: blandirique me ob id, ut fallam. suam pulchritudinem, non se amari. denique intelligit, amorem meum non caritate, & amatoris amicitiam non ulla benevolentia, sed quadam expletionis aviditate, & quasi fame incitari: nec aliter se a nobis appeti, quam appetitur lupo a leaena, capella a lupo, cythifus a capella. Utque illa perniciæ appetitarum rerum, cum potiuntur, suam famem explent, sic me amati dedecore nequitiam meam satiatam cupere. Sed quoniam totum hunc locum ex Phaëdro Platonis scientissime mutuatus est Virgilius, ubi Plato tradit, quo modo dignosci possit amans a non amante, propterea expediet auctorem ipsum adire, cujus verba non apponam. quoniam tractatus ille longiusculus est. tantum adscribam versum poetæ nescio cujuspian a Platone ibidem allatum, ut pateat, non sententiam solum, sed verba ac versum ipsum transtulisse Virgilium. Carmen igitur apud Platonem sic existat. [pag. 241. Ed. Serrar.]

Ὡς λύκοι ἄρνα ἀγαπῶσι, ὥς παῖδα φιλοῦσιν ἑρασταί.

## CAPUT LXIX.

*Columnarium quid sit apud Ciceronem.*

**C**olumnarium est in quadam ad Atticum epistola. [lib. XIII. Ep. 6.] *De aquaeductu probe fecisti. Columnarium vide ne ullum debeamus.* Rhodogninus hic Colonarium legit. omnino male. Paulus Manutius, vir doctus, Columnarium servat: & accipit pro tributo, quod in singulas columnas penderetur. Quod probari non debet (a). primum alia hic est notio hujus vocis Columnarium, quam ipse accipit, ut

(a) Colonarium etiam habetur in MSto F. Ursini. Sed vulgata servanda videtur, quippe quæ vox etiam apud Cæsarem reperitur lib. III. de Bell. Civ. cujus verba à Manutio ad Cic. citantur. Eam autem cum Viris doctis explicandam censeo de tributo aliquo quod pro columnis pendebatur, si illæ modum numerumve lege constitutum excederent. Atque id docere videntur verba, quæ sequuntur: *Quanquam mihi videor audisse à Camillo, commutatam esse legem.* Junge B. Barrienti Annotat. Sylvam cap. 5. in Tom. III. Fas. Crit. Gruteri; qui tamen paulo aliter hoc verbum apud Cicer. interpretatur. Matii certe explicatio nullius est momenti: namque in loco Vitruvii ab eo citato, pro columnaria legendum crediderim columbaria: quæ vox cum proprie latibula columbarum significet, hinc ad varia transfertur. In antiquis enim marmoribus loculi ad ollas cinerarias adservandas columbaria appellantur. In re nautica ita dicuntur foramina, ex quibus remi eminent, teste Isidoro Lib. XIX. Orig. cap. 20. Vid. etiam Scalig. ad Plauti Fragm. pag. 1138. Ed. Gronov. In Architectura tignorum & asserum cubilia, quæ Græci ὄπας dicunt, à Latinis Columbaria vocantur, ipso teste Vitruvio Lib. IV. cap. 2. ubi vide Guil. Philandri Castilionii notas. In hydraulica columbaria dicuntur foramina secundum axem, per quæ aqua in tympano haustorio organo concepta effluit; eodem Vitruvio Auctore Lib. X. cap. 9. Pluribus de variis hujus vocis significationibus egerunt Turneb. Advers. Lib. X. cap. 15. & Lib. XXVI. cap. 2. ac R. Fabretti Inscript. Domest. cap. 1. p. 9. Atque hinc quoque foramina illa



ut paullo post patebit. Deinde eo tempore, cum haec epistola est scripta, non modo hoc tam iniquum tributum in singulas scilicet aedificiorum columnas cives non pendebant, sed omnino nullum. legimus enim cum apud Plin. *lib. xxxiii. cap. 3.* tum apud Plutarch. in *Aemilio*, [Tom. I. pag. 275. B.] & Ciceronem *II. Off. [cap. 22.]* tantum ab Paulo auri argentique in aerarium devicto Perse relatum fuisse, ut nullum tributum persolvi a civibus opus fuerit usque ad Hircii & Pansae consulatum. Aperite idem Cicero hoc idem paullo supra eum locum, quem nominavimus, ostendit *II. Off. [cap. 21.]* Danda (inquit) opera est, ne, quod apud majores nostros saepe fiebat propter aerarii tenuitatem, assiduitatemque bellorum, tributum sit conferendum. Id ne eveniat, multo ante erit providendum. sin qua necessitas hujus muneris alicui Reip. obvenerit: malo enim alteri, quam nostrae ominari &c. Non me latet Ciceronem ipsum apud Dionem *lib. xliv. [p. 254. D. Ed. Leuncl.]* in oratione quam habet in Senatu post caedem Caesaris de abolendis perpetua oblivione praeteritis injuriis, sentire aliter his verbis: *Quis enim numerum inire possit ejus pecuniarum multitudinis, quam cum sociis ademissimus, Deos despoliassimus, ipsi supra quam facultates nostrae ferrent, contu-*

illa in aquæductibus, per quæ vis spiritus relaxatur, *columnaria* potius, quam *columnaria* dicta fuisse puto in eo Vitruvii loco, quem Matius profert, ex *Lib. viii. cap. 7.* Nisi quis ibi cum Beroaldo ad Sueton *August. cap. 40.* legere malit *colluviaria*. In Onomastico Græco-Latino, quod habetur post Glossaria Vulcanii, pag 26. est. *Colluviaria, exetrol.* Et favet sane huic conjecturæ Codex Vitruvii MStus, qui in Academiae Franequeranae Bibliotheca servatur. Habet etenim ille *Colluviaria*, uti mihi indicavit Vir Summus P. Wesselingius, quem præceptorem & studiorum ducem meum fuisse semper gloriabor.

*tuliffemus, contra nos invicem impendimus?* Sed hic orator, vel potius Dio, causae inferuit. Quod si omnino fortasse ad unguem vera non fuere, quae Plinius, Plutarchus, & Cicero tradidere, quoniam Appianus *lib. III. Civilium bellorum* [pag. 912.] & alii tradunt eo tempore tributis exhaustam atque afflictam fuisse Italiam, tamen ad necessitatem tam iniquorum tributorum perventum numquam fuit.

Ego igitur apud Ciceronem intelligo, mandari ab Cicerone, sic faciendum aquaeductum, ut nullum necesse esset in aquaeductu columnarium aperire. vel etiam ne quidquam cuiquam pro hoc columnario deberetur, si forte per alienum fundum aquaeductus esset ducendus. Est autem *Columnarium* (quemadmodum probe intelliget, qui totum *caput 7. lib. VIII. Vitruvii* leget) spiramentum, & aestuarium, & quasi nares apertae in aquaeductibus: unde aqua profluens spirat: & vis spiritus, qui impetu decurrentis in clauso & in specubus aquae excitatur, relaxatur. Cujusmodi est videre Brixiae extra urbem in nobilibus illis fontanae aquae aquaeductibus, in quibus haec spiramenta, quae putei & columnaria appellantur, certis intervallis aperiuntur, ne conclusus aër cursum aquae moretur. Vitruvius, ut dixi, *lib. VIII. cap. 7. Etiam in ventre columnaria sunt facienda, per quae vis spiritus relaxatur.* Idem paullo supra. *Parietes cum camera in specu struantur: & ita perducantur, puteique ita sint facti, ut inter duos sint actus.*

C A P U T LXX.

*Scyllas plures fuisse. De Progne, Proserpina, & Circe.*

**I**n illo Virgilii versu ex vi. *Ecloga*, [vs. 74. *seqq.*]

*Quid loquar, aut Scyllam Nisi? quam fama secuta est,  
Candida succinctam latrantibus inguina monstis  
Dulichias vexasse rates. & gurgite in alto  
Ab timidos nautas canibus lacerasse marinis.*

Servius atque alii disjunctivam particulam inculcant, sic legentes:

*Quid loquar, aut Scyllam Nisi? aut quam fama secuta est.*  
Quoniam apud Ovidium & alios legunt Scyllam Nisi filiam in avem Alietum, Scyllam vero Phorci in piscem monstrum marinum versam fuisse (a). Sed varias fuisse poetarum opiniones circa hanc fabulam Scyllae satis liquido testatur ipse Virg. in Cyri [vs. 48. *seqq.*] pluribus versibus, quam ut debeant huc nunc transferri. Etsi autem in Cyri poeta sequitur eorum opinionem, qui Nisi fuisse filiam eam Scyllam, quae in avem sit mutata, [putant,] tamen hic aliud sequi libuit. & propterea non necesse est vocem illam, *aut*, interponere. Sic Ovidius III. *Amorum Elegia* 12. [vs. 21.] in monstrum marinum versam scribit:

*Per nos Scylla patri canos furata capillos  
Pube premit rabidos inguinibusque canes.*

Et tamen in *Metamorph.* [lib. VIII. vs. 148. *seqq.*] aliter tradit. ex libidine igitur Virgilius quoque modo hoc, modo illud sequitur. Propert. lib. IV.  
in

(a) Conf. supra cap. XI. p. 85.

in Elegia de Tarpeja, in marinum monſtrum mutata hanc Scyllam refert [*El. 4. vſ. 37.*]

*Quid mirum, in patrios Scyllam ſaeviſſe capillos?*

*Candidaque in ſaevos inguina verſa canes?*

Hyginus quidem variis in locis Scyllas plures fuiſſe ſcribit. Unam Pallantis & Styges filiam. [*in Geneal.*] Alteram Typhonis & Echidnae. quam, ſuperiorem partem mulieris, inferiorem alibi [*Fab. 151.*] canis, alibi [*Fab. 125.*] piſcis cum ſex canibus habuiſſe ſcribit. Tertiam filiam Niſi, quae in Cyrim piſcem, non avem, verſa ſit [*Fab. 198.*] Quartam Cratetis fluminis a Glaucō adamatam, & veneficiis Circeſ canes ab ejus inguinibus natos, ac Ulyſſem deinde eſſe perſecutam. [*Fab. 199.*] Quamquam alibi [*Fab. 125.*] idem Hyginus Typhonis hanc fuiſſe filiam narrat. Quintam Danai, quae Proteum conſobrinum fratrem, Aegypti filium interemit. [*Fab. 170.*] Homerus & Didymus *Odyſſ. XII. vſ. 124.* Scyllam, quae ſocios Ulyſſis vexavit Phorcynis & Crataeidis, quae a Magis Hecate dicitur, filiam ſcribunt fuiſſe. Palaephatus [*cap. 21.*] Scyllam navem fuiſſe ſentit, qua Tirrheni, qui tunc piraticam faciebant, ita Ulyſſem ſint perſecuti, ut vix beneficio flantis venti evadere potuerit. At Virg. in *Cyri vſ. 69.* meretricum mores hoc monſtro cecinit deſignari. Ac ne huc omnia congeram, ad Commentatores Homeri lectorem rejicio, ubi monſtroſae formam Scyllae deſcriptam leget. Mythologiamque Fulgentii ſatius eſt ex ipſo [*lib. II. cap. 12.*], quam ex noſtra annotatione perdiſcere. Pausanias Corinthiacis, poëtiſ longe veriſimiliora tradit his verbis. [*cap. 34. p. 192.*] *Scyllae proditiōe cum Minos Scyllaeum promontorium & Megara cepiſſet, Scyllam repudiavit, & Cretenſibus imperavit, ut e navi praecipitem darent, quae fluctibus*

*Etibus ad Scyllaeum est acta. ejus cadaver ab avibus marinis dilaceratum est.* Fabulam quoque Terei, quam varie narrant? cum Hesiodo Ovidius [*Metam. vi. vs. 424. seqq.*] & alii non pauci Tereum in Upupam mutatum comminiscuntur. At Hyginus [*Fab. 45*] in Accipitrem. Apud Hyginum & Ovidium Philomela in Lusciniam, Progne in Hirundinem vertitur. at contra Hesiodus Prognem in Lusciniam, Philomelam in hirundinem transformatam canit. Plutarchus quoque VII. lib. *Sympos. Quæst.* [*Quæst. 7. pag. 727. D.*] & Aristoteles III. *de arte Rhetorica* [*cap. 2.*] ex Gorgiae sententia Philomelam in Hirundinem mutatam tradunt. M. etiam Varro Prognem cecinit Lusciniam factam, cum sic scribit. [*lib. iv. de L. L. p. 21. Ed. Stephani.*] *Lusciniola luctuose canere existimatur, atque esse ex Attica Progne in luctu facta avis.* quam opinionem multi quoque alii sunt secuti (a), quorum verbis citandis supersedeo. Proserpinam raptam in Sicilia ex Ovidio, Claudiano, & aliis cum Latinis, tum Graecis, sciunt omnes. At in Creta Bacchylides. Juxta Oceanum mortuum in Insula Cereris Orpheus. Quamquam idem Orpheus in hymno Typhonis contra canit. In Napis Demades. In Attica Phanodemus tradiderunt, ut est apud Scholiaften Hesiodi [*ad Theogon. pag. 303. Ed. Heinsf.*]. In Peloponneso autem apud Erasinum Fluvium Pausanias in *Corinthiacis* [*cap. 36.*]. De Circe eadem fere est concordia, & de Sirenibus. ut si quando apud aliquem scriptorem diversa ab iis, quae

(a) Ita apud *Achill. Tatium Lib. v. p. 283.* in expositione tabulae, in qua Terei hæc historia erat depicta. Ἀνδρῶν καὶ ἑποψ, καὶ χειλιδῶν, πάντες ἄνθρωποι, καὶ πάντες ὄρνιθες. Ἐπαψ ἡ ἀνῆρ, αἱ δύο γυναῖκες. Φιλομήλα χειλιδῶν, καὶ Πρόκνη ἀηδῶν.



quae apud alios legeris, invenias, aequi boni facere debeas quidquid occurrat: & in lucro ponere, quod antea ignoratum didiceris. non autem alium ex alio auctorem (quod faciunt nonnulli) emendes, id est, corrumpas: credens falsum & deceptum illum fuisse.

## CAPUT LXXI.

*Loca aliquot Virgilii illustrata.*

**C**antantes licet usque (minus via laedet) ea] mus.

Alexander Aphrodiseus *problemate* LXXVIII. quae ad hunc locum Virgilii [ex *Eclog.* IX. vs. 64.] faciunt, sic ait: Cur, qui onera bajulant, cantantes ambulant? iidemque, qui trahunt? Quia modulatione rationalis anima oblectatur. quo fit, ut in eam conversa, minus ipsum sensum suscipiat. unde efficitur, ut tantopere onus ipsum non sentiat. hac ratione solve, cur in funebribus tibia ac tympana adhibentur, &c.

Georg. I. [vs. 36.]

— Nam te nec sperent Tartara regem.

Nec tibi regnandi veniat tam dira cupido.

ab Theognide sumpta est sententia. [vs. 1191.]

Οὐκ ἔραμαι κλισμῷ βασιλῆϊ ἐγκατακέϊσθαι

Τεθνεώς.

Umbra quoque Achillis *Odyss.* λ. [vs. 488.] Ulyssi, qui Achillem felicissimum dixerat, sic respondet:

Βουλοίμην κ' ἐπάρουρος εἶν' ἠθευέμεν ἄλλῳ

Ἄνδρ' παρ' ἀκλήρῳ, ᾧ μὴ βίος πολὺς εἴη,

Ἡ' πᾶσι νεκύεσσι καταφθιμένοισιν ἀνάσσειν.

Ad quae carmina iterum respexit Virg. *lib.* VI. [vs. 436.] cum agit de iis, qui vitam perosi sibi mortem conscivissent,

— quam

— *quam vellent aethere in alto*

*Nunc & pauperiem, & duros perferre labores.*

Ibidem Virg. [v. 31.]

*Teque sibi generum Tethys emat omnibus undis.*

Sponsa venire in manum, & coëmere dicebatur, non autem socer aut focrus. ut nihil aut parum faciant ad sententiam Virgiliani versus, quae ibi Servius de coëmptione dixit. Itaque ego arbitror poëtam respexisse ad historiam, quae est apud Plinium lib. ix. cap. 16. Sunt (inquit) & in hac parte Naturae auguria. sunt & piscibus praescita. Siculo bello ambulanti in littore Augusto, piscis e mari ad pedes ejus exiliit, quo argumento vates respondere, Neptunum patrem adoptantem eum sibi Sex. Pompejorepudiato. tanta erat navalis rei gloria. sub pedibus Caesaris futuros, qui maria tempore illo tenerent. eandem hanc historiam piscis ad pedes Augusti ex marinis undis devoluti narrat Dio libro XLIX. suarum historiarum [p. 395. Ed. Leuncl.] ad quam sine dubio Virgilius respexit. Sed poëticiis gratiis totam hanc adulationem venustiore, & magis lascivientem fecit.

Ibidem Virg. [v. 34.]

— *Ipse tibi jam brachia contrahit ardens*

*Scorpius: & justa coeli plus parte reliquit.*

ex historia Alexandri Magni petita haec adulatio. Q. Curtius lib. viii. [cap. 5. §. 8.] Hi (adulatores) totum coelum illi aperiebant. Herculemque & patrem Liberum, & cum Polluce Castorem novo numini cessuros esse jactabant.

Ibid. Virg. [v. 400.]

*Immundi meminere suos jactare maniplos.*

Plutarch. in libello de tuenda valetudine. [Tom. II. pag. 129. A.] Siquidem absurdum fuerit corvos crociantes, gallos canentes, & suos jactandis manipulis in-

*sanientes (ut inquit Democritus) diligenter observare his rebus ventum, aut imbrem imminere significantes. &c.*

In *Aenëidem* ejusdem. Qui cupiunt cognoscere, quam sibi indulserint in comminiscenda Trojani imperii ruina multi, adeant primum librum Herodoti, quamque Virgilius & Livius & Messalla de Aenea fabulosa scripserint, legere est apud Daretum Phrygium & Dictem Cretensem. Sed, ut hic quaerendi onere lectores levem, libet quaedam ex Dictæ apponere de Aenea: quae fortasse paradoxa, & nullo modo ferenda eis videbuntur, qui de Italiae nobilitate actum putent, si Aeneam inde excluseris. tradit igitur ille, Aeneam ad rapiendam Helenam una cum Paride profectum fuisse, susceptoque bello summa contentione pugnasse, ne Helena Graecis repentibus redderetur. Eundem tamen detestatum Paridis facinus illud, cum Achillem violata fide in templo Apollinis interfecit, consilium inivisse cum Heleno & Antenore de prodenda Graecis patria. Qua re peracta invitatum a Graecis Aeneam, ut secum in Graeciam transfretaret, pollicentibus opes & regni partem cum Graecorum proceribus. tamen remansisse cum Antenore in patria. Sed patefactis insidiis, quas Aeneas post Graecorum profectionem Antenori fecisset, coactum esse aufugere. Antenoremque Trojae regem remansisse. Aeneam vero classe comparata in Adriaticum mare pervenisse, ibique Corcyram nigram (haec nunc Venetis *Cursula* dicitur) in Insula ejusdem nominis condidisse. Strabo vero *lib. XIII.* [*pag. 906. & 907.*] scribit Aeneam tradi ab aliis in Macedonia ad Olympum habitasse. ab aliis circa Mantineam in Arcadia Capuam condidisse. ab Homero autem *lib. Iliad. xx.*  
[*vs.*

[*vs.* 306.] Trojae imperii successorem extincto Priamidarum genere remansisse, & natos natorum &c. his verbis:

\* Ἦδη γὰρ Πριάμου γενεὴν ἤχθηρε Κρονίων.

Νῦν δὲ δὴ Ἀινείας βίη Τρώεσσιν ἀνάξει.

Καὶ παίδων παῖδες, τόλκεν μετόπισθε γένωνται.

alii legunt. [*teste ibid. Strabone*]

Νῦν δὲ δὴ Ἀινείας γένος πάντεσσιν ἀνάξει.

& de Romanis intelligunt.

## C A P U T LXXII.

*Mens, imago, imaginatio, figurare, species.  
& Virgilius expositus.*

**M**entem pro desiderio poni observat Petrus Victorius *lib. vii. Lectionum Variarum.* [*cap. 6.*] a Virgilio eo versu *Georg. III.* [*vs.* 267.]

*Et mentem Venus ipsa dedit, quo tempore Glauci &c.*

Ego vero cum intelligam Veneris desiderium commune naturaleque omnium animantium, non equarum praecipuum esse, libentius ibi apud Virgilium *mentem* pro figuratione, imagine sive imaginatione & specie interpretor: quae in equis in aliquibus regionibus, veluti in Lusitania, & ubique in gallinis est praecipua, adeo, ut etiam si marem non habeant, hac figuratione tamen concipiant & pariant, Columella me in hanc sententiam impellente. qui *lib. vi. cap. 27.* sic scribit de equarum conceptu loquens: *Non dubium est, quin aliquot regionibus tanto flagrent ardore coeundi feminae, ut etiam si marem non habeant, assidua & nimia cupiditate figurantes sibi ipsae Venerem, cohortalium more avium vento concipiant. Quae enim Poëta licentius dicit;*

*Scilicet ante omnes furor est insignis equarum.*

*Et mentem Venus ipsa dedit. quo tempore Glauci,*  
& quae sequuntur. Porro imaginem sive imaginationem significare figuratam sibi ex nimio vel desiderio vel metu, vel quopiam alio motu rem vel appetitam, vel formidatam, satis est duobus testibus probare. Virg. lib. VIII. [vs. 556.]

*Vota metu duplicant matres, propiusque periclo*

*It timor, & major mortis apparet imago.*

Plin. lib. xx. cap. 7. de lactuca loquens: *Semine trito ex vino poto & libidinum imaginationes in somno compefcit.* Q. quoque Curtius lib. VII. [cap. I. §. 36.] non dissimili figura species dixit: *Utinam prudentius esset sollicita pro filio, & non inanes quoque species anxio animo figuraret.*

## C A P U T. LXXIII.

### *Nuptiarum Thetidis historia.*

**N**on alienum videtur, addere his meis commentationibus, quae de Thetidis nuptiis Dictes Cretensis scripserit. [lib. VI. cap. 7.] ne fabulam esse penitus credant. Uti (inquit) inter cetera originem etiam nuptiarum Pelei cum Thetide Chironis filia, Chrysippo atque Arato narraverit. Qua tempestate multi undique Reges acciti domum Chironis, inter ipsas epulas novam nuptam novis ac magnis laudibus veluti Deam celebraverunt: patrem ejus Chirona appellantes Nerea, ipsamque Nereidem. Et ut quisque eorum Regum, qui convivio interfuerant, choro modulisque carminum praevaluerat, ita Apollinem Liberumve, & ex feminis plurimas Musas cognominaverunt. Unde ad id tempus convivium illud Deorum est appellatum.



CAPUT LXXIV.

*Conjurator. συνωμότης. & Virgilii versus illustratus.*

**Σ**υνωμότης, quem Plautus Trinummo (nisi fallit memoria) *Conjuratorem* appellavit (a), Athenis praefectus erat, qui in portu vel ad urbis portas advenas jurejurando cogebat profiteri nomen, patriam, & negocia, institutus a civibus civitatis securitati consulentibus. ne scilicet in urbem hostes viri imprudentibus Atheniensibus per simulationem alterius negotii ingrederentur. Hanc consuetudinem crediderim respexisse Virgilium *lib. 1. Aenëid.* [vs. 417.] cum ait:

*Cernere ne quis eos, neu quis contingere posset,  
Molirive moram, aut veniendi exposcere causas.*

CAPUT LXXV.

*Horatii versus declarati. Oculo irretorto spectare. respicere. eximere numero.*

**R**editum Cyri solio Phraëtem  
Diffidens plebi, numero beatorum  
Eximit virtus, populumque falsis  
Dedocet uti  
Vocibus, regnum & Diadema tutum  
Deferens uni propriamque Laurum,

*Quis-*

(a) Respicit Plautum in *Trinummo* Act. IV. sc. 2. vs. 30. ubi ita scribitur: *Census cum juratori, recte rationem dedi.* verum eo in loco per *juratorem* intelligi Censorem, Pop. Romani magistratum, docuerunt Viri Docti: imprimis Gronov. *Observ. Lib. IV. cap. 3.*

*Quisquis ingentes oculo irretorto  
Spectat acervos.*

Duo sunt exponenda in his versibus Horatii, ex II. Carminum. [Od. 2. vs. 17. seqq.] Cur redditum dicat Cyri folio Phraätem, & quid significet, *oculo irretorto spectare*. ac quod ad Phraätem attinet, verbis Justinii Historiam referemus ex lib. XLII. [cap. 4. & 5.] *Sed fatum Parthiae fecit, in qua jam quasi sollemne est Reges parricidas habere, ut sceleratissimus omnium, & ipse Phraätes nomine, Rex statueretur. Itaque statim, quasi nollet mori naturaliter, patrem interfecit. fratres quoque xxx. trucidat. Sed nec in filiis cessant parricidia. Nam cum infestos sibi optimates propter assidua scelera videret, ne esset, qui nominari Rex posset, adultum filium interfici jubet. Huic Antonius propter auxilium adversus se & Caesarem latum, bellum cum sedecim validissimis legionibus intulit. Sed graviter multis praeliis vexatus, a Parthis refugit. Qua victoria insolentior Phraätes redditus, cum multa crudeliter consuleret, in exilium a populo suo pellitur. Itaque cum magno tempore finitimas civitates, & ad postremum Scythas precibus fatigasset, Scytharum maximo auxilio in regnum restituitur. haëtenus Justinus. Hic postea amicitiam cum Augusto fecit, ut se ab insidiis civium & domesticorum redderet firmiter. Itaque ut Strabo lib. XVI. [pag. 1085.] tradit, volens ac securitati suae a suis filiis prospiciens per speciem obsidum quatuor filios & uxores eorum ac liberos Augusto ablegavit. Quod vero ait, *folio Cyri*, non poëtice dictum est, sed ex more Persarum. Itaque Darius optabat, si Diis de se durius statuere sit decretum, neminem alium quam Alexandrum in folio Cyri sedere. apud Persas etiam capitale fuit, quemdam in folio Cyri sedisse.*

disse. posset autem etiam de Phraäte filio intelligi, quem Tiridates fratrem fugiens raptum Augusto donaverat. Sed Augustus patri aliquanto post repetenti eundem sine pretio remisit. qua liberalitate invitatus Rex spolia de Crasso & Antonio relata ultro remisit. Hanc historiam praeter Justinum & Plutarchum in Antonio tradit Dio *lib. XLII. [cap. 5.]* I. [pag. 456. B.] & LIII. [pag. 519. B. & lib. LIV. pag. 525. E.] Quod autem dicit:

*Quisquis ingentes oculo irretorto*

*Speñtat acervos.*

Significat eum esse beatum, quem cupiditas opum non vellicat: qui visos auri acervos praeterit, ne respiciens quidem. Nam qui respēctat, arguit invitum se divelli ab ea re, quam respicit. Cicero *pro Sextio. [cap. 55.]* *Sed quid ego Populi Rom. animum virtutemque commemoro, libertatem jam ex diutina servitute respicientem?* Sallustius *de Jugurtha [cap. 35.]* *Sed posteaquam Roma egressus est, fertur eo saepe tacitus respiciens dixisse: Urbem venalem, & mature perituram, si emptorem invenerit.* Paterculus *lib. II. [cap. 18. §. 2.]* de quodam Germano. *Reversus in naviculam, sine fine respēctans Caesarem, ripae suorum appulsus est.* Herodianus *lib. VI. [cap. 4.]* de Alexandro Rom. Imperatore. *Contra Artaxerxem Persarum Regem Roma proficiscitur, respēctans identidem & lachrimans.* Livius *lib. xxx. [cap. 20.]* de Annibale excedente ex Italia. *Raro quemquam alium patriam exilii caussa relinquentem magis moestum abuisse ferunt, quam Annibalem hostium terra excedentem. Respexisse saepe Italiae littora, & Deos hominesque accusantem. Spectare igitur acervos oculo irretorto est, ultro & non invitum carere acervis: mentis robore divitias conculcare: nec de hac animi constitutione atque altitudine cupiditate opum dejici:*  
con-

contemnere opes : & contemptu rerum divitem beatumque esse. neque enim eget, qui nihil concupiscit. Porro *eximere numero beatorum*, est, infelicem constituere. ne te fallant, qui aliter exponunt.

## CAPUT LXXVI.

*Sisyphi fabula.*

**S**isyphum tradunt notissimo omnibus supplicio affectum esse, quod Deorum consilia hominibus prodiderit. Homeri Scholiastes *lib. 1. Iliad.* [vs. 180.] quod raptum Aeginae Asopo patri indicaverit. Theognis [vs. 702. *seqq.*] hunc sapientissimum fuisse scribit. & reditum ex Inferis a Proserpina dulcedine orationis impetravisse.

## CAPUT LXXVII.

*Neleum pro Hylaeo apud Virgilium legendum.*

**H**ylaeum a Theseo non ab Hercule interemptum scimus ex versu Virgilii *lib. 11. Georg.* [vs. 457.]

*Et magno Hylaeum Lapithis cratere minantem.*  
quam rem observat quoque Servius in eos versus ejusdem Virgilii *lib. VIII.* [vs. 293.]

— *Tu nubigenas invicte bimembres*  
*Hylaeum, Pholumque manu. tu Cressia mactas*  
*Prodigia.* — — — — —

Ergo aut Virgilius confundit fabulas, quod saepe faciunt poëtae. aut (quo maxime inclinatur animus) legendum est pro *Hylaeo*, *Neleum*. cujus lectionis auctorem habeo & ducem Hyginum *fabula XXXI.*  
sic

fic scribentem: *Herculem occidisse Neleum Hippocoön-  
tis filium cum decem filiis, quod is eum lustrare nolue-  
rit tunc, cum Megaram Creontis filiam uxorem suam  
& filios Theremacbum & Ophitem interfecerat.* Por-  
ro Pholum non interemptum ab Hercule, sed con-  
tra pro Pholo, a quo erat Hercules benigno hospi-  
tio acceptus, certamen contra vim & injuriam  
Centaurorum suscepisse Herculem, quos universos  
interfecerit, aperte scribit Diodorus *lib. v. [cap.  
12.]* Ubi Pholum contactu sagittarum sanguine hy-  
drae illitarum periisse scribit. Sed haec alii quo-  
que fortasse observarunt. Val. Flaccus *lib. i. [vs.  
336.]* ab Aesone interimi facit Pholum.

— — — O, si mihi sanguis,  
*Quantus erat, cum signifero cratere minantem  
Non levior Pholum manus haec compescuit auro.*

Sed poëtae sic sibi indulgent, tuncque sibi maxime  
placent, cum mentientes contraria contrariis im-  
plicant. Praeterea Cretensem Taurum, cum quo  
Pasiphæ concubuit, quemque Hercules ex Creta  
vivum Mycenae adduxit auctore Hygino *Fabula  
XXX.* idem Hyginus & Diodorus *lib. v. cap. 5.* ab  
Theseo interfectum in Marathone refert, *non ab  
Hercule*, ut canit Virgilius, cum dicit: *Tu Cressia  
maestas Prodigia.* Cum quo etiam facit Pausanias  
Eliacis [*prioribus cap. 10. pag. 400.*] qui con-  
numerandis Herculis aerumnis Taurum in Gnofo ab  
Hercule occisum scribit. Fuit quoque alius Tau-  
rus Cretense monstrum, de quo his verbis Pausa-  
nias *Atticis. [cap. 27. pag. 66.]* *Consecrarunt & aliud  
(Athenienses) Thesei facinus. de quo haec narrantur.*  
*Cretensium agrum cum alibi, tum circa Tethrinem flu-  
vium taurus populabatur: ferae enim plus terroris olim  
quam nunc hominibus incutiebat. Ut Leo ille Ne-  
maeus, & Parnasius, & Dracones passim in Graecia.*  
*Aper*



*Aper item tum Calydonius, tum Erymanthius. Et in Corinthiaca regione Cromnyonia sus. ita ut dicerentur quaedam terra emergere, quaedam Diis sacrae, quaedam item ad puniendos homines missae. Cretenses autem taurum hunc a Neptuno in terram ipsorum immissum affirmant, eo quod Minos cum maris Graeci imperium obtineret, nullo prae reliquis Diis insigni honore Neptunum affecerit. Hunc itaque taurum ex Creta in Peloponnesum venisse perhibent. Et Herculi inter duodecim aerumnas (ut vocant) hic quoque annumeratur. Ut vero in campos Argivorum est dimissus, per Isthmum Corinthiacum fugit in Atticam. Atque inde ad populum Marathonium perveniens cum alios in quoscumque incidit, tum Minois filium Androgeum confecit. Minos vero (non enim persuaderi poterat, Athenienses in filii caede plane esse extra culpam) instructa classe opes eorum usque adeo afflixit, ut septem virgines totidemque pueros in Cretam ad Minotaurum, qui Gnosii in Labyrintho habebatur, ex pacto mittere cogerentur. Taurum Marathonium postea Theseus in arcem egisse, Et Minervae mactasse fertur, id quod a populo Marathonio dedicatum est. Et lib. ix. Strabo [pag. 611.] In Marathone Theseus taurum Marathonium interfecit. Nec alienum videtur admonere plures quidem fuisse Oechalias. ut est apud Strab. lib. viii. [pag. 522. 538. Et 553.] & ix. [pag. 669.] & x. [pag. 688.] alia enim fuit in Thessalia, alia in Boeotia, alia in Arcadia, quae & Andania, alia in Aetolia apud Trachinem, alia apud Tricem. Sed dubitari idem Strabo ait, quam Hercules Euryto victo deleverit. praesertim cum Thessalica & Boeotia utraque Regem habuerit eodem nomine Eurytum. Quomodo autem Eurytum Oechaliae Regem per insidias Hercules occiderit, & item alterum Eurytum bicorporeum viribus adeo praestantem, ut non  
aper-*

aperto certamine ausus sit eum Hercules aggredi,  
lege Scholiasten Homeri *lib. v. [vs. 392.]* & XI.  
[*vs. 708.*] *Iliad.* & Diodorum Siculum *lib. iv. cap. 5.*

C A P U T LXXVIII.

*Versus Virgilii expositi.*

**C**ur Virgilius *lib. viii. [vs. 298.]* de Hercule loquens:

*Nec te ullae facies, nec terruit ipse Typhoeus.*  
eum non horuisse aspectum Typhoei tradit? praesertim cum apud Athenaeum legamus *lib. ix. cap. 15.* Herculem Jovis & Asteriae filium in Libyam proficiscentem a Typhone interemptum fuisse. Jo-  
laum autem illi cothurnicem attulisse: Herculem-  
que nidore resectum reuixisse? Ego ad fabulam ar-  
bitror Virgilium respexisse, quam scribit Hyginus  
*Fab. CXVII.* his verbis: *Dii in Aegypto (inquit)*  
*cum Typhonis immanitatem metuerent, Pan jussit eos,*  
*ut in feras bestias se converterent, quo facilius eum deci-*  
*perent. quem Jovis postea fulmine interfecit. Pan Deo-*  
*rum voluntate, quod ejus monitu vim Typhonis evita-*  
*rant, in astrorum numerum relatus. Et quod se in ca-*  
*pram eo tempore converterat, inde Aegoceros est dictus,*  
*quem nos Capricornum dicimus.* Ergo Virgilius ani-  
mi fortitudinem & firmitatem in Hercule commen-  
dat. quem, cum ad educendum ex Erebo Cer-  
berum illuc descendisset, conspecta ibi umbra Ty-  
phoei ab reliquis omnibus Diis formidati, nihil  
commovit nec terruit. Sicque egregie responde-  
tur Servio, qui nodum ibi explicandum proposuit.  
Typhonem vero & Typhoeum eundem gigantem  
fuisse, admonuisse est satis, docere supervacuum.

## CAPUT LXXIX.

*Neptunus Aegaeus. Virgilii versus  
declaratus.*

**S***acra mari colitur medio gratissima tellus  
Nerëidum matri, & Neptuno Aegaeo.*

In hoc versu Virgilii ex III. *Aenëid.* [vs. 73.] Servius confusissimum inducit verborum ordinem sic scribens: *Ordo est. in mari medio Aegaeo colitur tellus Neptuno & Nerëidum matri, id est Doridi, gratissima. Ego Neptuno Aegaeo simul jungo, ut sit: Neptuno Aegaeo. id est Neptuno, qui & Aegaeus dicitur: sicut etiam dicitur, Phoebus Apollo.* Nam Pherecydes ipsum Neptunum appellatum fuisse dicit *Aegaeum*. & mare quod *Aegaeum* vocant ab eo affirmat *Aegaei* nomen invenisse. Strabo lib. IX. [pag. 621.] de Euboea loquens Neptuni Aegaei templum laudat. *Ad tractus vero (inquit) hujus ripam, Aegas jacere dicunt in Euboea sitas. in quibus locatum est Aegaei Neptuni templum, cujus mentionem superius fecimus.* Ita autem exponi debere, ut nos sentimus, nec Servii interpretationem esse admittendam, docet nos ipsemet Virgilius de eadem Delo in Cyri [vs. 475.] loquens eodem repetito versu, sic:

*Linqitur ante alias longe gratissima Delos  
Nerëidum matri, & Neptuno Aegaeo.*

Ecce hic nullam esse vocem, cum qua nomen illud, *Aegaeo*, possit jungi, praeter quam cum *Neptuno*. Porro non perpetuo vera est ea Grammaticorum regula trahentium, Daëtylum in heroico versu necessario praecedere, cum Spondaeus quintam sedem occupat. testimonio est cum ille, quem modo citavimus, versus.

*Ne-*

*Nerëidum matri, & Neptuno Aegæo.*

tum ille alter ejusdem poëtae. [*Aenëid. vii. vs. 634.*]

*Aut leveis Ocreas lento ducunt argento.*

Et ille Catulli in *Argonaut.* [*sive Epithal. Thetidis & Pelëi vs. 3.*]

*Phasidos ad fluctus, & fines Aeaetaeos.*

& ille Arati. [*Phaenom. vs. 893.*]

*Ἀχλὺς, βερραία ὑπὸ καρκίνῳ ἡγυιάζει.*

Ut autem Pherecydes ab Neptuno Aegæo dictum voluit Aegæum mare, sic alii ab Aegeo Thesei patre, ut est apud Suidam. [*in Ἀιγαῖον πέλαγος.*] Strabo *lib. viii.* [*pag. 592.*] ab Aegis, non iis, quae sunt in Achaia Peloponnesi, sed iis, quae sunt in Euboea. Alii ab Aega Aeolidis promontorio, quod Canam seu Canas etiam dixerunt: ut est apud Strab. *lib. xiii.* [*pag. 914.*] Plinius *lib. iv. cap. ii.* & Solinus *cap. xv.* ab Aega scopulo verius quam Insula, inter Tenedum & Chium dictum tradunt. Varro *lib. vi. de Ling. Lat.* [*pag. 69. Ed. Stephan.*] *Aegeum dictum ab insulis, quod in eo mari sic scopuli vocantur, a similitudine caprarum, αἶγες.*

## CAPUT LXXX.

*Graecos aliter metiri quasdam syllabas in Romanis vocibus, quam Latini faciunt.*

**N**on mutuanda est a Graecis scriptoribus mensura in dictionibus Latinis. Haud enim in hac parte saepenumero fideles sunt duces. Congerere huc possem probatissimorum poëtarum exempla sexcenta. Sed contenti erimus paucis. satis est enim rem indicare. ῥήγουλος, φόρουλος, λέντουλος scribunt Polybius, Appianus & Diodorus, media

diphthongo: quae tamen apud nos est brevis. Sic *Ταρκηνίους* & *κεντηρίας*, id est, *Tarquinius* & *centurias* antepenultima longa per η, quam nos corripimus. Virg. vi. [vs. 815.]

*Vis & Tarquinius reges, animamque Superbam.*

Horat. in *Poëtica*. [vs. 341.]

*Centuriae seniorum agitant expertia frugis.*

Neque etiam perpetua est ea regula, quam a Prisciano mutuata, suppresso tamen nomine, quidam contra doctissimum virum scribens nuper pro sua venditavit, cum scribit, Graecos in nominibus Latinis convertendis in suam linguam, sicubi u brevis sit, efferre per ὀμικρόν. Ubi vero u longa sit, ου diphthongum adhibere. Id arguunt nomina supra dicta, *Regulus*, *foruli*, *Lentulus*. in quibus u media syllaba brevis, a Graecis tamen per ου diphthongum scribitur. Arguunt *Lucius*, *Lucanus*. in quibus prima quidem longa est, sed a Graecis in ευ diphthongum, non in ου mutatur. dicunt enim *Λεύκιος*, *Λεύκανος*. Quin *Intubum*, & *Romulus*, Romana nomina, & alia plurima his similia per ὑψιλόν scribunt. *Ἰντυβον*, & *Ῥώμυλος*. Nec item in vocibus Graecis imposuerunt sibi Latini poëtae necessitatem sequendi vestigia semper, & mensum Graecorum. Horatius in *Epod.* [Od. ix. vs. 16.] penultimam in *conopeum* brevem ponit.

*Sol aspicit conopeum.*

Quod & Propertius fecit. [lib. iii. Eleg. ix. vs. 45.]

*Foedaque Tarpejo conopea tendere faxo.*

Et tamen Graecis *κωνωπέιον* est, diphthongo in penultima. propterea Juvenalis eos est secutus *Satyra* vi. [vs. 80.]

*Et testudineo tibi, Lentule, conopeo.*

*Κρηπίδας* Graeci dicunt primis duabus longis. at Persius. [Sat. i. vs. 127.]

*Non*

*Non hic, qui in crepidis Grajorum ludere gestit.*  
Sic Horatius *Satyra* III. lib. I. [vs. 127.] Nisi forte  
quis a Latino verbo *Crepe*, quam a Graeco dedu-  
ctum malit. ne omnia Graecis debeamus. *Asia* Nym-  
phae nomen est in *Theogonia Hesiodi* [vs. 359.] pri-  
ma brevi.

Κρίση τ' Ἀσίη τε, καὶ ἱμερόεσσα Κελυφώ.  
Virgilius tamen haud dubitavit mensuram Graeci  
poëtae repudiare. [*Georg.* IV. vs. 343.]

Atque *Ephyre*, atque *Opis*, & *Asia*, *Deiopea*.  
quo in versu illud ὅδον πάρεργον advertendum est,  
*Asiam* & *Deiopeam* duarum diversarum Nympha-  
rum esse nomina: ne fortasse absentia copulae ali-  
quem in fraudem trahat. Nam & Hyginus in  
*Theogonia* utriusque meminit. *Thalia* apud He-  
siodum Musae, Gratiae, & Nymphae nomen est.  
Sed cum Musae poëta meminit, θαλείαν scribit cum  
εἰ diphthongo. [vid. *Theog.* vs. 77.] Cum vero est  
Gratiae & Nymphae mentio, per ἰωτα semper bre-  
vem profert. ut in *Theogonia*. [vs. 245.]

Κυμβόη, Σπειώ τε, Θόη, Θαλίη τ' ἱρόεσσα.  
Virgilius cum prope Hesiodi versum verteret,  
Graecum tempus non servavit. [*Georg.* IV. vs. 338.]  
*Nesaeae*, *Spioque*, *Thaliaque*, *Cymodoceque*.

## CAPUT LXXXI.

### *Defensa quaedam figura.*

Verba, quae apponam, sunt ex quadam mea  
epistola: *A quo mens aliena semper fuit, iis*  
*vitiis affinem audent praedicare.* Damnata est haec  
periodus ab nonnullis, tamquam Soloecum habens.  
verum immerito. est enim figura cum insignis &  
pulcherrima, tum principibus scriptoribus non se-



mel usurpata. poteram hanc eorum calumniam silentio praeterire, quemadmodum tunc feci, cum primum sum admonitus, immo vero & reprehensus. Sed quoniam molesti esse pergunt (ut audio) & modestiam nostram in conscientiam ducunt, exemplis aliquot doctissimorum virorum prolatis, visum est faciendum, ut me a calumnia vindicarem. Virg. Bucol. [Eclog. II. vs. 71.]

*Quin tu aliquid saltem potius, quorum indiget usus,  
Viminibus, mollique paras detexere junco.*

*Aliquid, quorum.* Idem Aenëid. VIII. [vs. 426.]

*His informatum manibus, jam parte polita*

*Fulmen erat, toto genitor quae plurima caelo.*

*Fulmen, quae plurima.* Cic. ad Q. Fratrem. [lib. I. Ep. I. sect. 8.] *Cyrus ille &c. quos libros &c. nullum est enim praetermissum officium diligentis & moderati imperii. eaque sic coluit. &c. Cyrus, quos libros, item. officium, eaque sic coluit.* Idem I. de Nat. Deorum. [cap. 7.] *Nullius Philosophiae, earum quidem, quae in honore sunt, vacaret locus. Nullius Philosophiae, earum.* Terentius Heautont. [Act. II. sc. IV. vs. 13.]

*Vobis cum uno simul ubi aetatem agere decretum est viro,*

*Cujus mos maxime est consimilis vestrum, hi se ad vos applicant.*

*Uno viro, hi.* Idem Andria. [Act. I. sc. I. vs. 28.]

*Quod plerique omnes faciunt adolescentuli &c.*

*Horum ille nihil egregie praeter ceteros.*

*Quod, horum.* Idem Eunuch. [Act. I. sc. II. vs. 87.]

*Quaesiui. eunuchum porro dixi velle te,*

*Quia solae his utuntur reginae.*

*Eunuchum, his.* Idem Hecyra. [Act. III. sc. I. vs. 28.]

*Faciunt: nam saepe est, quibus in rebus alius ne iratus quidem est,* Cum

*Cum de eadem causa est iracundus factus inimicissimus.*

*Quibus, eadem de causa. Idem Eunuch. [in Prologo princ.]*

*Si quisquam est, qui placere se studeat bonis*

*Quamplurimis, & minime multos laedere,*

*In his poeta nomen profitetur suum.*

*Quisquam, in his. Idem ibidem. [Act. IV. sc. I. vs. 6.]*

— — — *quia illa, quae cupiebat*

*De sorore ejus indicare, ad eam rem tempus non erat.*

*Illa, quae cupiebat indicare, ad eam rem. Idem ibid.*

*[Act. I. sc. I. vs. 19. seqq.]*

*Et quod nunc tute tecum iratus cogitas,*

*Ego ne illam? quae illum? quae me? quae non?  
sine modo.*

*Haec verba mehercule una falsa lacrymula,*

*Quam oculos terendo misere vix vi expresserit,*

*Restinguet.*

*Quod, haec verba. Idem ibid. [Act. II. sc. I. vs. 19.]*

*Di boni, quid hoc morbi est? adeon' homines im-  
mutarier*

*Ex amore, ut non cognoscas eundem esse. &c.*

*Homines, eundem. Idem Hecyra. [Act. II. sc. II. vs. 12.]*

*Celare te iras. si quid est peccatum a nobis, profer:*

*Aut ea refellendo, aut purgando vobis corrigemus.*

*Si quid, ea. Idem Andria. [Act. IV. sc. I. vs. 2.]*

*Tanta vecordia innata cuiquam ut fiet,*

*Ut malis gaudeant, atque ex incommodis*

*Alterius sua comparent ut commoda? ah.*

*Cuiquam, ut gaudeant. Cic. ad Dolabellam. [lib. IX.*

*Ep. 14.] Convenio neminem, &c. quin omnes &c.*

*Neminem, omnes. Q. Curtius lib. IV. [cap. I. §. 21.]*

*De quibus ante dictum est, hortum intrant. Hortum,*

de quibus. Idem lib. vii. [cap. 2. §. 32.] Qui forte taedium laboris erant questi per litteras, hanc seorsim cohortem a ceteris &c. Cohortem, qui questi erant. Livius lib. iv. [cap. 4.] Et quod nondum factum est (multa enim nondum sunt facta in novo populo) ea ne si utilia quidem sint, fieri oportet? Ea quod. Atque haec sint satis, quamvis plurima alia nullo negotio possim congerere. possim & in quibus generum facta est mutatio exempla afferre, quale est illud Terent. Eunucho. [Act. v. sc. iv. vs. 48.]

Ego abeo intro. tu isti narrato omnem rem ordine, ut factum fiet.

Sed quoniam haec & hujusmodi, similia potius sunt, quam eadem, propterea operae huic parcam,

## C A P U T LXXXII.

*Cur Cicero de Appio loquens conniventes illius oculos dixerit.*

Quaesitum a me est, cur Cicero in oratione de Aruspicum responsis [cap. 18.] de Appio Caeco loquens dixerit contra Clodium. *Conniventis illos oculos abavi tui.* Connivere enim de videntibus, non caecis dicitur. respondi existimare me, ob hanc causam conniventem ab Tullio Appium esse vocatum, quod traditum sit, non re vera Appium fuisse luminibus captum, sed caecitatem simulavisse, ejusque opinionis auctorem habere me Diodorum Siculum: cujus haec sunt verba lib. xx. [cap. 36.] ὁ δ' Ἀππίος τῆς ἀρχῆς ἀπολυθεὶς, καὶ τὸν ἀπὸ τῆς συγκλήτου φθόρον ἐνλαβηθεὶς, προσεπαιήθη τὸν φλὸς εἶναι, καὶ κατὰ οἰκίαν ἔμενεν. porro haud in magno ponam discrimine, *conniventis ne oculos*, an *Appii conniventis dicas.*

C A.

## CAPUT LXXXIII.

*Annotatus Livii locus. Justi dies.*

Sunt duo apud Livium libro ab U. C. primo loci in eadem caussa diversi: ut uter ex altero emendandus sit, an vero uterque sit integer, non satis statuam. prioris haec sunt verba [cap. 22.] *Tantisper Romani & res repetiverant priores, & neganti Albano bellum in trigessimum diem indixerunt.* at aliquot paginis post [cap. 32.] alterius exempli haec sunt verba: *Si non deduntur, quos exposcit, diebus tribus & triginta (tot enim sollemnes sunt) peractis, bellum ita indicit.* Etsi autem nonnulli ex posterioribus descriptis prope iisdem Livii verbis tradidere ipsi quoque xxxiii. dies bello indicendo legitimos fuisse, tamen eorum auctoritas non est apud me tanti, ut non libentius huc inclinem, utrobique *triginta* legendum esse. Impellitque me in hanc opinionem legitimum tempus alicujus rei capiendae ex edicto Praetoris possessionis; qui item triginta dies fuere. ut patet ex oratione pro Quinctio. [cap. 8.] Festus quoque Pompejus. *Justi* (inquit) *dies dicebantur triginta, cum exercitus esset imperatus, & vexillum in arce positum.* Lego etiam apud Agellium lib. xv. cap. 13. & item lib. xx. cap. 1. itidem triginta dies statutos esse iis, quae aeris alieni confessi judicatique sint. Justosque ait appellatos, velut quoddam justitium, id est, juris inter eos interpositionem quamdam, & cessationem: quibus diebus nihil cum his agi jure possit, ut credam etiam totidem repetitis rebus, non autem plures, cum hostibus fuisse Justos dies. Verum haec opinio, non judicium esto,

## CAPUT LXXXIV.

*Creare Magistratus. Rogare. Senatusconsultum facere. Condemnare.*

**Q**uod potestas creandi magistratus penes populum fuit, iccirco dubitavit vir doctus amicus meus, quid esset; quod apud Livium cum alibi saepe, tum *lib. vi. circa principium* [cap. 1.] legitur his verbis: *Interregnum iniiit P. Cornelius Scipio iterum: & post eum M. Furius Camillus iterum. is Tribunos militum Consulari potestate creat.* respondi ego, perinde esse, *Camillus creat*, ac, Camillo habente comitia populus creat. de qua re ne quis ambigat, apponam ejusdem Livii verba *eodem lib. [cap. 5.]* unde id esse verum constat. *Interreges (inquit) deinceps M. Manlius Capitolinus, Ser. Sulpicius Camerinus, L. Valerius Potitus. Hic demum Tribunorum militum Consulari potestate comitia habuit. L. Papirium, Gn. Sergium, L. Aemilium iterum, L. Licinium, M. Menenium, L. Valerium Poplicolam iterum creat. Idem lib. x. [cap. 47.] Comititia consularia L. Papirius habuit. creavit Consules Q. Fabium M. (sic enim ex lapidibus Capitolinis legendum, non Maximi) filium Gurgitem, & D. Junium Brutum Scaevam. Atque quod in his locis citatis Creare est, apud eundem quoque alicubi dicitur, Rogare. cujusmodi in praesentia occurrit exemplum ex lib. viii. [cap. 13.] Priusquam comitiis in insequentem annum Consules rogarent, Camillus de Latinis populis ad Senatum retulit. pro, haberentur comitia rogandis & creandis Consulibus. & lib. iii. [cap. 65.] Qui plebem Romanam Tribunos plebis rogaret, is usque eo rogaret, dum X. Tribunos plebis faceret. Dicitur etiam*

etiam eleganter simili figura, *facere senatusconsultum*, pro, aliquo habente vel referente & consulente Senatum, *senatusconsultum fieri*. Coelius lib. VIII. *epistolarum* quae dicuntur *familiares*, ad Cic. [Epist. 8.] *Senatum haberent, senatusque consultum facerent*. Cic. Philipp. II. [cap. 36.] *Reliquis diebus in Capitolio praeclara senatusconsulta fecisti*. Livius lib. V. [cap. 50.] *Omniū primum, ut erat diligentissimus religionum cultor, quae ad Deos immortales pertinebant, retulit, & senatusconsultum fecit*. quo in loco Sigonius vir doctissimus scribit, in vetustis libris legi, *Senatusconsultum fit*. Similis est & ille loquendi modus. *Damnare*, vel, *condemnare aliquem*, pro, contra reum sententiam secundum se ab iudicibus referre. Sueton. in *Tiberio*. [cap. 8.] *Reum majestatis apud iudicem fecit, & condemnavit*. Asconius in *Orationem pro Scauro*. [pag. 1013. Ed. Graev.] *Horum alterum Caesar accusavit, nec condemnavit, alterum M. Scaurus accusavit & damnavit*. Quod autem initio dixi, magistratuum creandorum potestatem penes populum fuisse, summum imperium excipio, id est, Dictaturam. Dictator enim, qui statim Magistrum equitum tamquam Collegam adoptans dicebat, non a populo, sed ab Consule dicebatur. Itaque legimus apud Livium lib. XXII. [cap. 8.] haec verba: *Et quia & Consul aberat, a quo uno dici posse (Dictator) videbatur, nec per occupatam armis Punicis Italiam facile erat aut nuncium, aut litteras mitti; nec Dictatorem populus creare poterat, quod nunquam ante eam diem factum erat, Prodictatorem populus creavit Q. Fabium Maximum, & Magistrum equitum M. Minucium Rufum*.



## CAPUT LXXXV.

*Livii Locus declaratus.*

**L**ivius libro ab U. C. Quinto [cap. 9.] sic scribit : Quod ad vos attinet , Tribuni plebis , minasque vestras ; nae ego libenter experirer , quam non plus in his juris , quam in vobis animi esset. sed nefas est tendere adversus auctoritatem Senatus. Glareanus fateatur ingenue , non percipere se loci hujus sensum. quem ego esse hunc opinor. rectene an secus , docti aestimabunt. Nisi ego auctoritati Senatus omnino concessum velim , qui ante legitimum tempus comitia Tribunorum militum habenda esse censet , qui Tribuni primo quoque tempore magistratum ineant , obstarem ego vobis : & susciperem libenter contra vos , Tribuni plebis , certamen. nec paterer ante sollemnem ineundis magistratibus diem cogi per vos Collegas meos , in quos nullum vobis est jus , honore abire. quem continuare ad Idus Decemb. sollemnem justumque ineundo magistratui diem debent. Susciperem (inquam) contra vos certamen , ut declararem , & minas vestras iniquas , contraque jus esse : id enim significant verba illa : *quam non plus in his juris.* proptereaque a me nihili fieri , nec animum vobis esse meliorem quam causam. causa & minae vestrae , quas Collegis meis intentatis , ob id iniquae sunt , quoniam Tribunis plebis in Tribunos militum nullum est jus , nullum imperium. Etsi autem terroribus minisque obstrepitis , tamen ferocitas ista verborum animo & viribus carerent , me contra annitente. Quod igitur dicit Livius , non plus in minis vestris juris est , quam in vobis animi , valet perinde ac si

di-

dicat: juris habetis nihil, animi tantundem, etiam-  
si ferocem facitis. Quamquam autem haec vera  
sunt, nullaque fuit Tribunis plebis in Tribunos  
militum potestas, tamen ut ante legimus *lib. IV.*  
[cap. 26.] id juris jam ante usurpaverant, cum  
coëgerunt T. Quinctium Cincinnatum & Cn. Ju-  
lium Mentonem Consules senatui dicto audientes  
esse, additis minis, si adversus consensum amplif-  
simi ordinis ultra tenderent, in vincula se duci jus-  
suros. Arbitror omnes tenebras discussas esse, nec  
quidquam ad lucem hujus loci desiderari amplius  
posse.

C A P U T LXXXVI.

*Alter Livii locus declaratus.*

**L**ivius *lib. I.* [cap. 28.] sic scribit: *Et aream ad  
aedem in Capitolio Jovis, quam voverat bello Sa-  
bino, jam praesagiente animo futuram olim amplitu-  
dinem loci occupat fundamentis.* In quae verba Gla-  
reanus sic: *Vide, ut haec verba convenient cum his,  
quae postea de Superbo est dicturus. Itaque Pometinae  
manubiae, quae perducendo ad culmen operi destinatae  
erant, vix in fundamenta suppeditavere.* Ego nec  
lapsum memoria Livium, nec tradi contraria cen-  
seo. Sed anceps usus hujus vocabuli, *Fundamen-  
tum*, in fraudem traxit Glareanum. Etenim non  
tantum pro initiis aedificiorum primis, & tam-  
quam basi *Fundamentum* ponitur, ut est accipien-  
dum in Livii verbis, quae posterius sunt allata,  
sed etiam pro scrobe jaciendis fundamentis excava-  
to, & substructionibus (sic enim etiam a Vitru-  
vio *lib. v. cap. 3.* tales scrobes *substructiones* appel-  
lantur) ut priore loco Livius accepit. Qua in si-  
gnifi-

gnificatione, exempla sunt apud eundem, quem dixi Vitruvium gravissimum scriptorem, & in proprietate verborum servanda religiosissimum. ille igitur *lib. I. cap. v.* inquit: *Fundamenta sic sunt facienda, uti fodiantur (si queat inveniri) ad solidum. & in solido (quantum ex amplitudine operis pro ratione videatur) crassitudine ampliore, quam parietum, qui supra terram sunt futuri, ea impleantur quam solidissima structura.* Idem *lib. v. cap. ult.* Inter septiones fundamenta fodiantur. Ipse quoque Livius paullo supra ea verba, quae attulimus. [*cap. 55.*] *Caput humanum integra facie aperientibus fundamenta templi dicitur apparuisse.* Porro Cornelius Tacitus *lib. XIX. [Histor. lib. III. cap. 72.]* eandem Capitolii fundamentorum historiam tradit.

## C A P U T LXXXVII.

### *Praetor. Praetor maximus. Praetorium.*

**P**raetoris nomine olim non solum Consules intelligebantur, ut est apud Livium *lib. III. [cap. 55.]* post everfam Decemvirorum dominationem, & apud Cic. *III. de Legibus [cap. 3.]* his verbis: *Regio imperio duo sunt. iique praeëundo, judicando, consulendo Praetores, Judices, Consules appellantur.* Sed etiam cuicumque paret exercitus, eodem nomine censebatur. Idque satis testantur vocabula haec, *Cohors praetoria, Porta praetoria, Navis praetoria, Praetorium.* Sic *Praetor maximus* summum maximumque magistratum significat. Livius *lib. VII. [cap. 3.]* *Ea religione adductus Senatus Dictatorem clavi figendi causa dici jussit. Dictus L. Manlius Imperiosus L. Pinarium Magistrum equitum dixit. Lex vetusta est priscis litteris verbisque scri-*

*scripta, ut qui Praetor maximus sit, Idibus Septembribus clavum pangat. & paullo post ibidem. a Consulibus postea ad Dictatores, quia majus imperium erat, sollemne clavi figendi translatum est. Rodolphus autem Agricola, nesciens Consulem ab antiquis etiam Praetorem dictum, insigniter lapsus est lib. I. suo de Inventione. ubi de Nomine id est ἐτυμολογίας. loquitur: ubi etiam Ciceronem extra aleam ingeniorum collocatum ita immerito vexat, ut ipse in re aperitissima & clarissima allucinatur. verba Agricolae quae ad Praetoris appellationem attinent, haec sunt: Ad haec, ut quaedam interpretationes convenient, ut toga a tegendo, & dux quia ducat, & quia regat Rex: ita pleraque aut in aliquo non conveniunt, aut discrepant omnino. Praetorium a Praetore dici manifestum est. tamen & in castris, ubi Consul tendebat, & in civitatibus item, ubi jus reddebat, dicebatur Praetorium. praetereo, quam bene Praetorium exponat, cum dicit, ubi Consul in civitatibus jus reddebat. quo quid dici potest incitius? quasi vero exercerent judicia Consules (excipio prima Reipub. tempora, usque ad creatum Praetorem, qui ob id creatus fuit, ut in urbe jus diceret, quod hactenus fuit Consulium munus. ut est apud Livium initio lib. VII. [cap. I.]) Ut tabernaculum Tribunorum, Papilio militum, Vegetio auctore [lib. III. cap. 8.] & Praetorium Latine loquentibus non est basilica, non forum, ubi jus reddebatur, & judicia exercebantur. sed tentorium ejus, cui exercitus paret, ut tabernaculum Tribunorum fuit, & Papilio militum Vegetio. Itaque non fuit tabernaculum id est Praetorium in urbe, quoniam exercitus esse in urbe non poterat. & ei, cui parebat exercitus, id est, qui cum imperio erat, esse in urbe non licebat: ingressoque urbem statim imperium*

rium finiebatur. Idque adeo verum est, ut comitia centuriata, quae instar exercitus erant, & urbanus exercitus dicebatur, extra urbem, id est, in campo Martio haberentur. Libet addere Festi verba: *Praetoria (inquit) porta in castris appellabatur. qua exercitus in praelium educitur. quia initio Praetores erant, qui nunc Consules, & ii bella administrabant. quorum tabernaculum quoque dicebatur Praetorium.*

## CAPUT LXXXVIII.

*Livii locus expositus.*

**I**nsignis annus (Livii verba sunt lib. v. [cap. 13.]) hieme gelida ac nivosa fuit, adeo ut viae clausae, Tiberis innavigabilis fuerit. & paullo post. *Tristem hiemem sive ex intemperie coeli, raptim mutatione in contrarium facta, sive alia qua de causa gravis pestilensque omnibus animalibus aestas excipit, & paullo post. [cap. 14.] Priore anno intolerandam hiemem prodigiisque Divinis similem coortam, proximo non prodigia modo, sed jam eventus, pestilentiam agris urbiue illatam haud dubia ira Deum.* Glareanus uno eodemque anno contigisse haec hiemis & aestatis mala videtur existimasse, quae Livius duorum annorum fuisse aperte scribit. Sed fallitur Glareanus. Quippe Idus Decembres (ut paullo ante dixit Livius) tunc, cum haec mala & prodigia contigerunt, ineundo magistratui Tribunis militum sollemnes fuerunt. Porro a principio hiemis, quae incipit M. Varroni lib. de Re rustica i. cap. 28. ex A. D. III. Idus Novembris (nam aliorum scita libens ac sciens hic praetereo) ad Idus Decembres intercedunt xxxiii. dies, qui spectant ad annum priorem P. Licinii,  
P. Man-

P. Manlii, & Collegarum. Quorum in extrema parte anni, id est per eos xxxiii. dies, quos diximus, Livius hiemem gelidam ac nivofam fuisse tradit. qui xxxiii. dies ut fuerint hiemis principium, erat tamen finis anni eorum, quos dixi, Tribunorum militum, P. Licinii, P. Manlii, & Collegarum. Proxima aestas sequentis anni est, spectatque ad annum M. Veturii, L. Titinii, & Collegarum. Sic duo anni insignes fuere: prior hieme gelida & nivofa, Tribunis militum P. Licinio, P. Manlio, & Collegis. proximus gravi pestilentique omnibus animalibus aestate, M. Veturio, L. Titinio, & Collegis Tribunis militum. Non negem quidem reliquam hiemis partem, id est, principium anni M. Veturii, L. Titinii, & Collegarum fuisse etiam ipsam gelidam & nivofam. Sed astuto Patres duorum annorum incommoditatem queruntur, ut graviorem invidiam ex diuturnitate malorum moveant iis, per quos honoribus vulgatis, communicatisque cum plebe, auspiciisque, & discriminibus gentium sublatis, Deorum ira esset irritata.

C A P U T LXXXIX.

*Asconium Paedianum vel non natum, vel saltem infantem fuisse, cum obiit Virgilius.*

**T**radunt nonnulli (a), interrogatum aliquando ab Asconio Paediano Virgilium poetam, quidnam

(a) In his est Servius, qui se ex ipso Asconio hæc proferre ostendit, ad cit. Virg. versus, ubi ita scribit. Asconius Paedianus dicit, se Virgilium dicentem audisse, in hoc loco se Grammaticis crucem fixisse, volens experiri quis eorum studiosior inveniretur &c.



nam significare voluisset eo aenigmate in Bucolicis:  
[*Eclog.* 3. vs. 104.]

*Dic quibus in terris (Et eris mihi magnus Apollo)*

*Tris pateat coeli spacium non amplius ulnas.*

respondisse, in eo versu se crucem fixisse Grammaticis, in qua se torquerent. Sed dubitari jure potest, an Virgilium viderit, aut ejus aetate vixerit Asconius. idque ex verbis ipsius Asconii, quae sunt in *Comment. ad Orat. pro Scauro.* [pag. 1013. Ed. Graevii.] *Possidet* (inquit) *eam nunc Longus Caecina, qui Consul fuit cum Claudio.* Hic autem annus consulatus Longi Caecinae fuit primus Imperii Claudii. & Asconius aliquot annis post, ut verba Asconii significant, commentarios illos scripsit. Virgilius autem obiit, Eusebio auctore, anno xxv. Imperii Augusti, Cn. Sentio Saturnino, Sp. Lucretio Cinna Coss. ut inter mortem Virgilii, & primum annum Imperii Claudii, cui in consulatu collega fuit Longus Caecina, interfuerint anni LXII. Et (ut dixi) aliquot annis post consulatum Longi Caecinae commentarios illos scripsit Asconius. Atque adeo fortasse post excessum Claudii. Nam si eo vivente scripsisset, cum aliquo proculdubio honore verborum Imperatorem Claudium appellasset. Ut omnino non potuerit Asconius cum Virgilio (nisi forte ex cunis, quod ridiculum est) tam familiarem ac serium sermonem habere.

CAPUT XC.

*Virgilii locus expositus aliter, quam sit a Plinio intellectus.*

**N**eve tibi ad solem vergant vineta cadentem:  
Neve inter vites corylum sere: neve flagella

*Summa pete, aut summas defringe ex arbore plantas.*  
Plinius lib. XVII. cap. 14. existimavit versu postremo Virgilii ex II. Georgic. [vs. 300.] tradi commune praeceptum de furculis ad inferendum ex qualibet arbore petendis. suntque haec Plinii verba: *Virgilius ex cacuminibus inferi vetat.* Verum poeta non de qualibet arbore, sed de vite tantum ibi sentit. tribus enim illis versibus, quos apposuimus, de vitibus plantandis, & de flagellis loquitur, quae ex cacumine & summa parte ad plantandum peti prohibet. Cujus praecepti ratio haec est, quod ultra septimam gemmam semina petita haud feracia sint. quemadmodum etiam testatur Constantinus, sive quisquis fuit auctor libri illius, lib. IV. [Geoponicorum] Περὶ ἐγκεντρίσμου ἀμπέλων. [cap. 12.] Ἀπὸ δὲ (inquit) ἐνὸς κλήματος ὑπὲρ δύο ἐπίπηγας τέμνειν εἰς ἐγκεντρίσμον οὐ προσήκει. τὸ γὰρ μετὰ τοὺς πρώτους ἐπὶ τὰ ὀφθαλμοὺς ἄγονον, καὶ ἀχρεῖον. Porro Virgilii versu illo

————— *Neve flagella*

*Summa pete: aut summas defringe ex arbore plantas.*  
aut τὸ αὐτὸ ἐστὶ, aut *flagella* ad plantandum, *plantas* vero ad inferendum referemus. Nam (ut alibi quoque monuimus) *planta* pro furculo ad inferendum accipitur. ut apud poetam. [Georg. lib. II. vs. 79.]

*Finditur in solidum cuneis via: deinde feraces*

*Plantae immittuntur.* —————

Potest & alius esse sensus Virgiliani versus, si (quemadmodum nonnulli libri veteres habent) *summa*, legas. ut sit, *ex summa arbore*. Sane Theophrastus *lib. v. φυτῶν αἰτίων*. & Columella longa disputatione *lib. III. [cap. 10.]* prohibet, malleolos & furculos de summa arboris parte peti: mediam, quam *numerofam* idem Columella appellat, potissimum probans, partem hanc maxime genitalem judicans.

## CAPUT XCI.

*Lustrum quadriennii modo, modo quinquennii spacium significat.*

**E**t si docti nostra tempestate viri de Lustris longius tractaverunt, tamen visum est nobis quoque breviter ostendere, *Lustrum* apud probatos auctores pro spacio modo quatuor, modo quinque annorum poni. Ovidius *III. Fastorum [vs. 163. seqq.]* pro quadriennio utitur.

*Fam decies senos tercentum, & quinque diebus*

*Funxit, & e pleno tempora quarta die.*

*Hic anni modus est, in Lustrum accedere debet*

*Quae consumatur partibus una dies.*

Ecce *Lustrum* pro annis quatuor. etenim quarto quoque anno ex quatuor diei quadrantibus dies intercalabatur. Idem tamen poëta *II. Amorum [Eleg. 12. vs. 9.]* pro integro quinquennio posuit.

*Pergama cum caderent bello superata biluſtri.*

nam de decennali obsidione Trojae ambigit nemo. quod diserte Plautus Bacchidibus [*Act. iv. sc. ix. vs. 2. seqq.*] signavit his versibus:

*Quom Priami patriam Pergamum, Divina moenitum manu,*

*Cum mille numero navium, decumo anno post subegerunt.*

Apud

Apud Livium quoque *lib. ix. [cap. 33.]* Lustrum est quinquennium. *Qui quinquennalem ante Censuram, & longinquitate potestatem dominantem, intra sex mensum & anni coëgisset spacium. & non multo post. [cap. 34.] Triennium & sex menses ultra quam licet Aemilia lege, Censuram geram. dixerat autem supra [cap. 33.] Appius Claudius Censor circumactis decem & octo mensibus, quod Aemilia lege finitum Censurae spacium temporis erat.* Quinquennalis igitur Censura docet etiam Lustrum fuisse quinquennale spacium. Nam peracto censu Lustrum condebatur.

# CAPUT XCII.

*Verres gentile nomen, non cognomen.  
Agnomen.*

**P**robatur mihi omnino sententia doctorum virorum tradentium, Gentilia Romanorum nomina in *ius* terminare. qualia sunt *Porcius, Aemilius, Junius, Julius, Vipsanius*, & cetera gentium nomina. Dubitant illi in *C. Norbano*, & *M. Perperna*, *Norbanus* & *Perperna* fuerintne gentilia nomina, an potius cognomina: sed quorum gentis nomen nobis sit ignotum. De Verre tamen, quem quidam infirma conjectura ex Corneliorum gente fuisse autumant, dubitari non debet, quin *Verres* gentile & proprium nomen sit. Diserte enim id *Cicero IV. in Verrem [cap. 25.]* affirmat his verbis: *Ridiculum est nunc de Verre me dicere, cum de Pisone Frugi dixerim. Veruntamen, quantum intersit, videte. Iste cum aliquot abacorum faceret vasa aurea, non laboravit, quin non modo in Sicilia, verum etiam Romae in judicio audiret. ille in auri semuncia totam Hispaniam scire voluit, unde Praetori*

*annulus fieret. Nimirum ut hic nomen suum comprobavit, sic ille cognomen. Vide, quam aperte & diserte Cicero scribit, Verres nomen esse, Frugi vero cognomen. Quod si e Corneliorum gente Verres fuisset, taciturne id fuerat in tam longis actionibus Cicero? uberem inde ad vituperandum Verrem materiam habiturus? quod ab tam nobili & illustri gente, qualis Cornelia gens fuit, obrutus tantis scelerum facinoribus Verres esset procreatus? Atque hic locus postulare videtur, ut quid de voce *Agnomen* censeam, proferam. quae rejicitur a nonnullis ad scholas Grammaticorum tantum & Jurisperitorum. Sed quamquam apud Ciceronem *II. de Inventione* [cap. 9.] vox haec, *Agnomen*, addita & supervacanea videri jure potest, aliquot de caussis, quae locum attentius perpendenti facile cuilibet succurrent, tamen ob id ex Albo Latinorum verborum expungi non debuit. Quippe Ovidius ea est usus *III. de Ponto ad Cottam*, [El. 2. vs. 107.]*

*Adjectivae probant genitiva agnomina Cottae.*

## C A P U T. XCIII.

### *Livii locus emendatus.*

**I**n Livii libro v. [cap. 39.] ubi de Gallorum accessu ad urbem agit, post insignem acceptam ad Aliam cladem, locus corruptus est: qui tamen parvo negotio restitui potest. *Exploratoribus missis circa moenia, aliasque portas, quatenus hostibus in perditam re consilia essent. Ego lego: Circa moenia, aliasque partes. vel circa moenia atque portas. vel circa moenia, aliasque urbis partes.*

CAPUT XCIV.

*Scyphus Herculis.*

**H**erculis scypho hausto periisse Alexandrum tradunt Plutarchus [*in Alexand. pag. 706. C.*] Diodorus Siculus [*lib. xvii. pag. 252. Ed. Wessel.*] & Q. Curtius [*lib. x. cap. 4. §. 18.*] qui sit autem Herculis scyphus quaeritur. Ego existimo propinationem fuisse, in celebri solemnique apud Reges antiquos epulo, cum Reges ipsi poculum libantes, nominabant, cui honoris causa essent tradituri. tradituri (inquam) non solum quod reliquum esset vini, sed phialam ipsam auream aut argenteam (in his enim propinabant) eidem, cui propinavissent, donabant. Quod docet Suidas in vocibus σκύφοι, προπίνειν, & φιλοτησία. quae paullo post subjiciemus. Quotum autem hoc esset poculum, id est tertio, an sexto, an alio epoto poculo propinaretur, curque potissimum Herculis diceretur, amplius dico. neque enim causa adhuc satis mihi liquet. Neque enim nobis satis suam sententiam probant illi, qui tertium hoc poculum fuisse scribunt, quod Heroibus nuncuparetur. Quippe convivium illud Alexandri adeo intemperantiae fuit plenum (quemadmodum legere est apud Arrianum, & alios) ut ultra tertium poculum sit potatum. In eo enim convivio diei noctem (verba haec sunt Justinii [*lib. xii. cap. 13.*]) conjunxit pervigilem. traditque Plutarchus, postera nocti die potando adjuncta, uno spiritu hausto Herculis, προπιόντος τε Scypho Alexandrum dolore statim esse correptum. quod etiam testatur Diod. [*loc. cit.*] his verbis: *Invitavit eum Medius quidam Thessalus, unus ex amicis, apud se ut*



*coenaret. ubi cum multo se vino oneravisset, & postremo magnum Herculis repletum poculum exhausisset, repente velut validissimo ictu percussus esset, graviter suspirans edidit clamorem ingentem. Athenaeus lib. x. cap. 9.* In convivio hoc apud Medium affuisse convivas viginti. omnesque Alexander provocavit, ab universis pariter accipiens. Si ergo viginti convivas ipse provocavit, si ipse ab eisdem pariter provocatus accepit, si diem nocti posteram potando conjunxit, si multo mero ingurgitatus jam & saburratus, ut sic dicam, Herculis hausit Scyphum, quo epoto & ipse doluit, & convivium est solutum, fatis signi est, tertium id non fuisse poculum. Sed Suidae verba audiantur. Σκύφος. ποτήριον. καὶ σκύφον ἡρακλέους προπιόντος τε ἀπνευσὶ πιδὼν ἔσχε κακῶς. προπιόντος τε, ἀντὶ προτιμῶντος. Sumpsit autem ab Plutarcho Suidas verba haec ex *Alexandri vita*. Idem Suidas. Προπίνειν. οἱ ἀρχαῖοι βασιλεῖς ἐπιτελοῦντες ἑορτὴν πάνδημον, ἐν Φιάλαις χρυσαῖς ἢ ἀργυραῖς κινῶντες ἐδέχοντο μὲν παρὰ τοῦ οἰνοχόου αὐτοὶ, ἀπέπινον δὲ μικρὸν τῆς κύλικος, ὡς συμβόλου ὄντος τούτου Φιλίας πολλῆς. καὶ τότε παρείχοντο ᾧ ἂν ἐβούλοντο καὶ τὴν κύλικα. καὶ ἐκαλεῖτο προπίνειν ἢ δὲ ἡμέρα Φιλοτησία. Idem. Φιλοτησία. ἢ Φιάλη, ἢ διδομένη ἐν τοῖς πόταις. ἐν γὰρ τοῖς συμποσίοις φιλοφρονούμενοι ἀλλήλους, ἐπέδιδασαν οἴνου κύλικα, ἣν φιλοτησίαν ἐκάλουν. ὡς Ἵπερίδης Φησί, καὶ Ἀλεξίς, καὶ Ὀμηρος. δειδέχατ' ἀλλήλους. καὶ αὐθις. ἐγχείτω τίς τούτῳ φιλοτησίαν. καὶ φιλοτησίαν προπίνειν ἐστίν, ἥνίκα τις ἐν ἀρίστῳ ἀπὸ τῆς δοθείσης αὐτῷ Φιάλης πιδῶν μέρος, τὸ λοιπὸν παράτχη φίλῳ, καὶ τὴν Φιάλην χαρίζαμενος. Pindari quoque interpres (a) ait προπίνειν proprie esse. ἅμα τῷ πώματι καὶ τὴν Φιάλην χαρίζεσθαι. Athenaeus libro an-

te

(a) Respicit Scholiasten Pindari ad Olympion. Od. vii. *in princ.* cujus haec sunt verba. προπίνειν ἐστὶ κυρίως, τὸ ἅμα τῷ πώματι τὴν ἀγχείων χαρίζεσθαι.

te citato scribit Scyphum hunc bicongium fuisse. quo iterum hausto, & poculum ex manibus ipsius Alexandri excidisse statim, & ipsum in pulvinar decubuisse, & postea periisse, Dionysio ei id nunciante. quoniam ejus patriam Thebas excidisset. Itaque posset aliquis fortasse non male Scyphum Herculis interpretari, magnum & capacissimum praefertim, quod idem Athenaeus *cap. 6. lib. xi.* tradit Herculem majoribus poculis delectatum, adeo ut poculo, quod prius Solis fuisse dicitur, scribat Pisander *lib. ii.* Heracleae, Herculem Oceanum navigasse: quam rem & Pherecydes scripsit. & in proverbium prope abiit, ut immensa & enormia quaeque Herculeae sive Herculana dicerentur. An etiam, quod veteres interdum epulo facto Herculi decimam bonorum donabant, hoc Herculis & Honorantis poculum, decimum dicemus fuisse?

C A P U T XCV.

*Varronis locus emendatus & declaratus. Strix.  
Stria. Stiria. Porca. Lira. Sulcus.*

**P**orca & Lira in re rustica eandem rem significant. Columella *lib. ii. cap. 4.* *Liras rustici vocant easdem & porcas.* Idem tradit & *lib. xi. cap. 3.* de Ulpico loquens. Varro quoque *libro de re Rustica i. cap. 29.* *Qua aratrum vomere lacunam striam facit, Sulcus vocatur. quod est inter duos sulcos terra elata, dicitur porca, quod ea seges frumentum porriciat. sic quoque exta Deis eum dabant, porricere dicebant.* Advertendum autem est, an in his Varronis verbis mendum sit, quod valde suspicor. ego pro *Striam*, *Strigem* reponendum existimo. differunt autem inter se hae duae vicinae scriptura &

situ voces, *Strix* & *Stria*. *Strix* est enim cavum sive canaliculus, sive semifistula (ut si enodem arundinem a summo ad imum findas) sive lacuna & tamquam excavatus sulcus: ut videmus in columnis, quae *Striatae* dicuntur. Vitruvius *lib. x. cap. xv. Canaliculi*, qui Graece *σπλιξ* dicitur, *longitudo foraminum XIX. Stria* vero pars est eminula & protuberans inter duas striges. ut qui in re rustica *sulcus* proprie vocatur, in columnis *strix* sit. & ut *strix* ad sulcum sive lacunam, sic *stria* ad liram seu porcā proportionem habet. quod si apud Varronem *lacunam striam* legas, ut hactenus lectum est, contraria inter se duo committentur: quasi humile altum dicas. Quamquam (ut quod suspicor libere enunciem) vocem illam, *lacunam*, in verbis Varronis supervacuam puto. suspicor enim eam tamquam declarationem verbi illius, *strigem*, ab aliquo docto homine in libri margine scriptam fuisse; quae postea ab imperito librario in versum sit traducta. profecto aut supervacanea est, aut τὸ αὐτὸ est. Sed quod diximus de strige & stria, uno exemplo Vitruvii confirmandum est, ex *lib. III. cap. 3. Columnarum striges faciendae sunt XXIV. ita excavatae, ut norma in cavo strigis cum fuerit conjecta, circumacta ita anconibus striarum dextra ac sinistra angulos tangat. Strigae* praeterea, Festo auctore, sunt ordines rerum inter se conjuncte collocatarum, a stringendo dictae. in quo sensu accipi puto a Columella *lib. II. cap. 19.* ubi de foeno loquitur. *Siccatum coarctabimus in strigam, atque ita manipulos vinciemus.* Scriptoribus de Limitibus & mensuris Frontino, Hygeno, & Ageno *Striga* aliud quoque est, quod hic nihil facit. *Stiria*, quae est apud Virg. *III. Georg. [vs. 366.]*

*Stiriaque impexis induruit horrida barbis.*

nihil huc confert. nisi forte a *Stiria*, *Striam* per contractionem vocis factam quis censeat. Jam *Striges* infaustas noxiasque aves tradi omnes sciunt.

CAPUT XCVI.

*Vicus Tuscus. Varronis locus emendatus.*

**V**icus Tuscus regio Romae fuit, a Tuscis quidem nomen sortita. Sed de tempore dissentiunt inter se auctores, quorum verba referam. Livius lib. II. [cap. 14.] de bello, quod Aruns filius Por-senae contra Aricinos infeliciter gessit, loquens: *Ita in medio prope jam victores caesi Etrusci. pars perexigua, duce amisso, quia nullum propius perfugium erat, Romanam inermes & fortuna & specie supplicum delati sunt. Ibi benigne excepti, divisi que in hospitia. Curatis vulneribus alii profecti domos nuntii hospitalium beneficiorum. multos Romae hospitum urbisque caritas tenuit. his locus ad habitandum datus, quem deinde Tuscum Vicum appellaverunt.* Dionysii Halicarnass. verba non apponam, quoniam cum Livio faciunt. Propertius lib. IV, Elegia II. [vs. 49. seqq.]

*At tu, Roma, meis tribuisti praemia Tuscis,*

*Unde hodie Vicus nomina Tuscus habet.*

*Tempore quo sociis venit Lucumonius armis,*

*Atque Sabina feri contudit arma Tati.*

Varro lib. de Lingua Lat. I. [pag. 14. Ed. Stephan.] cum Propertio facit inquiring. *Coelius mons a Coelio Vibenno Tusco, duce nobili, qui cum sua manu dicitur Romulo venisse auxilio contra Tatium Regem (sic enim legendum est, non Latinum Regem, ut nunc passim legitur (a)) Hinc post Coelii obitum, quod nimis muni-*

ta

(a) Stephani Editio rectius habet: *Sabinum Regem.*

*ta loca tenerent, neque sine suspitione essent, deducti dicuntur in planum. ab eis dictus Vicus Tuscus, ubi est templum Vertumni. Festus Pompejus. Tuscus Vicus Romae est dictus, quod ibi habitaverunt Tusci, qui recedente ab obsidione Porsena remanserunt. Fabius Pictor lib. II. (a) Coeliolus: & ab eo tota arcus area, septem collibus sublatens, Tuscis data. & sacrificio Jovi Vertumno facto, egestisque paludibus habitabilis reddita, ac Vicus Tuscus dictus. Servius in eum Virg. versum lib. v. [vs. 560.]*

*Tres equitum numero turmae, ter dena vagantur. Unde (a Tuscis) quidam venit cum exercitu: cui recepto jam Tatio pars urbis est data: a quo in urbe Tuscus dictus est Vicus. Cornelius Tacitus lib. IV. [Annal. cap. 65.] Haud fuerit absurdum tradere, montem eum antiquitus Querquetulanum cognomento fuisse. quod satis silvae frequens fecundusque erat: mox Coelium appellatum a Coele Vibenna, qui dux gentis Etruscae cum auxilium appellatum ductavisset, sedem eam acceperit a Tarquinio Prisco, seu quis alius Regum fuit. nam scriptores in eo dissentiunt. cetera non ambigua sunt, magnas eas copias per plana etiam ac foro propinqua habitasse, unde Tuscum Vicum e vocabulo advenarum dictum.*

## CAPUT XCVII.

*Virgilii ac Plinii Locus declaratus.*

**U**bi de insitione Virgilius loquitur lib. II. Georg. [vs. 73. seqq.] nondum, quod sciam, recte totus ille locus est explicatus. Poetae versus hi sunt:

Nec

(a) Habetur ille inter scriptores ab Annio Viterbiensi confectos. vid. supra ad cap. XIX. pag. 114.

*Nec modus inferere, aut oculos imponere, simplex.  
Nam qua se medio trudent e cortice gemmae,  
Et tenues rumpunt tunicas, angustus in ipso  
Fit nodo sinus: huc aliena ex arbore germen  
Includunt, udoque docent inolescere libro.  
Aut rursum enodes trunci refecantur, & alte  
Finditur in solidum cuneis via: deinde feraces.  
Plantae immittuntur.* — — —

Ergo ut lucem accipiant versus Virgiliani, principio est sciendum, duo esse inferendarum arborum genera: Infectionem (nam nomen generis ad speciem transfertur) & Inoculationem. Infitio pluribus modis fit: veluti cum calami in fissum immittuntur truncum; aut inter corticem & lignum includuntur; aut per terebram, sive illa Gallica, sive popularis sit. idque fit, cum perforatur truncus terebra, & in foramen diligenter ramentis aut scrobe purgatum furculos inferimus, & circumlinimus cera vel luto; aut cum duo inter se coagmentantur & colligantur rami diversarum arborum media ablata utriusque rami parte, qua coagmentandi sunt; aut cum semen ipsum in cortice includitur, vel inter corticem & lignum inseritur; aut si quis est alius hujus generis modus. Inoculatio item & ipsa non simplex est. id est non uniusmodi, neque unius generis est: id enim significat apud Virgilium hoc in loco illud verbum, *simplex*. non autem *facilis*: ut putant quidam in suis commentariis in Horatium. Et Servius ipse in interpretatione loci hujus toto errat coelo. Non igitur Inoculatio uniusmodi est. Etenim duplici modo fit. Inoculatione scilicet & Emplastro. quamquam hic non me latet, tradi a Columella [*lib. v. cap. xi. §. i.*], Inoculationem a nonnullis Emplastrationem etiam nominari. Verum de ratione Inoculandi & Empla-



plastrandī, ne librum alienis verbis oneremus, petes a Theophrasto, [*de Causis Plantar. lib. I. cap. 6. & 7.*], Plinio [*lib. xvii. cap. 14.*], Columella [*loc. cit.*] & aliis, quae voles. Quod autem ad Virgilii verba intelligenda pertinet, hoc est. Cum inferendi ratio duplex sit, Infitio & inoculatio: ipse inferendi & item inoculandi modus non unus est. Sed plurifariam inferitur & plurifariam inoculatur. idque significat Virgilius cum ait:

*Nec modus inferere, atque oculos imponere, simplex.*  
Et poeta quidem non existimavit sibi omnes utriusque Infitionis & Inoculationis formas perfequendas. Sed Infitionis unam tantum rationem tradit: cum scilicet in fissum truncum furculi immittuntur: quam rem exponunt extrema ea carmina.

*Aut rursus enodes trunci refecantur; & alte  
Finditur in solidum cuneis via: deinde feraces  
Plantae immittuntur.*

Inoculationis item unam rationem exponit. cum scilicet aperimus in arbore, in quam inferere volumus, oculum exciso cortice ademptoque fistula futoriae simili (sunt haec verba Plinii ex *lib. xvii. cap. 14.*) illucque, id est in oculum apertum, gemma (Plinius *semen* dicit, sed idem intelligit) eadem fistula, sublata ex feraci arbore, de qua inferere volumus, includitur. totaque haec res illis primis verbis intelligitur.

*Nam qua se medio trudent e palmit gemmae,  
Et tenues rumpunt tunicas, angustus in ipso  
Fit nodo sinus: huic aliena ex arbore germen  
Includunt, udoque docent inolescere libro.*

Quod autem dicit.

————— angustus in ipso  
*Fit nodo sinus.* —————

Plinius ibidem verbis Virgilii obscuris obscuriorem mul-

multo affert interpretationem. ait enim : *Virgiliana* (inoculatio) quaerit *sinum* in nodo gemmae expulsi corticis, gemmamque ex alia arbore includit. Quorum Plinii verborum cum sententiam aperuerimus, etiam Virgilii versus erit explicatus. est autem haec : oculus ille, & lacuna, quem *sinum* Virgilius vocat, factus exempto cortice, oculus (inquam) qui in trunco inferendae arboris fistula illa, quam diximus, aut alio ferramento aperitur, in qualibet trunci parte aperiri potest, etiamsi in loco, ubi gemma non sit, id fiat. At Virgiliana inoculandi ratio vult, omnino ut gemma excludatur : & *angustus sinus*, id est, parvus oculus sive cavitas & lacuna oculi instar fiat in nodo, a quo nodo gemma germinat : & in exclusae gemmae locum alia ex arbore, de qua voles inferere, gemma implastretur & includatur. Possis etiam in versu Virgilii *sinum* exponere, *laxitatem*. scilicet cum non demitur cortex ex inferenda arbore : sed in cortice inferendae arboris mucrone acuti cultelli incisura, & quasi rectum fit vulnus, ac linea. diductoque & aperto considerate utroque labro vulneris, id est, laxato utrinque cortice, in apertum *sinum* germen, id est, gemmam de feraci arbore acceptam includimus. Atque hac ratione nunc inseri video Medicas malos. Hanc ego puto esse sententiam utriusque Virgilii & Plinii : secuturus tamen libenter, si quis meliorem attulerit. Palladius non infelicitus Virgilii versus est aemulatus. [*lib. xiv. de R. R. vs. 43.*]

*Aut virides oculos extremi gemma liquoris*

*Accipit, & lento stringitur uda sinu.*

Quam porro hodie rationem inoculationis sive Emplastri frequentant longe omnium elegantissimam, maximeque facilem, quaeque raro fallit, cum lignum

gnum remittit corticem mense Junio & Quintili (desiderat enim haec insitio aestivos calores) haud scio fatis, an fuerit antiquis cognita. fit autem hoc modo. Luxatur leviter & demitur cum suis gemmis ex novello ramusculo cortex integer longitudine duorum aut trium, saepe etiam plurium, digitorum, velut fistula & vagina: induiturque in delibratum paris crassitudinis novellum ramum arboris, in quam inferere velis, sensim & considerate; ne scilicet fistula, dum induitur, ulla ex parte rimam faciat, & rumpatur; aut replicata rugas contrahat. Si ramus minor erit, quam fistula, tunicae, quam induis, laxitas coire, & coagmentari, ac coalescere non patietur. Si amplior, tunica rumpetur induendo. Itali hunc Inoculationis modum *ad Corniculum*, sive *ad Sibiolum* vocamus. (Galli enim Cisalpini Caenomani maxime fistulam *Sibiolum* dicunt.) Porro Inoculationi nomen inditum est ab oculo, id est, ab lacuna illa & sinu, quem in trunco inferendae arboris aperimus eo modo, quem diximus. Vel etiam ab oculo, qui est in ramis praegnans, turgens, erumpensque ex tunica corticis germinatio. Cavitas porro, unde gemma emergit, a Plinio in arundinibus inguen eleganti trallatione appellatur. *Oculus* autem, *germen*, *semen*, *gemma*, *mamma*, saepe synonyma sunt scriptoribus rei rusticae: sicut *furculus*, *planta*, *calamus*, & *semen*. Cujus rei exempla petes ex Catone, Varrone, Virgilio, Columella, & Plinio, Addam hoc parergon. nonnullos in Theodorum Gazam nimis esse iniquos judices, damnantes eum indicta causa: quod Theophrasti librum vertens *περὶ τῶν φυτῶν*, *de Plantis* dixerit, & non *de Stirpibus*. quasi vero non & antiqui sic sint locuti. Juvenalis. [*Sat. III. vs. 227.*]

# ANNOTATIONES. CAP. XCVIII. 241

*In tenues plantas facili diffunditur haustu.*

Virg. iv. Georg. [vs. 114.]

— — ipse feraces  
Figat humo plantas, & amicos irriget imbres.

## C A P U T XCVIII.

*De potestate consonantium duarum pluriumve  
vocalem brevem sequentium.*

**M**uta praecedens, & liquida subsequens etsi saepe intendunt vocalem praecedentem brevem, ut in hoc versu Virgilii. [Georg. III. vs. 345.]

*Armaque, Amyclaeumque canem, Cressamque  
pharetram.*

tamen non eadem prohibent, quin eadem brevis vocalis naturam suam possit servare. ut in hoc altero ejusdem poëtae versu. [Aenëid. iv. vs. 138.]

*Cui pharetra ex auro, crines nodantur in aurum.*

Sic & apud Horat. II. Carminum. [Od. iv. vs. 6.]

*Forma captivae dominum Tecmessae.*

Ubi minimè assentior iis, qui alteram consonantium in verbo *Tecmessae*, elidendam scripsere. Idem Carmin. [lib. iv. Od. III. vs. 20.]

*Donatura cygni, si libeat, sonum.*

Sic Polygnotus in quodam carmine apud Pausaniam Phocaicis (a), quod Delphis pictum fuisse scribit, secundam brevem habet. plurimaque hujusmodi fa-

(a) Respicere videtur Epigramma quod est apud Pausan. in Phocaic. cap. 28. Ibi tamen secunda syllaba in Πολυγνोटος longa est.

facile est reperire apud Graecos. Neque vero solum muta praecedens cum subsequente liquida saepe non juvat vocalem praecedentem brevem, ut non servet naturam suam, & brevis remaneat, ut diximus, sed aliquando duae liquidae, interdum duae mutae, nonnumquam liquida praecedens mutam idem efficiunt. id est non obstant, quominus praecedens vocalis brevis esse brevis perseveret. quod auctoritatibus probamus, quoniam res est animadversione digna. Atque duarum liquidarum haec sunt exempla. Ovid XIII. *Metamorph.* [v. 430.]

*Bistonis habitata viris. Polymnestoris illic.*

Homerus *Odyss.* π. [v. 347.]

Τηλεμάχῳ ὁδὸς ἦδε· φάμεν δέ μιν μὴ τελέεσθαι.

Ubi μιν corripitur, etiamsi altera liquida statim sequatur. Propertius. [lib. III. El. xi. v. 55.]

*Et Scelus accepto Thracis Polymnestoris auro.*

Silius lib. VIII. [v. 329.]

*Ecce inter primos Theramneo a sanguine clausus.*

Horatius *Ode* I. lib. I. [v. 33.]

*Euterpe cohibet, nec Polymneia.*

Sic enim commodius est ad syllabae & carminis rationem legere, quam quomodo multi aliter traderunt. Atque in hoc genere apud Graecos pluscula exempla reperiuntur. Duarum vero mutarum frequentia sunt exempla. Homerus *Batrachomyomachia.* [v. 45.]

Ἄλλ' ἐπὶ λέκτρον ἰὼν ἄκρον δάκτυλον καταδάκνω.

Idem *Odyss.* IV. [v. 83.]

Κύπρον, Φοίνικην τε, καὶ Ἀιγυπτίους ἐπαληθείς.

Martialis lib. V. [Epig. II.]

*Sardonychas*, *Smaragdus*, *Adamantas*, *Jaspidas* uno.

Musaeus [vs. 312.] idem sibi sumpsit in semivocali & muta.

Αὐτὸς τότε Ἀελανδρὸς περ ἐσθήμενος ἐλπίδι νύμφης.

in quibus locis δάκτυλον primam, Ἀιγυπλίους secundam, *Smaragdus* mediam, ἐσθήμενος primam brevem habent, licet positio duarum mutarum, aut semivocalis & mutae sequatur. saepeque reperias in πέκτημαι, πέπταμαι, & in aliis similibus vocibus primam brevem apud eosdem Graecos. quibus (quod magis mirere) contingit interdum per summam, ne impudentem dicam, licentiam diphthongos ipsas corripere. Sed non est operae praesentis id nunc ostendere. itaque ad rem redeamus. Horatii Musaei imitatione lib. II. Carminum. [Od. VI. vs. 18.] semivocalem & mutam & ipse nihili fecit eo carmine.

*Jupiter brumas, & amicus Caulon.*

Sic enim legit Servius in eum Virgili versum [553.] ex III. *Aenēidos*.

*Caulonisque arcēs, & navifragum Scylataeum.*

& quidem docte. ut arrogantissimus sit Glareanus, qui hac de causa indoctissimum eundem Servium appellat, contendens hoc Horatii carmen *Caulonis* vocem suspicere non posse, quasi vero non Aratum Horatius non in simili, sed in eadem licentia auctorem habeat. Cujus est hic versus [202.]

Ὅλη ἐσπερὴ κρύζει πολύφωνος κορώνη.

quasi & poetarum exempla, quae supra retulimus simillima eum similitudine non defendatit. quasi (ut nullum aliud refugium, ut nulla alia anchora sit) s, abjici non possit. ut sit, *amicu' Caulon*.



Tres porro (hoc enim sit parergon) fuere Aulon-  
nis nomine urbes. Una in Peloponneso, aucto-  
re Pausania Messeniensis [*cap. ult.*]. Altera in  
Dalmatis: ex cujus & Apolloniae ruinis coaluit,  
quae nunc *Vallonia* dicitur. Tertia in Italiae Ma-  
gna Graecia: quam Virgilius, Servius, & Hora-  
tius *Caulonem*, Pausanias *Eliacis II.* [*cap. III.*  
*pag. 459.*] *Cauloniam* vocant. dicitque idem Pausa-  
nias, huc deductam fuisse coloniam ab Achaeis bel-  
lo Pyrrhi, id est, Tarento everso. Strabo *lib. VI.*  
[*pag. 401.*] *Post Sagram* (inquit) *Caulonia extat*,  
*prius Aulonia dicta.* ut sive *Aulon*, sive *Caulon* apud  
Horatium legas, utrumque iusta reprehensione ca-  
rere possit & debeat. Ennius, ut est apud Var-  
ronem *lib. VI.* [*pag. 72. Ed. Stephan.*] idem fecit.

*Subulo finitimas propter astabat aquas.*

Et haec haec tenus, quantum quidem ad duas liqui-  
das, & ad mutas duas, sive semivocalem & mutam  
pertinet. Quod vero liquida praecedens mutam sibi  
eamdem potestatem vindicet, ut praecedenti voca-  
li brevi nullum tempus acquirat, haec, quae sta-  
tim afferentur, exempla probant. Homer. *Iliad. ω.*  
[*vs. 370.*]

Ἄλλ' ἐγὼ οὐδέν σε ῥέξω κακόν, καὶ δέ κεν ἄλλον.

ubi ξω κακόν, dactylus est, licet sequatur κ. Diony-  
sius *de Situ orbis.* [*vs. 914.*]

Καὶ Τρεῖς πόλιν λιπαρὴν, Ὀρθωσίδα τε, Μάρανθόν τε.

ubi media syllaba in Μάρανθον corripitur. Homer.  
*XI. Odysf.* [*vs. 261.*]

Καὶ ῥᾶ ἔχεν δύο παῖδας Ἀμφιονά τε, Ζῆτόν τε.

in quo versu prima in voce Ἀμφιονά, brevis est.  
*Iliad. XXII.* [*vs. 363.*]

Ὅν πότμον γούωσα, λιπρὺς ἀνδρετῆτα, καὶ ἤβην.

τι-

tribus sequentibus consonantibus in ἀνδρότητα, nihil primam brevem praecedentem vocalem juvantibus. Idem xxii. ejusdem operis. [vs. 84.]

Τῶν μνησαί φίλον τέκνον, ἄμυνε δὲ δῆϊον ἄνδρα,  
Ubi φίλον sequente τ posteriore corripit. est enim dactyli tertia. Orpheus *Argonaut.* [vs. 86.]

Παρθενίης ἀταρπούς ἐπιήρατον ἡρώεσσιν.  
media in verbo ἀταρπούς correpta (a). Atque in universis his mutam liquida antecedit.

## C A P U T XCIX.

*Cotiso Daciae Rex. Galbam Sulpiciae gentis fuisse non Sergiae. Tacitus emendatus.*

**D**aciae, quae nunc ex magna parte *Transilvania* appellatur, Rex fuit Cotiso: quem Cornelius Lentulus Augusti legatus in Pannonia profligavit. auctores Eutropius, Florus, Paterculus. De hoc Cotifone intelligit Horatius eo carmine. [*lib.* III. *Od.* VIII. vs. 18.]

*Occidit Daci Cotifonis agmen.*

Dio aliquot locis [*lib.* xxxvii. pag. 53. *C. lib.* xxxix. pag. 94. *E.* & 120. *C.*] Galbae mentionem faciens  
*Ser-*

(a) Sequutus hic sum, ut & alibi semper, ubi causa momentum inde pendebat, scripturam, quam *Matius* in citandis veterum Auctorum testimoniis usurpat. Interim heic loci monendum puto, plurimos ex Arato, Homero, Dionysio Periegete, Orpheo, &c. prolatos hoc capite versus in hodiernis, & melioribus illorum auctorum editionibus aliter legi, & ita quidem, ut parum ex iis probari possit, quod volebat *Matius*. Atque id unicuique conferenti facile patebit. Nobis enim per singula ire, non vacat.

*Servium Galbam* eum appellat. recte. *Servius* enim frequentissimum fuit Sulpiciorum, & praesertim Galbarum praenomen. Itaque apud eundem Dionem inscite faciunt, qui expuncto legitimo *Servii* praenomine, substituunt ejus loco *Sergium*. quod praenomen non est, sed gentile nomen, ex qua gente etiam fuit Catilina. Galbae vero ex Sulpiciorum gente fuerunt, non Sergia, testibus lapidibus Capitolinis, Suetonio [*in Galba cap. 3.*] & Aurelio Victore [*de Caesar. cap. 6.*], librisque manuscriptis, inprimisque Caesaris. apud quem initio *III. Comment. Servium Galbam*, non *Sergium* legimus. Itaque apud Cornelium Tacitum *lib. XVIII. [Hist. lib. II. cap. 48.]* locus ad hanc eandem rationem est corrigendus. ubi Othonem sic inducit loquentem. *Satis sibi nominis, satis posteris suis nobilitatis quaesitum. post Julios, Claudios, Servios* (sic enim legendum, non *Sergios*, si modo Tacitum ab nota ignorantiae vindicatum volumus) *se primum in familiam nomen imperii tulisse.* At, dicet aliquis, Tacitus superiores Imperatores nomine gentilicio indicavit. C. Caesarem & Augustum *Julios*, Tiberium & reliquos tres *Claudios* appellando. Cur & de Galba intelligens non *Sulpicias* dixit potius, quam *Servios*? id est, cur potio-rem habuit rationem praenom- inis in Galba significando, quam gentilis nominis? respondeo. notior fuit praenomine Galba, quam nomine. scriptoresque eum, gentis nomine suppresso, *Servium Galbam* dicunt. Etenim nonnulli fuerunt cognominibus notiores. quales fuere Quinctilius Varus, Claudius Drusus, Aemilius Lepidus. Itaque *Lepidianas ferias* legimus *epistola XI. ad Atticum lib. XVI. Drusianam fossam* apud Tacitum *lib. II. [Annal. cap. 8.] Varianam* eadem apud universos ejus historiae scriptores tam  
Lati-

Latinos, quam Graecos. Alii nominibus. ut Pompejus, Clodius, Lollius. propterea (ut de postremo tantum exemplum petam) Tacitus *lib. I. [Annal. cap. 10.]* *Lollianas clades* nominat eodem loco, quo *Varianas*. has ab cognomine, illas ab nomine. Alios praenomina reddebant notiores. ut Appium ejus, quem modo nominavi, fratrem. Itaque de utroque saepe scribens Cicero, raro aliter hunc quam Clodium, illum quam Appium vocat. quam rationem respiciens, ad eundem Appium Pulchrum scribens [*lib. II. Ep. ad famil. Ep. 7.*] ab Appio *Appietatem* quasi familiae nominationem deduxit his verbis. *Ullam Appietatem, aut Lentulitatem, valere apud me plus existimas?* Otho ipse, qui fuit ex gente Salvia, cujusque sunt verba, quae supra attulimus ex Tacito, insignior fuit cognomine quam nomine. & ob hanc causam dicit se nomen imperii tulisse in familiam suam, non in gentem. fuit enim gente (ut diximus) Salvius, familia Otho. cognomen autem familiam, nomen vero gentem respicit.

C A P U T C.

*Brasica. Rhabbanus. Ciceronis locus defensus. & locus Horatii expositus.*

Graeci interdum appellatione Rhabhani Cramben intelligunt. iidem contra nonnumquam Cramben, id est Brasicam pro Rhabbano accipiunt. afferrem locos nobilissimorum auctorum, qui id fecerunt, nisi id ab aliis etiam pridem esset observatum & traditum. Latini quoque aemulati (consulto, an secus, non statuo) sunt in

hac vicissitudine Graecos, proculdubio enim apud Plinium *lib. xvii. cap. 20.* quae leguntur de antipathia Rhaphani cum vino & vitibus ad caules spectant. contra Cicero *II. de Nat. Deorum [cap. 47.]* Brasicam pro Rhaphano posuit in his verbis. *Quin etiam (vites) a caulibus brasicisque, si prope satae sint, ut a pestiferis & nocentibus, refugere dicuntur.* In quem locum scribentem in suis in eum librum annotationibus doctissimum virum memoria fefellit. cui, quod brasicae nomen (haec enim sunt ejus verba) Caules complectitur, ideo legendum videtur pro *a caulibus, a lauris.* memoria (inquam) nil aliud eum fefellit. est enim vir plurimae non solum scriptionis, sed etiam lectionis, observationis, & doctrinae. Ego nihil mutem, nisi auctoribus vetustis scriptis libris. Rhaphano vero, cum proprie accipitur, non pro brasica, eadem ne sit cum vitibus & vino antipathia, quae caulibus, Democrito ac Pythagorae considerandum & inquirendum relinquo. An vero brasicae nomen ex Graeca voce *Crambe*, quae, ut dixi, modo caulem, modo rhaphanum apud Graecos exprimit, etiam Cicero securius adhibuerit, ego, qui cum omnibus antiquis, tum vero tanti viri manibus honorem habeo, non satis scio. nec si sciam, dicere auserim.

In epistolam Horatii *de Arte Poëtica [vs. 357. seqq.]* in Annotationibus suis in Columellam Petrus Victorius & eum secuti, qui post eum scripsere in eundem poëtam, docti viri exponunt illud, *Quandoque*, in versibus, qui subjungentur, pro *Quandocumque*, vel, *si quando.* contrario omnino sensu, quam ego afferam, & quam Horatius, ut opinor (opinor enim, doctioribus judicium

relicturus) voluit significare. Sed versus Horatii ut interpunguntur ac leguntur a Victorio cum ejus expositione sic habent.

*Sic mihi qui multum cessat fit Choerilus ille,  
Quem bis terque bonum cum risu miror: idemque  
Indignor quandoque bonus dormitat Homerus.*

Quae enim pusilla res videtur, non suo loco posita interpunctio corrumpit elegantissimum sensum, & tantas tenebras offundit, ut in eo loco explicando plurimi nihil viderint: eaque doctum sensum, & magnum Homeri laudatorem, de principe ipso omnium poetarum dixisse crediderint, quae profecto numquam somniavit. Quemadmodum enim si forte aliquid eruditum, elegansque protulit Choerilus malus poeta, ut portentis simile dicit se Flaccus mirari: ita etiam aegre ferre ac stomachari, sicubi negligentior visus est Homerus, qui tamen excusatione non careat: opere enim in longo fas est obrepere somnum. &c. Ego pace tua dicam Victori, numquam sensum hunc somniavit Horatius, quem tu affers. immo, ut horum versuum sententia cum proxime antecedentibus concordet, sic sunt interpungendi & explicandi, ut verbum hoc, *indignor*, ad superiora verba, non autem ad sequentia accommodetur. hoc modo.

*Quem bis terque bonum cum risu miror, & idem  
Indignor.*

hic consistendum est. deinde per subjectionem sequentia addantur, quasi aliquis Horatio severe nimis agenti cum Choerilo objiciat: quid? an non & Homerus interdum dormitat? non negem (respondet objectioni Horatius) nonnumquam & Homerum dormire. Verum opere in longo fas est obrepere somnum. Huncque esse germanum sensum verborum & mentis Hora-



tii multo ante vidit Fabius lib. x. [cap. i.] his verbis. *Et labuntur aliquando, & oneri cedunt, & indulgent ingeniorum suorum voluptati, nec semper intendunt animum. nonnumquam fatigantur. cum Ciceroni dormire Demosthenes, Horatio vero etiam Homerus videatur. magni enim sunt, homines tamen. quin ipse Horatius alibi, nempe ultima epistola lib. i. [vs. 52.] clare pronunciat, & in Homero esse aliquid, quod reprehendi possit, cum dicit:*

*Tu nihil in magno doctus reprendis Homero?*

Atque per haec responsum est verbis illis Victorii. *eaque doctum poetam & magnum Homeri laudatorem de principe ipso omnium poetarum dixisse crediderint, quae profecto numquam somniavit. Quod vero verbum illud, Indignor, nullo modo ad Homericam virtutem referri possit, id est, non hunc sensum vere esse posse. ita miror cum risu Choerilum, si quando bis terve bene dicit, sicut indignor, quotiescumque, sive si quando Homerus dormitat, (quasi dicat, numquam dormitat, ergo non indignor.) ne ipse quidem Victorius ibi inficias, si modo in mentem revocando cogitabit vim verbi hujus Indignari. Quippe Indignari auctore & magistro Aristotele in libris de Arte Rethorica est dolere, aegre ferre, stomachari ex indigni alicujus felici fortuna, non autem ex calamitate. id est, Indignatio est aegritudo in immerito felices, non in immerito infelices. Atque si is esset sensus, quem Victorius putavit, dixisset Horatius: Miseret si quando bonus Homerus dormitat: non autem, indignor, quoniam calamitas esset Homerum labi & dormire. & dolere damno alicujus immerentis est affectus misericordiae. quae quidem misericordia,*

dia, est aegritudo suscepta ex miseria alicujus immerito laborantis. Quae cum ita sint, fateamur aliter versus esse interpungendos, & sensum eorum hunc esse. Adeo malus est poëta Choerilus, ut si forte bis terque bonus fuerit, rideam admirans tamquam rem novam & illi inusitatam. atque ego idem indignor tam malo & indigno poëtae hanc felicitatem immerito contigisse, ut bis terque bonus fuerit. Et ecce splendide apparet elucetque vis & proprietas verbi, *Indignor*. scilicet in immerita felicitate Choerili. Suo etiam sibi gladio confoditur Victorius, cum versum hunc in fine sic legit. *Quem bis terque bonum cum risu miror, idemque Indignor*. nam si legendum sit, ut ipse scribit, *idemque* non autem, & *idem*, fateatur necesse, verbum, *Indignor*, ad superiora verba, atque ad Choerilum referri, non ad sequentia, nec ad Homerum pertinere. mensus enim syllabae prioris in verbo, *Idem*, cogit hunc ordinem esse. quem bonum bis terque cum risu miror, & indignor idem. id est eundem Choerilum. brevitās enim syllabae prioris facit neutri generis esse. nam masculino genere longa est.

Quod vero attinet ad ea verba, *Cum risu miror*, doctissime dictum id est ab Horatio. risus enim ex admiratione rei inusitatae & novae oritur. sicuti quilibet cum fructu & voluptate discet, qui doctissimum libellum Vincentii Madii, civis mei, de *Ridiculis* leget. Quaedam vero esse in Homérico opere, quae vix a risu reprehensioneve tueamur, declarat illud totiens vel ad stomachum inculcatum, & a Martiale pridem exagitatum, [lib. 1. Epig. 45.] τὸν δ' ἀπαμβόμενος. praeterea illam in Ulyssē viro vigilantissimo, providentissimo,

mo, & qui immortalitatem recusaverat, semel ut Ithacam patriam videret, negligentiam securitatem & profundissimum soporem quis ferat? quis ab absurditate defendat auctore Aristotele libro de Arte poëtica ad finem? nisi absurdum hoc aliis bonis poëta excellentissimus mitigans obscuravisset.

F I N I S.



JOANNIS MARII MATTII,  
*Brixiani,*  
VIRI ERUDITISSIMI,  
**OPINIONUM**  
**LIBRI TRES.**

In quibus plurima Loca  
**AUCTORUM LATINORUM**  
**ET GRAECORUM**

*hactenus a nullo tractata, aut non recte  
exposita explicantur; aut corrupta  
emendantur.*

**ADCESSERUNT**  
**ALIQVOT CARMINA**  
Cum brevi libello de Orthographia.  
**AD INLUSTRES**  
**ARNUTIOS MEDICES,**  
*Musarum patronos.*



INLUSTRIBUS  
CAESARI, JORDANO,  
ET  
MARCELLO ARNUTIIS,  
MEDICIBUS,  
EQUITIBUS.

JOANNES MARIUS MATTIUS

S. P. D.



*A* mari a quam plurimis, nobilissimi Arnuttii, & odia hominum effugere praeclarum quiddam & optabile esse, & jucunditatis plenum fatentur uno consensu & praedicatione omnes. Redduntur etiam rationes, quibus via conmonstratur, quo modo offensionem vitantes benevolentiam conligere, & conlectam fartam & tectam toto vitae curriculo conservare cum laude queamus. Quas rationes scribens ad homines sapientes, & omni omnis doctrinae atque historiarum suppellectile egregie instructos hac congerere consilium non est. Hoc tantum dicam. Etsi cantari ubique audimus, Difficilia esse, quae pulchra (amicitia autem quid pulchrius? quid etiam conducibilius?) tamen judicare me, ad amorem istum comparandum, nullam viam reperi posse pulchriorem, nec compendiarium magis Beneficentia & Gratia. Quam utramque virtutem  
fi



si quis unquam adamavit, certe hic a nobis cultam  
fuisse omni tempore in familia vestra universi norunt  
& praedicant. ut mirandum non sit, si cari to-  
ti civitati sitis, & omnes vos in oculis ferant. ego  
que κοινὸς μάρτυς testimonium apud omnes tribuere  
possum. Nemo vos beneficio, nemo redactione gra-  
tiae vicit. Maſti hac animi sublimitate Arnutii.  
Virtutes induistis virtutum nobilissimas, pulcherri-  
mas, & liberalissimas, virescentes semper, & sem-  
per florentes, & feraces. Aliae fortasse apud alios  
frequenti, & nimio partu defetiscuntur, & defi-  
ciunt. hae apud vos foetae semper, & secundae  
sunt; effoetae numquam, & numquam steriles.  
Pariunt illae vobis, quam quaerere omnes sapien-  
tes debent, rerum humanarum omnium nobilissi-  
mam, formosissimam, & beatissimam possessionem,  
felicitatem sine invidia. Majores vestri hanc vobis  
ad gloriam straverunt viam. vos vestra vestigia in  
eorum exemplis hereditario jure firmiter inprimi-  
tis. Proponatur quilibet ex antiquis vestris: uni-  
versi inſturi aliquo facinore & bonore insignes, pro-  
pe digito monstrabunt ad virtutem & gloriam pa-  
randam viam.

Nobilitatem tradunt viri in sapientia principes  
ab antiquitate, opibus, & virtute constitui. Tri-  
bus bis facultatibus ante conditam Alexandriam vos,  
Arnutii, decentissime floruiſtis. Nam satis histo-  
riarum monimentis constat, quo tempore Imperator  
Fridericus Aenobarbus totam Galliam Cisalpinam  
gravissimis tributorum exactionibus, & armis infe-  
ſtam haberet, a conjuratis civitatibus jugum inpo-  
tentissimi dominatus indignissime ferentibus Brixia,  
Cberio, Cremona, Dertona, Hasta, Mediolano,  
Parma, Placentia deductam huc fuisse coloniam A-  
lexandriam: loco tunc quidem vacuo, sed si incole-  
retur, ad retundendos Ticinensium, & Marchionis  
Montisferrati impetus, qui partibus Friderici stu-  
dentes

• *• dentes finitimarum civitatum libertatem jacturam suam putabant : & ad celeriter inter se foederatorum copias conjungendas atque alendas inter duo navigabilia flumina Burmidam & Tanarum opportunissimo. Initio enim conditae urbis vicus Burgolium nondum a radice vicini collis ad fluminis Tanari ripam, e regione urbis, qua parte illa Zephyrum spectat, deductum erat, satis, inquam, constat, cum voluntariorum ex vicinis oppidis, quos coeli clementia, soli feracitas, & studium defendendae atque ornandae novae urbis invitabat : tum evocatorum ex enumeratis supra urbibus ingentem manum huc convenisse. In bis fuere Arnutii fama adhuc ita testante : qui translatis huc opibus, quae illis non tenues fuerunt, ex patria sua Brixia urbe cum juventutis numerosae & firmissimae, & ad audenda nobilissima quaeque facinora semper promptissimae, tum virtutum omnium ad belli pacisque subsidium & ornamentum necessariarum matre & altrice, in nova urbe de pristina existimatione & opulentia deperdiderunt nihil. immo omni tempore aucti virtute, & opibus : florentes prole, honoribus, & amicis : muniti propinquorum, & ad finium fide : celebres gratia, & hospitiiis nobilissimorum hominum, ad has & reliquas virtutes, quas commemorare non est ocium, addiderunt humanitatem, hilaritatem, cultum, & magnificentiam plane imperatoriam & regiam. Id testantur veteres abaci & mensae auro atque argento exornatae ; parietes peregrinorum peristromatum ornamentis intecti, ampla in suburbio, & alibi latifundia ; aedium urbanarum atque villarum magnificae exstrukiones, cuilibet magno Principi recipiendo ad commodatissimae : quae hospitiorum necessitas saepe illis contingit. Namque baud fere quisquam, aut legatus, aut Cardinalis hac iter facit, quin recta ad Arnutios devertat propter causas dictas ante, & propter fa-*

miliaritates, quas prope ubique sed maxime Romae habent cum Pont. Max. & tota Romana aula: & praecipue cum Florentinis Medicibus, cum quibus jam inde a Leone & Clemente, etiam antequam ad faustissimum Pontificatus Max. gradum illi conscendissent; ipsis tanta intercessit arctissimae conjunctionis necessitudo, ut coöptatos in familiam suam Arnutios voluerint cognomena atque insignia gentis suae in omnem posteritatem referre. Itaque in scriptis publicis & privatis Arnutii Medices adpellantur: & utriusque familiae signo tabularum, quas in contrabendo conficiunt, fidem firmanet & sanciant. Locus hic erat recensendis illis: qui cum aliis virtutibus, tum maxime literarum & militiae gloria floruerunt. Verum meditantem atque adcedentem jam ad causam numerus obruit. qui deterrens ab incoepto quasi monet, ut profundam istam nimium, & plane Herculeam ad exhauriendum ope indigentem Camarinam omnino non moveam. Attamen territus nihil sum. quin mihi ipse animum ad opus conficiendum & complendum feci: ne partem constituendae nobilitati principalem, & quae in ea familia praecipue culta semper fuit, aut culpa negligentiae omissam, aut memoriae infirmitate praeteritam, aut alius vitii crimine neglectam calumnientur aliqui; in alienis perpendendis scriptis severi asperique nimium exactores. Paucos aliquot (nam universos polliceri percensere audaciae esset inconsiderati & iudicio carentis hominis) adtingam. Ergo in militaris disciplinae scientia & usu tradunt varii Annales, insignes fuisse in gente Arnutia Manfredum, Gulielmum, Rainezonum, Lafranchellum, Paganum, Nicolaum, Jacobum. Quorum omnium nomina adhuc leguntur relata in publicis tabulis nobilissimae Iustitiae (sic enim concilium illud adpellabant) Societatis. quae frequentia & splendore conlegarum per annos ab ortu D. N. cir-

*circiter clō. ccc. celeberrima fuit , & florentissima.*

*Antonius Arnutius paulo post ea tempora in magno excellentium civium numero dilectus a Senatu populoque Alexandrino ad tollendas inter Monferatenses , & cives suos controversias , post multas acresque disceptationes , tandem honestissimis conditionibus comite Gulielmo nobili jurisperito ex antiquissima Lamboriciorum gente : quae in hac civitate semper civilis scientiae ( ut interim sileam qui in militari arte excelluerunt ) seminarium , & fons fuit ; unde perpetua continentique serie per sex aetates ex unis aedibus sex inlustres jureconsulti ad hunc Alexandrum Lamboricium , item eximium juris peritum , qui nunc floret , manarunt , saluberrimam pacem conciliavit. Properantem ad finem morantur subirati & prope indignantes Guido & Johannes Luchinus Arnutii : quorum prior in bello Brixianorum contra Henricum VII. Imperat. post multa egregia facinora pestilentia obiit. Alterum non fortuna , sed animi altitudo & conscientia meriti sui , quae sperare digna virtute jubebat , proxime ad sublimiores in aula Romana honores extulit. Hic praeter vetustam nobilitatem , subsidio scientiae juris & legum , & ornamentis omnium liberalium artium fultus , dedit se in familiaritatem Leonis & Clementis Medicum , multo antequam bono literatorum fato utrique D. Opt. Max Tyara Pontificio caput redimiret in qua sublimitate conlocatus Leo ultro vocatum ad se Joannem Luchinum , pristino amore simul cum potentia aucto , sic complexus est , ut juberet bono laetoque animo esse , & a se sperare atque optare officia atque auxilia omnia , quibus dignitatem & opes suas honestari atque amplificari posse judicaret. Nec minus re quam verbis liberalis fuit. Namque cum jam Decanatus , & postea Archipresbyteratus in maximo fano Alexandriae dignitate*

*Luchinus esset insignitus, ab eodem Pontifice Leone Medice statim Protonotarius, & Relator (Reserendarium dicunt) utriusque signaturae renunciatus est. appellatusque Familiaris, & relatus inter Barones, & Principes participantes maximorum quorumcumque bonorum & dignitatum. Gubernator Parmae & Placentiae praeiuit. Praesidens etiam constitutus est Piceni cum titulo & potestate Legati a latere, id est cari, amici, familiaris, & tamquam a latere numquam discedentis. Admissus est in familia Medicea ipse, & omnes in infinitam posteritatem filii, & nepotes ejus, ut Arnutii Medices adpellarentur: & insignia familiae Medices gestarent: anuloque cum Mediceo symbolo firmarent quodcumque sancire ipsis videretur esse opportunum & necessarium. Dataria demum dignitate decorato restabat solus purpurei galeri apex. eo jam ipsi ab eodem Leone destinato ne potiri posset, obstitit sceleratorum audax & immane facinus. Nam dum Quaesitor missu jussuque Leonis quaestionem Persiae in Paullum Bajonum habet, ab iis, qui, si causa esset dicenda, conscii sibi videbant suorum scelerum audaciam impune ipsis non futuram, veneno sublatus in ea urbe, cum summo acerboque Max. Pont. totiusque aulae, ac bonorum omnium dolore & luctu interiit.*

*Jam ante hic Joannes Luchinus Datarius adeptus erat a Summo Pont. sibi & posteris gentilibus suis facultatem sistendi & nominandi Archiepiscopos, & unius Canonici in templo Maximo Alexandriae. Utriusque hujus Sacerdotii redditus tunc erant. Joannes Luchinus sui patrimonii diminutione angustias utriusque sublevavit.*

*Idem Pontifex ablata Abbazia D. Petri in Burgolio a Monachis D. Benedicti, ejus Abbatiae Sacerdotio Petrum Martyrem Arnutium Joannis Luchini fratrem Protonot. Apost. ornavit, addita facul-*



*cultate nominandi Flaminis: quam facultatem etiam ad posteros pervenire volebat. Sed interea mortuo, ut dictum est, Joanne Lucbino, negotio, cujus jam erant jacta fundamenta, fastigium inponi non potuit.*

*Jacobus Maria Arnutius eorumdem Joannis Lucbini & Petri Martyris frater J. U. Consultus Protonot. Apostolicus & Decanus templi Max. Alexand. Archipresbyterque Oviliarum cum facultate plurium etiam non simplicium Sacerdotiorum obtinendorum, magnae fuit vir existimationis, & nominis.*

*Carolus quoque V. ejus nominis Imperator noluit eundem esse suae liberalitatis expertem. Comitem Palatinum, & Equitem, Aulicum, Familiarem ipsum, & fratres posterosque cum universis dignitatum atque honorum nominibus adpellavit.*

*Joannes Lucbinus Junior ad juris civilis, & aliarum virtutum prudentiam, in quibus sua tempestate paucos pares habuit, addidit scientiam & usum administrandorum maximorum negotiorum, & inprimis Reipublicae. Itaque electus a patria magnis gravibusque de rebus missus legatus ad Carolum V. Imp. rediit impetratis omnibus, de quibus missus erat, rebus.*

*Quis J. C. Jacobum Mariam juniorem satis digne commendet? cujus fores quotidie tritae erant frequentia consultorum, & clientium, deducentium & reducentium? Alii aucupes sunt gratiae & favorum popularium: vulgique studia arte omni semper inbiantes venantur: sibi in crebris occurssationibus atque adsectationibus nimium quantum placent. Ille pertaesus ventorum istorum, & quietioris securiorisque vitae adpetens, ab excellentissimo Senatu, cum aliter se exsolvere non posset, vacatione omnis publici forensisque muneris summa contentione tanam impetrata, totum se in meditatione*



*religiosorum Christianorumque officiorum tradit , sed in medio cursu florentis aetatis animam Deo reddidit , relinquens non suis solum , sed omnibus bonis luctum & memoriam sui nominis sempiternam.*

*Vix unquam quemquam videris aequiore , atque adeo laetiore animo excedentem e vita Petro Martyre Arnulio juniore. Illi laboranti circumstabant amicitiae & propinquitatis necessitudine conjunctissimi , ut vel animum facerent ad ferendam communis fati necessitatem , vel spem salutis promittentes languorem sublevarent. universis agebat tanta mentis & orationis aequabilitate & constantia gratias , ut nisi intestinum ulcus remediis nullis curari posse medici domesticos docuissent , magnitudinem morbi altitudine sapientiae ab illo sperarent vinci posse. Ille porro perfunctus omnibus Christianis ritibus , expiataque admissarum culparum solemnibus officiis & piaculis conscientia , hortari , qui aderant omnes , coepit ad religionem & pietatem omnem omni cura , cogitatione , mente , atque animo imbibendam & colendam : praedicabat nullum obsidem , nullum pignus consequendae salutis aeternae habere mortales certius religione. Ea duce , ea comite , non solum dum hic sumus , dum vitam hic inter nostros agimus , omnia prospere cedere , sed post obitum etiam ab illa sublimes in beatorum sedes tolli. Praedicabat gloriari esse fas nemini in felicitatibus humanis , sed universa accepta referenda Deo esse. Cum haec (inquebat) vobis cano , eadem mihi ipse praedico , quae , utinam , mihi profint ad promerendum clementiam Dei. Quod ingenuus , quod nobilis natus sim , quod eductus & eruditus liberaliter , quod venerim in clientelam atque amicitiam summorum Principum , quod me amarint Cardinales multi , praesertim Medices , & Bonelli : quod carus fuerim Pontifici Pio V. quod Joannem Franciscum fratrem in re familiari bene*  
con-

constituta , & in Reip. administratione cum laude egregie sancteque versantem relinquam : quod fratris filios Jordanum & Marcellum a Xisto V. ter Opt. ter Max. Pont. Equitum Lauretanorum titulis & insignibus , cum honorifico subsidio pecuniae ad tuendam tanti honoris majestatem auctos honestatosque videam , universa summo Deo accepta refero. Sed haec de Petro Martyre sint satis. Veniamus ad alios viventes , quos piaculum sit silentio praeterire. Antonius Arnutius tres habet fratres , Caesarem , Bartholomaeum , & Nicolaum. Hic curam rei familiaris gerit. Antonius & Caesar , uterque Protonotarius Apostolicus , ab ineunte aetate religioni se dediderunt : cui comitem adjungere cognitionem juris & legum. quas utraque per se honestissimas partes virtutibus morum sic inlustraverunt , ut omnia Justitiae , Prudentiae , Constantiae , & Moderationis munia ita scite condiderint , ut nec in justitiam ulla ullius severitatis , nec in prudentiam astutiae , nec in constantiam contumaciae , nec in modestiam diritatis suspicio umquam inciderit Itaque cuncti praedicant , Archidiaconatus , quo nitet Antonius , & Archipresbyteratus , quo fulget Caesar , dignitatem melius conlocari nusquam alibi potuisse. Hos honores illis ad sublimiora decora atque ornamenta gradus esse augurantur omnes : egoque in primis : qui gloriam & felicitatem alumnorum meorum meam puto. Bartholomaeum Jureconsultum sua excellens virtus , & in judicando sanctitas facit , ut Ferdinandus Velascus Celtiberiae magnus Comes , & in Italia Philippi Regis Imperator , ac Mediolanii , & totius provinciae Mediolanensis Prorex & Gubernator eum semper babeat occupatum Praefecturis & Magistratibus administrandis. nuncque Dertonae Quaesitor & Capitalium rerum judex severitatem muneris recta jurisdictioni sapientia moderatur & temperat.

*Multa quidem restant, quae de hac honesta familia vestra dici possent & deberent: sed & meae multae occupationes vobis non ignotae, me excusabunt. Vosque confido pro aequanimitate vestra praetermissorum veniam Mattio vestro liberaliter esse condonaturus. Superest, ut hos tres libros meos Opiniorum, quos in lucem nunc primum exeuntes vobis commendo, in fidem clientelamque vestram, quod spero vos libenter esse facturos, recipiatis. Valete*  
vi. Kalend. Maj. clb. lb. uc.

I N  
JOANNIS MARIII MATTII  
O P E R A,  
VICTORII MUTII  
C A R M E N.

**Q**uos hortos cernis, quæso, ne temne, viator,  
Traxerit huc casus, duxerit aut ratio;  
Si ratio, prudens, si te fortuna, beatus  
Hesperidum pomis hinc potiora feres.  
Irriguum viden' hic tu duplici flumine campum,  
Gleba olim triplex ubere qui vigeat?  
Ingresso tibi jam liceat perpendere cuncta,  
Ferreque de cunctis omnia, quæ placeant.  
Omnia cum tuleris, nihil at de corpore toto  
Dempseris (en artem) talia campus habet:  
Tu sed enim fructus carpas ne dente maligno,  
Vel flores laedas, gramina sacra cave;  
Custodes opifex sapiens nam quattuor agris  
Misit, quo nullus damna pudenda ferat,  
Quorum quisque Arnutius, alto ex sanguine quisque,  
Unanimes omnes, singulus atque potens:  
Quin & quintus adest Glinus vir maximus unus  
Majorum factis, clarus & ipse suis.  
Nullum permittent campis hi laedere quicquam,  
Ipsos dum ignotos omnia ferre sinent.  
Mattius hæc latis de multis (perlege) chartis  
Transtulit, orna animum providus ipse tuum.  
Quæ vitam spectant, quæ mores, eloquium, artes  
Summas, hoc libro condidit exiguo:  
Vel Latium teneat te, docta vel Attica tellus,  
Cecropis hic, alta hic moenia Martis habes.

GULIELMINI SCHIAVINAE,  
SACERDOTIS, CANONICI MAXIMI  
TEMPLI ALEXANDRIAE,  
AD ARNUTIOS MEDICES  
C A R M E N,  
IN LIBRUM OPINIONUM  
JOANNIS MARI MATTH.

**U**t tradunt veterum scripta: Terentium  
Fuerunt sapiens Laelius, & fera  
Qui victa retulit nomen ab Africa:  
Urbs Romuleae cum novus incola  
Calcaret Latiam scenam humili pede.  
Nec vates (fuit ut pectore candido)  
Soccis conticuit praebitam opem suis  
A tantis Ducibus militiae & domi.  
Ergo si modici subsidii memor  
Euterpe Libyci Musa Terentii  
Insigni meritis laude beat viros,  
Quantum, obsecro, bonis ARNUTIIS tribus  
Omnes Castaliae debuerint Deae?  
Quorum consilio, quorum ope nobilis,  
Et rubris Arabum dignus odoribus,  
Nunc prodit liber hic? & nitidum caput  
In dii radios exserit aetheris?  
Maecti, Maecti animis esse Sodalium  
Chors vos docta jubet. vestra animum viro,  
Laus Amphrysiacis empta laboribus  
Addat: quo properet promere cetera,  
Quae mens tanto homini parturit incluta.

Hoc

*Hoc nymphae patrii Tanarides soli ,  
Virtus vestra id avet , postulat , exigit ,  
Sic Rex aetherei vos foveat poli .  
Sic vos perpetuis auctet honoribus .  
Sic post sera levis funera scandat in  
Iustis pollicitum Spiritus aethera .*



HER.



# HERCULES QUINCTIANUS

*Benigno Lectori.*

**A**mantissimis te verbis oro, quisquis es, humanissime lector, ut, si quid unquam libenti animo fecisti, si quid, quod tibi profuturum speraveris, si quid tandem meditatus sis, quod perfectum te juverit; hunc, quem manibus sumpstisti, librum libentissime, atque studiosissime perlegas: spero enim fore, ut intelligas, neque me unquam meis typis mandasse quidquam, quod studiosis hominibus plus in hoc genere scribendi utilitatis afferret, neque te inter recentiores libros quemquam legisse, qui te vel majori varietate oblectaret, vel uberiori utilitate juvaret. Verosnamque comperies hortulos illos, quos superiori carmine per elegantem metaphoram irriguos, amoenos, fructiferos ingeniosus & facundus Victorius Mutius descripsit. Nam doctissimus Mattius ad ingenuas artes lucidandas, ditandas, ornandas praeter multa ex foecundo suo ingenio deprompta plurimos locos in variis artibus, variisque scriptoribus, vel à librariis corruptos, vel obscuros, vel dubios, partim a nullo usque ad hunc diem notatos, partim perperam expositos notavit, emendavit, atque illustravit; permulta varia, nova, eademque utilissima in hunc librum congeffit non secus, ac gnavi, diligentesque agricolae soleant ad divitum praepotentumque virorum hortulos conferendos quicquid suavissimorum pulcherrimorumque fructuum quoquo modo inveniri possit vel ex remotissimis regionibus comportare, quo nihil ad suavitatem, nihil ad amoenitatem possit desiderari. Sed, ut quam primum suavissimos hosce fructus degustes, degustatisque te expleas, haud te pluribus moror. Vale.

JOAN-

JOANNIS MARII MATTII  
*Brixiani,*  
 OPINIONUM  
 LIBER PRIMUS.

---

## CAPUT I.

*Archiatrus, Exarchiatrus, Exiatus. Loc-  
 cus Hesychii emendatus & expositus.*



*Libro x. Cod. de Excusationibus munerum:  
 Titulo XLVII. lege VI. extat epistula (a)  
 Imperatoris Constantini Aug. ad Vo-  
 lufianum. cujus initii haec sunt verba:  
 Medicos, & maxime Archiatros, vel  
 Exarchiatris, Grammaticos professores, & alios libe-  
 ralium literarum Doctores, una cum uxoribus & fi-  
 liis, necnon & rebus, quas in civitatibus suis possi-  
 dent, ab omni functione, & ab omnibus muneribus civi-  
 libus, vel publicis, immunes esse praecipimus.*

Jacobus Cujacius [*ad L. cit. Tom. II. Oper. pag.  
 756.*] maximus aetate nostra jurisperitus, Archia-  
 tros exponit, qui in aula Principis curant. Exar-  
 chiatros autem, qui dimissi sunt ex Palatio, sive  
 comitatu. In Comment. vero ad Pandectarum Ti-  
 tu-

(a) Imo vero extat ea in titulo *Cod. De Professoribus &  
 Medicis*, qui est LII. Libri x.

tulum *de Excusationibus*, Archiatros adpellari scribit, Romae tantum & Constantinopolis Medicos: quasi Principales Medicos.

Quod ad Archiatros pertinet, utraque Cujacii interpretatio eadem est & recta. Principales enim Medicos intelligit (ut etiam nonnulli alii faciunt) Medicos principis: non autem principes, excellentes, coryphaeos, ceterisque praefectos: quales sunt, quos vulgo nunc *Protophysicos*, aut *Protomedicos*, voce ex Graeco Latinoque vocabulo conflata, vocant. Ἀρχιάτρου (inquam) est τοῦ ἀρχοῦ ἱατροῦ: non ut in Ἀρχιερεὺς, Ἀρχέτυπος, & in reliquis ejusmodi vocibus: quae primum seu principem sacerdotem: & primum exemplar, primamque formam significant. Quod quidem vidit etiam vir doctus Joannes Brodaeus extremo suarum Adnotationum libro. [*lib. vi. cap. 30.*] Haud ita pridem legi apud novum scriptorem, cujus nomen memoria excidit, tradentem, in Epistula medica a quodam Vindiciano, quem auctorem non mihi contigit legere, Aesculapium Archiatrum ob excellentiam fuisse adpellatum. Apulejus quoque eundem Aesculapium medicorum principem praedicat, excepto tamen Hippocrate. Quod ad vocem *Exarchiatri* pertinet, nequaquam Cujacii interpretationi adquiesco exponentis, qui dimissi sunt ex Palatio sive comitatu. Ego cum scriptum videam apud Hesychium Ἐξιατρός, quod verbum de suo more verbo altero hoc Ἐκδυτικός exponit, valde impellor ad suspicandum: quemadmodum fuerunt ἱατροὶ & ἐξιατροὶ, sic Ἀρχιάτρου & Ἐξἀρχιάτρου potuisse esse, & debuisse. Dicit aliquis: quodnam fuit munus, quae functio, quaeve dignitas Exarchiattrorum istorum? Amplius quidem hic pronuncio. Neque enim est considerati  
ho-

hominis in re vetustate, & silentio historiae oblitterata confidentius quidquam statuere. Attamen munus Archiattrorum non potuit esse admodum dissimile muneris Exiattrorum: quorum, ex his, quae adferam, argumentis conicio has fuisse partes: ut essent tamquam praefecti aliis medicis: a quibus ipsi reposcerent quasi *ἐξετάσαι* aut censores medendi rationem. Namque Aristoteles *lib. III. Politicorum* [*cap. II. pag. 468. Ed. Paris. 1654.*] scribit: *ὥσπερ οὖν ἰατρὸν δεῖ διδόναι τὰς ἐνθύνας ἐν ἰατροῖς, οὕτω καὶ τοὺς ἄλλους ἐν ταῖς ὁμοίαις.* Hujusmodi exigendae rationi praefuisse puto hos, quos Hesychius *Ἐξιατροὺς* vocat. Itaque apud eundem esse corruptam vocem illam puto: quam expositionis loco subjungit *Ἐκθυτικός*: quando nihil aliud addens scribit. *Ἐξιατρός, Ἐκθυτικός.* quod vocabulum cum hic & alibi sit nulli rei, ego pro illo (si doctorum suffragium adcedat) ego (inquam) ab Aristotele admonitus, & quasi manu ductus libenter repone-rem, *Ἐνθυτικός*: parva admodum, & eadem verrecunda, & fortasse etiam legitima mutatione. *Ἐνθυτικοί* autem fuere, qui *ἐνθύναις*, id est rationem administrati officii reposcerent. Quod si *Ἐξιατροί* fuerunt *ιατρῶν* censores, sic, si *Exarchiatros*, sive *Exarchiatri* (ut est in verbis Imperatoris) censeamus habuisse in Archiattris eandem auctoritatem: etiamsi fallamur, excusationem tamen potius quam reprehensionem ab omnium aequitate debeat haec nostra juvandi voluntas exspectare. Si Cujacius probasset, *Exarchiatros*, sive *Exarchiatri* fuisse, qui ex Palatio, ut scribit, sive Comitatu dimissi essent, vel honoris ergo, tamquam veterani & emeriti, vel quavis alia honesta causa dimissi, facile concederem, dictos *Exarchiatros* esse ab Imperatore eo modo, quo Valerius Max. *lib. III. cap. 8.* de L. Crasso loquens dicit

dicat *Exconsule*, his verbis: *Nam, cum Exconsule provinciam Galliam obtineret. aut quomodo saepe est in libris legum, Exconsules, Expraetores; pro iis, quos antiqui dicebant Consulares Praetoriosque, qui aliquando Consules Praetoresque fuissent. Sed cum ille id non probet, nec, ut credo, probare possit, aequi iudices aequi boni faciant hanc opinionem nostram (a).*

## CAPUT II.

*Vir, Pinus, Palaemon, apud Virgilium:  
Gutta, Stilla.*

**L**onge argutior & mordacior erit sententia Virgiliani illius versus *Eclog. III. [vs. 7.]*

*Parcius. ista viris tamen obicienda memento.*

*Novimus & qui te.*

Si sic exponamus. Ut haec obicienda sint, tamen auctoritatem istam non sibi quisvisumat: sed qui purus ipse sit, moribusque & existimatione integer: quasi dicamus. Obicienda sunt a viris, non a te polluto, contaminatoque, & turpi libidine infami: quem novimus inter viros mulierem fuisse. Eadem *Ecloga. [vs. 53.]*

-- -- *Tan.*

(a) *Archiatři* non tantum dicti fuere, qui in principum comitatu eorum salutem curabant: sed etiam illi, qui in urbibus celebrioribus reliquorum medicorum scholae praeerant, eorumque controversias & contentiones componebant, ceu docuit Cl. *Heineccius ad Briffon. de Verb. Signif.* in voc. *Archiatros*; & ab eo citatus *Elegantiss. Menagius Amoenitat. cap. 35.* Hinc *Exarchiatři* eos fuisse crediderim, qui vel ex comitatu principis vel ab inspectione reliquorum medicorum missionem impetraverant: quod manifesto probatur ex particula *ex*, quae ejusmodi in vocibus ita fere semper adhibetur, ut quendam aliquo munere defunctum notet. Exempla congeffit *Briffon.* in voce *Ex. §. 7.* Ut immerito dicat *Matthius*, sententiam Cujacii probari non posse.

— — — *Tantum vicine Palaemon*

*Sensibus haec imis (res est non parva) reponas.*

Suetonius in libro de claris Grammaticis [cap. 23.] de hoc Palaemone sic scribit: *Adrogantia fuit tanta, ut M. Varronem porcum adpellaret. Secum natus & moriturum literas jactaret. Nomen suum in Bucolicis non temere positum: sed praesagiente Virgilio, fore quandoque omnium poetarum Palaemonem.*

In Eclogam vii.

Montanam silvestremque arborem esse Pinum norunt omnes. miranturque nonnulli, habitam esse a Virgilio domesticam & hortensem hoc versu. [65.]

*Fraxinus in silvis pulcherrima, Pinus in hortis.*

Sed praeter Virgilium etiam Vegetius lib. iv. cap. 34. admirationem temere susceptam docet, cum sic loquitur: *Ex cupresso ergo & pinu domestica, si-ve silvestri larice, & abiete praecipue Liburna contextitur.*

### C A P U T III.

*Aliquot Virgilii loca ex Georgicis adnotata.*

*Moesia, Mysia. Viscum. Abolere undis.*

*Quem, Qua, abundare. Tonsus.*

*Decotes. Exsuperabilis.*

**N**ullo tantum se Moesia cultu

*Factat: & ipsa suas mirantur Gargara messes.*

Cum duplex sit Mysia, una Asiae, altera Europae: jam pridem admonuit doctus Hermolaus Barbarus, utramque a Graecis *Mocia* scribi cum y in prima syllaba: Latinis aliter servantibus. quorum mos est Asianam Mysiam: Europeam vero Moc-  
S
siam



fiam adpellare. Ergo ego crediderim Virgilium fecutum morem ceterorum Latinorum in versu supra citato [*Georg. I. vs. 102.*] Moesiam scripsisse: & de Moesia Europae, non de Asiana intellexisse, quidquid aliter tradant Virgilii eo loco interpretes. Est namque vero propius, poetam voluisse rem augere exemplo feracitatis duarum provinciarum potius, quam unius. praesertim, cum prope τὸ αὐτὸ sit *Mysia* & *Gargara*. Etenim *Gargara* Troadis sunt: cui *Mysia* adeo conjuncta est, ut termini antiquis fuerint ambigui. Unde proverbium a Strabone libro XII. [*pag. 847.*] relatum, locum atque originem habet. Χαρις τὰ Μυσῶν, καὶ τὰ Φρυγῶν ὀρίσματα διορίσασθαι χαλεπὸν. *Mysorum*, & *Phrygum terminos certos constituere difficile*. Sic enim malim vertere, quam quomodo Erasmus fecit. qui existimans Trimetron Iambicum esse cum hemistichio, ipse addens ex ingenio verba aliquot, sic interpretatur.

*Sunt separati Mysiorum termini.*

*Phrygumque: sed finire perquam est arduum.*

Certe locus apud Strabonem sic, ut a me est relatus, diserte scribitur sine ulla mensura Trimetri. Felix porro praedicatur a feracitate utraque Europea atque Asiana Provincia. Itaque Philostratus in Heroicis [*cap. 2. §. 14.*] Mysos Asiae praedicat: Ἀρισα ἡ πειρωτῶν πρᾶττοντας. Solinus de Moesiis Europeis (duplex enim est Moesia Europae, ut etiam Mysia Asiae) sic scribit. [*cap. XXI.*] *Mox Moesia: quas majores nostri jure Cereris horreum nominabant.* Mysi praeterea Asiae fuere coloni Moesiorum Europae, auctore Strabone, cum alibi, tum lib. VII. [*pag. 453.*] his verbis. Οἱ τοίνυν Ἕλληνες τὰς Γέτας Θράκας ὑπελάμβανον. ὅκουν δ' ἐκάτερα τοῦ Ἰσσευ καὶ αὐτοὶ καὶ οὗς νῦν Μύσους καλεῖσιν. ἀφ' ὧν ὠρμήθησαν, καὶ

καὶ οἱ νῦν μεταξὺ Λυδῶν καὶ Φρυγῶν, καὶ Τρώων οἰκοῦντες  
Μυσοί. Sed haec haecenus.

In eo versu [139.]

*Tum laqueis captare feras, & fallere visco.*

Ibi *viscum* pro *rete* ponitur. Ad id probandum nihil de meo addam. Tantum adponam Nonii verba [pag. 498. inter Gothofredi Auctor. L. L.]: ne decipi nos sinamus a Servio, atque ab aliis interpretibus de aucupio hic, non de venatione male accipientibus. *Viscum positum pro rete a tenacitate.* Var. Parm. *Lepusculi timentes hoc quadrangulum Dedit Diana, rete nexile, ἄρνας, Viscum, fagenam, lineamque compedem.*

Libro ejusdem Virgilii operis III. [vs. 559.]

*Nam neque erat coriis usus. nec viscera quisquam  
Aut undis abolere potest, aut vincere flamma.*

Interpretes exponunt secundum versum, *Nec lavari, nec coqui poterant.* Quid? si nos intelligamus & explanemus viscera extinctarum ea lue pecudum neque coqui ferventibus in aheno aquis (elixa vocant) neque flammis assari, & in veribus torreri poterant. Inde carnes assae. Quorsum enim laves viscera, si non esui pares? Certe etiam legumina madescere dicuntur, quae facile coquuntur.

Libro IV. [vs. 6.]

*In tenui labor: at tenuis non gloria: si quem  
Numina laeva sinunt.*

*Quem*, ibi paret con est: ut non semel apud eundem poetam legere est, *qua..*

Eodem libro. [vs. 277.]

———— *Tonsis in vallibus illum*

*Pastores, & curva legunt prope flumina Mellae.*

Exponunt interpretes alii: *Tonsis*, *apricis*. alii: *Non silvosis. unde econtra est, Intonsi montes.* Ego

vero interpretor densis, herbofis, vestitis, virentibus. Ipseque sibi est interpres Virgilius eo versu lib. I. *Aenëidis* [vs. 706.]

— *Tonsis*que ferunt mantilia villis.

Ubi sine dubitatione vox haec *Tonsis* accipienda est pro novis & pexis, id est, quibus villi usu non sunt detriti. Contra togae, quibus vetustate, usu, atque habendo pili sunt detriti, *Decotes* appellantur, auctore *Festo* [in voc. *Decotes*.]

Hoc, quod additurus sum, parergon quidem est: praeterire tamen non debeo. Florem, de quo loquitur Virgilius [*Georg.* IV. vs. 271.], & cui a Mella flumine agri nostri Brixiani agricolae nomen fecere *Amellum* vocantes, existimari ab auctore Glossarii veteris [inter *Glossaria Vulcanii* p. 15.] esse, quem Graeco vocabulo *Melissophyllum* dicimus. Sic enim scribit: *Amellum*, Μελίφυλλον. Ego, cum intelligam, *Melissophyllum*, sive *Melissophyllum* sive *Melittenam*, esse Latinis *Apiastrum*, quod apibus sit gratum, videamque hoc nostrum *Melissophyllum* nihil habere adfines descriptioni Virgilianae (est autem hortense olus, quam *Melissam* pharmacopolae vulgo vocant) statuo hic nihil, neque litem meam faciam. Ceterum de bono malove auctore ego emerim, cum Glossarium citavi, judicent alii.

Lib. III. ad illum versum. [39.]

*Immanemque rotam, & non exsuperabile saxum.* Servius sentit recte, qui active positam vocem hanc *exsuperabile* scribit. Q. quoque Claudius apud Agellium lib. XVII. cap. 2. in eodem sensu utitur. *Virum fortem & exsuperabilem Respublica sensit.* Sic Terentius Phormione. [I. 4. 49.] *Iustam & vincibilem causam* active dixit.

## CAPUT IV.

*Aenëidis Virgilii Actio una. De Poësi & Epopoeia. Virgilii gravis error. Horatium falli. Historiam esse fundamentum Epopoeiae & Tragoediae. Horatii versum male a Servio explicatum.*

*At, & Ast.*

Quae causae moverint Varium & Tuccam ad tollendum primos quattuor versus principii Aenëidis. & rectene id fecerint.

**I**nchoaverat Virgilius Aenëidem suam his verbis:

*Ille ego, qui quondam gracili modulatus avena  
Carmen, & egressus silvis, vicina coëgi,  
Ut quamvis avido parerent arva colono:  
Gratum opus agricolis. At nunc horrentia Martis  
Arma, Virumque cano: Trojae qui primus ab oris  
Italiam, fato profugus, Lavinaque venit  
Litora: multum ille & terris jactatus & alto,  
Vi superum, & saevae memorem Junonis ob iram.  
Multa quoque & bello passus, dum conderet urbem,  
Inferretque Deos Latio: genus unde Latinum,  
Albanique patres, atque altae moenia Romae.*

Duo hic mihi quaerenda proposui. Quae sit Actio Aenëidis; & unane sit, an duae. Deinde rectene Varius & Tucca primos quattuor principii versus de Virgilii principio amoverint. Obiterque inferemus quaedam a re non aliena. Temperare, ta-

men mihi non possum, quin prius vehementer admirer: neminem hactenus animadvertisse insignem errorem Virgilii: cui habenda erat in propositio-  
ne ratio non armorum & belli, sed viri tantum. praesertim cum admonitorem haberet Homerum, initium Odyssaeae, quod hic exprimit, sic ordientem: Ἄνδρα μοι ἔννεπε Μοῦσα πολύτροπον. Totum enim argumentum operis incumbit in, *Virum*: nam ridiculi sunt, qui hoc vocabulo, *Virum*, errores exponunt. Quod enim jus adfinitatis, aut vicinitatis est verbo *Virum* cum erroribus? Deinde Actiones duas Aenëidi tribuerent Bella & Errores; quae duo incommoda Aeneae quaerenti & adepto Italiam sunt exantlata: cum Poësis & Epopoeia unius tantum Actionis sit Narratio. Actionis quidem verbum nusquam isti nominant: quod faciendum fuit. Nec obliteratione primorum iv. versuum remedium ullum est adlatum peccato huic. remanet enim τὸ *Arma*: quae vox omnino superat hic, ut dicetur. altiusque quiddam spectaverunt Varius & Tucca, animum ad Actionem intendentes. Cujus virtus nisi sit cognita, totus hic impensus labor est inanis. Est autem Actio quasi anima poematis. eaque unicuique poemati una. ut ridiculi sint, qui, cum Aenëis sit Narratio adventus Aeneae a Troja in Italiam per imitationem, duas Actiones Aenëidi adplicent, quando *Arma* Bella, & *Virum* Errores interpretantur. cum Epopoeia sit unius (ut dictum est) tantum Actionis Narratio per Imitationem. Nec intelligunt isti, hoc facto se duplici crimine Virgilium poetam eminentissimum onerare, Desertoris scilicet, & Contemptoris. Desertoris, quod ab exemplo Homeri discederet, qui est

*Helice, & clari Septemtriones.*

*Quo fidunt duce*

omnes

omnes prudentes poëtae: & a cujus poëmatis Plauto & Aristoteles conscribendae, atque adeo constituendae artis poëticae praecepta hausserunt. cuiusque ipse Virgilius toto suo poëmate est sedulus imitator & aemulus. Contemptoris vero doctrinae utriusque Platonis & Aristotelis: qui unius tantum Actionis cantorem esse volunt Epicum poëtam. A quo utroque crimine Virgilium pro viribus vindicare in animo est. Sed operae pretium est prius praefari paucula de Poësi & Epopoeia: in qua principem inter Latinos poëtas locum Virgilio omnes tribuimus meritissimo. Ita hoc jactio tamquam fundamento, fidentius & certius inaedificari poterunt, quae intendimus reliqua.

Definimus autem primum Poësim esse Narrationem unius Actionis per Imitationem cum suavi oratione.

Epopoeiam vero, heroico carmine Actionis unius Narrationem per imitationem cum delectatione. (a)

Quae definitiones si verae sunt, ut certe sunt, quemadmodum demonstrabimus, sequitur, bono Epico poëtae (quamquam tamen Tragicus & Comicus idem sequuntur) unam tantum, & quidem unius Actionem in uno Poëmate esse tractandam. Praeter exemplum Homeri in utroque opere, ut ostendemus paullo post, praecipit etiam Aristoteles id esse faciendum in his, quae sola ex multis, quae edidit de Poëtis & de Poëtica, nunc supersunt sive seorsum scripta interrupte praecepta: sive fragmenta libri amplioris: qui perierit, sive commentarii provisi ad confectionem plenioris & considerationis operis: sive ex pluribus scriptoribus

(a) Hic in margine primae editionis habebatur. *Poterat omitti, cum delectatione.*



bus adnotati loci: five liber est dicendus: qui nunc studiosorum manibus teritur, doctissimorum aetatis nostrae virorum acutissimis expositionibus illustratus. Ibi ille philosophus (ut ex pluribus libri illius conlatis locis conligitur) sentit, Poësim esse unius Actionis imitationem. Quam doctrinam secuti sunt ex antiquis Strabo *lib. i.* [p. 29.] & Plutarchus de Audienda Poëtica [Tom. II. p. 17.] ex novis universi (quos quidem meminerim legere) qui materiam hanc tractaverunt. Plato *lib. III.* de Republ. [p. 298. Ed. Stephani.] id ante illos senserat, praedicans fieri non posse, ut quicquam multa, sicut unum recte imitetur: excidereque universis, qui multa sit conatus. scripserat, inquam, Plato idem, sed cum additamento vocabuli *Narrationis* prorsus necessario, tradens: Epicos poëtas *Narrationem* per imitationem facere. Quam sententiam cur Aristoteles & reliqui non sint secuti, justae causae sunt, cur mirentur docti. Primum Homerus, quem cum universi, tum uterque Plato & Aristoteles meritis laudibus saepe extollunt, exemplo suo docet, *Narrationis* verbum in definitione Poësis esse necessarium: & sane quid aliud est in *Odyssæa* ἐννεπε, & ἐπὲ, nisi *Narra*? Quid in *Iliade* αἶδε, nisi *cane* & *narra*? Quid aliud idem in *Odyssæa*, nisi historiam reditus Ulyssis a Troja in Ithacam? In *Iliade* historiam irae Achillis ad Trojam per Imitationem narrat? Omnino Epopoeius (quod & Tragico propositum est) argumentum sumit ex veritate, ipso Aristotele idem docente. Strabo quoque *lib. i.* [p. 38.] cum pluribus verbis in hanc sententiam disputavit, tandem sic concludit. Ἐκ μηδενὸς δὲ ἀληθοῦς ἀνάπλειν καὶ νῦν τερατολογίαν οὐκ Ὀμηρικόν. Tum si Epopoeius habet historiam sui poematis fundamentum, ut diximus,

&

& alibi etiam dicetur cum aliquo utili corollario, illi etiam propositum esse debet sequi (quantum artis & fabulae ratio patitur) naturam historiae. Historia autem, ut verbum ipsum *ἱστορίω*, unde nomen habet, declarat, Narratio est rerum gestarum. Itaque egregie Suidas Epopoeiam exponit esse metro heroico scriptam historiam. Quid? Epopoeius est ne totus semper in imitando occupatus, ut Tragicus & Comicus? Minime vero. immo frequenter ille ipse ex se ipso loquitur, sicut est omnibus manifestum. Ut non fuerit statuendum, in Imitatione tantum versari debere Epicum poëtam. Tanta autem est vis veritatis, ut ea Aristotelem ipsum adigat non semel Poësim *διήγησιν* & *ἐπαγγελίαν* appellare. Ubi etiam agit de differentia Epopoeiae atque Tragoediae [*de Poët. cap. 24.*] sic scribit: *Ἐν δὲ τῇ ἐποποιίᾳ, διὰ τὸ διήγησιν εἶναι.* Ex his igitur universis, quae diximus, satis adparet, *Narrationis* verbum in definienda Poësi esse necessarium.

Sed ad ea, quae de Actione Aenëidis inchoaveramus, aliquid amplius addamus omnino non omitendum. Unde scilicet historiae narrationem ordiatur Virgilius, cum aliquot aliis scitu dignis rebus.

Si igitur Poësis & Epopoeia est unius Actionis narratio, ut dicebamus, ergo pariter unum tantum argumentum in Aenëide, & unam historiam agnoscere debemus: quae est Narratio, ut diximus, adventus Aeneae a Troja in Italiam per Imitationem. Cujus tamen propositio non pauculis illis verbis: *Arma, Virumque cano*, sed universis xi. prooemii versibus primis continetur, & significatur. Quod ab Homero in Odyssæa factum viam Virgilio sedulo imitatori ad sequendum monstravit. Quamquam autem uterque Homerus, & Virgilius in exordio promittit initium Actionis, ille Odyssæae,

seae, hic Aenëidis statim ab exscidio Trojae (hoc enim interposuisse confert non parum) tamen neuter Narrationem incipit ilico ab habitu a Troja: sed ille a discessu ab Ogygia Calypsonis insula Ulyssis: hic exemplo Homeri, & arte Epopoeiae magistra, quae non ab ultimis initiis, verum prope ab extrema historia docet Actionis principium poëmati dare, a Sicilia Aeneae, ultimo scilicet utriusque errorum anno fabulam inchoat. Ut vero nota esset reliquarum ingentium aerumnarum historia, quas aerumnas per tam longum tot annorum spatium post discessum a Troja uterque heros hactenus pertulisset, commodam amplamque narrandi occasionem dederunt adcensi desiderio noscendi reliqua universa Alcinous Corcyrae Ulyssi: Dido Aeneae Carthagine. Ita tum demum ad initium rediens sic orditur Ulysses. *lib. IX. [Odyss. vs. 37. seqq.]*

Εἰ δ' ἄγε τοι καὶ νόστον ἐμὸν πολυκηδέ' ἐνίσπῃ.

\* Οὐ μοι Ζεὺς ἐφένκεν ἀπὸ Τροίηθεν ἴοντι.

Aeneas quoque *lib. III. [vs. 9. seqq.]*

*Et pater Anchises dare fatis vela jubebat.*

*Litora tum patriae lacrimans, portusque relinquo,*

*Et campos, ubi Troja fuit: feror exsul in altum*

*Cum sociis, natoque, Penatibus, & Magnis Dis.*

Haec pluscula interposui: quia non satis mihi probat sententiam suam Castelvetro acutissimus Aristotelis Poëticae interpres. qui conatur demonstrare, Actionem Odysseae non a Troja, sed ab Ogygia: & Aenëidis non a Troja, sed a Sicilia inchoare. Quod cum facit, ut alia incommoda si leantur, contraria prorsus propositioni utriusque poëtae tradit: qui diserte a Troja inchoare se testantur. Nos, ne cum Castelvetro dicamur inanes acuminis & doctrinae rumusculos aucupari: & velle

velle videri vidisse plus in negotio alieno, quam principes poëtae viderint in suo, conservemus Homero reditum Ulyssis a Troja in Ithacam, Virgilio discessum Aeneae a Troja in Italiam: historiam apertissime ab utroque poëta in suis prooemiis promissam, & in narrando per totum opus egregia cum fide persolutam.

De Actione diximus. Nunc causas perquiramus & expendamus: quae Varium & Tuccam moverunt ad tollendum de principio prima quatuor prooemii carmina. Magnas gravesque fuisse causas eas necesse est, quae tantos viros ad id audendum compulerunt; quasque hactenus vidit nullus: certe protulit & explicavit nemo. Arduum etiam est, & fortasse temerarium, de sensu & iudicio cujusquam, ex tanto intervallo, nullis praesertim exstantibus facti iudiciis judicare. Magnas, inquam, & graves oportet fuisse causas, quae viros illos moverint ad suscipiendam illam mentem & voluntatem: cujus impulsu uterentur adeo severa ratione curandi, ut statim in ipso limine Virgiliani libri, & in ipso initio operae atque animadversionis suae expedienda sibi judicaverint horrenda & dira ferramentorum ministeria: & (quemadmodum οἱ τῶν ἰατρῶν παῖδες in desperatis membrorum morbis consueverunt) sibi ad sacram chirurgiae anchoram adcurrentum statuerint: hoc facto judicantes, nulla alia ope, nisi resecto capite laboranti principio succurri posse. Haec quidem ita se habent, tamen mihi videor excogitasse pulchram, gravem, & fortasse germanam & certam facti causam, quam ego diu tectam & tacitam occultare amplius & filere non debeo. estque haec.

Non probaverunt in principio operis, periti artis poëticae, excellentes ipsi poëtae L. Varius, &  
Plo-

Plotius Tucca professionem praedicationemque personae auctoris Aenëidis. Norant Epopoeiam δραματικὴν potissimum esse: & in imitatione maxima ex parte versari, & consistere: & per indutas personas narrando fabulam peragere. Itaque Demetrius de Homeri Iliade loquens δρᾶμα illam nominabat. Norant, inquam, Poëtam raro immiscere se: nec fere nisi prooemii, & implorandi numinis, & conjungendi caussa inductarum personarum conloquia ipsum loqui. Hinc frequentissimum, & ignaris poëticae artis immerito odiosum illud apud Homerum, τὸν δ' ἀπαμειβόμενος. Laudaturque idem Homerus hoc nomine etiam plus ceteris: & magis poëtam, quam reliquos in hac quoque parte esse Aristoteles [*de Poët. cap. 13.*] praedicat. ut inepte cum Servio apud Virgilium [*Georg. II. vs. 475.*] illi faciant: qui versum illum [*45.*] Horatii in Epistula ad Pisones

*Hoc amet, hoc spernat promissi carminis auctor.*  
exponunt: poëtam debere iudicium sensumque suum re vel probanda, vel damnanda ostendere. quorum opinio prorsus est rejicienda: quippe quae imitationem maxime imminuat. Si ergo (ut ad propositum revertar) offendit, & ab arte discedere judicatur poëta, cujus persona frequenter & ultra illas occasiones, quas narravimus, loquitur, quanto evidentius graviusque peccat in Epopoeia ille, qui se profitetur, & indicat? & poëmatis auctorem praedicat? quam rem facit hic Virgilius his primis versibus:

*Ille ego, qui quondam gracili modulatus avena  
Carmen, & egressus silvis, vicina coëgi,  
Ut quamvis avido parerent arva colono:  
Gratum opus agricolis. At nunc horrentia Martis  
Arma, virumque cano.*

quo



quo genere gloriandi etiam utitur in fine Georgiorum, sic canens:

*Illo Virgilium me tempore dulcis alebat*

*Parthenope studiis florentem ignobilis ocI.*

Certe Homerus in tam longo utriusque fabulae carmine, aut alio, quod meminerim, poëmate numquam, ne nutu quidem se indicat: nedum auctorem poëmatum prodat: nisi forte in se jocatum esse velimus credere eo versu. [172. *Hymni in Apollinem.*]

Τυφλὸς ἀνὴρ, οἰκεῖ δὲ Χίῳ ἐνὶ παιπαλοέσσῃ.

Hinc illa Varii & Plotii ad nostrum poëtam chirurgica ἐπικουρία. hinc illa capitis amputatio. At, obiciat aliquis: non solus, neque primus Virgilius hoc fecit. Orpheus apud Graecos in suis Argonauticis quoties se ostendit & canit? Ovidius apud nostros, & certatim postea alii multi testimonio se suo legentibus produnt.

*Nil agit exemplum, litem quod lite diremit.*

respondeo ego. Deinde rationibus, non auctoritatibus in hujusmodi disceptationibus est pugnandum. ne fileam, esse quidem Orphei nomen apud Graecos maxime celebre, & cum veneratione cantatum. qui tamen testimonio Dionysii atque Aristotelis nusquam umquam fuit. Et quae Orphei nomine circumferuntur scripta carmina, ea ad alios certos referuntur auctores. quorum, aut cujusvis alterius praesertim deterioris κόμματος adlatum testimonium non potest Epopoeiae verecundiae necessariam imitationem vel tantillum labefactare. Ex his adlatis rationibus constant caussae sublata a Varro & Tuca principii Aenëidis.

Statuamus igitur, quoniam Homerus, qui est exemplar Epopoeiae, fabulas perpetua (quantum quidem natura ipsius Epopoeiae patitur) imitatio-  
ne



ne peragit : neque umquam se nomine aut indicio alio ullo ostendit : quoniamque illi poëtae maxime commendantur, & boni poëtae praedicantur, qui ad rationem poëmatum Homeri sua poëmata maxime conformant : quoniamque hac in parte Virgilium vel neglectione, vel imprudentia, vel iudicio recessisse praedicatione sui nominis ab Homeri exemplo & a doctrina Platonis atque Aristotelis, & ab artis Epopoeiae ratione Varius & Tucca animadverterunt, idcirco quattuor illos versus jure sustulerunt primos. Illud sane miror, non eadem esse usos animadversione in pari Virgilii licentia, cum alibi fortasse, tum in illis versibus, qui nunc occurrunt : quos ex persona poëtae ipsius, non ex persona ficta dictos, ut adponam argumentum hujus disputationis omnino postulat. *Libro igitur IV Aenëidis* [vs. 65. seqq.] sic est.

*Heu vatium ignarae mentes : quid vota furentem,  
Quid delubra juvant ?*

*Eodem lib.* [vs. 408. seqq.]

*Quis tibi tum Dido cernenti talia sensus ?  
Quosve dabas gemitus ? cum litora fervere late  
Conspiceres arce ex summa ? totumque videres  
Misceri ante oculos tantis clamoribus aequor ?*

*Lib. VII.* [vs. 733. seqq.]

*Nec tu carminibus nostris indictus abibis  
Oebale.*

*Lib. IX.* [vs. 446. seqq.]

*Fortunati ambo, si quid mea carmina possunt,  
Nulla dies umquam memori vos eximet aëvo,  
Dum domus Aeneae Capitoli immobile saxum  
Adcolet, imperiumque pater Romanus habebit.*

*Lib. X.* [vs. 185. seqq.]

*Non ego te, Ligurum ductor, fortissime bello,  
Transferim, Cygne : & paucis comitate Cupavo.*

Eo-

Eodem lib. [vs. 791. seqq.]

*Hic mortis durae casum, tuaque optima facta,  
Si qua fidem tanto est operi latura vetustas,  
Non equidem, nec te juvenis memorande filebo.*

Eodem lib. [vs. 501. seqq.]

*Nescia mens hominum fati, sortisque futurae,  
Et servare modum, rebus sublata secundis.  
Turno tempus erit, magno cum optaverit emptum  
Intactum Pallantæ, & cum spolia ista, diemque  
Oderit.*

Omnibus, inquam, in his locis hi versus censuram eandem meruerunt: quoniam nullam imitationis ne umbram quidem, sicut nec illi primi, habent. Sed fortasse emicans splendor orationis opportune ac decenter a longa imitatione alio conversae visa est L. Varro, & Plotio Tuccae digna dissimulatione & venia. Certe, ut Smaragdus in pala aurei anuli pulchritudinem reddit pleniorē & blandiorē, ita ibi eae conversiones quantum studia legentium aut audientium expergefaciunt, excitant, & tollunt? & mistura privati poetæ sensus quantum adficit animos jam per se ipsos dolore aut laetitia commotos? ut quantum a praescripto artis hac libertate atque audacia sit recessum, tantum ornamenti, adcessionē hujus Veneris & Gratiae sit ad Orationem additum. optima igitur ratione (quamquam quomodo optima, ubi uritur aliquid aut secatur? &, si mala est medicinae curatio, ubi aliquid naturae perit, certe illa pessima, ubi capiti) sed tamen optima ratione Varius & Tucca amoverunt primos quattuor versus, alienam ab imitatione Epici poetæ professionem & ostentationem sui indicati nominis continentes. optima (inquam tertio) ratione: si ubique voluissent, aut potuissent, aut admoniti essent idem praestare. eo  
aut

aut consilio, aut facultate destituti debuerunt, ibi nihil audendo, suum poëtae iudicium relinquere. Haec est mea de facto Varii & Plotii in hac parte opinio. Quod ad duas illas voces adtinet, *Arma Virumque*, persevero in sententia: vocabulumque *Arma* supervacuum omnino: & in duplici actione promittendo peccasse poëtam, iudico.

Amplius superpondii loco addamus. Ab eadem, qua Virgilius, forma dicendi orsus est incertus ille poëta: quem Horatius a connexa continuataque inter se plurimorum librorum, & idem fortasse argumentum habentium congerie *Cyclicum* adpellat [*Art. Poët. vs. 136.*]

*Fortunam Priami cantabo, & nobile bellum.*

Etiam parvae Iliadis auctor, qui Stasimus putatur, simili exordio est usus.

*Ἰλίων αἰείδω. καὶ Δαρδανίην ἑρατεινήν.*

ut non adimendum sit idem jus Virgilio, quod Cyclicus ille & Stasimus multo ante sibi sumpserunt. praesertim cum in Virgilii versu verecundia sit illustrior: qui duobus tantum verbis his, *Arma Virumque*, rem unam demonstrat: illi incisus binis.

Quod adtinet ad confirmandum, unam tantum esse actionem Aenëidis, ad hoc testimonium etiam dicunt veteres graves poëtae. (Propertium excipio: qui personam & rem conjungens, tradensque, non quid facere debuerit, sed quid fecerit Virgilius, sic scribit. [*lib. iv. Eleg. 25. vs. 63.*]

*Qui nunc Aeneae Trojani suscitatur arma.*)

Sulpicius Apollinaris. [*in Pitboei Catal. Lib. 2. p. 57.*]

*Fusserat haec rapidis aboleri carmina flammis  
Virgilius, Phrygium quae cecinere Ducem.*

Cornelius Gallus Virgilii jucundus sodalis. [*ibid. p. 58.*]

*Sed*

*Sed vetuit relegi, si tu patiere, libellus:*

*In quibus Aenean condidit ore sacro.*

Ecce hic utrobique de Armis nihil: de Viro omnia. Ne illa quidem opis Musae imploratio *lib. vii.* facta est a Virgilio ad novi vel diversi operis exordium significandum. Sed quia majora superioribus opera tractanda sequebatur, quorum expositio etiam propter vetustatis longinquitatem, & propter varios, obscurosque casus & eventus ad explicandum; atque fidem & auctoritatem comparandam humani ingenii atque industriae vi, atque acumine visa est altior atque impeditior, idcirco versibus illis, qui supra positi sunt, subsidium poscit a Musa exemplo Homeri: cui ad recensendum nomina & numerum navium, ducum, & copiarum, negotium multiplex, varium, & vetustate prope oblitteratum, ad opem numinis confugiendum fuit plusculis versibus: quorum initium est.

\* *Ἐσπετέ νῦν μοι Μοῦσαι Ὀλύμπια δώματ' ἔχουσαι.*  
quem morem saepe toto opere usurpat uterque poeta in narrationibus visis opem humana ope instructiorem postulare.

Quod ad duas illas voces adtinet, *Arma, Virumque*, persevero in sententia: vocabulumque, *Armā*, supervacuum omnino iudico.

Cum haec commentarer, forte accidit, ut Antonius Trottus Bentivolius patricius Alexandrinus domum ad me salutandi & visendi gratia veniret: quod facit ille saepe grata recordatione memoriam conservans meae in se erudiendo diligentiae: dum stipendia disciplinae nostrae cum laude & feliciter adolescens mereret. Serit ille varios mecum sermones: & cum maxime se a me adtentē audiri animadvertit, tunc a proposito data opera defle-  
ctens, laudare se ait omnem vitae meae rationem;

una re excepta. abutēris, inquit, Matti modestia: & in ea adhibenda extra modum nimium quantum exsilis & prodis: quasi consulto id facias: quo probes, non satis recte sentire Romanae eloquentiae atque sapientiae principem: qui nullam in modestia, quae est reliquarum virtutum omnium gratissimum temperamentum, exsuperationem agnoscit: cum aliae omnes virtutes medium sint inter duo extrema vitia. Dicam ἀμαθέςτερον, καὶ σαφέςτερον. Tu in utenda amicorum liberalitate modum adhibes adstrictum nimis & parcum; raroque, & quasi refugiens, ad tui cupidissimos adcedis. Abige quae-  
so ingratam mihi contationem istam, & inutilem verecundiam hanc jube, aliquando tandem longius valere: & quae sunt facultatis & virium mearum, omnia tibi ex locupletissimo penu meae voluntatis juvandi tui ample & audacter prome. Laudis ego avidiusculus sum: fateor enim ingenue verum. Eam, si fortunas meas putabis tuas, &, si illis libere frequenterque uteris, hauriam ex sincerissimo fonte largitatis mihi natura ingenitae, & usu auctae. Nulla est magis certa nec magis compendiar-  
ia ad gloriam via, quam benefaciendi. Haec, & hujusmodi multa saepe mecum non gloriose & jactans, sed sentiens, disputat Trottus graviter & docte: edens interdum signa dolentis animi, si quem sibi in desiderio gloriae certare animadvertat. ad quam semper spectans per parentis & patruī, Excellentissimi & Sanctissimi viri, Guarnerii Trotti Bentivolii, hujus civitatis Episcopi, & reliquorum majorum vestigia pleno gradu alacriter incedit: quorum in sanctiore Larario, & per ampla atria expositas habet imagines: in quas intuens ad eorum exemplum se fingit & format. Et fortasse paucae hic familiae sunt (ut Bacionos, Capuanos,  
Fer-



Ferrarienses, Florentinos, Fossanenses, Mediolanenses, Neapolitanos, Placentinos, Taurinenses, universos a Castellatio Alexandriae oppido antiquo, & propter pomoerii amplitudinem & incolarum frequentiam urbis instar, oriundos praeteream) fortasse, inquam, hic in urbe plena nobilium exemplorum, tot probitatis, doctrinae, innocentiae, honorum, dignitatum, & imperiorum insignia ostentare possunt. quorum omnium virtutes, & res magnifice gestas persequi scribendo operae majoris, & ocii, temporisque diuturnioris impensam postularet. Attamen Guarnerium Trottum Bentivolum Praesulem nostrum universi vos novistis, qua integritate, Deus bone? qua doctrina? qua sanctitate? qua innocentia hominem?

Nondum agitur octavus annus, peracto censu a Quaestoribus Regiis, relata sunt equitum gravis armaturae inventa capita LX. ex gente Trotta. Vix singulae civitates, severa exactione, turmam unam possunt conficere. una gens Trotta duas dedit.

Ominemur bene manibus Facini Canis: qui capta per prodicionem Alexandria ingentem ubique, sed insignem in familia Trotta stragem dedit, imitatus Joannis Narbonensis Comitis Armeniaci facinus, qui paullo ante idem, sed re infecta, tentaverat. Quippe cujus universus exercitus Jacobo Verminensi duce ab Alexandrinis, ante urbis moenia, aequo & aperto campo, ducentibus copias Trottis, quas multas & bellicosas coegerant ex clientelis, quae illis fuerunt in patria, & alibi, captis Ducibus occisione occisus est.

Ex hac gente ab hinc CD. annis, & amplius, exstiterunt tota Italia plurimis annalium atque historiarum monimentis celebrati, Jurisperiti ab omnibus Italiae gymnasiis certatim ad se magnis praemiis vocati,



Oratores, Philosophi, Scriptores in omni idioma-  
te & facultate docti & eloquentes, Magistratus,  
Centuriones, Tribuni militum, equitum gravis &  
levis armaturae Praefecti, magnarum copiarum  
Duces, amplissimarum tota Italia civitatum Recto-  
res, Supremi cum imperio & potestate exercituum  
Imperatores, Episcopi, Archiepiscopi, Hieroso-  
lymitani atque aliorum ordinum & religionum E-  
quites, Comites, Proreges, Principum ac Regum  
Vicarii, Procuratores Regii a Gallis Mareschal-  
chi adpellati, a Secretis, & Consiliarii, Legati ad  
maximos Reges, Respublicas, Imperatores, &  
Pontifices Max. Reginaldi, Petri, Roberzoni,  
Francisci, Andreini, Gabrieles, Joannes Gallea-  
cii, Boni Joannes, Antonii, Andreae, Baptistae,  
Galleacii, Facini, Garganifii, Marci, Baldassa-  
res, Bernardi, Joannes Aloysii, Aloysii, Luchi-  
ni, Bernardini, Friderici, Nicolai, Alberti, E-  
manueles, Matthaei, Joannes Augustini, Camil-  
li, Sfortiae, Joannes Baptistae, Ludovici, Guar-  
nerii, Alexandri. Ad reliquorum veterum Trot-  
torum enumerationem, qui alicujus virtutis laude  
nomen sunt consecuti, libenter adcederem. sed  
videor videre, sisti mihi ante oculos centum capi-  
tum beluam: ad quam domandam & conficiendam  
imploranda est opera atque auxilium Iolai mei Gu-  
lielmini Schiavinae, Sacerdotis Canonici fanī Max.,  
cum omnis historiae, tum in primis Alexandriae  
patriae suae scientissimi. Ille pro sua in me bene-  
volentia & observantia (fuit enim alumnus Scho-  
lae meae) gratiam hanc, sed ad finem, me li-  
bente, &, ut sic fiat, postulante libenter inibit.  
Interea ego hic aliquot viventes recensebo; quam-  
quam de iisdem cum multis aliis in fine mentio ite-  
rum habenda est.

Floret nunc Antonius Trottus Bentivolius Fre-  
sonariae Dominus: de quo supra diximus, & paul-  
lo post latius dicemus.

Est cum fratre Comes Ludovicus Trottus Bentivolius virtutibus morum atque naturae ornatissimus, magnificentia & animi altitudine magnis re-  
gibus comparandus: qui tunc se diem perdidisse do-  
lens praedicare solet, in quo non aliquem re aut  
opera sublevarit sua.

Clarus est in scientia & exercitatione armorum  
Galleacius pater, & Aloysius filius Trotti Benti-  
volii, qui Philippo Regi invicto fortissimis nunc  
Italorum, nunc Germanorum copiis, omnibus in  
bellis, ubicumque illa gerantur, Tribuni militum  
strenuam, fidelemque operam navant.

Albertum occupat res non tam familiaris, quam  
publica: quam non habet fortunis suis inferior-  
rem.

Aymonetus Trottus veteranus centurio, qui  
multis emeritis stipendiis, annis & auctoritate vir-  
tute parta gravis incedit.

Alexander in subalpinis Liguribus contra Sabau-  
dienses, qui seditione facta ab Duce Carolo Eman-  
uele, sumptis armis rebellaverunt, secutus fi-  
dem Amadei Valpergae Comitissae Masini mei ve-  
teris patroni stipendia cum honestis titulis meret.

Lucianum Dux Sabaudiae intellecta ejus in ar-  
mis prudentia & robore ad se evocavit, honore &  
stipendio centurionis decoratum.

Antonius, Joannis Augustini filius, gravis ar-  
maturae Eques.

Franciscus Bernardinus, gravis armaturae Eques.

Alexander Juris peritus in curia & foro operam  
praestat assiduam & fidelem.

Joannes Nicolaus Juris peritus, Latine Graece,  
T 3 que

que eruditus, qui Musam Homeri docuit non minus Latine, quam Graece canere, fortunas suas saepe adcusat: quarum procuracione interdum a studio doctrinarum, quas a puero adamavit, invitus & maerens abstrahitur.

Multi quoque alii se mihi offerunt. sed fidei meminisse debeo, quam initio dedi, cum brevitatem promisi. Attamen injurius mihi ipse sim, nisi cum Joanne Baptista filio Jureconsulto semper in honestissimis advocationibus occupato, cui a puero senilem auctoritatem singularis prudentia comparavit, Camillo patri Mediolanii Regio Senatori, ornamento & columini sanctissimi illius ordinis, ad quem per omnes gradus duce virtute, conscendit, Musarum patrono, meique amantissimo hic in fine recensitionis honestissimum locum tribuam. Consulto sedem hanc illi reservavimus, imitati peritissimorum Ducum consuetudinem: qui fortissimo cuique militi postremum in acie assignant locum.

Claudat igitur Camillus Castellacius Trottus, tamquam Triariorum Primipilus, nobilissimum Trottorum agmen. ominemurque & precemur: ut, quem honorem illi virtus ambit & parat, eum vivente & laetante Mattio consequatur. Sed ad Antonium revertamur.

Ille in animadversione mea in primos iv. principii Aenëidis Virgilii Versus, quos egere conrectione dicebamus, quantum specimen doctrinae & iudicii dedit? Ubi laudata & probata prius opera & sensu meo lamentari graviter coepit & miserari iniquam sortem Virgilii: cui, sicubi forte laborare videatur; statim curiosi atque acres animadversores plurimi insurgant: qui non contenti suo iudicio (illudque plerumque praeceptum est, & te-  
me-

merarium) aliis etiam indicant & produnt. cum interea patronus & adiutor adparet nemo. nemo opitulatur, nemo poëtae causam suscipit. Tu autem, Matti, tantus tanti poëtae admirator & praedicator non ades? non illum delicias tuas defendis & foves? An miserari satis est, securum reliqui? quin tu totius mentis atque animi intentione cogita & excogita. Tentatum quidem caput est à graffatoribus, non abscisum tamen. nec jacet omnino exsangue & exanimatum cadaver. Spiritus inest. spes sit. Tu, si forte provincia ista fidei & iudicio mandetur tuo, quid hic agas? quid consilii capias? Ecquid audeas tua cura dignum? dignum poëta? dignum tuo in illum studio, & caritate? nihil, ἢ δ' ἔγωγε, post tot saecula, & post tot doctorum virorum hic conniventes (ne graviore verbo utar) oculos tentem, aut audeam. Arbitror tamen eosdem Varium & Tuccam nobilium quidam in ea censura fuisse conatuos: nisi impositae sibi ab Augusto legi parendum esse omnino statuissent: quae demendi tantum, quod non probassent, dabat, mutandi aut addendi adimebat facultatem. Equidem nisi haec conditio sui eos officii admonuisset, arbitror librum sic inchoatuos fuisse.

*Dic mihi Musa Virum, Trojae qui primus ab oris  
Italiam fato profugus Lavinaque venit  
Litora.*

Si sic esset inchoatum, integra atque egregia emicuisset principii Odysseae Homeri aemulatio. & uno, *Viri*, vocabulo, ut facit etiam Homerus, cum dicit:

Ἄνδρά μοι ἔννεπε Μοῦσα πολύτροπον, ὃς μάλα πολλὰ  
Πλάγθῃ. & reliqua.

actionem operis proposuisset: & plene legi Epopoei-

poeicae esset obtemperatum. At, inquiet aliquis, imploratio numinis bis fieret: primo,

*Dic mihi Musa Virum.*

Deinde,

*Musa mihi causas memora.*

At, respondebit alius, sic esset Virgilius Homerum imitatus: qui & ipse, & quidem pari cum Virgilio xi. versuum numero bis idem facit, cum sic canit initio Odyssaeae.

*Ἄνδρά μοι ἐννέπε Μοῦσα πολύτροπον.*

& deinde [vs. 10.]

*Τῶν ἄμοθεν γε θεὰ θύγατερ Διὸς εἰπέ καὶ ἡμῖν.*

Quilibet conferens hoc nostrum principium cum prooemio Odyssaeae non solum agnoscet absolutam aemulationem, sed etiam perspiciet, insignem decorem, adjumentumque, atque adeo integram incolumitatem aegre habenti principio Virgiliano fuisse adlatam.

Idem Antonius, etsi honorificam optabilemque sortem fatetur esse, cenferi & praedicari laude & virtutibus majorum suorum, tamen judicat miserum esse & infirmum praesidium, habere rationes existimationis & gloriae, a parentibus & avis suspensas, & de illorum fama totos pendere. Ipse suae se gloriae auctorem, se ex se ipso aestimari vult. Hanc ille esse veram, solidam, & firmam gloriam indicat. Ad hanc non hereditariam, sed proprie suam, intento animo semper conlimat & spectat. Huc omnes suas cogitationes intendit. Et dum adolescit aetas & adcedentes anni ad excellentiores artes, & ad studia negociaque graviora viam sternunt, & parant, quod habet a curarum domesticarum temporis reliquum, illud cum in equitando & venando, ludicrisque certaminibus: tum in historiarum veterum & novarum monimen-

nimentis lectitandis ponit. Inde locupletem & inlustrem copiam exemplorum ad vitam instituendam & colendam sumit. Audit & me saepe privatim & publice docentem: sodalibusque & comitibus praedicat, nihil esse viro nobili doctrina honestius, seque a me semper auctiorem laetio remque discedere. Quam facultatem ut etiam longius absens habere possit, orat atque obtestatur: ut quam primum hae commentationes meae in communem quidem omnium, sed maxime in privatam utilitatem suam publicentur & exeant: unde, tamquam a mutis magistris semper possit honestissimae frugis lucrum legendo facere. Hilari & prompto animo pollicitus sum (quid enim roganti & efflagitanti Antonio negare Mattius potest?) & nunc me fide libero. Vos meae Vigiliae exitis, utinam felibus, faustisque auspiciis: certe docti atque amici Antonii iudicio, & testimonio comitatae & commendatae.

Inchoavimus a poetis narrationem hanc. eamdem determinandam Jurisperitis mandemus. Bartholus scribens *ad legem primam D. de Pactis*, dum per oppositionem inlustrare conatur definitionem Pacti traditam a J. C. in haec verba: *Pactum est duorum pluriumve in idem placitum & consensus*: opponit, male interpositam particulam illam, *Et*. quia *Placitum & Consensus* idem sunt. interponi autem copulam inter diversa. respondet, figurate locutum fuisse J. C. ac perinde ita esse sumendum *Placitum & Consensus*, ac si dictum fuisset, *Placitus consensus*: subdens. *Ex quo nota, quod quandoque copula cadit inter duo: quorum unum de necessitate inest alteri. & tunc illa duo resolvuntur in unum, sicut Adjectivum alterius. ut in Virgilio. Arma, Virumque cano, id est, Virum armatum.* Sed



Bartholus fuit fortasse Juris, quam Grammaticae peritior. Si tamen hujusmodi expositionis ipse auctor fuit. namque multi alii idem tradiderunt. Fortasse locum habebit in ejusdem poëtae versu lib. xi. [vs. 747.] *Arma, Virumque ferens.* id est, Virum cum armis ipsis.

Addendum etiam hoc est. τὸ *At*, in illo versu,

— — — *At nunc horrentia Martis*

*Arma, Virumque cano.* — — —

παρέλκει, & supervacuum est. Idem addidit simili & ejusdem sensus particulae, *Sed*, in fine prooemii Rhetoricorum ad Herennium. *De re dicere incipiam. Sed si te prius admonuero: artem sine exercitatione dicendi non multum juvare.*

## C A P U T V.

*Donatus defensus. Odyssëam prius, deinde Iliadem ab Homero scriptam.*

**M**ale accipiunt nonnulli haec auctoris vitae Virgilii, quae à multis Donato vindicatur, verba: *Novissime Aenëidem adgressus, opus varium & multiplex, & quasi amborum Homeri carminum instar.* Arbitrantur, Donatum his verbis tribuere Aenëidi actiones duas: Errorum scilicet & Belli. Sed falluntur. Laudat Donatus frugalem, instructam tamen omni copia & instrumento absolutae eloquentiae Virgilii brevitatem: qui, quod Homerus duobus poëmatis est persecutus, ipse uno poëmate & librorum multis partibus pauciore numero, & Actione una sit complexus, servato Homeri ordine: cui iudicio doctorum virorum Odyssëa, non Ilias fuit prior lucubratio.

## CAPUT VI.

*Exposita varie duo Virgilii loca.*

**P**rogeniem sed enim Trojano a sanguine duci  
 Audierat, Tyrias olim quae verteret arces.  
 Hinc populum late regem, belloque superbum  
 Venturum exscidio Libyae. Sic volvere Parcas.

Versus Virgilii sunt ex Aenëid. lib. 1. [vs. 23. seqq.] omnibus noti: in quorum expositione diversi abeunt docti viri. Hic utinam (inquit Cotta apud Cicero- nem [de Nat. Deor. lib. 1. cap. 32.]) tam facile vera invenire possem, quam falsa convincere. Nec mihi quemquam arguere in animo est. Quae traduntur a veteribus & novis Virgilii interpretibus omnibus sunt obvia: & nulla fere est inter eos controversia. Aliquot alii ὁδοῦ πάρεργον huc aliquid contulerunt. Ex quibus Panvini verba supervacaneum est pone- re: quoniam universa ad verbum transtulit ex Si- gonio: qui caute & sapienter sic scribit in libro de Nominibus. [inter Auctores L. L. Gothofredi. p. 1415.] *Aemilia ab Aemilio Ascanii Trojani filio, ut ait Festus. Cui rei forte adlusit Virgilius cum ait.*

*Progeniem sed enim Trojano a sanguine duci  
 Audierat, Tyrias olim quae verteret arces.  
 Hinc populum late regem, belloque superbum  
 Venturum exscidio Libyae. sic volvere Parcas.*

Etenim progeniem Aeneae & Julii vocare videtur Sci- pionem Paulli Aemilii filium: qui Imperator Carthagi- nem exscidit. Populum autem legiones Romanas, quae ab iisdem etiam genus trahebant. Alioquin, si proge- niem & populum idem dicat, supervacanea videatur iteratio. Nihil tamen contra veteres adfirmo. Alii judicabunt. Plutarchus autem [in L. Paulo Aemilio p. 256.

p. 256. A.] *Aemilios a filio quodam Pythagorae Mamercio dictos ait, qui summo lepore praeditus fuit: quae Graecis αἰμυλία dicitur. Laudo pudentis prudentisque viri verecundiam homini ingentiam, & moribus nimium quantum auctam.*

Alii [Ful. Caes. Scaliger] vocem illam, *Hinc*, in hoc versu,

*Hinc populum late regem belloque superbum  
Venturum exscidio Libyae, —*

non exponunt, a Trojano sanguine, sed Adverbium ordinis faciunt: & pro, *Deinde*, accipiunt. Neque *Exscidio*, Dandi, aut Octavum casum pro ad exscidium: sed Ablativum esse judicant: & exponunt, *Exscidio, ab exscidio*: perinde ac si diceremus. Deinde post exscidium Carthaginis, vel etiam propter exscidium Carthaginis, populum venturum, id est evasurum late regem, belloque superbum & inlustrem. Sic primis duobus versibus ruina Carthaginis praedicetur: qua stante nomen & opes Romani imperii numquam fuerint futurae tantae. Sed tentari haec quoque interpretatio potest rationibus, quas aliis excogitandas relinquo.

Possent aliquis putare, duo posteriora carmina non ad Carthaginem pertinere, sed ad plura regna ejus partis Africae, quae Romanis usque ad Atlanticum Oceanum sunt postea adquisita. si tamen haec quoque cura tetigit, sollicitamque habuit Junonem. Quod ad locutionem pertinet, *Venturos exscidio*, Julius Scaliger vir plane singularis, nisi filium reliquisset Josephum, virtutum patris feliciter aemulum, lib. iv. cap. 16. Poëticae, sic scribit: *Venturum exscidio Libyae*, locutio non vulgaris, eodem filo, quo dicimus, *Venire subsidio*, aut auxilio. Neque recte Servius interpretatur, ad exscidium: hoc enim languidum. neque venturum significat motum, sed tem-

*tempus tantum : aequè ac si dicas, futurum exscidio, id est, exitio.*

*Ibidem. [vs. 27. seqq.]*

*Id metuens, veterisque memor Saturnia belli,  
Prima quod ad Trojam pro caris gesserat Argis.  
Necdum etiam caussae irarum, saevique dolores  
Exciderant animo. manet alta mente repostum  
Judicium Paridis, spretaeque injuria formae:  
Et genus invisum: Et rapti Ganymedis honores.  
His adensa super jactatos aequore toto  
Troas reliquias Danäum, atque immitis Achilli  
Arcebat longe a Latio. multosque per annos  
Errabant acti fati maria omnia circum.  
Tantae molis erat Romanam condere gentem.*

Principium septimi versus est instauratio supra dictarum causarum, & quasi epilogus. in qua figura frequens est Cicero. Namque post plures enumeratas rationes inferre solet. *Ob eas res, vel, Ob eam causam*: ut alias hujusmodi formas illi usitatas praeteream. Sic hoc in loco apud Virgilium verba haec: *His adensa super*: enumerationem supra dictarum rationum complectuntur: ut jam de obscuritate ulla aut soloecophane ullo amplius suspicandum non sit.

Quod autem ad judicium Paridis de Junone pertinet, Suidas in voce Παρίων tradit: Paridem Veneris encomium fecisse: in quo Deam hanc Junoni atque Minervae anteferreret. Inde occasionem fabulae esse apertam.

## CAPUT VII.

*Qui ex inferis ad Superos redierint. Cur Saturnus de caelo venisse sit dictus. Latium, & Albula unde dicta. Troja quinquies capta.*

**S**i fratrem Pollux alterna morte redemit:  
*Itque reditque viam toties: quid Theſea? magnum  
 Quid memorem Alciden?*

Ad hostres Virgilio lib. vi. [vſ. 121. ſeqq.] celebratos, qui ex inferis ſedibus ad ſuperos reditum fortiti ſint, addantur ex Diodoro Siculo Perithous cum Theſeo, & Cerberus ab Hercule vi abducti. Semele matrem Dionyſius a patruo Plutone: Sifyphus a Proſerpina ſuavitate orationis reditum inpetrarunt.

*Libro viii. [vſ. 319.]*

*Primus ab aethereo venit Saturnus Olympo,  
 Arma Jovis fugiens, & regnis exſul adeptis.*

Ad ea, quae a nonnullis tradita ſunt de Saturno Jani, quem Noam dixerunt, filio: & quemadmodum regno pulſus a Jove filio venerit ad Janum patrem in Italiam, viſum eſt non alienum a verbis poëtae adponere verba M. Minucii Felicis ex dialogo, qui inſcribitur *Octavius* [cap. 22. in fine]: quae ſunt haec: *Terrae enim & Caeli filius, quod apud Italos eſſet ignotis parentibus proditus, ut in hodiernum, inopinato viſos caelo miſſos: ignobiles & ignotos terrae filios nominamus.* Quod vero Virgilius & Minucius cum aliis multis dicunt, Italiam a Saturno adpellatam *Latium*, quod ibi tuto latuerit, id omnino a veritate diſcedit. Nam cum, *Lateo*, verbum Latinum ſit, Latina autem lingua multis  
 fae-

saeculis post Saturnum originem habuerit, qui fieri potest, ut verbum nondum natum alterius vetustioris sit parens? Sed scriptores ex libidine hujusmodi derivationes fingunt. Ut Jurisperitis & Grammaticis condonanda sit licentia: qui *Testamentum* dicunt testationem mentis: *Sepulcrum*, quod sit sine re pulchra: cum illud sit, ut *armamentum*, & *ornamentum*, & *condimentum*: hoc ut *Fulcrum*, *simulacrum*, & *lavacrum*. Idem addidit vocabulo *Albula*: quo nomine olim dictus est Tiberis, voci vetustiori Latino sermone, Aramaeae scilicet.

*Lib. ix.*

Bis captam Trojam scribit idem Virgilius eo versu *lib. ix.* [vs. 598.]

*Bis capti Phryges.*

At enim Plutarchus in Sertorio [p. 568. C.] ter captam tradit: & quidem equorum occasione semper. Primo ab Hercule ob equos, quibus a Laomedonte erat defraudatus. iterum ab Agamemnone per equum Durataeum. tertio a Charidemo, duce Cerioleptae regis Thraciae, equo, qui in aditu portae constiterat, impediens, ne Ilienses portam foribus obcluderent. Addatur captam quarto ab Amazonibus. postremo a Fimbria (quamquam id a Rutulo objectari tunc non poterat.) cujus rei historiam lege apud Appianum Mithridatico [p. 345. edit. Tollii.]

*Lib. x.*

Servius in eum Virgilii versum [169.] *lib. x.*

*Corytque levès humeris, & letifer arcus.*

*Corytum* esse scribit *thecam arcus*, quamquam & sagittarum etiam. In Nonio [cap. 18. p. 800. inter Auctores L. L. Gothofr.] duplex est lectio. nam *Corisci*, & *Corici* scribitur. Traditque ille, esse leve missile in modum sagittarum, adfertque ad id pro-



probandum hunc Virgilii versum. Joannes Diaconus in Clypeum Hesiodi [vs. 128. pag. 198. Ed. Heinsii] γάρυτόν scribit: & deducit ἀπὸ τοῦ γὰρ τὸ χωρῶ, καὶ ῥυτόν, τὸ ἐλκυζόν, ἤγουν τὸν τόξον.

## CAPUT VIII.

*Egregiam apud Virgilium figuram lib. XII. non animadversam: locumque perperam expositum ab interpretibus. Ciceronis locus Philippica x. expositus.*

**E**st in versibus, quos adponam, Virgilii lib. XII. [vs. 161.] insignis figura: quae a nullo ex interpretibus animadversa in causa fuit, ut recte locum non sint interpretati.

*Interea reges: Ingenti mole Latinus  
Quadrijugo vehitur curru: cui tempora circum  
Aurati bis sex radii fulgentia cingunt  
Solis avi specimen. bigis it Turnus in altis  
Bina manu lato crispans hastilia ferro.  
Hinc pater Aeneas Romanae stirpis origo,  
Sidereo flagrans clypeo, & caelestibus armis,  
Et juxta Ascanius magnae spes altera Romae,  
Procedunt castris.*

Servius, quod etiam Donatus, & postea alii interpretes fenserunt, *Longum (inquit) Hyperbaton. nam ordo est. Interea Reges procedunt castris. cetera enim per Parenthesim sunt dicta.* Fallitur sine dubio Servius. Etiam Beda in eodem prope errore est. Non animadverterunt, haec verba: *Procedunt castris*: ad solos Aeneam atque Ascanium referri: qui vere ex castris processerunt. Latinus autem & Turnus ille vehebatur, hic ibat ex urbe

be. Est autem oratio per prolepsin elata, figuram Graecis atque Latinis perinde eleganter usurpatam. Sic idem poëta lib. xi. [vs. 887.]

*Exclusi ante oculos, lacrimantumque ora parentum.*

*Pars in praecipites fossas, urgente ruina*

*Voluitur: immixtis pars caeca, & concita frenis*

*Arietat in portas.*

Livius: *Duae maximae res, altera alteri defuit.*

Idem. [lib. xli. cap. 18.] *Duo ordinarii consules, alter morbo, alter ferro periit.* Idem. *Quos populus*

*Romanus consulem alterum; alterum Praetorem declaravit.*

Caesar lib. i. belli Gallici. [cap. 53.] *Duae*

*filiae, harum altera occisa, altera capta est.* Cic.

Philipp. x. [cap. 6.] *Equitatus, qui in Syriam ducebatur,*

*bipartito, alter eum, a quo ducebatur, reliquit in Thessalia;*

*seque ad Brutum contulit: alterum in Macedonia Cn. Domitius adolescens summa virtute &*

*constantia ab legato Syriaco abduxit.* Macrobius lib.

vi. cap. 6. Saturnal. ad hos versus Virgilii vidit aliquid,

sed non quantum oportuit. Quod vero ad verba Philipp. Ciceronis x. adtinet, operae pretium

est adpendicem addere. *Equitatus* ibi est singularis

rectus casus, non pluralis, ut putabat Budaeus in comment. linguae Graecae. ob idque ducebantur

non ducebatur legit. quod factum mihi minime probatur.

Primum a vetere scriptura non est temere recedendum: deinde boni auctores cum de equestribus

copiis agunt, *equitatum* non *equitatus* dicere, id est singulari numero uti solent, non plurali.

Quod porro dicit Virgilius [vs. 162. seq.]

— — — — — *cui tempora circum*

*Aurati bis sex radii fulgentia cingunt,*

*Solis avi specimen.* — — — — —

numerus xii. radiorum coronae Solis est adtributus propter xii. signa Zodiaci, per quae percur-

V

rens

rens Sol annum conficit mensium XII. Hujusmodi diadematum formam, unde acutae pyramidalis figura pinnae tamquam radii emicant, est videre in antiquis Regum atque Imperatorum aereis, atque argenteis nummis.

## CAPUT IX.

*De Ludis ab Aenea ad Actium celebratis.  
Leucata. Ambracia. Nicopolis.  
Suetonius inlustratus.*

Mos fuit antiquis ducibus, ut perfuncti cum incolumi exercitu periculis, Diis, Jovique Servatori in primis, sacrificiis factis, votisque persolutis gratularentur: & vario ludorum genere exhilarati miseriam praeteritorum incommodorum communi laetitia diluerent & obruerent. Id plane docemur a Xenophonte ultimo libro quarto Anabaseos [p. 268.] his verbis: Καὶ ξένια καὶ παρ' ἐκείνων ἦλθον βόες, ἀποθύσαι τῷ Δίῃ τῷ σωτήρι καὶ τῷ Ἡρακλεῖ ἡγεμόσυνᾳ, καὶ τοῖς ἄλλοις δὲ θεοῖς ἡύξαντο. ἐποίησαν δὲ καὶ ἀγῶνα γυμνικὸν ἐν τῷ ἔρει, ἐνθα περ ἐσκήνον. & paullo post. ἡγωνίζοντο δὲ παῖδες μὲν σάδιον, τῶν αἰχμαλώτων οἱ πλείστοι, δολιχὸν δὲ Κρηῖτες πλείους ἢ ἑξήκοντα ἔθεν. Hinc Virgilius lib. III. [vs. 278.] *Aenëidis* occasionem celebrandi ludos ab Augusto ad Actium, post victos ibi Antonium & Cleopatram, editos accepit his versibus:

*Ergo insperata tandem tellure potiti  
Lustramurque Jovi, votisque incendimus aras.  
Actiaque Iliacis celebramus litora ludis,  
Exercent patrias oleo labente palæstras  
Nudati socii: juvat evasisse tot urbes  
Argolicas: mediosque fugam tenuisse per hostes.*

In

In quorum explicatione Servius decipitur, cum scribit: *Leucatae mons est altissimus in promontorio Epiri juxta Ambraciam civitatem, quam Augustus Nicopolim adpellavit, victis ibi Antonio & Cleopatra. Ibi & templum Actio Apollini constituit, & ludos Actiacos.* & paullo post idem Servius. *Actia litora. ut supra diximus, propter Augustum haec dicit, qui ludos illic statuit Agonales.* Fallitur, inquam, Servius: Neque enim verum est, Ambraciam esse eam urbem, quam Augustus Nicopolim adpellavit. Namque Ambracia alia est a Nicopoli. & utraque urbes adhuc manent, longoque plurium millium passuum intervallo utraque ab altera disjuncta est. Nicopolis est in ipso sinus sinistro ore, Ambracia in ultimo sinu. Nicopolis nunc *Prevesa* dicitur, Ambracia nunc est *l'Arta*. Duo autem promontoria quattuor tantum stadiorum intervallo inter se distantia longis angustis ingens mare medium admittentia sinum Ambracium faciunt. Actium promontorium a dextra ingredientibus nunc *Cavo Figo* dicitur. In eo est urbs eodem olim cum promontorio nomine, nunc *Alcippo* dicta: A sinistra est alterum promontorium, in quo est Nicopolis. Sic Eusebium Olympiadis CLXXXVII. anno V. *Nicopolis juxta Actium condita & Agon Actiacus constitutus.* Hic initio Caesar castra habuit, sicut in Actio Antonius.

Neque etiam verum est, Augustum constituisse Apollini templum & ludos Actiacos ad Nicopolim. Constituit ille ad Actium urbem in promontorio Actio e regione urbis Nicopolis, quae est in altero promontorio, ut est dictum. Quamquam nec templum nec ludos hos in Actio constituit Augustus: amplificavit ille, & magnificentius exornavit. Antiquissimi enim illic ludi fue-

runt cum templo Apollini Aëtiaco consecrati auctore Strabone *lib. VII.* [p. 501.] sic tradente : Ἦγετο δὲ καὶ πρότερον, τὰ Ἀκτία τῷ θεῷ Σεφάνιτης ἀγῶν ὑπὸ περιόκων· νῦν δ' ἐντιμότερον ἐποίησεν ὁ Καῖσαρ. Et Suidas in Ἀκτία. Ἀκτία ἀγῶν παλαιὸς ὡς Καλλιμαχος ἐν τῷ περὶ τῶν ἀγῶνων δῆλον ποιεῖ. Alios quoque quinquennales ludos, ut dictum est, ampliato veteri Apollinis templo ad Nicopolim constituit Augustus Apollini quidem, sed non Aëtiaco. Diversum est enim templum Apollinis ad Nicopolim a templo Apollinis ad Aëtium. Suetonius (ut interim prae luceamus lecturis haec ejus verba in Augusto [c. 18.]) silentio praeteritis ludis Aëtiacis, & Apollinis ibi templo, tantum conditae urbis Nicopolis, & constitutorum ibi ludorum ad ampliatum ibidem templum Apollinis mentionem facit. Quod vero quinto quoque anno celebrarentur ludi Aëtiaci, quemadmodum & ad Nicopolim, non tertio, ut putat Stephanus de urbibus in Ἀκτία, probant duo Graeci scriptores Dio & Strabo. Verba Dionis *lib. LI.* [p. 442.] non pono. interpretis illius ponam: quoniam in praesentia Graeci libri copia non est. *Eadem die Caesar Apollini, qui apud Aëtium colitur, Ἐ. c. ludos musicos, Ἐ gymnicos, Ἐ certamen equestre cum sacro quinquennali Ἐ. c. constituit, Aëtiacos ludos illos dicens.* Strabo *lib. VII.* [pag. 501.] Ἀποδείκνται δ' ὁ ἀγὼν Ὀλύμπιος τὰ Ἀκτία, ἱερὸς τοῦ Ἀκτίου Ἀπόλλωνος. Quoniam autem Latinus interpres Strabonis, egregie situm sinus Ambracii describentis, sententiam non adsecutus Graecae orationis, omnem conrumpit veritatem historiae, quod toto opere frequenter facit, & hic sibi fingit urbium nomina, quae numquam fuerunt, inducitque sensum a Strabonis mente & a veritate historiae longissime remotum, non ab re erit adponere Graeca verba: quae

quae legentem Latinam interpretationem admo-  
neant, ut a fraude caveat. Graeca haec sunt :  
[lib. VII. p. 500.] Ἐν ἀριστερᾷ δὲ ἡ Νικόπολις· καὶ τῶν  
Ἑπειρωτῶν οἱ Κασσωπαῖοι μέχρι τοῦ κατὰ Ἀμβρακίαν. Ὡ-  
πέρκειται δὲ αὕτη τοῦ μυχοῦ μικρὸν, Τόλγου τοῦ Κυψέ-  
λου κλίσμα. Παράρρει δ' αὐτὴν ὁ Ἀραχθὸς ποταμὸς, ἀνά-  
πλουν ἔχων ἐκ θαλάττης εἰς αὐτὴν ὀλίγων σταδίων. Lati-  
ni vero interpretis haec sunt: *Sinistra vero Nicopolis  
est, & Epirotarum colonia Cassiopaei, usque in ultima  
sinus Ambracii, cui super imminet paullisper a sinu di-  
stans Tolgus, cujus memoriam Cypselus struxit. Prae-  
ter eam labitur Arachthus fluvius, per quem a mari ad  
ipsum Tolgum paucis admodum stadiis adversa naviga-  
tur aqua. Ego sic verterem: Sinistra vero Nicopolis  
est, & ex continenti Cassopaei usque Ambraciam.  
Haec autem condita a Tolgo Cypseli filio modico supra  
sinum spacio est sita. Juxta eam labitur Arachthus  
fluvius habens a mari ad ipsam urbem adverso flumine  
brevem paucorum stadiorum navigationem. Hinc per-  
spicitur, quot paucis verbis monstra edita sint a  
tot hominibus, qui in eo vertendo, ne evertendo  
dicam, laboraverunt.*

## CAPUT X.

*Locri plures. Virgilii locus declaratus aliter  
atque Servius facit. Strabonis locus  
restitutus.*

Cum constet inter scriptores, Locros Italicos a  
Graecis Locris esse oriundos, tamen contro-  
versia est, quibus Graecis Locris (plures enim di-  
visi certis limitibus sunt in Graecia Locri) Locros  
Italos vindicemus. Nos hic breviter de universis  
quaedam opportuna adferemus, quae melius Servio



inlustrabunt versum Virgilii. In qua occasione veram lectionem Straboni parvo negotio reddemus.

Locri igitur in Graecia quadruplices fuere. Primi Epicnemii, qui Epicnemidii, & Epicnemidae, & olim Leleges dicti. Alteri Opuntii: Tertii Ozolae, qui & Hesperii: quarti Elei.

Epicnemii a Cnemide monte dicti ultra Parnasum Oetaeos & Malienses adtingunt. Opuntii ab Opunte ipsorum metropoli dicti, ipsi quoque ultra Parnasum incolentes, fretum Euboicum propius spectant. habentque inter alias urbes Narycum, quæ etiam Narycion, Naryx, & Naryce dicitur. Ozolae citra Parnasum & Dorienfium Tetrapolim Crissæum sinum, qui & Corinthiacus dicitur, sedes habuerunt. Ozolis nomen ferunt dedisse teterrimum *putorem* (ὄζειν enim etiam *putere* significat) exhalantem ex tabo Nessi & aliorum Centaurorum defluente ex Taphoso monte, ubi conditi erant, in subjacentes campos. Hi Hesperii etiam dicebantur vel a regione ipsa: occasum enim, si reliquorum Locrorum situm respicias, spectant: vel quod publice signabant anulo, cui Hesperii stellæ effigies erat insculpta.

Elei Locri in Elea Peloponnesi ab Opuntiis orti obscuriore fama fuerunt. Paullo tamen aliter tradit Scholiastes Pindari *Od. viii. Olymp. ad finem [Od. xi. vs. 15.]* sic scribens: Ἐθνη Λοκρῶν εἰσι τρία. Ἐπιζεφύριοι πρὸς τῇ Ἰταλίᾳ. Ὀζόλαι πρὸς τῇ Αἰτωλίᾳ. Ἐπικνημίδιοι πρὸς τῇ Εὐβοίᾳ. Alius Scholiastes in eundem Pindarum *Od. ix.* Λοκροὶ Ἐπιζεφύριοι: Λοκροὶ Ἐπικνημίδιοι: Λοκροὶ Ὀπούντιοι: Λοκροὶ Ὀζόλαι. τέσσαρα γὰρ γένη Λοκρῶν. Atque hi sunt Locri Graeci.

Locri Itali in Bruttiiis fuere, dicti *Zephyrii* & *Epizephyrii*: quod in Zephyrio promontorio Locri-

cridis in extrema Italia prius, conditi sint, quamquam paullo post non procul inde in alium locum migrarunt. Haec colonia deducta est a Locrensi-  
bus Ozolis, si Strabonem, [*lib. vi. p. 397.*] si Pausaniam *lib. iii. [cap. xix. p. 260.]* & Epho-  
rum, quem Strabo citat, & Virgilium audimus,  
ab Opuntiis (a). Namque poeta *lib. iii. [vs. 398.]*  
*Aenëidis* sic ait:

*Hic & Narycii posuerunt moenia Locri.*

Nam tantumdem est, ac si dixisset Opuntii. Jam enim diximus, Narycum Opuntiorum urbem fuisse. Neque alienum fuerit Strabonis verba ex *lib. vi. [p. 397.]* adponere, omis-  
sis illis, quae *lib. ix. [p. 638.]* addidit: in quibus itidem testatur,  
Epizephyrios Ozolarum colonos fuisse. *μετὰ δὲ τὸ*  
*Ἡρα*

(a) Mirum quod de hisce Locris Epizephyriis tradit Dionysius Afer in *Periëges. vs. 365.*

*Τῇ δ' ὑπο Λοκροὶ ἴασι, ὅσοι προτέρους ἐτίεσσιν*

*ἦλθον ἐκ' Αὐσονίην, σφετέρης μυχθίντες ἀνάσσει.*

Quæ in Scholiis ita explicantur ab Eustathio, quod Locri il-  
li, servi quum essent Ozolarum, dominabus suis concubue-  
rint, dominis in bellum profectis: quibus redeuntibus fuge,  
re coacti fuerint. Nullus tamen est ex veteribus, qui hæc  
de illis narret. Et observandum quoque, non semper eodem  
modo lectum fuisse hunc Dionysii locum. Ἄλλοι δὲ γράφουσιν  
inquit Eustathius, *σφετέρη ἀνάσσει μυχθίντες, ἢ πεισθίντες.*  
Priscianus etiam Græca hæc Dionysii ita vertit, in *Cataleff.*  
*Pithoei pag. 506.*

*Sub qua sunt Locri celeres, qui tempore prisco*

*Istuc reginam propriam venere secuti.*

quæ quidem haud parum à Græcis, uti hodie leguntur, dif-  
ferunt. Propius accedunt ad eam Lætionem

*σφετέρη πεισθίντες ἀνάσσει.*

quam forte in suo Codice habuit Priscianus. Verum hæc monu-  
se sufficiat. Cogitent acutiores. Interim illud in transitu ad-  
dam, in fine Scholii istius Eustathiani, ubi ait: *τὸ Ἄργον*  
*δέ ποτε χειρωθὲν ἀνδρῶν, τοὺς δούλους ἔσχε δισπότης τῶν πρᾶ-*  
*γμάτων.* legendum videri *χρησθὲν*, pro *χειρωθὲν*.

Ἡράκλειον ἄκρα τῆς Λοκρίδος, ἣ καλεῖται Ζεφύριον, ἔχουσα τοῖς ἐσπερίοις ἀνέμοις λιμένα, ἐξ ἧς καὶ τοῦνομα. εἴθ' ἡ πόλις οἱ Λοκροὶ οἱ Ἐπιζεφύριοι, ἐπεὶ Λοκρῶν ἀποικοὶ τῶν ἐν τῷ Κρυσσαίῳ κόλπῳ μικρὸν ὕστερον ἀπὸ Κρότωνος καὶ Συρακουσῶν κτίσεως, ἀποικισθέντες ὑπὸ Ἐυάνθους. Ἐφορος δ' οὐκ εὖ, τῶν Ὀπουντίων Λοκρῶν ἀποίκους Φῆσας· ἔτη μὲν οὖν τρία ἢ τέτταρα ὥκουν ἐπὶ τῷ Ζεφύριῳ. Εἴτα μετήνεγκαν τὴν πόλιν, συμπραξάντων καὶ Συρακουσίων. ἀμα γὰρ οὗτοι, ἐν οἷς καὶ ἔστιν ἐκεῖ κρήνη Λοκρία. ὅπου καὶ ἱερατοπεδεύσαντο. Quae universa ab interprete latino satis commodè versa sunt: nisi quòd ubi Λοκρία κρήνη est *Locrius fons*, non *Lucrinus lacus* verti debuit. cujus pudendi erroris vel sola locorum tanta distantia debuit interpretem satis commonere.

Hac opportunitate locus Strabonis eodem *lib. ix.* [p. 651.] est adjuvandus una tantum addita litera. οὐ μὴν ἐβασίλευε ἐκεῖνος (Πάτροκλος) τῶν Ὀπουντίων. ἀλλ' Αἴας ὁ Λοκρὸς πατρίδος ὦν, ὡς φάσιν, Ἀρύκου. Ubi pro Ἀρύκου, reponendum est Νάρυκου (α). Νάρυκος enim non Ἀρυκος Geographis omnibus Opuntiorum urbs fuit, ut dictum est.

Servius in hunc Virgilii versum *lib. iii. Aenëid.* [vs. 398.]

*Hic ὧ Ναρύκῃ posuerunt moenia Locri.*

& in illum alterum xi. [vs. 265.]

*Libycove habitantes litore Locros.*

errat in hoc, & quod Ozolos dicit, qui Ozolae ab omnibus scribuntur: & quod Epizephyrios, qui Itali tantum fuerunt, etiam esse Graecos putavit: cum sic scribit in versum libri tertii, *Socii Ajacis Oiliei fue-*

(α) Ita etiam emendavit qui omnino huc conferendus est, *Salmasius Exercit. Plin. pag. 48. Ed. Trajett.* in notis *Straboni Almeloeeeniano* subjectis citatus. Junge etiam *Berkelium ad Steph. Byzant.* in v. Νάρυξ.

fuerunt Epizephyrii, & Ozoli, sed post tempestatem  
 montis Capharei Epizephyrii tenuerunt Bruttios, &  
 hos nunc dicit. Ozoli vero tenuerunt Pentapolim.  
 Inde est. Libycove habitantes litore Locros. Quin  
 etiam de Ozolis legitur: quod delati Tinneiam ulte-  
 rius adcefferint: & civitatem condiderint, quae nunc  
 Uzalis dicitur. Ozoli a putore paludis vicinae. Idem  
 in versum xi. Libycove habitantes litore Locros.  
 Ut etiam in tertio diximus, Locri socii Ajacis Oilei  
 fuerunt. Epizephyrii & Ozoli. Sed hi tempestate  
 divisi sunt: adeo ut Epizephyrii tenuerint Bruttios  
 de quibus ait in iii. Hinc & Narycii posuerunt moe-  
 nia Locri. Ozoli vero deportarentur Pentapolim, de  
 quibus nunc queritur dicens. Libycove habitantes li-  
 tore Locros.

# CAPUT XI.

*Fatum, Natura. Casus. Virgilii versus  
 inlustratus.*

**S**ed quia nec fato, merita nec morte peribat:]  
 Sed misera ante diem, subitoque adensa furore  
 Versus sunt Virgilii lib. iv. [vs. 696.] Idem lib. x.  
 [vs. 467.]

*Stat sua cuique dies.*

Scimus, quae tradantur ab Agellio lib. xiii. cap. i.  
 & Servio. Attamen longe mihi gratius arrident,  
 quae a Nonio libro de doctorum indagine [cap. xii.  
 p. 781. inter Auctores L. L. Gothofr.] disputantur, in  
 cujus verbis, etsi naturalis mortis non fit mentio,  
 tamen facile quilibet inde existimare potest, tria  
 mortis genera a poëta designari, Fati, Naturae,  
 & Casus: sive quo alio nomine libet adpellare ter-  
 tium hoc mortis genus. Quae autem sequuntur

verba. *Subitoque adcesa furore*, reddunt rationem, & exponunt, quomodo possint mores cujusque vim Fato aut Naturae facere: ut mors vel profertur ultra diem, vel properetur ante diem. Sed praestat ad brevitatem Nonii verba adponere, ut quidem leguntur: nam sunt quaedam mendi suspecta. *Dubio potius quam difficili intellectu vates posuit Mantuanus.* Sed misera ante diem, subitoque adcesa furore: cum huic sententiae obversetur versus ejus cum opinione sentiens plurimorum. *Fortuna omnipotens, & ineluctabile fatum.* Verum sensibilitatis ejus non levis ratio est, quae prima sententia philosophicum accipit intellectum: quae ait: Sui cuique mores Fortunam fingunt, omnipotens Fortuna esse desinit. Quod Sallustius mire, Fortuna simul cum moribus immutatur. Ac per hoc ex ea similitudine Fatum ineluctabile esse non poterit: quod ex una causa Fortuna fieri videatur & Fatum. Potest etiam Fatum morum mutabilitate converti: ut ex his aut celere, aut tardum: aut bonum fiat, aut pessimum. Adcesa enim furore Dido amoris iniqua violentia, quia, ut ipse ait: Omnia vincit amor, ante diem merito videretur occidere, quod etiam Homeri ejusmodi est: quem Virgilius noster omni aemulatione sectatur. σφῆσιν αἰτασθαλίῃσιν ὑπὲρ μόρον ἄλγε' ἔχουσιν. Quod est ὑπὲρ μόρον, ultra decretum. Quod si admittitur, ut ulterius protendatur, quoniam id ex moribus factum est, quod significat σφῆσιν αἰτασθαλίῃσιν, admittere poteritis, de moribus properatam etiam Fati celeritatem: ut intra diem possit admitti: quoniam recipit (ut Homerus ait) magnitudinem ultra vim Fati. Haec ille. Sed de Fati necessitate, & de facultate cujusque contra vim Fati Cicero est adeundus. [cap. 18. & 19. de Fato] Agellius quoque aliquid adfert lib. vi. cap. 2. ut recentiores taceam non paucos.

## CAPUT XII.

*Pronomen pro nominibus poni. Servium falli,*

**P**ronomen non tantum pro nomine, sed etiam pro nominibus ponitur. quod negat Servius in hos versus Virgilii lib. vii. [vs. 477.]

*Arte nova speculata locum: quo litore pulcher  
Insidiis, cursuque feras agitabat Fulus.*

*Speculata* (inquit Servius) locum: quo litore]. *Pro-*  
*nomen pro nomine ponitur, non pro nominibus. Unde*  
*nove inter duo nomina unum pronomen posuit, nam re-*  
*cte, quo loco diceret. Et hoc semel tantum fecit. Im-*  
*mo paullo ante jam id fecerat eo versu. [vs. 409.]*

*Audacis Rutuli ad muros. quam dicitur urbem  
Acrisionis Danæ fundasse colonis.*

Sic Cicero pro Cecinā [cap. 7.] *Quadriennium hec*  
*est, ex quo tempore fundum venit. Terentius An-*  
*dria [Act. v. sc. i. vs. 18.]. Ubi ea causa, quam ob rem*  
*haec faciunt, erit adempta his, desinent.*

## CAPUT XIII.

*Variae Lectiones in vetusto libro meo Tibulli,  
Locutionem hanc. Non solum, usur-*  
*pari non sequente, Ut. Juventas.*

**V**etus manu scriptus Tibulli liber multis  
in dictionibus diphthongos omittit. incuria  
ne librarii id adiderit, an iudicio, non dicam:  
aliis id statuendum relinquo. Ejusmodi sunt *Pena,*  
*Ledo, Celum, Cedo, Cesus.* Idem semper habet  
*Juventas, non Juventa.* veluti *Eleg. iv. lib. i. [vs.*  
*33.]* ut praeteream loca alia.

*Solis*



316 JOANNIS MARIi MATTII.

*Solis aeterna est Phoebos, Bacchique juvenas.*  
Scribit etiam, *Idem*, & *Di*, pro *Idem* & *Dii*. ut  
hoc versu [15.] elegia ultima. [lib. 1.]

*Sed patrii servate Lares, aluistis & Idem.*  
Sic lib. IV. Paneg. [Eleg. 1. vs. 136.]

*Incipe, non idem tibi sint, aliisque triumphis.*  
Verum de hujusmodi ratione scribendi alibi a nobis dicitur. Libet adscribere aliquot alias varietates ejusdem libri. quas confido lectori non ingratas fore (a). lib. 1. Eleg. VI. [vs. 6.] ubi alii libri habent

*Et pudet, & narrat facta nefanda mea.*  
ille sic legit. *Et pudet, & narrat scire nefanda mea.*  
Eleg. IX. [vs. 59.] ubi nunc est

*Et possum media quamvis obrepere nocte.*  
Ille

*Et possum media &c.*  
Quam conjunctivi Modi lectionem antecedentia & sequentia verba postulant.

Ibid. [vs. 64.]  
*Est mihi nox multis evigilanda modis.*

Ille:  
—— ——— evigilanda malis.

Eleg. X. [vs. 35. seq.]  
*Illis eriperes verbis mihi, sidera caeli*  
*Lucere, & puras fluminis esse vias.*

Ille:  
*Lucere, & puras fulminis esse vias.*

Lib. II. Eleg. 1. [vs. 5.]  
*Luce sacra requiescat humus.*

Ille:  
*Luce tua requiescat humus.* Eleg.

(a) Quas ex vetere suo codice variantes in Tibullo lectiones hoc capite profert *Mattius*, illas in elegantissima sua editione examinare non neglexit *Bronchus*.

*Eleg. II. [vs. 7.]*

*Illius puro distillent tempora nardo.*

Ille:

*Illius e puro distilent tempora nardo.*

in quo versu *distilent* verbum uno l. scriptum est, more scilicet, ut alibi dicetur, quorumdam antiquorum, qui liquidas, atque adeo consonantes omnes non geminabant.

*Eleg. v. [vs. 4.]*

*Nunc precor ad laudes flectere verba meas.*

Ille:

*Nunc precor ad laudis flectere verba modos.*

*Ibidem. [vs. 75.]*

*Ipsum etiam solem defectum lumine vidit.*

Ille:

*defectum lumina vidit.*

*Ibidem. [vs. 101.]*

*Ingeret hic potus juvenis maledicta puellae.*

Ille:

*Ingeret hic potus juvenis mala dicta puellae.*

*Eleg. VI. [vs. ult.]*

*Barbara gypsatos ferre catasta pedes.*

Ille

*Barbara luxatos.*

In quem versum lege Josephum Scaligerum ad *Elegiam* v. [lib. IV. vs. 52.] Propertii in pentametrum hunc versum.

*Caelati medio cum saliere foro.*

*Lib. III. [Eleg. II. pr.]*

*Qui primum caram juveni.*

Ille:

*Qui primus caram juveni.*

*Lib. IV. Panegy. [Eleg. I. vs. 60.]*

*Mobilis Artaciae.*

Ille:

*Mobilis Atraciae.*

Hud

Hujus quoque fluminis meminit Catullus de Smyrna Cinnae loquens eo versu [5. Epigr. 87.]

*Smyrna cavas Atracis penitus mittatur adundas.*

Ibidem [lib. IV. Eleg. I. vs. 66.]

*Sive supra terras Phoebus, seu curreret infra.*

Ille:

*Seu supra terras Phoebus, seu &c.*

Ibidem [vs. 67.]

*Vidit ut inferno Plutoni subdita regna.*

Ille:

*Vidit & inferno. — — —*

Ibidem. [vs. 134.]

*Laetior eluxit structos super ignis acervos.*

Ille:

*Purior elusit substratos ignis acervos.*

Quam lectionem non oscitanter adtendendam ceriseo. Namque poëta videtur intelligere de flamma innocua, qualem accidisse capiti Aescanii tradit Virg. lib. II. *Aenëid.* [vs. 682.]

*Ecce levis summo de vertice visus Iuli*

*Fundere lumen apex, tactuque innoxia molli*

*Lambere flamma comas, & circum tempora pasci.*

quale etiam flammae innocuae portentum, eodem poëta auctore, lib. VII. [vs. 72. seqq.] luit circa caput Laviniae.

Ibidem [vs. 192.]

*Non solum tibi Piërii tribuentur honores.*

Ille meliore numero.

*Nec tibi Piërii solum tribuentur honores.*

Illa autem forma dicendi est animadversione dignissima. Ubi post *Non solum*, poëta non subjungit, *Sed etiam*: quae verba a natura ejus locutionis postulantur. Usurpatur quoque ab aliis primae notae scriptoribus, & quidem cum magna sententiae efficacitate, & quasi impetu e pectore erumpentis ante

ante expectatum vehementiae: quando illud *Non solum*, quod dixi, sive *Non modo*, sive *Non tantum* non sequitur *Sed etiam*, aut *Verum etiam*. Verum probemus elocutionem hanc non carere exemplis aliorum quoque excellentium scriptorum. Terentius Ecyra [*Act. v. sc. i. vs. 36.*]

*Nam non sunt solae arbitratae hae: ego quoque idem credidi.*

Cicero Philippica ultima. [*cap. 5.*] *Nonne satis est, ab hominibus virtutis ignaris gratiam benemerentibus non referri: etiam in eos, qui suas curas in Reip. salute defigunt, crimen invidiae quaeritur.* Terentius Phormione. [*Act. v. sc. 2. vs. 3. & 4.*]

*Non id sat erat,*

*Accipere ab illo injuriam, etiam argentum est ultro oblatum.*

Cornelius Tacitus lib. iv. [*Annal. cap. 35.*] *Non adtingo Graecos, quorum non modo libertas, etiam libido impunita.* Cicero pro Flacco. [*cap. 39. in fine*] *Cum tabella a vobis dabitur, Judices, non de Flacco dabitur solum, dabitur de ducibus auctoribus conservandae civitatis.* Aretaeus Cappadox Medicus [*lib. ii. cap. 3. in fine de causis & signis morb. acut.*] *Καὶ τὰ δὲ οὐκ εἰς τὰ παρόντα μόνον· καὶ εἰς τὰ μέλλοντα μάντιες ἀτρεκέες.* Latine sic: *Atque non solum in praesentibus dignoscendis, etiam in futuris acres divinatores sunt.* Contra consueverunt etiam Latini pariter & Graeci, non praecedente apud hos οὐ μόνον, apud illos *non solum*, sive *non modo*, aut, *non tantum* ponere, *sed*, & ἄλλὰ. Libanius οὕτως διὰ τὴν οἰκείαν τέχνην ἀδειαν εἶχον ἀπιέναι ὅπου βούλωνται, ἀλλὰ δὴ καὶ πρὸς πολεμίους. Cicero lib. 3. ad Atticum. [*Epist. 15. med.*] *Hic mihi primum consilium defuit, sed etiam obfuit.* Idem pro Rabirio Postumo. [*cap. 2.*] *Credidit populis: in pluribus provinciis ejus versata res est:*  
*sed*

*sed etiam regibus.* Sic etiam locuti sunt Auctor Rhetor. ad Herennium, Cyprianus, & Petronius Arbiter, & Apulejus cum alibi, tum *lib. x. Afini aurei [in princip.].* Idem statuo, in hac locutione *Tantum abest.* Cic. *II. de Finibus. [cap. 17.]* *Tantum abest, ut se indicet, perficiet etiam, ut dolere alterius improbe facta videatur.* Idem *lib. v. ejusdem operis [cap. 20.]* *Tantum abest, ut voluptates consecrentur, etiam curas, sollicitudines, vigilas perferunt.* Idem *de claris Oratoribus. [cap. 80.]* *Tantum abfuit, ut inflammare nostros animos, somnum isto loco vix tenebamus.* Sic saepe apud hunc auctorem. Sed pulcher hic flos & color dicendi non intellectus; multis typographis caussa fuit, ut parentheses figuris, quae dignitatem & vim illius formae dicendi obscurant & enervant, includerent. Verum, unde excessimus, ad nostrum manu scriptum librum Tibulli revertamur. *Libro IV. Eleg. v. [vs. 17.]* ubi est in vulgatis codicibus,

*Optat idem juvenis, quod nos, sed tatius optat.*  
Ille habet

*Optat idem juvenis, quod nos, sed tectius optat.*  
recte ille quidem: namque sequens statim versus reddit secreti tectique voti causam, cum subdit.

*Nam pudet haec illum dicere verba palam.*

#### C A P U T XIV.

*Propertii versus emendatus. Pietas. Eruo.*

*Antiqui easdem consonantes non  
geminabant.*

**A** pud Propertium *lib. III. Eleg. XXI. [vs. 21. seq.]*  
ad Tullum sunt hi versus.

*Nam quantum ferro, tantum pietate potentes  
Stamus, vidtrices temperat ira manus.*

Con-

Consului codices multos: univerforum eadem est reperta scriptura. Neque tamen illorum consensus facit, quin ego habeam in secundo versu verbum illud, *ira*, suspectum. Ratio meae dubitationis est, cum hoc sensu. Tantum abest, ut ira temperet fortis & victoris ferociam; etiam incendit magis, hominemque jam per se conscientia virtutis atque gaudio victoriae; quae plerumque adrogans est, gloria insolescentem, impotentiorē reddat. Tunc stimulo etiam irae adcedentis animus viri victoris incitatus omnem penitus humanitatem exuit, contra *pietas* lenem, mitem, misericordem, & ad condonandam noxam proniorem facit: ob has causas pro voce, *ira*, ego, *illa* legendum esse existimo. Sic omnia recte, & ad consilium poetæ, & ad naturam pietatis atque humanitatis egregie respondebunt, eritque hic sensus. Fortes quidem & victores sumus Romani: tamen & pii sumus & clementes, pietasque haec & clementia, quod vitii est in fortitudine, & in victoria, temperat. Conrupit autem locum imperitus aliquis, quem fefellit ignoratus mos antiquorum, non geminantium liquidas. itaque legimus in antiquis calamo scriptis libris, & in marmoribus, *Millia*, *Vilicus*, & alia similia verba sic scripta aut sculpta, pro, *millia*, & *villicus*. sic in hoc versu Propertii fuit *Ila*, indoctus ille, qui descripsit, erratum esse existimans ex *ila*, *ira* fecit. Poni vero *Pietas*, *Pius*, & *Pie*, pro humanitate, & humano, & humane, exempla, in quibus hac significatione accipiuntur, non desunt.



## CAPUT XV.

*A, Pro, O, non Ab, Prob, Ob, scribendum.  
Padua. Locus Catulli defensus.*

**N**ulla dictio adspiratione finire debet. Sic *A* interjectio in veteribus calamo scriptis libris Virgilii sine adspiratione praecedente aut sequente scribitur. Codices Tibulli scripti (de iis loquor, quos ipse vidi) adspirant ante, ut in hoc versu. [lib. I. Eleg. II. vs. 59. seq.]

*Ha lapis est, ferrumque, suam quicumque puellam  
Verberat.*

Igitur vel *A* scribendum est sine adspiratione, Virgilii more: vel praecedente adspiratione, non autem sequente. Et Grammatici tradunt, adspirationem finire verbum nullum. Eodem modo etiam *O* & *Pro* Interjectiones, non *Ob*, & *Prob* scribi debent. Sed ad Catullum veniamus: in cujus scriptis calamo libris si *Padua* est in eo versu [7. Epigr. 87.]

*At Volusi annales Paduam morientur ad ipsam.*  
causam nullam video, cur quidquam illic novi quaeramus, & vocem illam damnemus, nusquam alibi auditam, quasi verbum nullum aliud in Latina lingua sit singulare.

## CAPUT XVI.

*Voces Jacobus, Joannes, triumne syllabarum  
esse possint. Julus, Japetus, Jambus,  
Jaziges, Jaxametae.*

**I**nterrogatus a Francisco Cicereo Mediolanensi, viro erudito, an in his vocibus *Joannes* & *Jacobus* rō i. possit esse consonans, id est, an ea nomina

mina trium tantum esse syllabarum queant. respondi, dubitare multos: non dubitasse tamen Jovianum Pontanum; qui *Jacobum* sic posuit, & quidem prima brevi, quam usurpationem vulgus quoque sibi vult concedi, quorum causam non ut tuear; sed ut excusam; adferam; quae nunc in promptu sunt poetarum in similibus verbis *Julus*, *Japetus*, *Jambus*, atque aliis, exempla. Virg. [*Aenëid.* I. vs. 292.]

*Julus a magno demissum nomen Iulo.*

Horatius contra. [*lib.* IV. *Od.* II. vs. 2.]

*Jule ceratis ope Daedalea.*

Statius ad finem *lib.* X. [*Theb.* vs. 915.]

*Japeton, aut victam supëra ad convexa levare.*

Horat. contra. [*lib.* I. *Od.* III. vs. 27.]

*Audax Japëti genus.*

*Jambus* trisyllabum plerisque. Horat. [*Art. Poët.* vs. 251.]

*Syllaba longa brevi subjeëta vocatur Iämbus.*

Sulpicia apud Aufonium [*a*] contra.

*Non trimetro Jambo, nec qui pede fractus eodem.*

Ovidius II. *Tristium* [vs. 191.]

*Faziges, & Colchi, Mëtëreaque turba, Getaeque.*

Valerius Flaccus *lib.* VI. [vs. 148.]

*Jaxamëtas venatas alit.*

(a) Respicit nobilem illam Sulpiciæ Satyræ de corrupto Reip. statu temporibus Domitiani, præsertim cum Philosophos urbe ejecisset: quæ in Codicibus antiquis modo Juvenali, modo Aufonio subjeëta; & huic, aut illi adscripta fuit. Vid. Broukhuf. ad *Tibull.* *Lib.* IV. *Carm.* 2. *princ.* & Boxborn. ad *princ.* ejus *Satyræ*.

## CAPUT XVII.

*Julii Capitolini locus defensus contra Lipsium.*

**P**rofecti tamen sunt paludati ambo Imperatores, Parthis & Marcomannis cuncta turbantibus: aliis etiam gentibus, quae pulsae a superioribus fugerant, nisi reciperentur, bellum inferentibus. Verba sunt Julii Capitolini in Marco Antonino. [cap. 14.] in quibus, quoniam Marcomanni a Parthis multum sunt remoti, Justus Lipsius pro Parthis, legit Cattis, aut Quadis: aut, aperte Marcomannis cuncta turbantibus. Sed meo judicio nihil fuit hic tentandum. Nam Capitolinus tradit non cum una gente tantum, & in finitimis regionibus, sed cum pluribus hostibus, & quidem, qui magno locorum intervallo uni ab aliis essent remotissimi, bella fuisse gerenda. Judicii hujus mei atque sententiae comprobator est ipse Capitolinus, qui his praecedentibus verbis [cap. 12.] sic scribit: *Dum Parthorum bellum geritur, natum est Marcomannicum, quod diu eorum, qui aderant, arte suspensum est, ut finito Orientali bello Marcomannicum agi posset.* Adjuvat sententiam meam Eusebius, qui Olymp. cxciii. sic scribit: *De Rhætis, Vindelicis, Armeniis, & Pannoniis, triumphat.* Quantum autem Armeniae ab antedictis distant?

C A P U T XVIII.

*Quaedam observata in vetusto carmine recens  
in Gallia reperto, & edito a Justo Lipsio.*

**I**dem Justus Lipsius publicavit carmen quoddam,  
nuper in Gallia repertum (a): quod non longe  
abest, quin antiquam venustatem redolet. In eo  
est hic versus [2.]

*Ver novum, ver jam canorum, ver natus orbis est.*  
Claudicat hic versus, & a reliquorum ibi positorum  
mensura & norma aberrat, nec longe abest a so-  
loecismo. Ego eum sic reconcinnarem.

*Ver novum, ver jam canorum, ver natalis orbis est.*  
Sic mensura haec reliquorum mensurae egregie re-  
spondet. Aemulatur autem Virgilii versus II. Georg.  
hos [336. seqq.]

*Non alios prima crescentis origine mundi  
Intulisse dies, aliumve habuisse tenorem,  
Crediderim. Ver illud erat, ver magnus agebat  
Orbis, & hiberni parcebant flatibus Euri.*

Ibidem de Venere idem auctor loquens: [vs. 71. seq.]

*Romuleas ipsa fecit cum Sabinis nuptias,  
Unde Rhamnes & Quirites, proque prole posterum  
Romoli, matrem crearet & nepotem Caesarem.*

In tertio versu Lipsius vocem, *Matrem*, in, *Patrem*,  
mutat, sic legens:

*Romoli, patrem crearet, & nepotem Caesarem.*  
additque rationem, atque exponit his verbis: *Pa-  
ter Caesar, Divus Julius est; nepos, Augustus:* & paul-  
lo

(a) Indicat carmen illud, quod *Pervigilium Veneris* dici-  
tur: quodque a Pithoeo primum ex Codice MSto editum,  
deinde à Lipsio *Elector. lib. 1. cap. 5.* insertum, & hic il-  
lic emendatum fuit.

lo post: *Venus conciliatrix Romanorum Sabinarumque nuptiis, ut ex his Rhamnes & Quirites crearet, & in postera saecula utrumque Caesarem, patrem cum nepote.* Ego vero vocem, *Matrem*, omnino conservandam censeo, historia pro sententia mea strenue stante & feliciter pugnante: quae haec est. C. Julius Caesar sororem habuit Juliam, quae nupta Attio Balbo Attiam filiam genuit. Haec Attia ex C. Octavio marito C. Octavium filium suscepit hunc, qui postea imperavit & Augustus dictus est. Non ergo Divi Julii, id est, C. Julii Caesaris nepos fuit Augustus, sed nepos fuit Juliae sororis C. Julii Caesaris. Accipitur autem *Nepos* à Lipsio pro filio sororis, sed male. Conservetur igitur auctori sua lectio, nec ullo modo vox *Matrem* in *Patrem* vertatur.

## CAPUT XIX.

*Cornelii Taciti locus perpensus, & defensus,  
Imagines gentilium tantum in pompis  
funerum adhiberi solitas.*

**I**dem Lipsius epistula III. lib. IV. Epist. Quaestion. & in Notis ad Cornelium Tacitum lib. III. [cap. 5.] suspicatur, vocem hanc, *Juliorum*, vertendam esse in, *Liviorum*, in his, quae adponam, Taciti verbis initio lib. III. ubi de Drusi fratris Tiberii funere loquitur: *Circumfusas lecto Claudiorum, Juliorumque imagines, defletum in foro, laudatum pro rostris.* Ad quae verba Lipsius sic scribit: *Drusus hic in Juliam familiam ne adoptatus quidem venit. Unde ergo in pompa funebri imagines illi gentis Juliae? nisi forte, quia mater deducta in domum Augusti. Haec & talia de summo pectore dici possunt. At mihi nondum evi-*

*evulsi conjectura mea, Liviorum, causa duplici. Primum non praeposuisse Claudios Julii Tacitus. id nefas. deinde, cum a patre latae imagines, cur omis-  
sae a matre, quae praesertim antiquae & multae?*

Ego mutandum nihil censeo his de causis. Pri-  
mum non temere recedendum est a consensu vete-  
rum & novorum librorum, in quibus est, *Juliorum*,  
non, *Liviorum*. Deinde in aedibus Juliorum Dru-  
sum mater Livia edidit. Praeterea quam carum  
honestumque habuerit Augustus eundem Drusum  
vivum & mortuum, docent insignes conlati in eum  
honores apud Tacitum initio libri primi, & alibi:  
& apud Dionem. Quorum verba adponere prohi-  
bet brevitatis studium. Quid? quod ex verbis  
Dionis lib. LV. [p. 567. Ed. Leuncl.] iusta suspicio  
nascitur, eundem Drusum in gentem Juliam ado-  
ptione venisse, ut omnino hac de causa ejus funus  
Juliorum imaginibus honestari debuerit. Et quo-  
niam Graeci libri Dionis in praesentia copia non  
est, adponam Xylandri interpretis translationem.  
Sic igitur ille: *Germanicus Caesar, & Ti. Claudius  
Nero filii Drusi in honorem patris munus gladiatorum  
praebuerunt. Hoc plebem memoria Drusi consolatum  
est. Idque etiam, quod in dedicatione aedis Castoris  
& Pollucis non Claudiani modo (adoptatus enim in fa-  
miliam Augusti se Claudianum nuncupabat) sed Dru-  
si etiam nomen ei imposuit. Haecenus de adoptio-  
ne. Quod ad imagines gentis maternae adinet,  
quas Lipsius ornamentis funebrium pomparum,  
nullo citato suae opinionis auctore adhiberi con-  
suevisse tradit, Plinius lib. xv. cap. 2. in contrariam  
sententiam lectorem trahit, sic scribens: *Expressi  
cera vultus singulis exponebantur armariis, ut essent ima-  
gines, quae comitarentur gentilitia funera. semper de-  
functo aliquo aderat familiae ejus, qui umquam fuerat,**



*populus: & paullo post, ibidem: Extat Messallae indignatio, quae prohibet inferi genti Levinorum alienam imaginem. Similis caussa Messallae seni expressit volumina illa, quae de familiis condidit. Cum Scipionis Africani transisset atrium, vidissetque adoptione testamentaria Salutionis (hoc enim ei fuerat cognomen) Africanorum dedecore notam inrepentem Scipionum nomini.*

Quod autem Tacitus Claudios Juliis anteposuit in enumeratione imaginum, non est, quod quisquam miretur. Recte fecit Tacitus, qui ordinem secutus est. Namque Drusus fuit natura primum Claudius, deinde adoptione Julius.

Adoptionem probant etiam verba Eusebii Olymp. CXCIV. *Augustus (inquit) Tiberium, & Agrippam in filios adoptat. & Olympiade CC. Tiberius Drusum consortem regni fecit. Idem leges apud Suetonium in Augusto & Tiberio. Quae universa si Lipsius paullo adtentius perpendisset, nos hac admodum necessitate, aut saltem occasione liberasset.*

## FINIS LIBRI PRIMI.



JOANNIS MARII MATTII,

Brixiani,

## OPINIONUM

## LIBER SECUNDUS.

## CAPUT I.

*Non intellecta hactenus aliquot Epistularum  
Ciceronis libri xvi. ad Tironem loca. Ve-  
terem lectionem ibi duobus in locis  
immerito a doctis tentatam.*



Quantum interfit ad intelligendum pluri-  
bus in locis epistulas Ciceronis pluri-  
mas, nosse quo tempore, unde, &  
quo singulae datae sint, dictum est ali-  
bi: facileque & fortasse aliqua cum  
gratia cognoscetur ex his, quae dicturi nunc hic  
sumus. Epistulae fere omnes libri xvi. ad Tiro-  
nem agunt de Tironis valetudine. Universi au-  
tem, qui in illum librum scripserunt, existimant,  
de uno tantum & eodem morbo ibi ubique tractari:  
in quem morbum incidit Tiro, decedente de pro-  
vincia Cilicia Cicerone. Sed res aliter habet.  
Namque universae eae ejusdem libri litterae si non  
de pluribus, certe de una & altera tractant valetu-  
dine, in quas diverso tempore Tiro incidit. Quod  
non animadversum, caussa fuit docto viro Paulo

Manucio multipliciter errandi in illarum litterarum explanatione. Nos de utroque Tironis morbo, illustrandi plures locos gratia, dicemus.

Una valetudo, quae posterior fuit, addidit Tironi Cicerone de Cilicia decedente, quo tempore coactus est ille graviter aegrotantem commendatum amicis Patris relinquere. De hac agitur in primis x. epistulis libri xvi. quae scriptae fuerunt partim sub finem anni ejus, partim sub initium sequentis, pullulante jam initio belli civilis inter Pompejum, & Caesarem. Altera valetudo ea est, de qua scribit in reliquis aliquot ejusdem voluminis sequentibus litteris, longaeque est alia ab ea, quam modo dixi.

Ex hac aegrotavit Tiro ante turbatam bellis civilibus rempublicam, addiditque per ea tempora, quando Pompejo cum Caesare in administratione Reipublicae conveniebat, ipso Pompejo ocioso & ab omni suspitione discordiarum publicarum securo. Id declarant verba xii. epistulae dicti jam libri, quae ex Formiano scripta fuit. *Pompejus erat apud me, cum haec scriberem, hilare & libenter. Ei cupienti audire nostra dixi, sine te omnia mea muta esse.* Hic laudo equidem acumen Sebastiani Conradi, cui pusilla quaedam veri imago adfulsit, sed per nebulam, & inluni (ut ille loquitur) nocte: itaque aberrans statim, de via deflectit, multas temporum inversiones inducens omnino repudiandas. Ibi etiam vocem, *Pompejus*, immerentem suspectam habet, proque ea *Pomponium* substituit, cujus opinionem reliqui post eum sunt secuti, decepti universi hoc, quod crediderunt, de una tantum Tironis valetudine Patrensi toto eo libro a Cicerone scribi, non animadvertentes, posteriores ejus libri epistulas prioribus ejusdem libri epistulis tempore scribendi ante-

antecedere: scilicet datas, quando Tiro Romae adhuc servus aegrotabat, Cicerone in villis suis rusticante: priores autem longo tempore post scriptas fuisse a Cicerone decedente de Cilicia in navigatione & via partim, partim cum in Italia, & cum ad urbem esset, Tironem pridem libertate donato, & tunc Patris ex febris cubante. Tantum vero abest, ut Tiro per ea tempora in Italiam venerit, ut eodem morbo pressus etiam Patris esset eo tempore, quando ardente civili bello Pompejus relicta urbe & Italia Dyrrhachium copias omnes trajecisset, Cicerone hoc testante epistula *libri noni xx. ad Atticum*, quae incipit: *Trebatium vi. Kalend.* & *lib.* ejusdem operis x. epistula quarta, quae incipit: *Multas a te accepi epistulas*,

Haec omnia non animadversa, ut debuit, occasionem prae buerunt Paulo Manucio, atque aliis, gravium errorum. Nam praeterquam quod Paulus putat, semel tantum aegrotasse Tironem (de morbis intelligo, de quibus ibi loquitur Cicero) & omnes illas epistulas de ea una Patrensi valetudine scriptas censet, etiam judicavit (& habet ibi rivales non paucos) Tironem Cicerone tenente provinciam Ciliciam, & aegrotantem Patris, servum adhuc fuisse. In medicis etiam, qui aegrotanti Tironi adfuērunt, aestuant iidem & haerent, ut clarum faciemus. Sed prius de statu & de prior valetudine Tironis probemus ea, quae diximus exemplis ex eodem libro Ciceronis *xvi.* adlatis. Illic igitur epistula x. sic scribit: *Ego vero cupio te ad me venire, sed viam timeo, graviter aegrotasti.* Paulo post ibidem. *Fam ad id triduum, quod fueris in via, dum in Cumanum venis, adcedent continuo ad reditum dies quinque. Ego in Formiano a. d. iiii. Kalend. Januarias esse volo, ibi te ut firmum offendam,*  
mi

mi Tiro, effice. Litterulae meae, sive nostrae tui desiderio oblanguerunt. Hac tamen epistula, quam Acastus adtulit, oculos paullulum sustulerunt. Pompejus erat apud me, cum haec scribebam hilare & libenter. Ei cupienti audire nostra dixi, omnia mea sine te muta esse. Tu Musis nostris para, ut operas reddas. Nostra ad diem dictam fient, docui enim te, fides etymon quod haberet. Fac plane, ut valeas. Nos ad summum. Vale. XIII. Kalend. Januarii. Epistula xv. ad eundem Tironem tota huc est advocanda. Aegyptia ad me venit pridie idus Aprilis. Is, etsi mihi nunciavit, te plane febris carere, & belle habere, tamen, quod negavit te potuisse ad me scribere, curam mihi adtulit, & eo magis, quod Hermia, quem eodem die venire oportuerat, non venerat. Incredibili sum sollicitudine de tua valetudine, qua me si liberaris, ego te omni cura liberabo. Ingenium tuum, quod ego maximi facio, confer ad te mihi tibiue conservandum. Cura te etiam atque etiam diligenter. Vale. Scripta jam epistula Hermia venit. Accepi tuam epistulam vacillantibus litterulis, nec mirum, tam gravi morbo. Ego ad te Aegyptiam misi, quod nec inhumanus est, & te mihi visus est diligere, ut tecum esset, & cum eo concum, quo uterere. Iterum vale. Epistula xiv. Dies promissorum tades, quem etiam repraesentabo, si advenieris. Etiam atque etiam vale. III. idus Aprilis. Quod sequitur, initium est epistulae Qu. Ciceronis ad M. Fratrem. [16. ejusd. lib.] De Tirone, mi Marce, ita te, meumque Ciceronem, & meam Tulliolam, tuumque filium videam, ut mihi gratissimum fecisti, cum eum indignum illa fortuna nobis amicum, quam servum esse maluisti.

Ex his omnibus testimoniis adlatis liquido adparet, non Patrensem valetudinem intelligi: sed urbanam Patrensi priorem. Adparet status Tironis:  
Ad-

Adparet, inquam: servum eo tempore fuisse. Adparet priores xi. literas multo post posteriores tempore scriptas fuisse.

Ex his, quae de valetudine Tironis urbana & Patrensi sunt disputata, duo alii tolluntur errores eorundem, qui satagunt de *medico*, & *Mumio* ad haec verba xiv. epistolae libri jam dicti xvi. *Medico, mercedis quod poscet, promitti jubeto. Id scripsi ad Mumium.*

Priorem errorem genuit praecepta opinio de una tantum Patrensi valetudine; putant enim intelligi hic Asclaponem Patrensem medicum, falso. Nam urbanus *medicus* intelligendus est hic non nominatus, qui Romae aegrotanti Tironi adfuit: quod etiam ex eo adparet, quod Asclaponi pecunia iussa erat dari, quod est in epistulis vi. & ix. Huic vero non nominato promitti, non dari: *Manii* etiam praenomen, qui est alius error, non substituendum fuit pro *Mumio*, sive *Ummio*, sive quo alio modo scriptum ibi reperiat. Cur? quia hic de urbano medico & morbo agitur, non Patrensi: qua in urbe degebat Manius, non Romae. Haec haecenus.

Qui vero M. Tullius adparuerit scriba Ciceroni in provincia Cilicia (nam hic quoque interpretes solliciti sunt) facilius est dicere, qui non adparuerit. Tironem hominem studiis suis adcommodissimum non occupasset Cicero adparitione molestiarum plenissima. Philotimus Romae fuit. Plura testimonia possunt adferri, sed contentus uno, reliquis superfedebam. Coelius lib. viii. *epist. tertia* sic scribit: *Quod ad Philotimi liberti officium, & bona Milonis adinet, dedimus operam, ut & Philotimus quam honestissime Miloni absenti, ejusque necessariis satisfaceret, & secundum ejus fidem & sedu-*



*sedulitatem existimatio tua conservaretur.*

M. Tullium Lauream censet Paullus Manucius: sed illum in eo comitatu fuisse, non memini usquam legere.

De scriba Tullio mentio est in epistula iv. lib. v. epistularum ad Atticum, quam in provinciam proficiscens Benevento dedit. *Ac binas quidem tuas Beneventi accepi, quarum alteras Fessulanus multo ante mihi dedit, alteras scriba Tullius.*

## C A P U T II.

*Pie quid significet in Oratione pro Cluentio. Sincerus. Suspectus locus in Epist. Familiar.*

**E**rat huic inimicus Oppianicus: erat, sed tamen erat vitricus, crudelis. & huic infesta mater, atamen mater. postremo nihil tam remotum ab adcusatione, quam Cluentius & natura, & voluntate, & instituta ratione vitae. Sed cum esset haec illi proposita condicio, ut aut juste pieque adcusaret, aut acerbe indigneque moreretur, adcusare quoquo modo posset, quam illo modo emori maluit.

Proposui haec verba ex Ciceronis pro Cluentio oratione [cap. 14.]: ut acuti iudicii homines considerent, quo sensu vox illa *Pie*, de qua locuti sumus etiam capite xiv. libri superioris, sit accipienda in causa ancipiti, ubi aliud pietatis, aliud salutis ratio suaderet. Ego, *pie*, expono, *parce*, *molliter*, *leniter*, *remisse*, *placate*, *mitissime*: hoc sensu. Capitis periculum adcusationem, & in adcusando acrimoniam, pietas in matrem ab adcusando deterret, & lenitatem suadet: tamen quoquo modo adcusare potius, quam acerbe indigneque mori maluit. Sic ab sedata & temperata ex necessitate & pietate

pietate adcusatione atque oratione, homines facile intellecturos iudicatuosque, non animo in matrem inimico, sed conservandae vitae gratia, quam natura universo animantium generi commendat, coactum ad adcusandum descendisse. Aut pro, *pie, impie*, est legendum. sed propono hoc, non statuo. Nam quod Paulus Manucius exponit. *Erga se ipsum, est enim pietas a se ipso mortem depellere*, vix probare eum puto posse interpretationem istam suam iis, qui sciunt, pietatem foras, tamquam partem Iustitiae respicere: quam sapientes magistri ideo bonum esse alienum scite dixerunt.

*Lib. XIII. epist. Familiar. epist. LI.* locus hic suspectus est. *Ut M. Curium sartum & tectum, ut ajunt, ab omni incommodo, detrimento, molestia sincerum integrumque conserves.* Verba illa, *sincerum integrumque*, glossema fuisse puto in illa verba, *sartum & tectum*, quod postea ex ora libri in ordinem opera parum diligentis, & fortasse parum intelligentis librarii venerit. Festus Pompejus auctor est [*in voc. Sarte*], *sartum, integrum* significare: ut non necessarium fuerit (quod proverbio dicitur) Nauson Naucrati. Praeterea verbum, *sincerum*, est ad fidei, sanctitatis, & omnino ad animi integritatem, quam ad fortunas adcommodatius.

## CAPUT III.

*Non omnes unius Municipii, aut Coloniae, &c. cives, civitatem Romanam adepti in una & eadem tribu Romae suffragium ferebant.*

Carolus Sigonius, vir de universis literis optime meritus *lib. III. cap. 3. de antiquo jure Italiae*, ingenue pro sua natura & more fatetur, non adfir-

adfirmare posse se, in qua tribu Romae quaeque aut Colonia, aut Municipium, aut Praefectura, aut foederata civitas post Romanam civitatem inpetratam suffragium tulerit. Ego virum universae antiquitatis scientissimum sapienter dubitare puto. Addo hoc amplius de meo: judicare me, non universos cives unius Coloniae, aut Municipii, aut Praefecturae, aut Foederatae civitatis in una & eadem tribu, sed singulos in ea tribu censos fuisse & suffragium tulisse, quam quisque arbitrato suo delegisset, vel quae initio civitatis adeptae singulis esset assignata. In hanc opinionem adducor verbis Ciceronis ex epistula quinquagesima *libri XIII. epistularum familiarium*, ut vocant: *L. Custidius est tribulis, & municeps, & familiaris meus*. Si enim universi unius Municipii &c. cives in unam & eandem tribum coniciebantur, quid adtinuit tribulem eum suum adpellare, qui esset Municeps suus? Praeterea opinionem hanc meam, sive libet suspicionem adpellare, adjuvant inscriptiones antiquorum lapidum, qui sunt Albae Pompejæ, & Hastæ: qui lapides diversas tribus, ejusdem Coloniae aut Municipii civibus adtribuunt. Hastæ igitur sunt lapides, hi quorum plures mea commendatione & opera a tenebris & ab ignoratione vindicati nuper inventi sunt in sepulcreto aedis Maximaë, ecfossa in altitudinem amplius pedum x. terra, cum ingentibus, sed in plures partes fractis egregii versicolorisque marmoris columnis. Ex quibus, quod ad praesens argumentum faciat, subsidium petam ad probandum, quod propositum est.

Hastae ecfoffum haud ita pridem in aedibus  
Virginum Orbarum.

P. VERGILIO. P. F. P. N. POL.  
LAVREAE. AED. II. VIR. I. D. PRAEF. FABR  
IVDICII. DE. III. DECVRIIS. EQVITI.  
SELECTORVM. PVBLICIS. PRIVATISQ  
PRAEF. DRVSI. CAESARIS. GERMAN. II. VIR. QVINQ  
P. VERGILIO. P. F. P. N. POL. PAVLLINO  
EQVO. PVBLICO. IVDICII. DE. III. DECV  
PRAEF. FABRVM. PRAEF. CHORTIS. II. DECV  
..... IORVM. EXERCITVS.....  
.....

In aedibus Mattiolarum.

.....  
CONCORDIAE  
COLL. FAB. HASTENS FAB  
M. VETTIVS SECVNDVS  
IN. MEMORIAM  
VETTIAE. CIVITATIS. SO RORI

In hortis aedium, quae conditae olim a magno Jacobo Triultio, nunc nobilis familiae Afinorum. Postea translatum haud ita pridem Taurinum vecordia eorum, qui prohibere cum possent, debuerunt, est nunc in aedibus Puteorum Taurini (a).

T. ARRIO. T. F. TRO. TERTIO  
 ANN. XXI  
 M V C I A. T. F. M O D E S T A  
 M A T E R. V. F.  
 S I B I. E T. T. A R R I O. M. F. V I R O.  
 I N V I D A. F L O R E N T E M. R A P V E R V N T  
 F A T A. I V E N T A  
 N E C. L I Q V I D. M I S E R O. M E. S V P E R  
 E S S E. M E I S  
 F L E V I T. P R A E S E N T E M. M A T E R  
 F L E V E R E. S O D A L E S  
 E T. M A T E R. T E P I D O. C O N D E D I T  
 O S S A. R O G O  
 Q V A E. P R I V S. H O C. T I T V L O  
 D E B V I T. I P S A. L E G I  
 I N A G R O P X X. I N. F R O N T E P X X

In  
 (a) Est hæc inscriptio etiam apud Gruterum pag. nclxx. ubi  
 tamen *lin. 1.* pro TPO. legitur ETPO. & *lin. 7.* IVVENTAM.

In aedibus Mattiolarum.

P.LAE TILIVS. P. L. PAL. HILARUS. SPVRI

MAGISTER. MINERVALIS

NAEVIA. D. L.

CLVSIA. C. L.

ALMYRIS

TOPIA

Ecce quattuor in his monimentis Haetae Coloniae (Coloniam enim Ptolomaeus & Sempronius tradunt fuisse) diversae tribus Pollia, Fabia, Tromentina, & Palatina, fatis indicant, non universos unius Coloniae, & Municipii cives in unam tribum fuisse coniectos.

Albae quoque Pompejæ, in Coenobio Divi Dominici Polliae, extra urbem in aedícula D. Frontalionis, & in urbe in Coenobio Monacharum D. Magdalenae Camillae, & quidem ter repetitae tribus est mentio. Quorum trium lapidum inscriptiones idem, quod diximus, probant. Sic autem habent.



Q. CARRINAS. C. F  
POL. PRIMI. PILI  
AED.  $\text{H}\text{H}$ . VIR

In Divae Magdalenae.

M. GEMINIVS. L. F  
CAM. VETERAN  
SIBI ET. L. GEMI  
NIO. L. F. CAM  
MANCIAE. PATRI  
VIBIE. Q. F. SECVD  
MATRI

In Divi Frontalionis (a).

C. FABRICIVS. L. F  
CAM. AED. SIBI. ET  
M. FABRICIO. L. F. CAM  
LIGVRI. FRATRI AED. T. F. I  
PHILETVS. ET. FVSCVS. L. F. C

Libet

(a) Habet hanc inscriptionem *Gruetius pag. MXCIII. num. 10.*

Libet adponere etiam ad rem faciens lapidis epigramma, qui est in arce Pollentiae ad 111. ab Alba Pompeja lapidem. Fuit olim insigne oppidum Pollentia: nunc castellum est pusillum, cum titulo tamen Comitatus.

SEX. LIVIO

C. F. CAM. SENECAE

I I I I I VIRO

M. LIVIVS. C. F

CAM. FRATER

I I I I I VIR

FAC. CVR

Brixiae quoque in patria mea, mihi semper cum egregia & debita praescriptione nominanda, sunt marmora, quorum aliqua tribum Fabiam, aliqua Publiliam civibus Brixianis adtribuunt. Inscriptio, quae Fabiam habet, refertur a Sigonio, quae Publiliam laudat, etiam est in libro Apiani sic. [pag. 65.]

P. CLODIVS. L. F  
PVB  
NIGER  
D. D

IN EODEM APIANI LIBRO. [pag. 105.]

*Apud Petrinum Sinuessanum.*

L. PAPIVS. L. F. TER  
POLLIO. II. VIR. L. PAPIO  
L. F. FAL. PATRI

Ubi patri & filio duae diversae tribus assignatae  
sunt, Terentina & Falerina.

## CAPUT IV.

*Logeum. Scribendo adfuerunt. Si vales, bene est. Kalendae primae.*

**L**ibro *Ep. Fam. v.* in Epistula [xx.] ad Rufum sunt haec verba: *Nam de Luceio ita est actum.* Josephus Scaliger ad Catulli epigramma in Mamurram [LIV.] legit, *Lucello.* Temere facere tantum virum ne suspicor quidem. considerandum tamen est, an locum hunc, & vocem ipsam aliquid juvet Modestinus Jureconsultus, qui tradit rationes civitatum adpellari λόγια (a).

*Lib. VIII. Epistula VIII.* legitur: *scribendo adfuerunt.* qui loquendi modus significat, *testes fuerunt.* Lampridius in Heliogabalo [cap. 4.]. *Quae (mater) cum venisset ad consules, scribendo adfuit, id est, Senatusconsulti faciendi testis.* Idem scriptor interdum dicit, *ad scribendum.* Josephus lib. XIII. Antiquitatum [cap. ix. §. 2.], *Praesente M. Manlio.* & lib. XIV. *Praesente L. Coponio.* Scribebant autem Senatusconsulta illi ipsi, qui scribendo adessent. Itaque Cicero ad Catonem lib. xv. *Epist. Familiar.* [Ep. vi.] sic scribit: *Resque ipsa declarat, tibi illum honorem nostrum supplicationis fuisse jucundum, quod scribendo adfuiisti.* Haec enim Senatusconsulta non ignoro ab amicissimis ejus, *cujus de honore agitur, scribi solere.*

*Lib. v.* ejusdem operis, *epist. xiv.* cur usurpat formulam hanc? *Si vales bene est,* quae sollemnis fuit iis, qui vel ipsi, qui scribunt, vel ii, ad quos dan-

(a) Vid. l. 15. §. 7. ff. de excusat. & Augustinum libro singulari ad Modestin. p. m. 290.

dantur literae, essent simul cum imperio & potestate, aut cum potestate solum? cum neuter magistratum, honoremve ullum gereret? soluit dubitationem hanc Plinius Junior. *lib. i.* epistula ad Fabium [11.], quae incipit: *Olim nullas mihi epistulas mittis. Nihil est, inquis, quod scribam. At hoc ipsum scribe: nihil esse, quod scribas. Vel solum id, unde incipere priores solebant. Si vales bene est, ego valeo.* Quod Plinii testimonium probat, privatos etiam consuevisse formulam illam epistulis suis antepone.

## CAPUT V.

*Expositus Coelii Epistulae ad Ciceronem locus.  
Nonius emendatus.*

**I**n ultima Epistula Coelii *lib. viii.* ad Ciceronem sunt verba ita distinguenda, ut nos nunc facimus: nam antea male. *Tu porro, cum ad te, proficiscens noctu Ariminum, venissem, dum mihi pacis mandata das ad Caesarem, & mirificum civem agis, amici officium neglexisti, neque mihi consulisti.*

Profectus est Ariminum Coelius una cum aliis fautoribus caussae Caesaris. In eo itinere Coelius ad Ciceronem, qui Capuae, atque orae maritimae praecerat, devertit. Adcessit quidem & Cicero Ariminum, sed multo post ad Caesarem Junioem, ut est apud Nonium in verbo *Rogare* [pag. 700. *Ed. Gothofr.*] Sic *Rogare quaerere & sciscitari. M. Tullius ad Caesarem Junioem lib. i. Roga ipsum, quemadmodum ego eum Arimini acceperim.* Quae verba sunt etiam in voce, *Accipere* [pag. 619.] apud eundem Nonium, quamquam ibi pro, *Arimini*, corrupte legitur, *Armis*. Sed hic auctor eget multa ope: inquam

cu

curam incumbit Fabius Bellonus, juvenis non spei, sed messis uberrimae: qui nondum declaratus I. C. juris interpret merito virtutum ab excellentiss. Senatu Mediolanensi, Ticini est constitutus. Ubi in nobili auditorum frequentia docet cum legum majestate & gravitate, linguae Latinae Graecaeque splendorem, pridem a libris juris peritorum exultantem, conjungere.

CAPUT VI.

*De libertorum nominibus declaratus locus*  
Epist. Familiar. lib. XIII. [Ep. 69.]

**S**i Mithres, libertus Postumii fuit, cur libertatem consecutus praenomen & nomen alterius, nempe C. Curtii, adscivit sibi? Liberti enim praenomina & nomina patronorum simul cum libertate referebant plerumque. An Mithres Postumii libertus principio cum libertate habuit nomina patroni? postea heres a C. Curtio institutus cum condicione, ut nomen mutaret (plerumque enim id jubebant, qui alienum heredem instituebant: ut est in *epistula VIII. lib. VII. ad Atticum* his verbis: *Dolabelam video Liviae testamento cum duobus coheredibus esse in triente, sed juberi mutare nomen.*) relictis patroni nominibus praenomen & nomen C. Curtii, in cujus hereditatem venisset, accepit? An C. Curtius post datam Mithrae libertatem transivit in gentem Postumiam adoptione, aut adrogatione, aut hereditate jussus nomen mutare? An Mithres Postumii servus commendatione & studio C. Curtii libertatem a domino consecutus praenomen & nomen commendantis accepit? Interdum enim servi facti liberi nomina eorum sumebant, per quos



essent libertatem adepti. Harum unam, aut aliam, si qua sit his similis, si admittimus causam, nulla opus erit mutatione nominis *Postumii* in cognomen *Postumi*, quod putavit Paullus Manucius. Atque haec nostra disputatio atque expositio opportuna erit ad aliquot alia etiam harum epistularum similia loca.

## CAPUT VII.

*Pudor inutilis.*

**P**lanci ad Ciceronem haec sunt verba x. lib. epist. XXIII. *Pudor me, qui in bello maxime est periculosus, hunc casum coëgit subire: verebar enim, ne cui obrectatorum viderer & nimium pertinaciter Lepido offensus, & mea patientia alere bellum.* Pudor hic Planci Graecis *δυσωμία* dicitur, quae non tantum est inutilis, sed plerumque damnosa. Legatur lib. I. *Officiorum* [cap. 24.] Ciceronis, ubi de iactura opinionis & gloriae interdum, cum rationes reipublicae poscunt, facienda disputat: adfertque exempla Callicratidis & Cleombroti, quorum temeritate factum est, ut Lacedaemoniorum imperium graves plagas acceperit: dum ambo verentes, ne timidi censerentur, maluerunt iniquo loco se tenere, & cum paratioribus pugnare, quam parendo sapienter monentibus locum mutare, & praelii conferendi occasionem in opportunius tempus rejicere, & necessario tempore facere pusillam iacturam privatae existimationis, maximo reipublicae suae emolumento illam fortasse paullo post redempturi. At non sic Contator Fabius, ab Ennio jure laudatus, qui solidam gloriam non in vulgi opinione & praedicatione, sed in

in sapientia & patriae incolumitate locabat.

*Non ponebat enim rumores ante salutem.*

Legatur etiam Plutarchi libellus de hac inutili verecundia.

## C A P U T VIII.

*In Epistulam 1. lib. 1. Epistularum ad Atticum.*

*Frater modis accipi potest pluribus.*

**C**aecilius avunculus tuus a P. Vario cum magna pecunia fraudaretur, agere coepit cum ejus fratre Caninio Satio. Verba sunt Ciceronis ex prima libri primi ad Atticum epistula, in quibus quaeri potest, quomodo Caninius Satiurus fuerit P. Vario frater; qui gente fuerunt diversa, hic Varia, ille Caninia. Verum sic solvi & expediri dubitatio potest. Aut germani quidem ambo fratres fuerunt: sed alter transierit in nomen & gentem aliam vel adoptione, vel adrogatione, vel hereditate cum conditione, ut nomen mutaret in nomen adoptantis, aut adrogantis, aut instituentis heredem. Aut fratres uterini fuere tantum, matre divortio, aut post obitum prioris mariti alteri diversae gentis nupta. Aut ex sororibus, vel fratre & sorore patruales fuerunt.

## C A P U T IX.

*Ciceronis locus in Oratore perpensus.*

**E**x usu dicunt, & e republica, quod in altero vocalis excipiebat, in altero esset asperitas, nisi x litteram sustulisses: ut exegit, edixit, effecit, extulit, edidit. Verba sunt Ciceronis in Oratore [cap.

47.] in quibus ego existimo abundare vocem illam, *effecit*, adductus ratione hac. Cicero hic habet sermonem de oratione, in qua *x.* vel servatur vel tollitur. *Exegit*, & *extulit*, *x.* servant: at *edixit*, & *edidit*, amittunt. In voce *effecit*, neutrum contingit, sed mutatur. Haec est causa, quam obrem verbum illud expungendum censeam. Observa praeterea, Ciceronem statuere, *edico* & *edo*, aliaque horum similia non ex *E*, sed *Ex*, praepositione componi. Sequitur statim locus alter fortasse corruptus; certe obscurus: *Adjuncti verbi primam literam praepositio commutavit, ut suffugit, summutavit, sustulit. Quid in verbis junctis?* Majoragius legebat, *adjuncti verbi prima litera praepositionem mutavit*. Sed tam audax tot verborum mutatio non placet Paulo Manucio, qui sic legit, *divisa prima dictione composita in duas simplices, sic. Ad juncti primam literam praepositio commutavit. exponitque commutavit, commutata est, quemadmodum legimus apud Virgilium [Aen. 11. vs. 8.]*,

*Nox humida caelo Praecipitat, pro, praecipitatur.* Sed nec ipse duabus de causis satisfacit. Prior est. Si de hujusmodi junctis verbis intelligeret Cicero, quorsum statim subdidisset, *Quid in verbis junctis?* Altera. sententia non procederet: nam si intelligi vult, nihil aliud significare, praepositionem commutatam ad primam literam verbi juncti, nisi in primam verbi juncti literam transire, id est, si prima litera verbi sit *M*, etiam ultimam literam praepositionis fieri *M*, quid fiet verbo *sustulit*? quod verbum est in exemplo Ciceronis, in quo *B*, in *S*, non in *T*, est commutatum? Itaque suspicari aliquis jure possit, vocem, *sustulit*, omnino esse delendam, quippe quae huc se librariorum incuria intruserit. Sed quemadmodum nonnulli medici inter-

dum

dum (bene ne, an male, videant ipsi) in corpore aegrotantis humores tantum excitant & commovent, non discutunt, & eiciunt: sic ego hic ad-moneo tantum, aut etiam consulo: non censeo, aut statuo.

## CAPUT. X.

*Duos Germanos Fratres eodem Praenomine.*

Existimant viri docti, Q. Caecilium Metellum Nepotem, & Q. Caecilium Metellum Celerem fratres Germanos non fuisse, quoniam uterque eodem praenomine fuit. Non temere censere eos judico. Est tamen in Hasta Colonia in pavimento maximi sacelli templi D. Secundi ad forum, antiqua tabula marmorea cum hac inscriptione.

<p>C. FVLVIVS. C. L. TARCIVSSA PATER C. C. FVLVII. FIDELIS. ET. PACATVS. FILII FVLVIA. C. L. EPICCHARIS MATER</p>
---

Quid de Flaviis dicemus? quorum non modo pater Vespasianus, & duo filii Titus & Domitianus, sed etiam Vespasiani pater & avus, frater quoque cum filiis praenomine Titi universi fuerunt nominati? Verum jam ea tempestate mores & literae ab antiqua puritate recedebant.

## CAPUT XI.

*Pridie Kalend. Januarii Consul prope privatus erat. Annuus magistratus.*

Ciceronis lib. v. ad Metellum epist. secunda sunt haec verba : *Atque ille, quod te audivisse certo scio, pridie Kalend. Januarias, qua injuria nemo umquam in aliquo magistratu improbissimus civis adfectus est, ea me Consulem adfecit, cum rempub. conservassem, atque abeuntem magistratu concionis habendae potestate privavit.*

Qua specie juris Metellus sibi licere existimavit in Consulem tantam injuriam audere ? suspicor (fieri potest, ut fallar) diem pridie Kalend. Januarias, id est, ultimum Consulatus diem fuisse tamquam vacuitatem Consulatus, & quasi interregnum, ut Cicero eo die fuerit prope privatus, & quasi (ut sic dicam) sine Consulatu Consul. Propterea Metellus Tribunus plebis judicavit, minore invidia sibi licere eo die injuriam cum ignominia Ciceroni imponere. Alioqui tam insignem in maximum magistratum audaciam, tacitam a Senatu populoque Romano ferre non debuit. Suborta est autem mihi suspicio haec ex verbis Digestorum, quae adponam. *Lex 5. ff. de feriis. Ulpianus lib. LXII. ad edictum. Pridie Kalend. Januarias magistratus nec jus dicere, sed nec sui potestatem facere consueverunt.*

Mos porro jurandi in concione pridie Kalend. Januarii transivit sublata libertate ad Imperatores ; dicis videlicet gratia. Quo Plinius Junior respeciens in Panegyrico ad Trajanum inquit [cap. 65.] : *Itaque abiturus consulatu jurasti, te nihil contra leges fecisse.* Occasionem hujus observationis dedit mihi

Octa-

Octavianus Giglijnus Patricius Alexandrinus J. C.  
 excellentiss. meae disciplinae gratissimus alumnus.

## CAPUT XII.

*Festi locus adjunctus.*

**M**iratur vir doctus, cur Festus [*in voce Septimontio*] faciens verba de septem montibus Romae, enumeret octo his verbis: *Septimontio, ut ait Antistius Labeo, hisce montibus feriae. Palatio, cui sacrificium, quod fit, Palatuar dicitur. Veliae, cui item sacrificium. Fagutali, Saburrae, Germalo, Oppio, Coelio monti, Cispio monti.* Locus est omnino corruptus. Totum tentare sine ope veteris alicujus melioris libri insanire est. Sed quod adtinet ad numerum montium, constabit ille, si, ubi scriptum est, *Veliae, cui item sacrificium, Fagutali, Saburrae, & reliq.* sic legamus: *Veliae, cui item sacrificium Fagutal.* Recte. Nam ut Palatio Palatuar sacrificium fuit, sic Fagutal Veliae: quam rem alibi etiam idem Festus tradit. Varroni quoque lib. iv. [p. 36. edit. H. Stephani.] est Sacellum sive lucus Jovis Fagutalis, ubi sacrificium fiebat Fagutal. Ausim etiam in iisdem verbis Festi, ubi legitur, *Veliae, cui item sacrificium Fagutal*, tollere vocem, *Veliae*, & reponere, *Esquiliae*. Fuit enim Fagutal in Esquiliis auctore P. Victore [*in Region. v. urbis.*] & Varrone lib. iv. [pag. 15.] Non me latet, Marlianum lib. v. cap. xix. scribere, sacrificium nomine Fagutal fieri solitum esse in Viminali. Sed idem Marlianus eodem capite dixerat, *Viminalem a Varrone inter Esquilias connumerari.*



## CAPUT XIII.

*Staius Praenomen , interdum Nomen &  
Cognomen. Volcatii Sedigiti versus  
emendatus.*

**S**taius modo praenomen , modo nomen , modo cognomen fuit. Praenominis testimonium exstat Aquis Statiellis in antiquo marmore aedium Juliani Ecclesiae.

L. METTIO. L. F

L. ATTIO. ST. F. RVBRIA

VARIENO. C. F. SECVDA

FILIO. VIRO. SIBI. V. F

Taurini, in turri templi Antoniani  
Sancti Delmatii.

T. AEBVTIVS  
SECVNDVS  
SIBI. ET  
ST. AEBVTIO.  
OPTATO. PATRON  
ST. AEBVTIO. SEC  
P. C

Ibidem in aedibus Hieronymi Agathiae.

DOMITIO. M. F  
ST. MARCELLO  
CACTIA. VXOR

Meminit etiam Livius *lib ix. [cap. 44.]* Statii Gellii imperatoris Samnitium. Valerius quoque Probus Statium inter praenomina enumerat. Gentile vero fuisse etiam nomen satis probant marmora aliquot in libro Petri Apiani: in quibus est mentio C. Statii Fauſti: C. Statii Primigenii: C, Sta-  
Z tii

tii Neureti: Statii Saturnini. Est etiam apud Plinium *lib. ix. cap. 15.* Statius Sebosus. Fulvius quoque Urfinus in *lib. de familiis* de hac doctrina differit.

De cognomine vero satis sit referre verba Agellii *lib. iv. cap. 19.* Quod etiam eo libentius facio, quod a nonnullis (a) non omnia verba, a quibusdam etiam fide non integra adponuntur: ea sic habent: *Et cur, inquiunt, ita est, ut tu sis, quam equus curatio?* Quoniam (inquit) ego me curo, equum Statius. Visum parum reverens esse responsum: relatusque in aerarios, ut mos est. Statius autem servile nomen fuit. Plerique apud veteres servi eo nomine fuerunt. Caecilius quoque ille comoediarum poeta inclitus, servus fuit: & propterea nomen habuit Statius. sed postea versum est quasi in cognomentum, adpellatusque est Caecilius Statius. Recte Agellius: nam servorum nomina, cum libertate erant donati, postremo loco ponebantur. Opportune autem juvandus est corruptus apud Agellium Sedigiti Volcatii versus *lib. xv. cap. 34.*

*Caecilio palmam statuo de comico.*

Nonnulli habita tantum ratione versus, claudicantem defectu temporis & syllabae sic fulciunt.

*Caecilio palmam statuo dandam comico.*

sed tanta & tam audax mutatio non placet. Aldus Manucius, amicus meus, peritam arte & consuetudine medendi manum feliciter adhibuit. Ille cum aliquot ab hinc annos Genua Venetias revertetur, & de recta via nonnihil deflectens, ut me paternum amicum, quem tamen de facie nondum norat, videret, Alexandriam venit: perhumaniterque pro sua liberali natura & probitate domi me salu-

(a) In margine prioris editionis erat: *Panvinum innuit.*

lutavit. Accepi laetans, & amplexus, ut debui, hominem, blande tamen & molliter adcusatum atque increpitum, quod non recta ad Mattium, pro paterna amicitia, & pro merito suo (boni enim ad bonorum ut convivium, sic hospitium non vocati adcedunt) devertisset: pro peccatoque statim imposita est a me multa, ut apud me cenaret, & esset, quamdiu Alexandriae moraretur. Renuenti initio verecunde, & excusanti, apage, inquam, delicias cum putidiuscula ista modestia & pudore. Non alio pretio redimes culpam, quae admissa est, cum de porta ad januam nostram recta non venisti. sic condicionem accepit, cum exceptione tamen, ne asymbolus federet. Festive, ego inquam, atque ut lubebit, modo symbola sit musica. Ergo adposita mensa, cum ego: heus vos κατὰ χεῖρας ὕδωρ: excipiens ille: at ego prius symbolam: & simul prolato versu Sedigiti, vitium in eo indicat & tollit, sic illum restituens.

*Caecilio palmam Statio dem comica.*

*Probam (a), ἦν δ' ἐγὼ, proba moneta symbolam,  
Judice me: ita medius fidius amet bene.*

*Ut si secus quis sentiat, male sentiat.*

Antequam autem ab ejusdem Volcatii epigrammate discedamus, restituamus ibi duobus versibus legitimam mensuram.

*Eum me judice errorem dissolvam tibi.*

si, judice me, legas non, me judice, constabit versus. Ea vero forma dicendi: *Eum errorem me judice dissolvam tibi*: rara quidem est, usurpata tamen cum ab aliis, tum a Cicerone ad Atticum lib. x. [ep. 11.] *Obsignata jam epistula superiore, non placuit ei dari, cui consti-*  
tue-

(a) *Nostri sunt hi versus*: inquit Mattius in margine prioris editionis.

tueram. Caesar belli Gallici lib. v. [cap. 44.] Quo percusso & exanimato, hunc scutis protegunt hostes. Ubi legitur hos, legamus illos, vel istos. in hoc porro versu.

*In sexto consequitur hos Terentius.*

pro hos Terentius, lege, istos, vel illos Terentius.

*In sexto consequitur illos Terentius.*

vel, quod multo blandius adridet mihi, addito uno maxime proprio, & hic adcommodato verbo.

*In sexto consequitur loco hos Terentius.*

Quod autem nonnulli possint suspicari, parum esse consultum primis duabus syllabis in verbo, *Licinius*, in illis versibus:

*Si quid quarto detur, dabitur Licinio.*

sciat ille, utrasque syllabas cadere in arbitrium scribentis carmen. Papinius Statius lib. iv. *Thebaid.* [vs. 734.]

*Si stagna Licinia restant.*

Horat. lib. ii. *Carmin.* [Od. xii. vs. 13.]

*Me dulcis dominae Musa Liciniae.*

& iterum ibid. [vs. 23.]

*Permutare velis crine Liciniae.*

Idem. [Od. x. pr.]

*Rectius vives Licini, neque altum*

*Semper urgendo.*

& in epist. ad Pisones. [vs. 301.]

*Tonsori Licino commiserit.*

## CAPUT XIV.

*Plinii loca duo emendata.*

**E**x ipso Plinio Plinii locum juvemus *lib. xxxvi. cap. 9.*, ubi de obeliscis agit. *Naves duas* (inquit) *in latitudinem patulas pedalibus ex eodem lapide ad rationem geminati per duplicem mensuram ponderis oneratas*, ita ut subirent obeliscum pendentem extremitatibus suis in ripis utrinque, *postea egestis laterculis adlevatas naves excepisse onus statutum.* Lege addita, post illa verba, *pedalibus ex eodem lapide*, voce, *laterculis*: sic. *Naves duas in latitudinem patulas, pedalibus ex eodem lapide laterculis, ad rationem geminati per duplicem mensuram ponderis oneratas.* sequitur enim in eadem periodo paullo post, *postea egestis laterculis adlevatas naves*: in quibus his verbis postremis vox haec, *naves*, supervacua est, & ideo delenda: namque cum jam dixerit ante, *naves duas*, ea vox non fuit repetenda.

Eodem capite, ubi legitur: *Omnibus, quae umquam in mari visa sunt.* Scribe, *visae sunt*: *naves* scilicet.

Sequenti in capite [xi.] sunt haec verba: *Tertius Romae in Vaticano Cai & Neronis Principum circo ex omnibus unus omnino fractus est in molitione, quem fecerat Sesostris filius Numcoreus.* Hic est ille obeliscus, quem jacentem & neglectum dignus immortalis memoria Xistus V. Pontifex Maximus erexit ad limina D. Petri, adhuc totus integer, & nulla in parte laesus: nedum fractus aetate Plinii fuerit. Quae obelisci integritas admonuit Philippum Pigafettam diligentem narratorem erectionis hujus obelisci, ut consuleret veteres Vaticanae Bibliothecae



scriptos calamo Plinii libros: in quorum uno diserte sic invenit scriptum: atque ita omnino locus ad illius exemplum est restituendus. *Tertius Romae in Vaticano Cai & Neronis Principum factus imitatione ejus, quem fecerat Sesostris filius Numcoreus.*

## CAPUT XV.

*Eiusdem Plinii locus emendatus.*

**H**aftenus non esse animadversum insigne vitium in verbo Plinii *lib. VIII. cap. XLIII.* ad finem, jure omnes admirari possunt. sunt autem verba haec. *Asino moriente viso celerrime id genus deficit.* Inepta, & contra naturae rationem scripturae huius est lectio. Primum quis umquam testetur, id vel semel accidisse? Deinde genus ullum non interit. Ego & ex sympathia, communi non asino solum, sed homini etiam, & multis aliis animantibus, quae viso compare mejere, mejunt & ipsa: & ex Aphrodisaei problemate xxxv. suam Plinio integritatem sic restituo. *Asino mejente viso, ceterum genus idem facit.* Arbitror, fore neminem, qui non passurus sit, parva paucarum literarum jaectura & mutatione succursum esse foede laborantibus Plinii verbis. Aphrodisaei verba Latine sic habent. *Mejente asello ceteri item mejunt.*

## CAPUT XVI.

*Eiusdem Plinii declaratus locus.*

**L**ibro III. cap. XVII. inquit Plinius. *Vercellae Libycorum ex Salijis ortae. Novaria ex Vertomacoris Vocontiorum hodieque pago, non, ut Cato existimat, Li-*

*Ligurum: ex quibus Laevi & Marici condidere Ticinum non procul a Pado: sicut Boii trans Alpes profecti Laudem Pompejam.* In his Plinii verbis vox illa relativa, *ex quibus*, non refert propinquiorem dictionem *Ligurum*: ut perperam putavit Georgius Merula (si tamen primus ille hujus sententiae auctor fuit) & multi alii, etiam qui nunc scribunt, Merulae errorem securius secuti: sed respicit ad *Vertomacorum*, vel potius *Vocontiorum*, hoc sensu. *Ex quibus Vertomacoris, sive Vocontiis Laevi & Marici condidere Ticinum: sicut Boii* (Galli hi quoque ex eadem Gallia profecti) *Laudem Pompejam: Insubres Mediolanium.* Porro Plinius Bojos trans Alpes dixit: ut discerneret a Boiis Italicis, qui ex eadem gente multo ante cis Alpes incolebant. Qui diligenter locum Plinii perpendent, sine dubio mecum facient. Sed Merula, qui in hujusmodi conjecturis temerario judicio saepe praeceps ruit, non solum credit, Laevos & Maricos istos fuisse Ligures in ea parte, ubi nunc est Alexandria, non intellecto loco Plinii: sed etiam (rem risu excipendam) non semel statuit, Maricos istos incoluisse loca, ubi est Marencum, qui est nunc viculus desertus, ac ruricularum, & plerumque inquilinorum statio, ad secundum ab Alexandria lapidem Derotonam euntibus. Eamdem quoque historiam Livius lib. v. [cap. 35.] tradit his verbis. *Post hos Salvii, qui praeter antiquam gentem Laevos, Ligures incolentes citra Ticinum amnem expulere. Poenino deinde Boii, Lingonesque transgressi, cum jam inter Padum atque Alpes omnia tenerentur Pado ratibus trajecto, non Etruscos modo, sed etiam Umbros agro pelunt.*

## CAPUT XVII.

*Duo Xiphilini loca animadversa.*

**X**iphilinus, qui Dionem in compendium contraxit, fallitur: cum scribit: [*p. 743. E. Ed. Leuncl.*] Vitellium ex propinquis Othonis & Vespasiani occidisse neminem. Namque ex Suetonio in Vitellio, [*cap. 15.*] & ex Josepho *lib. iv. de bello Judaico* [*p. 312. Ed. Haverc.*] constat, Sabinum Vespasiani fratrem ad Vitellium adductum jussu ejus necatum fuisse.

Idem scribit, Pertinacem Imperatorem Afrum natione fuisse: qui Ligus fuit, Alba Pompeja oriundus: quae urbs est in ea Liguria parte, quae ad Ligures Epanterios pertinet, ad ripam Tanari sita. Sed hominem duxit in fraudem vel Imperator Severus, qui aliquot post annos imperavit, adsumpto sibi nomine Pertinacis: (hic enim vere Afer fuit): vel vox Graeca, quae apud Dionem *Λιγύς*, id est, *Ligus*, fuit. Ille properans & securus animi, *Λιβύς* esse putavit (a): itaque *Afrum* vertit. In Alba vero Pompeja duae fuerunt gentes Pertinacium, Julia & Helvia, insigni errore eorum, qui apud Spartianum, *Aelium*, scribunt. Qui enim Romae imperavit, fuit P. Helvius Pertinax. Juliae gentis exstat adhuc Albae Pompejae in aedibus Scotiarum monumentum in marmore sculptum hoc.

(a) Ast *Xiphilinus* *p. 831. B. Ed. Leuncl.* diserte scribit. *Ἦν δὲ ὁ Περτιναξ Λιγύς ἐξ Ἀλβης Πομπηίας.* Sed deceptisse *Matthium* videtur vulgata scriptura, quae *Λιβύς* habet pro *Λιγύς*: & erronea forte *Xylandri* interpretatio, qui *Afrum* prius erronee verterat. Vid. ejus & Sylburgii notas ad illum locum.

CN. JULIO  
 PERTINACI  
 AED. QUEST  
 PRAE, FABR  
 CN. DIDIUS  
 HERMES  
 FILIO. PISSIMO  
 LDDD

## CAPUT XVIII.

*Terentii locus animadversus. Prolubium.*

In fine Adelphorum Terentii legitur. *Quod pro-*  
*luvium? quae istaec subita est largitas?* Ego ex  
 Donati docti hominis interpretatione, qui *πρόβυται*  
 exponit, non *proluvium*, sed *prolubium* lego: intelli-  
 goque non prodigam profusionem, sed nimiam  
 animi voluntatem & libidinem largiendi. Neque a  
*proluendo*, sed a *prolubendo* (liceat enim sic nunc lo-  
 qui) deduco. Quod si *proluvium* retineamus, erit  
 eadem verbi significatio, more scribendi antiquo-  
 rum, apud quos in multis vocibus B. & V. invicem  
 sibi cedebant. Itaque in antiquis inscriptionibus  
 legimus *Dannuvium*, & *Veneventi*, pro *Dannubium*,  
 & *Beneventi*: quemadmodum contra, *Bixit* pro

*Vixit: & Suebico bello, pro Suevico scripserunt. Sic apud Apulejum lib. x. Asini aurei. [p. 185. Ed. Colvii] Et unguento fragrantissimo proluvium libidinis suscitaram. Haec postea ab aliis quoque observata esse animadverti.*

## CAPUT XIX.

*A significat Non. Aufonius declaratus.*

**V**ersus ille Aufonii [Carm. 418. vs. 36.]  
*Vna fuit tantum, qua respondere Lacones,  
 Litera, & irato regi placuere negantes.*

multos habet expositores, & conjectores: sed nemo adhuc, quod sciam, conlimavit recte. Alii enim pro, *litera*, reponunt, *syllaba*: quoniam τὸ ὄν negativa vox, sit syllaba, non una litera tantum. Alii servant, *litera*: sed literam pro syllaba accipiunt. Ego & *litera* retineo, & iudico, Aufonium, cum, *litera*, dixit, non τὸ ὄν sed τὸ αἶ, intellexisse, quae est vox recusantis & negantis. Huius interpretationis me commonuit Suidas in Φιλοξένου γραμμάτιον. Hic Philoxenus Cytherius fuit, qui acceptis a Dionysio literis, quibus ille hominem ad se invitabat, nihil quidem per literas respondit; sed libellum misit, nihil aliud scriptum habentem, nisi saepius repetitum αἶ. Inde proverbium, *Philoxeni libellus*. Quod proverbium & recusandi obstinatum constantiam, & brevitatem Laconicam significat.

## CAPUT XX.

*De Trismegisto. Aesculapii locus animadversus. De antiquitate linguae Graecae.*

**M**ercurii plures fuerunt. Auctores id docent multi. Uni ex illis antiqui cognomen posuerunt *Trismegisto*, id est, *Ter maximo*. Caussam cognominis tradunt alii aliam. Suidas in voce Ἑρμῆς, censet: quod de Trinitate Dei nostri, Dei veri, & de tribus Trinitatis personis locutus est; & quidem primus, ut nonnulli tradiderunt: fortasse non male. Sed id paullo post videbimus. Nunc quid Suidas dicat, audiamus. Ἑρμῆς ὁ Τρισμέγιστος, ὄντος ἦν Ἀιγύπτιος σοφός· ἡκμαζε δὲ πρὸ τοῦ Φαραῶ· ἐκέκλητο δὲ Τρισμέγιστος, διότι περὶ Τριάδος ἐφθέγγετο ἐιπὼν, ἐν Τριάδι μίαν εἶναι θεότητα ὧτως, ἣν Φῶς νοερὸν πρὸ Φωτὸς νοεροῦ· καὶ ἦν αἰὲ νοῦς νοὸς Φωτεινός· καὶ οὐδὲν ἕτερον ἦν, ἢ τούτου ἐνόητος, καὶ πνεῦμα πάντα περιέχον. ἐκ τὸς τούτου οὐ Θεός, οὐκ Ἄγγελος, οὐκ οὐσία τις ἄλλη. πάντων γὰρ κύριος, καὶ πατήρ, καὶ Θεός, καὶ πάντα ὑπ' αὐτὸν καὶ ἐν αὐτῷ εἰσιν· ὁ γὰρ λόγος αὐτοῦ παντέλειος ὢν, καὶ γόνιμος, καὶ δημιουργὸς ἐν γονίμῳ φύσει παῖς ὢν, καὶ γονίμῳ ὕδατι ἐγκυον τὸ ὕδωρ ἐποίησε· καὶ ταῦτα εἰρηκῶς ἠύξατο λέγων· ὀρκίζω σε οὐρανὸν Θεοῦ μεγάλου σοφὸν ἔργον· ὀρκίζω σε Φωνὴν πατρὸς, ἣν ἐδέγγετο πρώτην, ἥνικα πάντα κόσμον ἐσηρίξατο· ὀρκίζω σε κατὰ τοῦ μονογενοῦς λόγου, καὶ τοῦ Πατρὸς, τοῦ περιέχοντος πάντα. ἰλεως ἰλεως ἐσο. Cum Suida facit etiam Georgius Cedrenus in compendio historiarum [p. 16. Ed. Basil.] sic scribens, cum de Sefostre rege Aegypti loquitur. Ἐπὶ τούτου Ἑρμῆν φάσιν ἐν Αἰγύπτῳ θαύμασον ἄνδρα γνωσθῆναι, καὶ φόβερὸν ἐπὶ σοφίᾳ, ὃς ἐφρασε, τρεῖς μεγίστας εἶναι δυνάμεις τῇ δημιουργοῦ τῶν ὅλων Θεῷ, μίαν.



μὴν θεότητα εἶναι· διὸ καὶ Τρισμέγιστος Ἑρμῆς κατανόμασαι. Libenter autem reculimus verba a Suida relata: quoniam in libro, qui nunc circumfertur, Mercurii Trismegisti, non sic posita eadem & continuata sunt, licet sententia non discrepent. Hinc conicere possumus, multa alia in eodem libro desiderari: quam rem etiam fragmenta quaedam comprobant, quae sunt apud Stobaeum, quae in hoc libro non sunt. sed ad rem. Alii Trismegistum appellatum tradunt, quod maximus rex, quod maximus philosophus, quod maximus sacerdos fuerit. Falli hos puto; adductus ad hoc putandum ab historia. Diodorus namque Siculus regem non fuisse aperte testatur libro I. & II. Verba ex primo [Cap. 17. p. 20. Ed. Wesseling.] latine haec sunt, ubi de rege Osiride loquitur. *Tradunt autem Osiridem, Aegypti regno constituto, rerumque omnium cura Isidi uxori permessa, tradidisse ei Mercurium, cuius consilio, quoniam prudentia videretur excellere inter omnes, uteretur.* & paullo post. [Cap. 27. p. 31.] *Ego sum Isis Aegypti regina a Mercurio erudita. Quae ego legibus statui, nullus solvat. Ego sum uxor Osiridis. Ego sum prima frugum inventrix. Ego sum Ori regis mater.* & quae sequuntur. Quod epigramma etiam insculptum est in columna Calletiae, Urbis Hispaniae Tarraconensis (a). Idem Diodorus lib. II. [Lib. I. cap. 43. pag. 53.] *At vero sacerdotes, disciplinarum artiumque repertorem Mercurium fuisse, tradunt. Eorum vero, quae ad vitam spectant, Reges.* Berofus quoque & Manethon in suis chronologiis ullum fuisse Aegyptiis regem nomine Mercurium non tradunt. Laetantius ex praestantia ingenii & virtutum nomen hoc esse consecutum scribit lib. I. de Fal-

(a) Vid. P. Apiani Inscriptiones pag. xxiii.

Falsa religione [Cap. 6.] his verbis. *Instructissimus omni genere doctrinae adeo, ut e multarum rerum & artium scientia Trismegisto nomen imponerent.* Idem libro de Ira Dei. [Cap. II.] *Idem testatur Hermes: quem Cicero ait in numero Deorum apud Aegyptios haberi: eum scilicet, qui ob virtutem, multarumque artium scientiam Trismegistus nominatus.* De huiusmodi cum ternario numero compositione nominum memini alias [In Annotat. Cap. xxvi.] a nobis alibi in hanc sententiam fuisse disputatum.

Literarum Aegyptiarum usus fuit etiam aetate Gordiani Augusti. Cuius sepulcrum (ut est in libro Apiani inter epigrammata Urbis Romae [pag. ccxxviii.]) inscriptum fuit variarum linguarum literis, Graecis scilicet, Latinis, Persicis, Iudaeis, & Aegyptiis. Qui autem credunt Mercurium scripsisse prius quidem sua, id est, Aegyptia lingua, deinde etiam Graeca, somnia somniant anilia.

Quaeri hic potest, qua lingua Trismegistus mysteria tanta atque tam sublimia scripserit, & exposuerit. Tradunt omnes, sua. Quae vero sua fuerit Aegyptiis lingua in controversia est. Censent nonnulli Hieroglyphicas literas fuisse: sed id a vero abest. nullum enim in hoc Trismegisti, quem habemus, libro exstat sacrarum literarum vestigium. Ego suam Aegyptiis linguam fuisse illam Aramaeam censeo, ab illis secum ex Armenia in Aegyptum portatam, duce Cham, quem aliter etiam Chem, Camefenum, & Zoroastrum adpellatum scribunt. Quo a patre Noë, sive Noa, qui Ogyges aliis, aliis etiam Janus dicitur, cum magno sociorum numero ad incolendum illam provinciam missus fuit: ut apud Berosum (a) legitur. Qui autem credunt, Mercurium scrip-

(a) Respicit Pseudo-Berosum Annii Viterbiensis Lib. iv.

scripsisse primum sua, id est Aegyptia lingua, deinde etiam Graeca, quo in numero est Marsilius Ficinus in Pymandrum Trismegisti, ualde errant. Tantum abest, ut id verum sit (de Graeca intelligo) ut Aegyptii existimarint, suas doctrinas Graeca lingua nullo modo posse recte exprimi. Cuius rei quod locupletius testimonium citabimus, quam ipsius Mercurii: cuius verba sunt relata ab Aesculapio, Mercurii: discipulo, initio *lib. i. Definitionum?* [*in Trismegisti Pimandro Cap. 16. Edit Colon. Agripp. 1630.*] sic enim inscribit opusculum suum ad Hammonem, Aegypti regem: quem etiam monet atque hortatur, ne Graecis translationibus contaminari, & quasi profanari maiestatem scriptorum Trismegisti patiatur. Ἑρμῆς μὲν γὰρ (inquit Aesculapius) ὁ ἐμὸς διδάσκαλος πολλάκις μοι διαλεγόμενος, καὶ ἰδίᾳ, καὶ τῷ Τατ ἐνίοτε παρόντος ἔλεγεν, ὅτι δόξει τοῖς ἐντυγχάνουσί μου τοῖς βιβλίοις ἀπλούς αὐτῇ εἶναι ἡ σύνταξις, καὶ σαφὴς ἐκ δὲ τῶν ἐναντίων ἀσαφὴς οὖσα, καὶ κεκρυμμένον τὸν νοῦν τῶν λόγων ἔχουσα. Καὶ ἔτι ἀσαφές αὐτῇ τῶν Ἑλλήνων ὕστερον βουλευθέντων τὴν ἡμετέραν διὰ λεκτον εἰς τὴν ἰδίαν μεθερμηνεύσαι. ὅπερ ἔσαι γεγραμμένων μεγίστη διάστροφί τε, καὶ ἀσάφεια· ὁ δὲ λόγος τῇ πατρῷᾳ διαλέκτῳ ἑρμηνευόμενος ἔχει σαφῆ τὸν τῶν λόγων νοῦν. Καὶ γὰρ αὐτὸ τὸ τῆς Φωνῆς ποῖον, καὶ ἡ τῶν Αἰγυπτίων ὀνομάτων δύναμις, ἐν αὐτῇ ἔχει τὴν ἐνεργείαν τῶν λεγομένων. Ὅσον οὖν δυνατόν ἐςί σοι βασιλεῦ (πάντα δὲ δύνασαι) τὸν λόγον διατήρησον ἀνερμήνευτον· ἵνα μήδε εἰς Ἑλλήνας ἔλθῃ, τοιαῦτα μυθήρια, μήτε τῶν Ἑλλήνων ὑπερήφανος φράσις, καὶ ἐκκελυμένη, καὶ ὥσπερ κεκαλλωπισμένη, ἐξίτηλον ποιήσῃ τὸ σεμνὸν καὶ σιβαρὸν, καὶ τὴν ἐνεργητικὴν τῶν ὀνομάτων φράσιν. Ἕλληνες γὰρ, ὦ βασιλεῦ, λόγους ἔχουσι κενοὺς, ἀποδείξεων ἐνεργητικὰς. Καὶ αὕτη ἐστὶν Ἑλλήνων φιλοσοφία λόγων ψόφος. ἡμεῖς δὲ οὐ λόγοις χρώμεθα, ἀλλὰ Φωναῖς μεγίσταις τῶν ἔργων. In fine loci huius duae sunt maculae,

cognitae quidem a nonnullis & tentatae, sed non feliciter elutae & purgatae. Etenim pro κενούς, quam vocem viderunt hic locum non habere, reposerunt καινούς. & ubi est, φωναῖς μεγίσαις: μεγίσαις legunt. Ego κενούς conservo, & pro μεγίσαις detracta media syllaba μέσαις repono. sic sua gratia utrique loco vindicabitur. Ita igitur lego. Ἕλληνες γὰρ, ὧ βασιλεῦ, λόγους ἔχουσι κενούς, ἀποδείξεων ἐνεργητικῆς, καὶ αὕτη ἐστὶν Ἑλλήνων φιλοσοφία λόγων ψόφος. ἡμεῖς δὲ οὐ λόγοις χρώμεθα, ἀλλὰ φωναῖς μέσαις τῶν ἔργων. id est: *Graeci enim, o Rex, verba habent (rerum) inania, composita ad ostentationem: estque haec Graecorum philosophia verborum strepitus. At nos non verbis, sed vocibus rerum plenis, utimur.*

Ex his, quae retulimus, evidenter adparet, nec regem fuisse Trismegistum Mercurium, nec Graeco idiomate mysteria ea conscripsisse, sed suo: id est, ut ego conicio, Aramaeo. Neque vero quisquam suspicetur, haec a me scripta ideo fuisse, quod de dignitate Graecae linguae, cui honorem habeo, quidquam derogatum velim. Sciant omnes, iudicare me, ab omnibus Graecarum literarum studiosis magnam esse habendam gratiam Aesculapio: qui nisi sit, insignem fortasse illae jacturam faciant dignitatis, quam ex antiquitate (ut alia praestantiora merita fileam) sunt consecutae. Etenim nonnulli ex antiquis scriptoribus adfirmare non dubitaverunt, literas Graecas per belli Trojani tempora, si non desideratas, certe inchoatas & rudes: quippe quae a Cadmo ex Phoenicia in Graeciam centesimo, aliis centesimo quadragesimo primo, plus minus, ante eversam Trojam anno adlatae sint. Ut eorum opinionem praeteream, qui recentiore faciant. Cum tamen ex hoc Aesculapii testimonio, literarum Graecarum usum in ho-

no-

nore, multo ante Trojam conditam, fuisse videamus: siquidem hic Aesculapius floruit sub Aegypto, Danäi fratre, & rege Aegypti; quem ipse Aesculapius Hammonem vocat, & cui librum suum Definitionum inscribit. Hujus regni anno undecimo Dardanus Dardaniam condidit, quae postea Troja est dicta. Hac tempestate florebat Trismegisti filius Tat: quo tempore Moses, auctore Eusebio, in deserto genti Hebraeorum praeerat: ut necesse sit, Trismegistum, *τοῦ* Tat patrem, aetate antecessisse Mosen. Quod ideo dictum est, ne quis miretur id, quod supra est narratum, censere aliquos, Trismegistum ante Mosen scripsisse. De Pharaone, quem Suidas nominat, & qui a Berofo Chencres adpellatur, non est hic dicendi locus. sed occasio admonet, ut de Danäi & Aegypti fratrum variis adpellationibus dicamus. Notissimi, cantatissimique sunt Graecis perinde atque Latinis monumentis Aegyptus & Danäus fratres: prole Aegyptus L. filiorum, Danäus L. filiarum: & scelere, ac poenis Danäidum, quae patruales fratres & sponso, una excepta Hypermnestra, quae sponsum suum servavit incolumen, prima nocte jussu patris Danäi interemerunt. Aegyptus Aegypti rex (provincia enim a domino nomen invenit) is est, quem Aesculapius, ut supra dictum est, Hammonem vocat. Berosus in fine suae Chronologiae, & Eusebius Ramesen cognomine Aegyptum nuncupant. Josephus vocat Sethosim *lib. I. contra Apionem* [Tom. II. p. 447.] Frater Armaus, sive etiam Armeus, cognomine Danäus, ab iisdem Berofo & Eusebio nominatur. Tangendam hic putavi breviter hanc nominum varietatem, ne quis in horum nomenclatura auctorum, quos nominavi eorum aliquos putet errare, aut eorum libros esse corrup-



ruptos, & reliquos ex uno esse emendandos. sua cuique nomina sunt relinquenda & servanda.

## CAPUT XXI.

*De Genitivis nominum priorum in ius, una syllaba finientium Nominativos. Composita a jacio, ut abicio, uno i. scribenda. Emendati versus Ennii & Plauti. Actii versus apud Ciceronem restitutus.*

Nemo non novit, propria nomina flexus secundum di, finientia nominativum in ius duarum syllabarum in duo ii genitivos finire: vocativos vero una syllaba minores esse. *Julius, Julii, Juli*. Sed quid sentiemus in nominibus illis propriis, quorum nominativi in ius unicum syllabam exeunt? qualia sunt *Appuleius, Atteius, Aurunculeius, Caius, Ciceronius, Cocceius, Fonteius, Petreius, Partumcius, Pompeius, Saufeius, Tarpeius, Vargunteius, Veius, Vulteius*? Quid, inquam, hic statuemus? Cujusmodi illis Genitivos, Vocativos, & reliquos casus dabimus? Ego, etsi vix quemquam invenias, (excipio inter aliquot alios doctos viros eos, quibus in purgando Festi Pompei libro ratio rectam scripturam monstravit) qui horum nominum genitivos duobus ii non scribat, & scribendos censeat: tamen ego contra judico, existimoque genitivos istos formari a Nominativis, abjecta non tota ultima syllaba, ius, sed us tantum, remanente i cum eadem potestate consonantis, quam in Nominativo habuit. sic continget, ut Nominativi syllabarum numero non vincantur ab obliquis: quam rationem servant etiam reliqua Latina ejusdem declinationis nomina, exceptis,



ceptis, ut ante dictum est, Vocativis Nominativorum in *ius* duarum syllabarum desinentium, quibus una syllaba est detracta: *Julius, Julii, Juli*. Atque res postulat, ut antequam longius progrediamur, probemus exemplis poetarum, *ius* syllabam in supra citatis Nominativis unam tantum esse, non duas: ne quem forte in fraudem ducat mos Graecorum scribentium ea nomina una syllaba, quam nos facimus, longiora. Πομπήιος, Ταρπήιος. Horatius igitur lib. I. Sat. v. [vs. 32. seqq.]

*Cocceius, Capitoque simul Fonteius, ad unguem  
Factus homo.* — — —

Lucanus lib. VII. [vs. 121.]

*Aut hodie Pompeius erit miserabile nomen.*

Idem lib. VIII. [lib. IX. vs. 133.]

*Nec Pompeius erit.* — — —

Reliqui quoque casus Nominativorum sunt aemuli.

Horatius lib. I. epist. ad Maecenat. [ep. VII. vs. 55.]

*It, redit, & narrat, Vulteium, nomine Maenam.*

Lucanus lib. VI. [vs. 570.]

*Hunc, ut fama loci Pompeio protulit, alta.*

Propertius lib. IV. Eleg. IV. [vs. I.]

*Tarpeium nemus, & Tarpeiae turpe sepulcrum.*

In quo versu etiam notandum est, derivata syllabis primigenia non superare. Sic etiam Lucanus lib.

III. [vs. 154.]

*Tunc rupes Tarpeia sonat.* — — —

Virg. lib. VIII. [vs. 652.]

*In summo custos Tarpeia Manlius arcis.*

Ovidius IV. Ponti. [Epist. v. vs. 9.]

*Protinus inde domus vobis Pompeia petatur.*

Sed ad Genitivos revertamur: quos ut uno *i*. terminari, & syllabis esse Nominativis pares, dicemus, ea ratio movit, quae docet, Genitivos Latinorum nominum in numero syllabarum convenire

cum

cum Dativis, Adcusativis, & Ablativis: si quidem illa certam regulam aliquam sequuntur: ne quis forte obiciat nomina illa, quae propterea etiam ab nonnullis antiquis Grammaticis ad pronomina relegantur, *unus, totus, solus*, & reliqua ab iisdem Grammaticis adnotata. Deinde praesto poëtae sunt, qui dubitationi nullum relinquunt locum. Lucanus lib. II. [vs. 283.]

*Hunc neque Pompei Brutum, neque Caesaris hostem.*

Idem lib. VI. [vs. 589.]

*Quem prior adfatur Pompei ignava propago.*

Idem lib. VII. [vs. 196.]

*Impia concurrunt Pompei & Caesaris arma.*

Idem lib. VIII. [vs. 793.]

— *Placet hoc Fortuna sepulcrum*

*Dicere Pompei: quo condi maluit illum.*

Ibidem [vs. 820.]

*Haud procul est ima Pompei nomen arena.*

Ibidem [lib IX. vs. 227.]

*Nos Cato da veniam, Pompei duxit in arma.*

Horatius lib. I. Sat. V. [vs. 50.]

*Hinc nos Coccei recipit plenissima villa.*

Atque haec ad Genitivos. Vocativos quoque eosdem esse cum Genitivis docebunt, quae nunc in mentem veniunt, sequentia exempla. Ovidius lib. IV. ep. I. Ponti [vs. I.]

*Accipe, Pompei, deductum carmen ab illo.*

Lucilius lib. XXX. apud Nonium in Incilo. [pag. 554. inter Auctor. L. L. Gothof.]

*Nunc Cai quoniam incilans nos laedi' vicissim.*

Martialis [lib. IX. Epigr. 93.]

*Quod debes Cai, redde inquit Phoebus: & illinc.*

Dicet aliquis. Recte haec res habet: sed restat scrupulus, quem excuti velim. Si uno i scribantur Genitivi isti, atque Vocativi, quid fiet

praecedente vocali, quam vocalis sequens solet brevem facere? Respondetur. Conservat illa in his sua tempora. Graeci probant, qui illam per *η* scribunt. Praeterea ipsum *i*, licet relinquatur solum, tamen eandem servat vim, quam habuit in Nominativis, reliquisque casibus. Neque solum contingit hoc in horum nominum casibus, sed in aliis quoque aliquot vocibus idem usu venit: praefertim in verbo *facio*, in quo composito τὸ *i* solum remanens praepositionis antecedentis ultimam vocalem, cum poëtis est libitum, longam praestat: ut in illo Virgilio versu [*Georg. III. vs. 389.*]

*Reice ne maculis &c.*

Quasi vero in quibusdam Genitivis & Dativis quintae declinationis huic vocali eandem potestatem non tribuamus; cum, *aciei*, *rabiei*, dicimus. Quid? apud Lucretium nonne in *ei*, ab *is*, pronomine, in *rei*, a *res*, & *fidei*, penultimam semper longam ope solius *i* vocalis legimus? singularum aliquot ab ipso poëta adponam exempla, cum plura citari possent [*lib. v. vs. 103.*]

*Nunc jacere indu manus, via qua munita fidei.*

Idem *lib. II. [vs. 236.]*

*Tempore inane potest vacuum subsistere rei.*

Eodem *lib. [vs. 548.]*

*Corpora jactari unius genitalia rei.*

Eodem *lib. [vs. 1135.]*

*Nec facile indu venas cibus omnis deditur ei.*

Idem *lib. v. [vs. 285.]*

*Nam primum quidquid fulgoris deperit ei.*

Sic versus ille apud Ciceronem *lib. de Senectute. [cap. I.]*

*Ille vir haud magna cum re, sed plenu' fidei.*

Quid? Latinos poëtas, cum *ae* diphthongum in fine casuum primae declinationis volunt resolvere  
in

in duas syllabas, quae alia caussa coëgit ad *ai* diphthongum Graecam confugere, cum *Aulaï*, dicunt, *Feraï*, *Naturaï*, *Viaï*? ut alia multa Lucretio familiaria fileam. Nimirum eam vocali huic esse vim norant, quae acquirere temporis adcessionem vocalibus & syllabis brevibus praecedentibus posset: ut in Virgillii duobus versibus addidit, qui nunc opportune in mentem venerunt. [*Aenëid.* IV. vs. 64.]

*Pectoribus inhians spirantia consulit exta.*

[*Georg.* I. vs. 185.]

—— *Populat ingentem farris acervum.*

sic enim legendum est, non: *populatque ingentem farris acervum*. Idem ter fecit Cicero in paucis suis versibus, qui sunt in *lib.* de Divinatione. [*I. Cap.* 47. & seq.]

*Subigit ipsa feris transfigens unguibus anguem.*

*Abicit efflantem & laceratum adfligit in undas.*

*Omnis cura viris, uter esset Induperator.*

Ausonius in Alcone. [*Epigr.* LXXIII.]

*Falsum convicit ilico haruspicium.*

Tandem ergo in his compositis a verbo *Facio*: *Abicio*, *Adicio*, *Deicio*, *Eicio*, *Obicio*, *Proicio*, *Reicio*, *Subicio*, *Obices*, & *Subices*, admirari desinant graves viri Orthographiae nostrae, nostrae dico? immo antiquorum, consilium: qui praeter eas, quas diximus, rationes, nitimur auctoritate veterum magni nominis Grammaticorum, Velii, Festi, (Festum cum cito, Verrium quoque cito) Servii, Bedae, atque aliorum: nitimur testimonio veterum calamo scriptorum librorum. Marmora quoque antiqua nos juvant, quibus testimonium ad nos nullum venit inconruptius. Glossarium vetus numquam aliter habet in omnibus illis verbis. Ac ne forte ambitiose & falso Grammaticorum testimoniis & nominibus abuti videar, duo Servii loca, optime

ad firmandam meam sententiam facientia, libitum est adponere. Reliquorum testimonia, cum Servio idem sentientium, quilibet sibi ex eorum libris petat. Servius igitur ad eum ex IV. Aeneidos libro versum [550.]

*His germana malis oneras, atque obicis hosti.*  
sic scribit. Ob naturaliter brevis est, sicut re, & ab: sed plerumque producantur hac ratione in obicio, reicio, adicio: quia habent vocalem sequentem, quae per declinationem potest in consonantis formam transire: ut objeci, rejeci, adjeci. Ergo etiam antequam transeat, interdum fungitur officio consonantis, & praecedentem longam facit. Idem in lib. x. ad eum versum [473.]

*Atque oculos Rutulorum reicit arvis.*  
sic ait. Reicit. Re naturaliter brevis est, & pro longa posuit. sic alibi. Reice, ne maculis infuscent vellera fuscis. Quod licet possit excusari: quia cum facit rejeci, inter duas vocales vocalis i posita producit superiorem: ut dicamus, eam longam esse spe, quae per declinationem longa futura est: tamen, quia in hac re argumentum magis est, quam ratio, dicamus Ecclasiim factam, quae poëtis plerumque conceditur.

Sed ad rem. Igitur stantibus adjumentis, quae attulimus, Genitivi hi, de quibus agimus, uno, i, tantum scribendi sunt. Vocativi etiam, ut probatum est, pares sunt Genitivis. Quamquam hos Vocativos interdum per  $\sigma\upsilon\upsilon\iota\zeta\eta\iota\upsilon$  contrahi in pauciores syllabas non me latet. Sic facit Horatius lib. II. Carm. od. VII [vs. 5.]

*Pompi meorum prime sodalium.*  
pro, Pompei. Idem lib. I. epist. VII. [vs. 91.]

*Durus ait, Vulti, nimis, adtentusque videris.*  
pro Vultei. Quoniam autem in hunc ordinem redegitur praenomen Caius, libet admonere, illud  
mo-

modo duarum, modo trium syllabarum legi. Martialis. [*Lib. III. Epig. 38.*]

*Egit Athestinus cauffas, & Caius uterque.*

Aufonius [*Epig. LXXV.*]

*Quis tu? Caius ait: vivisne? &c.*

Sic paullo post ibidem.

*Tum Caius: melius nil Eunome.*

Martialis lib. IX. [*Epigr. 93.*] trium syllabarum facit.

*Non mavis, quam ter Caius esse tuus.*

Lucillius lib. XI. apud Nonium in *Damnare*. [*cap. 4. p. 641. inter Auct. L. L. Gothofr.*]

*Cassiu' Caius hic operariu', quem Cephalenem.*

Idem ferme adcidit, cum in aliis similibus, tum in voce *Boius*. Silius lib. IV. [*vs. 706.*]

*Boiorum nuper populos turbaverat armis.*

Idem paullo post [*ante. vs. 159.*]

*Unde Boiorum sociata examina densant.*

Quod additurus sum non est a superiore argumento alienum. *Maius* (mensis nomen) *Mai* genitivum facit, priore syllaba remanente longa. Sic *Nais*, *Naidis*; *Lais*, *Laidis*; *Thais*, *Thaidis*: in quibus omnibus τὸ ἰῶτα producit praecedentem vocalem. Propertius lib. II. elegia XXIII. [*vs. 96.*]

*Supposita excipiens Nai Caduca manu.*

Quo in versu ante male legebatur. *Naica dona manu*. Idem observandum est in *Laius* trium syllabarum apud Statium [*Lib. I. Thebaid. vs. 296. & Lib. II. vs. 66.*] & reliquos. Nobiles etiam Grammatici, librique calamo scripti veteres, imprimis Virgilio, & Glossarium vetus, scribunt semper *Di*, & *Dis*, *Grai*, & *Grais*, non *Dii*, & *Diis*: nec *Graii*, & *Graiiis*. Aquis Statiellorum est vetus marmor cum hac inscriptione.



DIS  
MANIBUS  
SEPTICIAE  
SURAE  
L. PETRONIUS  
MELIOR

Etiam observatum est in vetere Vaticanae bibliothecae libro scripto Tibulli verbum hoc *Idem*, nominativo plurali, non *iidem* scriptum esse. Verum quid Grammaticos, & manum librariorum laudo? Audiamus Ciceronem in Oratore [ad M. Brutum cap. 45.] sic loquentem. *Nobis, ne si cupiamus quidem, distrahere voces conceditur. Indicant orationes illae ipsae horridulae Catonis: indicant omnes poëtae praeter eos, qui ut versum facerent, saepe hiabant: ut Naevius. Vos, qui adcolitis Istrum fluvium, atque Algidum. & ibidem [eod. cap.] Quam numquam nobis Graei, atque barbari. Ibidem aliquot post versus. [cap. 47.] Idem campus habet, inquit Ennius: & in templis isdem probavit. At eisdem erat verius, nec tamen eisdem erat opimius; male sonabat iisdem. Agellius de hac re agens lib. iv. cap. xvii. confundit sonum vocalium cum quantitate syllabarum. Cicero in Oratore ad Brutum, & alibi, dilucidius & distinctius est locutus. Egregie etiam a doctissimis viris, Julio Caesare Scaligero, Lipsio, & (si memoria*

ria non me fallit) Castelvetro de eadem hac ratione est disputatum. Qui omnes propriis rerum vocabulis erudite & perspicue docent, quantum a quantitate syllabarum vocalium sonus & pronuntiatio differat. Sed ad superius adlata verba. Quod Agellius tradit, in *Obiicio, Coniicio, Iniicio, Obiices, Subiices, & Proiicio*, praepositiones produci, quod secunda litera (al. syllaba) in his verbis per duo *ii*, non per unum scribenda est, fatis supra videmur sententiam istam discussisse: tamen addamus aliorum quoque poetarum exempla: quorum alii producunt, alii conripiunt praecedentem praepositionem. Silius Italicus *lib. iv. [vs. 24.]* conripit hoc versu.

*Et fidos certant obices adolescere silvae.*

Virgilius producit, ut supra adlatis exemplis patuit, & demonstratur versibus hic sequentibus [*Georg. ii. vs. 19.*]

*Parva sub ingenti matris se subiicit umbra.*

et [*Georg. ii. vs. 480.*]

*Obiicibus ruptis.* —————

et [*Georg. iv. vs. 422.*]

————— *Obiice saxi.*

Sic facit Ennius in tragoedia, quae Achilles inscribitur, versu hoc adlato ab Agellio [*lib. iv. cap. 17.*]

*Ergo Deum sublimes subiices humidas.*

quo in versu innovandum nihil esse censeo. Si tamen & de syllabae quantitate intelligit ipse Agellius, & versum ab Ennio auctore fideliter descripsit. Adhibeo autem hanc exceptionem: quoniam iidem versus (sunt enim duo) aliter ab Agellio, aliter a Nonio, aliter a Festo citantur. Agellius sic. *Ennius in Tragoedia, quae Achilles inscribitur, Subiices pro aëre alto ponit, qui caelo subjectus est, in his*

*versibus. Ergo Deum sublimes subiices horridus. Unde oritur imber sonitu saevo, & strepitu.* Nonius vero [cap. 2. pag. 579.] in significatione vocabuli facit cum Agellio: in ratione versus dissentit: sic enim habent ejus verba. *Subiices nove positum non a Subiiciendo:* (servo ego hic scripturam cum duobus ii, quae est in meo libro: cum tamen credam, auctorem unico i, scripsisse) *sed altitudine. Ennius Achille. Per ego Deum sublimes subiices humidus: Unde oritur imber.* Festus ab utroque Agellio & Nonio & in explanatione vocis *Subiices*, & in lectione versus abit longe diversus: apud quem nunc sic legitur totus locus. *Subiices Ennius in Achille pro subiecto posuit, cum dicit. Nubes per ego Deum subices humidus: Unde oritur imber sonitu aërio spiritu.* In marginis area est. *Inde oritur sonitu saevo spiritu.* Quoniam autem Ennii versus a tribus auctoribus, Festo, Agellio, & Nonio, non concordi sententia legitur, Gabriel Faërnus, eruditus vir, judicavit, vocem, *nubes*, de suo additam a Festo. Ego tamen, Nonii explanationem non reiciens, libenter aut vocem illam a Faërno damnatam retineam: & versum probem, qui est hic.

*Nubes per ego Deum subices humidus.*

aut loco *Deum* substituam vocem, *Sublimes*, hoc modo. *Nubes per ego sublimes subices, humidus.* & sic lectus sublime quoddam & tragicum versus spirabit. Porro, *humidus* ne, an *humidas* in eo versu legatur, parvi refert: non enim minus recte *nubes humidus*, quam *imbrem humidum* dicimus.

Quod ad alterum versum adtinet, admonet me Festi lectio, fore versum integrum, & elegantem apud Agellium, si pro *strepitu*, quae vox est in Agellio, reponatur *spiritu*: scilicet, ne Trochaeus insit in Trimetro Jambico: sicque scribatur.

Nu-

*Nubes per ego sublimes, subices, humidus:  
Unde oritur imber sonitu saevo, & spiritu.*

vel sic.

*Per ego Deum sublimes, subices: humidus  
Unde oritur imber saevo sonitu, & spiritu.*

Actii poetae versus huic persimilis adfertur a Cicerone *lib. II. de Natura Deorum. [cap. 35.]* quem non est supervacuum hic adjungere. *Fremebunda ex alto ingenti sonitu & friritu.* Ubi Nizolius legi scribit aliter, *fremitu.* Sed hoc pacto versus Jambicus hostem suum Trochaeum haberet. Priscianus *lib. de Comicis metris [pag. 1325. Ed. Putschii]* legit *spiritu*: recte. sicque rationi carminis est consultum. Germani in sua editione servant, *Friritu.* Porro in versu, quem Agellius ex Epidico Plauti citat, pro *pallium* legendum est *palliolum*, ut versus recte incedat: aliter claudicaret.

*Franc. Cicercius, Rhetorum antiquorum  
apud Mediolanienseis publicus  
interpres.*

**H**eus, Lector, inquit, quisquis es, modo in litteras bene animatus sis. Hoc ipsum de rebus non vulgaribus σύνταγμα, caue, putes ἀδίσκωτον esse; sed scias, ab Io. Mario Matio Brixiano, V. C. aliquot amicorum rogatu nuper fuisse conscriptum: a Matio, inquam, illo polyhistor, qui olim Alexandriae Statiellae, nunc Mediolani in Collegio Divi Simonis, quondam Taeglorum liberalitate instituto, summa cum bonorum omnium laude, litteras Graecas & Latinas docet. Cujus quidem homi-

minis animus cum ad serviendum commodis utilitatique studiosorum semper fuerit intentus; tam multa edidit, doctissimi cujusque hominis lectione dignissima, quam multa unum de nobis habere puto neminem. Hoc te scire volebam, amice Lector. Vale. Mediolani, anno ∞ D X C V. Kal. Maii.

## CAPUT XXII.

*De vi duarum consonantium M, & D.  
Proptera.*

**D**Uas liquidas, duas mutas, & mutam sequente liquida, non semper producere antecedentem syllabam brevem probant ea, quae adferemus poetarum sequentia exempla (a). Ovid. lib. XIII. Metamorph. [vs. 430.]

*Bistonis habitata viris Polymnestoris illic.*

Propertius [lib. III. El. XI. vs. 57.]

*Et scelus accepto Thracis Polymnestoris auro.*

Silius lib. VIII. [vs. 414.]

*Ecce inter primos Teramneo a sanguine Clausus.*

Musæus [vs. 312.]

*Δὴ τότε Λεωνδρὸς πρὶ ἐσθήμενος ἐλπίδι νύμφης.*

Ennius apud Varronem lib. VI. de lingua Latina. [pag. 72. Edit. Stephan.]

*Subulo finitimas propter adstabat aquas.*

Quo in versu nonnulli docti viri legunt: *proptera stabat aquas*: ut sit antiquo more dictum *proptera*, pro nostra usitata praepositione, *propter*. Cujus  
ex-

(a) Conferantur Matthei Annotationes cap. xcviii.

excellentis viri (a) acumen hic valde probarem, nisi reluctetur natura ultimae syllabae praepositionis & adverbii *propterea*, quae longa est, ut in *supera*, apud Ciceronem ex Arato [*lib. II. De N. D. cap. 42.*]

*Torvū draco serpit subter, superaue retorquens.*  
Sic Lucretius *lib. I. [vs. 430.]*

*Id, quod jam supera tibi paullo ostendimus ante.*  
Verum redeamus ad propositam, & ad inchoatam causam. Horat. [*lib. II. od. IV. vs. 6.*]

*Forma captivae dominum Tecmessae.*  
Petronius Arbiter [*cap. 131.*]

*Et bacis redimita Daphne, tremulaeque cupressi.*  
Possem ex Graecis poëtis non minus paradoxa exempla adferre. Sed petant ex illis observando, qui volunt. Quae sequuntur additamenta non admodum ab hoc argumento diversa sunt. M. interdum abicitur sequente consonante, remanente tamen vocale praecedente. Lucret. *lib. II. [vs. 660.]*

*Lanigeræ pecudes, & equorum duellica proles.*  
Quamquam ad vitandam novitatem hanc doctiss. Scaliger in voce hac quattuor syllabarum, *Duellica*, duas primas syllabas in unam contrahit, tamen Lucilii versus, quem proferam ex *lib. VII. Satirarum*, ut est apud Nonium in *Fulgit. [cap. x. p. 769.]* nullo modo hanc potest Eclipsim effugere. *Primum fulgit ubi caldum, & fornaceum ferrum.* Sic illud Ennii apud Apulejum in oratione pro se ipso. [*pag. 335. Ed. Colvii.*]

*Quid?*

(a) In margine prioris editionis erat. *Lipsum innuit.*



*Quid? Scarum praeterii cerebrum Jovis paene supremi.*  
 quem tamen versum video a nonnullis ἀκέφαλον scri-  
 bi. D. quoque & T. idem patiuntur. Lucilius apud  
 Ciceronem lib. II. de Finibus [cap. 8.]

*Laelius praeclare, & recte sophos, illudque vere.*  
 Idem apud Agellium lib. XVIII. cap. VIII.

*Quo me habeam pacto, tametsi non quaeris, docebo.*  
 Nisi forte hic quis malit in *Tametsi*, M cum sua  
 praecedente vocali abicere, quod minus probo.

## FINIS LIBRI SECUNDI.



JOANNIS MARI MATTHI,

Brixiani,

## OPINIONUM

## LIBER TERTIUS.

## CAPUT L



unt, qui supinis, *sumptum*, *emptum*, *comptum*, & aliis ejusdem notae vocibus cum ab eis derivatis, adimendam esse *p* literam putent. Ego contra cenfeo, motus caussis, quæ sequuntur. Valerius Probus in libro de Notis, *emptum*, & *emptorem*, cum *p*, scribit. In tabula aerea antiquissima, quæ Reipublicæ temporibus incisa fuit, quæque edita est a Fulvio Ursino, *emptum*, *redemptum*, *emptor*, *exemptum*, *emptio*, eodem modo, quo dico ego, legitur. Marmora quoque quædam vetusta sic habent. Nec aliter est in Glossario vetere. Quod si Grammatica est scientia loquendi ex usu, (neque vero aliter scribimus, ac loquimur) usus autem est consensus bonorum felicitis linguæ, profecto loquendum & scribendum est, ut boni, felicitis linguæ temporibus, fecerunt. Quomodo autem locuti sint illi & scripserint, Grammatici antiqui, libri auctorum veteres, tabulaeque aereae & marmoreae fideliter testantur.

## CAPUT II.

*Focus, Venus, Cupido. Omnipotens aecoris.  
Horatii loca duo inlustrata.*

**A**d versus, quos adponemus secundae Odes Horatii libri primi [vs. 33.] hos:

*Sive tu mavis, Erycina ridens,*

*Quam Focus circum volat, & Cupido.*

belle facit pictura relata ab auctore Epigrammatum Orbis. [pag. CCCCLI.] quam rei ante oculos ponendae gratia hic expressam pingi curavimus.

*Oda v. lib. ejusdem. [vs. 15.]*

*Suspendisse potenti*

*Vestimenta maris Deo.*

Cum his verbis Horatii facit nummus argenteus M. Agrippae Cos. III. in cujus altera parte est Neptunus cum his verbis: HIC. OMNIPOTENS. AECORIS

## CAPUT III.

*Phraartes. Inretortus oculus. Diem frangere. Diffindere meridiem. Horatii  
locus inlustratus.*

**Q**uoniam interpretes non plane explicant eam historiae partem, quam tangit Horatius eo versu lib. II. od. II. [vs. 17.]

*Redditum Cyri folio Phraarten.*

visum est breviter admonere, unde integra res tota peti possit. De hoc igitur Phraarte, quem alii auctores Graeci perinde ac Latini varie scribunt: sed sua cuique est scriptura relinquenda: quomodo ille.

# MORAVIAE PROVINCIAE GERMANIAE MAG.

*Epigramma repertum a Conrado Celte in Gemma  
signatoria, aureae cruci insertum in Mona-  
sterio Ritisch juxta Olmuntz.  
mense Julio*

*Anno Domini M. D. IIIL.*



THE UNIVERSITY OF CHICAGO  
LIBRARY



ille patrem interemerit, & se regem constituerit : utque a populo ob impium ac tetrum facinus regno sit dejectus : iterumque Scytharum auxilio regnum receperit : & cum Augusto pacem aequis conditionibus fecerit : timensque a filio talionem, ne scilicet ab eo pelleretur, ut ipse parentem ejecerat, filium ad Augustum usque in Hispaniam simulatione legationis aut officii relegaverit ab se, lege Plutarchum in Crasso ad finem : & in Antonio. [p. 932.] Justinum lib. XLII. [cap. 5.] Strabonem lib. VI. [pag. 441. & lib. XVI. pag. 1085.] & Dionem. lib. XLIX. [pag. 406.]

Ibidem apud eundem Horat. [vs. 23.]

*Quisquis ingentes oculo inretorto  
Spectat acervos.* —

Lege LXXV. caput nostrarum Adnotationum pridem editarum. Nam Lambinus magno conatu ibi agit nihil.

In Oden VII. ejusdem libri [vs. 6.]

*Cum quo morantem saepe diem mero  
Fregi* —

*Frangere diem mero* est, de meridie, aut etiam ante meridiem non expectata legitima coenae hora epulari. Varro lib. I. cap. 2. de Re Rustica *Diffindere* dicit his verbis : *Ego hic, ubi nox & dies modice redit & abit, tamen aestivo die, si non diffinderem meo insititio somno meridie, vivere non possem.*

In Oden XVI. lib. I. [vs. I.]

*O matre pulchra filia pulchrior.*

Imitatur Characis poetae versum, a Suida relatum in voce *χαράξ*.



## CAPUT IV.

*Qui fuerit Quinctilius apud Horatium. Varus cognomen. Possessiva Patronymica a Romanis nominibus.*

**H**oratius Oda *xxiv. lib. i.* consolatur Virgilium in morte Quinctilii communis amici. Nec constat, qui fuerit hic Quinctilius: quod fuerint plures eo nomine tunc Romae Quinctilii. Quæramus nos. Duo fuere Quinctilii insignes amici Virgilii, P. Quinctilius, Varus cognomine, vir Consularis: de quo Poëta intelligit *Ecl. ix.* his versibus: [26. *seqq.*]

*Immo hæc, quæ Varo nec dum perfectæ canebat.  
Vare, tuum nomen, superet modo Mantua nobis,  
Mantua, vae miserae nimium vicina Cremonae,  
Cantantes sublime ferent ad sidera cygni.*

De hoc intelligi hic apud Horatium nullo modo potest. Etenim mores Quinctilii, de quo intelligit Horatius, longe dissimiles fuere moribus Quinctilii Vari Consularis: qui famam fuit parum secunda ob rapinas & fœcundiam, concordantibus omnibus auctoribus, qui de administratis ab eo provinciis scripsere. Paterculus [*lib. ii. cap. 117.*] de hoc loquens: *Præterea declaravit Syria: quam pauper divitem ingressus, dives pauperem reliquit.* Ejusdem etiam rapinis effectum est, ut a Germanis totus exercitus ejus trucidaretur, fato mirabili trium Quinctiliorum. Tribus (inquit idem Paterculus [*lib. ii. cap. 119.*]) Quinctiliis Vari addidit, avo, patri, & filio: ut sibi ferro vitam adimerent. Duci plus animi ad moriendum, quam ad pugnandum fuit. Quippe paterni, avitque exempli successor se ipse transiit. Præterea Virgilius *xxvii.* annis ante Variam

nam

nam cladem obiit, auctoribus Donato; Eusebio [*Olymp. clxxxix.*], & iis; qui Fastos conscripserunt. Alter, fuit Quinctilius, Vari & ipse cognomine: Id conligo ex commentariis utriusque Acronis & Porphyrii corruptis in versum illum Epistolae ad Pisones de Poëtica [*vs. 438.*]

*Quinctilio si quid recitares, conrige sodes*

*Hoc ajebat.*

*Hic Quinctilius (inquiunt Acron & Porphyrio) erat Varus poeta Cremonensis amicus Virgilii.* in quorum tamen verbis *Varius* male legitur pro *Varus*. *Varius* enim gentile nomen est, non cognomen. Hic est ille Quinctilius, quem hic deflet Horatius. De cujus Praenomine comperti habeo nihil. L. Varius fuit orator, poeta Epicus, & Tragicus: scripsit etiam Eclogas. Haec discimus ex Horatio [*lib. i. Carm. Od. vi. princ.*], & ejus interpretibus, & Virgilio [*Ecl. ix. vs. 35.*]. Hunc eum fuisse credo: cui cum Plotio Tucca post obitum Virgilii mandatae sunt ab Augusto partes recognoscendi certis condicionibus Aenëidem, ab auctore relictam, morte interveniente, non recognitam. Quamquam pro *Vario*, multi male *Varum* scribunt. Addam corollarium.

Consuevere res insignes a gentilibus Ducum nominibus, non a cognominibus adpellationem sortiri. Itaque legimus: *Fossas Marianas: Castra Cornelianae*: & alia eodem modo. Attamen clades, quam Quinctilius Varus accepit, a cognomine *Variana* est adpellata. Credo, quod cognomine quam nomine esset notior. Sic *Fossae Drusianae* Cornelio Tacito *lib. ii. Annal. [cap. 8.]* Sic *Lepidianae feriae* Ciceroni *lib. ad Atticum xvi. [Ep. xi.]* Idem observatum est in patronymicis: *Appiades* a praenomine, *Scipiades* a cognomine: quod hic cogno-

mine, ille praenomine frequentius adpellabatur. *Memmiades* vero apud Lucretium [*lib. i. vs. 26. & alibi.*] est a nomine: quoniam ei cognomen, vel nullum fuit, vel parum celebre. *Varum* praeterea fuisse cognomen aliquot quoque aliarum Gentium, notum est ex Ligariana Ciceronis, ex Plutarchi Catone, Dione, Orofio, & Fastis.

## CAPUT V.

*Nefas. Mare avidum. Paphiae Veneris, & templi forma. Necessitas Serva.*

**N**efas in eo Horatii versu Odae xxiv. *lib. i.* [*vs. 20.*]

*Quidquid conrigere est nefas.*

expono ego, οὐ θέμις. Suidas in 'ἄλλ' οὐ θέμις. alii interpretantur ἀδύνατον. utrumque recte. Sed prior expositio magis placet,

Oda xxviii. [*vs. 18.*]

*Exitio est avidis mare nautis.*

Acron videtur legere: *Exitio est avidum mare nautis*: scilicet eo modo, quo *avidum orcum* legimus. Utraque lectio optima, sed Acroniana figuratior.

Oda xxx. [*vs. 1.*]

*O Venus regina Gnidi, Paphique.*

Templi Paphiae Veneris situm, & formam Deae (neque enim alibi sic exprimebatur & colebatur) lege cum aliquot aliis paradoxis historiis sive fabulis apud Cornelium Tacitum *lib. xviii.* [*Histor. ii. cap. 2. & 3.*]

Oda xxxv. [*vs. 17.*]

*Te semper anteit saeva necessitas.*

Lambinus adseverat in libris vetustis legi *Saeva*,  
non

non *Serva*. At Pierius lib. XLVIII. capitè de Clavo, testatur, se in libris antiquissimis observasse scriptum esse, *Serva*: quam scripturam ego sic probo, ut omnino retinendam censeam. Necessitatem enim antiqui Fortunae *servam* finxere, & quidem πρόπολον. Ideo Horatius vim & notionem Graeci vocabuli προπόλου expressurus verbis Latinis dicit: *Servam Fortunae Necessitatem anteire*.

## CAPUT VI.

*Gyges & Gigas priorem habent syllabam communem. Horatii quaedam loca non mutanda. Lambinum falli. Monaeses. Plutarchum ab Horatio dissentire. Parthorum Rex. Cotiso Dacorum Rex.*

**L**ambinus ferre non potest, *Gyges* apud Horatium legi priore brevi. Itaque non solum in hoc poëta, sed ubicumque apud alios sic invenitur, censet loca esse corrupta, & pro ea voce *Gyam* reponendum judicat. Verum exempla poëtarum, quae adferemus, falli eum docebunt. Suntque haec brevis syllabae exempla. Ovidius [*Trist. lib. IV. El. VII. vs. 18.*]

*Centimanumque Gygen, semibovemque virum.*  
sic enim libri veteres habent: ubi bis repetita copulativa conjunctio venustiore versum facit. Idem elegia prima secundi Amorum [*vs. 12.*]

*Centimanumque Gygen. & satis oris erat.*  
Seneca Hercule Oetaeo. [*vs. 167.*]

*Qui vastus Briareus: qui tumidus Gyges.*  
Automedon, sive Anacreon lib. II. Epigrammatum Graecorum. [*cap. 47. Epig. 17.*]

\*Ου μοι μέλει Γύγας.

Gregorius Theſſalonicenſis. (a).

Θέλει γύγω τὰ καὶ τὰ.

Longae vero ſyllabae exempla ſunt, quae ſequuntur. Virgilius [*Aenëid.* ix. vſ. 762.]

— *Succifo poplite Gygen.*

Horatius *oda* v. lib. II. [vſ. 20.]

*Luna mari, Gnidiuſve Gyges.*

Idem *oda* VII. lib. III. [vſ. 5.]

*Gygen? ille Notis actus ad Oricum.*

Alphaeus lib. I. epigrammatum Graecorum [*cap.* 12. *Epigr.* 2.]

\*Ουκ ὀλβὸν πολύχρυσον, οἷα Γύγης.

Propertius lib. III. [*Eleg.* ix. vſ. 18.]

*Lydia Gygeo tinctâ puella lacu.*

Ut jam mirandum non ſit, Horatium quoque vocis ejusdem menſuram ad commodum ſuorum carminum aptaſſe. Quasi deſint exempla poëtarum, qui in eodem verbo eandem vocalem modo productam, modo conreptam conlocarint. Sedigiti Volcatii licentiam, atque Horatii ſupra [*lib.* II. *cap.* XIII.] retulimus in verbo *Licinius*. Itaque ſi quis ſibi interdum parum conſtat in quantitate aliqujus ſyllabae, aut ſi duo pluresve inter ſe diſcordent, mirum cuiquam non debet videri.

*Lib.* III. *oda* VI. [vſ. 9. *ſeq.*] Horatius de Monæſe Duce Parthorum loquens abit diverſus a Plutarcho, qui in Antonio [*pag.* 937. *E.*] tradit, Antonium multum ſecretis nunciis a Monæſe adjutum fuiſſe. Horatius autem ſcribit, Romanos clades a Monæſe accepiſſe his verſibus.

*Fam bis Monæſes, & Pacori manus*

*Non auſpicatos contudit impetus.*

*Oda*

(a) Puto Matthium reſpicere Gregorii Nazianzeni Odam 11. ſed ibi vſ. 7. legitur Θείεις τὰ Γύγιά σοι.

Oda VIII. lib. III. [vs. 18. seqq.]  
*Occidit Daci Cotifonis agmen:  
 Medus infestis sibi lactuosus  
 Diffidet armis.*

De Cotifone Dacorum rege, a Cornelio Lentulo Augustilegato in Pannonia superato, Paternus, Florus [lib. IV. cap. 12. §. 18.], & Eutropius. Medos autem, id est Parthos tunc inter se dicit diffidentes: quod pulso Phraârthe a populo, ut supra diximus, Tyridates rex creatus fuerat: qui tamen, Phraârthe a Scythis restituto, Romam ad Augustum cum filio Phraârthis indiligentius custodito confugit.

C A P U T VII.

*Purpura candida apud Horatium. Lambini error. Acuta belli.*

Oda prima lib. IV. non Veneri canitur. Itaque inscriptio mutanda, & Q. Fabio Paulo Maximo adtribuenda: cui in consulatu conlega fuit M. Antonius Julius M. Antonii Triumviri filius Africanus, ad quem sequens statim oda scribitur. In hac oda ad Q. Fabium sunt hi versus. [vs. 9. seqq.]

*Tempestivius in domo  
 Paulli, purpureis ales oloribus,  
 Comissabere Maximi.*

Lambini audacia hic decipiat neminem: qui non dubitavit vocem *purpureis* in *marmoreis*vertere: quoniam latuit hominem, esse etiam genus purpuræ candidæ: quod jam pridem ab Hermolao Barbaro traditum est. Hoc non fefellit olim Plutarchum, qui in Alexandro [pag. 686. D.] *candidæ purpuræ* meminit: nec C. Pedonem Albinovanum,



in cuius carmine ad Maecenatem est hic versus.  
[*Eleg. II. vs. 62.*]

*Brachia purpurea candidiora nive.*

Cautior fuit in ejus verbi significatione explicanda Porphirio: qui *purpureis*, *pulchris* interpretatur. Qua in significatione etiam Virgilius dixit. [*Georg. lib. I. vs. 405.*]

*Et pro purpureo poenas dat Scylla capillo.*

Sed idem Lambinus in mustaceo lauream quærens, in eum versum Horatii *oda IV. lib. IV. [vs. 76.]*

*Expediunt per acuta belli.*

verba multa impendit, ut doceat legendum esse, ut legitur: *per acuta belli*, non *acuta bella*: quasi Porphirio non multis saeculis ante admonuerit, legendum esse, *acuta belli*: non *acuta bella*. *Acuta* autem *belli* ego esse existimo, non quæ scribit Lambinus, sed momenta & occasiones: ut poëta respiciat ad novaculam, quam manu gestari ab Occasione Dea eleganter fingit Posidippus *lib. IV. Epigrammatum Graecorum [cap. XII.]*. Et quis nescit, momenta, vel minima in bello semper (ne plerumque dicam) inclinationes habere insignes? &, vel laetos captata & adrepta: vel tristes neglecta exitus ferre? Itaque probe in hanc sententiam idem Posidippus. [*L. c.*]

Χεῖρ δὲ δεξιτέρη τι φέρεις ξυρόν? ἀνδράσι δειγµα.

Ὡς ἀκμῆς πάσης ὀξύτερος τελέω.

Legantur etiam proverbia: *In acie novaculae: & nosce tempus.*

## CAPUT VIII.

*Arbitria. Justa. Funera. Exsequiae. Ciceronis locus declaratus.*

**I**nterpretes Horatii exponunt, *Arbitria fecerit : judicavit , & sententiam tulit : ad eum versum Odae VII. lib. IV. [vs. 21.]*

*Cum semel occideris , & de te splendida Minos Fecerit arbitria.*

Ego non memini legere : *Facere arbitria*, aut *Facere sententiam*, pro *judicare* : cum tamen *Facere praejudicium* frequenti sit in usu. Contra, cum *Facere funus*, *Facere justa*, *Facere justa funerum*, *Facere justa funera*, *Conficere justa*, & , *Solvere justa funeri*, Latine optime dicatur : quibus modis Cicero atque alii usi sint, videor facere posse sine suspitione temeritatis, si hic apud Horatium suspicer, *fecerit arbitria* nihil aliud significare, quam sepulturae mandatus sis, & splendida justa mortuo sint perfoluta : id est, cum obieris. Etsi enim tristem sententiam Minois sequitur mors, tamen verbum hoc, *splendida*, non ad judicia, sed ad funerum magnificentiam egregie est adcommodatum. Cicero etiam alicubi *sumptuosa* dicit. Hic autem Ciceronis verba in oratione post reditum ad Senatum aemulatur felicissime sine dubio Horatius. Verba Ciceronis haec sunt. [cap. 7.] *Nondum palam factum erat concidisse Rempublicam, cum tibi arbitria funeris solvebantur.* Ecce, quod Cicero ait : *concidisse Rempublicam*, Horatius, *cum semel occideris*, dicit : & quod idem Cicero : *arbitria funeris solvebantur*, Horatius explicat : *Et de te splendida Minos Fecerit arbitria.* Aliud exemplum Ciceronis est superiori simi-

le in oratione pro Domo sua. [cap. 37.] *Vidi praetextatos inimicos nondum morte complorata arbitria funeri petentes. & in Pisonem [cap. 9.]. Eodem in templo arbitria non mei solum, sed patriae funeris abstulisti.* Exempla autem earum, quas dixi, figurarum non adpono, quoniam sine ullo negotio quisque sibi petere potest ex Nizoliis. *Confectis justis funebribus, dixit Caesar lib. vi. de bello Gall. [cap. 19.]*

Quod addam superpondii loco erit. In verbis illis Ciceronis: *Non palam factum erat concidisse Rempublicam, cum tibi arbitria funeris solvebantur.* Hoc in loco Ciceronis verbum illud, *solvebantur*, venustam habet dilogiam. Nam proprie, *solvere arbitria funeris*, est, *funus facere, curare funus faciendum,olvere iusta funeri, iusta facere*: & si quae aliae sunt formulae hujusmodi. At hic alio, sed tamen conjuncto sensu accipi debet, hoc pacto interpretando. Qui sumptus fieri, & qui honor haberi solet mortuis, ille habitus, & persolutus est tibi: persolutus, inquam (hic enim est *δολογία*) id est, pro mercede ruinae meae, & everssae Reipublicae atque oppressae, provincia tibi decreta est.

## CAPUT IX.

*Horatii vetus lectio retenta: plures ejusdem loci inlustrati. Luxere.*

**O**da prima Epodon Horatii sunt hi versus, [vs. 19. seqq.]

*Ut adsidens inplumibus pullis avis*

*Serpentium adlapsus timet*

*Magis relictis: non, ut adsit, auxilii*

*Latura plus praesentibus.*

Legunt hic aliqui, *minus relictis*: sed pessima est istorum

rum lectio. Ordo & sensus versuum hic est. Mater avis pullis inplumibus timet quidem adsidens: magis tamen timet relictis: non quod plus auxilii adlatura sit avicula scilicet imbecilla, si adfit.

Oda tertia ejusdem libri. [vs. 4. & seq.]

*O dura messorum ilia!*

*Quid hoc veneni saevit in praecordiis?*

Ex interpretibus nemo satis hinc se explicat in ordine versus postremi. Lambinus & Cruquius sensum adsecuti verba duo ingerunt in explicando minime omnino necessaria, sic exponentes. *Quid est hoc veneni, quod saevit in praecordiis?* Ego mihi persuadeo, verbum illud, *hoc*, paretcon esse: abundat enim, more scilicet antiquis scriptoribus usitato, praesertim in ejusmodi pronominiis: ut patebit exemplis. Cicero lib. 1. ad Lentulum [Ep. 2.] *Quem ipsum cum audio, prorsus eum omni suspitione libero.* Quibus in verbis abundant duae voces: *ipsum*, & *eum*. Plautus [Poen. Act. III. sc. 3. vs. 31.]

— *Hunc chlamydatum, quem vides,*

*Ei iratus est Mars.* — — —

Terentius Heautont. [Act. III. sc. 3. vs. 43.]

*Hanc secum huc adduxit, ea, quae est ad uxorem tuam.*

Oda vi. ejusdem libri [vs. 4.]

*Quin buc inanes, si potes, vertis minas.*

Cruquius legit, *verte*: sed male: haberet enim Jambicus versus Trochaicum a Jambico versu exclusum.

Oda xvi. ejusdem libri.

Ruinam futurae aliquando urbis Romae praesagit nolens Horatius. Nec falsus fuit vates: cum detestans civilia bella sic queritur. [vs. 10. seqq.]

*Ferisque rursus occupabitur solum.*

Bar.

*Barbarus, heu, cineres insistet victor: & urbem  
Eques sonante verberabit ungula.*

Hae calamitates contigerunt anno a Domino nostro JESU CHRISTO nato quingentesimo quadragesimo septimo, urbe a Totila capta, direpta, & tota prope funditus everfa. Auctores sunt Marcellinus Comes, & Otho Frisingensis.

Oda xvii. eiusdem libri.

Quod testatus sum alibi, idem hic quoque repetito: suam veterem scripturam auctoribus esse conservandam, etiam si meliorem possis substituere. Id ideo dico, quoniam Lambinus ad odam xvii. Epodon, ubi libri omnes antiqui habent, *Unxere*, in hoc versu [II.]

*Unxere matres Iliæ additum feris*

*Alitibus atque canibus homicidam Hectorem,*

legendum longa disputatione adserit, *Luxere*. Sed praedicet & praecipiat aliis Lambinus ista: mihi certe non persuadebit. Mortem Hectoris luxere & statim eo interempto, & toto eo tempore, quo ejus cadaver ab Achille est retentum. *Unxere* autem, posteaquam inpotentem iram domuit exoratus Achilles & placatus: patrique redemptum concessit. Itaque subdit statim poeta [vs. 13.]

*Postquam relictis moenibus Rex procidit,*

*Heu, pervicacis ad pedes Achillei.*

Consilium poetae Lambinus non est adsecutus. Studet enim Horatius probare exemplis, nullum dolorem, nullamque iracundiam tantam umquam fuisse in quoquam, ut non aliquando animus flexus ad aequitatem redierit, finemque fecerit dolori & furori. Sententia igitur est. Etiam Achilles, quamquam ira prope inexpiabili exardesceret, aliquando tandem tamen illam conculcavit & placatus est, cadaverque Hectoris reddidit, ut commendari sepul-

sepulcro posset. Id enim significat verbum hoc *Unxere*. Tunc enim ungendi, & iusta cetera solvendi facultatem habuerunt Iliæ matronæ, cum Achilles ira sopita & deposita cadaver reddidit. Concluditque Horatius, & ait: exemplo illius etiam Canidiam debere tandem odio modum finemque ponere. Quod si aliquo in libro legeretur *Luxere* (quod tamen nemo adserit) eamdem tamen illi sententiam tribuerem, quam dixi, loco isti: agnosceremque ibi eum sensum, in quo accepit Cicero: cum interrogatus, quid agerent conjurati, respondit, *Vixerunt*.

## CAPUT X.

*Quid apud Horatium significent nova & ficta verba. Parce. Adspargere.*

**I**N epistolam de Poëtica ad Pisones post tot excellentium virorum lucubrationes fortasse temerarium sit quidquam audere amplius aliquem. Atamen quid agas? Nec omnes omnia vident, & norunt: & pridem sic vivitur: scripturimusque plerique omnes ad insaniam: & pruritus morbi huius his unguibus est scabendus. Praeterea hæc epistula est pictura prætereuntes omnes spectans; id est, universis præbens amplum multarum & sæpe diversarum atque inter se contrariarum conjecturarum & formarum argumentum. Proponamus nos quoque quibusdam in locis eius epistolæ opinionem nostram, relicturi omnino doctioribus illius iudicium: [vs. 52. seq.]

*Et nova fictaque nuper habebunt verba fidem, si  
Graeco fonte cadant parce detorta.*

*Par.*



*Parce detorta* non habent eam vim, quae paritatem (ut utar verbo Senecae) & raritatem significant: sed monent, novata verba tunc probatum iri & placitura, si de Graeco aliquo verbo sint non penitus deducta, id est, etymologia integra servata: sed si aliquantulum sit deflexum discessumque a principis verbi sua naturalique in vicinam aut cognatam significationem: veluti dicamus, illa non esse a fonte, sed quasi per divindicula alio deducta & detorta. Ecce, quem Graeci λυαῖον dicunt, si *solutorem* vertissent nostri, nihil a fonte Graeco esset discessum. Itaque egregie & perite *Liberum* vertentes, detorserunt non nihil a fonte & deflexerunt: discessusque iste pauculus reddit verbum, figura ipsa etiam adiuvante, gratius & venustius. *Detorquere* autem significare id, quod dico, probant multa multorum exempla: sed uno contenti erimus Ciceronis de Universitate [cap. 7.]. *Eumque, qui erat eiusdem detorsit a latere in dextram partem.* Graeci quoque auctore Polluce lib. VII. cap. XI. πλύνειν, καὶ πλύνεσθαι dicunt pro λαιδορεῖν. Horatius quanta cum venere dixit *adspergere?* eo versu IV. *Satirae lib. primi?* [vs. 87.]

----- *Quavis adspergere cunctos,*

*Praeter eum qui praebebat aquam?* -----

Porro verba illa, *nova fictaque*, τὸ ἀντὶ ἑστί. Sic *natum inventumque*, hoc versu.

*Sic animis natum inventumque poema iuvandis.*

Sic Cicero non semel dixit: *Novamus & facimus: Formamus & fingimus:* sine ulla varietate sensus.

## CAPUT XI.

*De Imitatione. Horatium decipi. De Epoeia, & Tragoedia.*

U num ex tribus imitandum poëtae praecipit Aristoteles. [*Poët. cap. 25.*]

Vel qualia erant, aut sunt: οἷα ἦν, ἢ ἔστιν.

Vel qualia dicuntur, & videntur: οἷα φασί, καὶ δοκεῖ.

Vel qualia esse oportet: οἷα εἶναι δεῖ.

Horatius tria haec Aristotelis praecepta adstrinxit in Epistula de Poëtica, cum sic scribit [*vs. 119.*]

*Aut famam sequere: aut sibi convenientia finge.*

quibus in verbis priora duo Aristotelis praecepta Horatius uno nomine *Famae* comprehendit: scilicet. *Qualia erant aut sunt: & Qualia dicuntur & videntur.* Quodque Aristoteles vocat, *Qualia oportet*, Horatius vertit. *Aut convenientia finge.* Ibidem [*vs. 125. seqq.*]

*Si quid inexpertum scenae committis: & audes*

*Personam formare novam, servetur ad imum,*

*Qualis ab incepto processerit, & sibi constet.*

Cum Aristoteles [*Poët. cap. 13.*] & Strabo lib. 1.

[*ag. 37.*] doceant; argumentum fabulae sumendum esse ex historia, id est, ex re, quae fuit, aut est, aut etiam ex re: quae dicatur & videatur, & sit vulgi opinione recepta: cumque Epici & Tragici viam hanc universi triverint, videtur Horatius iusta reprehensione carere non posse, quando concedit cuique facultatem fingendi sibi argumentum rei & personae novae, inexpertae, quae hactenus non fuerit, & de qua sit opinio nulla. Novi quidam interpretes existimant, Ho-

Horatium de persona tantum sentire: sed verba poëtae aperti mendacii eos arguunt: nam distincte diserteque Horatius de utroque praecipit. De re, cum dicit. *Si quid inexpertum scenae committis.* De persona, cum addit. *Et audes personam formare novam.* & paullo post. [*vs.* 129.]

*Rectius Iliacum carmen deducis in actus;*

*Quam si proferres ignota, indictaque primus.*

ut omnino negari non possit, quin Horatius de utrisque re, & persona praecipiat. Atque, quod ad personam attinet, concedo, personam novam fingi a poëta posse: sed quae non sit princeps personae fabulae: ut in Aiace Mastigophoro Sophoclis, principes personae sunt Ajax & Ulysses: in Electra eiusdem, Orestes & Electra. Has personas non finxit poëta, sed ex historia est mutuatus: propterea mutari non possunt. Reliquas personas fingere ex libidine poëta potest: ut Minervae & Paedagogi. Sed laxata ab Horatio novis poëtis licentia de persona & re ignota, indicta, nova, & a novo poëta excogitata, cuius nulla historia, nulla fama, & nulla opinio exstat, traxit in fraudem Arbecca auctorem aetate nostra Praecastoriumque, & nonnullos alios, qui in suis poëmatibus commenti sunt fabulas sine ullius historiae, aut famae vulgaris, aut opinionis fundamento. Etsi autem Horatius hic de Tragoedia tantum tractat, quod adparet satis, cum Scenae & Actus meminit, tamen idem praescriptum etiam ad Epopoëiam pertinet.

## CAPUT XII.

*Proicio. Sermo Pedestris. Perpensus locus  
in epistula Horatii de Poëtica.*

**E**t tragicus plerumque dolet sermone pedestri  
Telephus & Peleus. ---

Non incommode ordinari haec [*Artis Poët. vs. 95.*] possent verba: si Telephus & Peleus antecedant verbum *dolet*: non autem cum sequente verbo *proicit* iungatur, hoc modo. Et tragicus Telephus & Peleus plerumque dolet sermone pedestri: totumque locum sic interpungas.

*Interdum tamen & vocem comoedia tollit:*

*Iratusque Chremes tumido dilitigat ore.*

*Et tragicus plerumque dolet sermone pedestri*

*Telephus & Peleus: cum pauper & exsul uterque*

*Proicit ampullas, & sesquipedalia verba,*

*Si curat cor spectantis tetigisse querela.*

Nam quemadmodum de comoedia loquens Horatius, posteaquam de comoedia mentionem fecit, statim comicarum personarum nomina subiungit, sic dicens:

*Interdum tamen & vocem comoedia tollit:*

*Iratusque Chremes tumido dilitigat ore.*

Sic de tragoedia agens, post tragoediae mentionem, debuit tragicarum personarum testimonium adferre: quod continget, si verba ordinentur, ut diximus: sed hoc propono, non statuo.

Quod autem interpretes veteres, & novi exponunt *proicit*, *abicit* & *deponit*, eo modo, quo Virgilius [*Aen. vi. vs. 835.*] dixit:

*Proice tela manu sanguis meus.*

omnino recte sentiunt: non tamen negandum fuit,

C c

quod

quod faciunt, *proicere*, interdum esse *proferre*, & *promere*: alioqui peccasset Virgilius, cum lib. v. [*Aen.* vs. 401.] dixit.

*In medium geminos immani pondere caestus*

*Proicit.* —————

quod Donatus quoque sentit, qui interpretatur, *protulit*. Pedestris autem sermo cum alibi prorsam orationem etiam apud Horatium significet, tamen hic pro humili, demisso, & abiecto; atque supplici est accipiendus.

### C A P U T · XIII.

*Cyclicus. An Stasimus Parvae Iliadis auctor fuerit. Eusebii locus adnotatus. Lescolesinus.*

[**H**orat. de *Art. Poët.* vs. 136.]

*Nec sic incipies, ut scriptor Cyclicus olim.*

*Fortunam Priami cantabo, & nobile bellum.*

De Cyclo poemate (a), & Cyclico poeta super-  
va-

(a) De Cyclo Epico & Poëtis Cyclicis merentur omnino videri, quæ habent summi Viri, *Casaubonus ad Athen. Lib. vii. cap. 3.* & *Salmasius Exercitat. in Solin. pag. 594. seqq. Ed. Traject.* In eo autem falli videtur *Mattius* noster, quod cum *Scaligero* & *Casaubono* l. c. *Ἰλιάδος τῆς μικρᾶς* auctorem faciat *Stasimum*, vel *Stasimum Cyprium*: neque enim is *Parvam Iliadem* scripsit, sed aliud Poëma, cui nomen fuit *κυπρία*, & cujus hoc initium.

*Ἴλιον ἀείδω καὶ Δαρδανίην ἑυπάλον:*

sicuti eum versum profert *Herodotus*, qui illud Poëma etiam *Ἰλιάδα τὴν ἐλάττω* dictum scribit. Alii tamen Grammatici in fine hujus versus habent, *Δαρδανίην ἑραπίην*. Verum diversum, ut dixi, opus fuit *Ἰλιάς ἡ μικρά*: quam *Leschen Lesbium* auctorem habere censent *Scholias*tes *Pindari*, *Eusebius*, *Syncellus* aliique; & qui cum illis sentiunt *Salmasius* l. c. p. 598. seqq. &

vacaneum est quidquam addere ad ea, quae supra nos diximus, & quae observavit in Catullianis commentariis. [ad Epigr. xcii.] Iosephus Scaliger, vir is, in quo singularis eruditio certat cum nobilissimi generis splendore. Unum ibi in disquisitionem adduci fortasse potest: Si Stasimum Parvae Iliadis auctorem facimus, quod ille sentit. Iliadis autem Parvae primus versus hic fuit.

\* Ἰλίον αἶδω, καὶ Δαρδανίην ἐρατείνην.

quid excogitabimus, ut persuaderi nobis aequo animo patiamur, poetam illum, quem Horatius Cycticum adpellat, a vitio immensi & numquam finiti & eodem semper recurrentis poematis (a) (est enim ἐν τῷ κύκλῳ ut initium nullum, sic finis nullus) Stasimum fuisse? cum a Graeco, quem citavimus, primo Parvae Iliadis versu longe diversissimus sit hic

& Fabricius Biblioth. Graec. Lib. II. cap. 2. Vol. 1. p. 279. Ait apud ipsos etiam veteres non plane certum fuisse Parvae Iliadis auctorem crediderim. Pausaniam certe illam Lescheo non tribuisse puto: quicquid contendat Salmastius, qui Leschei Ἰλίου Πέρσιν à Pausania saepius adductam non diversam fuisse censet ab illo Poëmate, quod aliis Ἰλιάς ἢ μικρὰ dicitur. Unusquisque enim, qui attente leget ea, quae scribit Pausanias in Phocicis cap. xxv. pag. 860, 861. & cap. xxvi. pag. 862. satis intelliget, Leschen illum & Iliadis Parvae auctorem tanquam distinctos plane scriptores memorare: & Leschei Ἰλίου Πέρσιν à Parva Iliade omnino distinguere: sicuti etiam in Laconicis cap. ult. pag. 278. nulla Leschei facta mentione simpliciter ait. ὁ τὰ ἔπη ποιήσας τὴν μικρὰν Ἰλιάδα. Caeterum vix, ac ne vix quidem capio, quod in fine hujus capitis refert Mattius, Eusebium Parvae Iliadis auctorem adnotare Lescheolinum. Apud Eusebium enim ad Olympiad. xxx. lib. i. pag. 143. Ed. Scalig. hodie legitur Λέσχης Λέσβιος ὁ τὴν μικρὰν Ἰλιάδα ποιήσας. & in Latinis ibid p. 121. Alcmaeon clarus habetur, & Lesches Lesbios, qui parvam fecit Iliadem.

(a) In Margine prioris editionis habebatur. Τὰ τὴν αὐτὴν ὑποθέσιν ἔχοντα, ταῦτα κύκλῳ ἔλεγον. Scholiastes Aristophanis.



hic Cyclici poëtae versus, ab Horatio sic latine red-  
ditus?

*Fortunam Priami cantabo, & nobile bellum.*

Quid est etiam, quod Eusebius *lib. iv. Olympiadis xxx.* Lescoselinum quemdam eadem aetate cum Alcmaeone auctorem adnotat Parvae Iliadis? An Lescoselinum (sic enim diserte in meo manu in pergamenis scripto libro scribitur) Stasimum adpellatum esse cognomine dicemus a νύγῃς? λέσχαῖς enim id. significant.

#### C A P U T XIV.

*Locus Horatii in eadem epistula non recte ab interpretibus declaratus. Fabulae constitutio. Indignatio.*

**F**icta voluptatis causa sint proxima veris:

*Nec quodcumque volet, poscet sibi fabula credi:*

*Neu pransae Lamiae vivum puerum extrahat alvo.*

Credunt interpretes poëtae, tradi ab Horatio hic [*de Art. Poët. vs. 338. seqq.*] praeceptum. Non esse (verba sunt interpretum) in fabulis fingendum, ex Lamiae alvo vivum puerum extrahi, quem paullo ante sua ingluvie devoraverit: sed falluntur. Immo, nisi huiusmodi miracula fingeret poëta, poësis fundamentum maximum convelleretur: quoniam fabula constituitur ab optimis poëtis ex argumento earum etiam rerum, quae fieri non possunt, dummodo fama & vulgi opinione sint receptae. προαιρεῖσθαι δὲ (inquit Aristoteles.) [*de Poët. cap. 24. p. 29.*] ἀδύνατα, καὶ εἰκότα μᾶλλον, ἢ δύνατα, καὶ ἀπίθανα: quo in loco posuit Aristoteles εἰκότα pro πῖθανα, ut non multo post ab eodem auctore docemur sic repetente. πρὸς τε γὰρ τὴν ποιήσιν αἰρετώτερον πῖθανον ἀδύνατον, ἢ ἀπί-

ἀπ' ὅραρον, καὶ δύναντον. Docet ergo Horatius, poëtae non esse enixius laborandum, postulandumve, ut fabulam spectatores verum esse credant: quod obtinere conati nonnulli mali poëtae oculis spectatorum interdum facinora & flagitia subiciebant malo exemplo, & eventu etiam infelici: abhorret enim animus, atque oculi celeres & fidi ad animum nuncii a spectando atrocita & facinorosa. Itaque hanc rem omnino non tentandam paullo supra probat his versibus [179. seqq.]

*Aut agitur res in scenis, aut acta refertur.*

*Segnius inritant animos demissa per aures,*

*Quam quae sunt oculis subjecta fidelibus, & quae*

*Ipse sibi tradit spectator. Non tamen intus*

*Digna geri promes in scenam: multaque tolles*

*Ex oculis: quae mox narret facundia praesens.*

*Nec pueros coram populo Medea trucidet.*

*Aut humana palam coquat exsta nefarius Atreus.*

*Aut in avem Progne vertatur, Cadmus in anguem.*

*Quodcumque ostendis mihi sic, incredulus odi.*

Ibidem. [vs. 357.]

*Sic mihi, qui multum cessat, fit Choerilus ille.*

*Quem bis terque bonum cum risu miror: & idem*

*Indignor: quandoque bonus dormitat Homerus:*

*Verum opere in longo fas est obrepere somnum.*

Quidquid dicant post Petrum Victorium Jason, Lambinus, & alii, persto ego in sententia: quam in libro mearum Adnotationum [Cap. C.] pridem declaravi cum adprobatione excellentium virorum: qui librum illum meum legerunt. Omnino indignor verbum Horatii refertur ad felicem casum Choerili, indigni tamen felicitate illa: quasi dicat poëta: admiror, & rideo felicem illum, ut in tesseriis jactum: aequo tamen animo ferre non possum: excandescio, doleo, & indignor, fortem eam, & fortunam con-

tigisse ea felicitate indigno. Quis autem nescit, indignationem esse aegritudinem nascentem in animis hominum: quando non merenti & indigno boni aliquid contingit? De risu porro atque admiratione si qui cupiunt legere scitu ad hanc causam opportuna, adeant Vincentium Madium, civem meum, Fracastorium, & aliquot alios: qui aetate nostra docte & sapienter de utrisque scripserunt.

## CAPUT XV.

*Horatium non recte dissentire a Cicerone. Pythia canere. Plinii locus emendatus.*

**I**N eadem epistula Horatius sic scribit [vs. 372. seq.].

--- -- *Mediocribus esse poetis*

*Non homines, non Di, non concessere columnae.*

At longe aliter sentit Cicero: cuius iudicium multis partibus iustius Deorum, hominum, ac columnarum interdicto antepono. Ciceronis verba haec sunt in Oratore ad Brutum [cap. 1.]. *An in poetis nisi Homero soli locus est, ut de Graecis loquar? aut Archilochus? aut Sophocles? aut Pindarus? & non horum secundis, aut etiam infra secundos?*

Ibidem [vs. 467.].

*Invitum qui servat, idem facit occidenti.*

Seneca Thebaïd. [vs. 99. seqq.] ex hoc Horatii versu belle ludendi occasionem nactus sic argutantem inducit Oedipum:

*Nolentem, in aequo est, & qui properantem impedit:*

*Occidere est vetare cupientem mori.*

*Nec tamen in aequo est: alterum gravius reor.*

*Malo imperari, quam eripi mortem mihi.*

Ibi.

Ibidem [*Artis Poët.* vs. 414.]

Caecutiunt interpretes in expositione hemistichii hujus.

-- -- *Qui Pythia cantat.*

ego expono, qui in Pythiis cantat. Sic Plin. lib. xxxv. cap. xv. *Alcimachus Dioxippum, qui Pancratia Olympia citra pulveris jactum, quod vocant aconiti: coniti Nemea.* Ubi tamen libri vulgati habent: *Olympiae*: male: nam & ratio sic & usus postulat: & statim sequitur: *coniti Nemea.* Apulejus quoque sic locutus est in libro de Dogmate Platonis, [pag. 250.] sic scribens. *Tantosque progressus exercitatio contulit ei, ut Pythia, Isthmia deluctata certaverit.* Huiusmodi vero formulae apud Lucianum non semel leguntur. Horatius quoque epistula prima libri primi. [vs. 49.]

*Quis circum pagos & circum compita pugnae  
Magna coronari contemnat Olympia? cui spes,  
Cui sit condicio dulcis sine pulvere palmae?*

Legantur quoque, quae in hos versus paullo post sum dicturus.

# C A P U T XVI.

*In eadem epist. Senes δυσελπίδες. λεκιστοπάλης.*

[*V* vs. 172.]

--- *Spe longus, iners, avidusque futuri.*  
exponunt, alii

*Spem longiorem habet vivendi.*

alii,

*Sperat, se adhuc victurum.*

alii.

*Sibi spem longi temporis proponit.*

Concors est omnium istorum interpretatio: quam ne probem faciunt verba haec in eodem versu, *avidusque futuri*. Quae verba non spem, sed cupiditatem longioris vitae indicant. Igitur expono, *spe longus*, *δύσελπις*. Longus enim hic est in eo sensu, in quo accipitur a Terentio Andria. [*Act. v. sc. vi. vs. 13.*]

Atque adeo longum 'st, nos illum expectare dum exeat.

& Cicero lib. vii. *Epist. ad Marium*. [*Ep. 3.*] *Haec tecum coram malueram: sed quia longius fiebat, volui per literas eadem.* & Caesar lib. vi belli Gallici [*cap. 8.*] *Longum esse perterritis Romanis Germanorum auxilia expectare.* Senectutis autem hoc quoque vitium est, ut lenta sit ad sperandum, longe enim ab ea abest spes. *Aluntur senes* (inquit Aristoteles lib. ii. *Rhetor.* [*cap. 29.*]) *memoria magis, quam spe.* *Φιλόζωος* est senex. Itaque Horatius recte dicit, *avidusque futuri*: sed aliud est longiorem vitam optare, aliud sperare.

*In eadem epist. male expositum versum poetæ.*

*Λεξικοπώλης. Niti. Centum. As.*

**O**ffenduntur enim, quibus est equus, & pater, & res.

In hujus versus [248.] expositione Grifolus & Jason Nores praeter ridicula cetera, turpissime etiam confundunt ordines, & genus, cum explanant his verbis: *Equites, & Patricii, & Res. id est, qui sunt divites, nec eas modo, qui censum habent equestrem, vel patricium, sed omnes locupletes intelligi: quorum solet esse magna inter cives potentia.* Misere (inquam) labuntur. Nam si de Gentibus voluerunt intelligere, dicendum, fuit *Patricii & Plebei.*

Si

Si de Ordinibus, *Senatores*, *Equites*, & *Plebs*. Sed de hac doctrina consulendi sunt libri doctissimi, & mei, dum vixit, amantissimi Caroli Sigonii.

Ibidem. [v. 249.]

*Nec si quid fracti (al. fricti) ciceris probat, aut nucus emptor.*

id est, λεκισπωλής. quod est leguminum venditor: de vilibus personis: quarum si est venditor vilis, ergo & emptor, ἐκ τῶν πρὸς ἄλληλα. legatur Aristophanis Scholiastes in Pluto. [v. 42.]

Ibidem [v. 280.]

*Nitique cothurno.*

*Niti* hic est *Incedere*. Pacuvius Periboea apud Nonium [cap. 4. pag. 684. Ed. Gothofr.] *Ardua per loca agresti & trepidante gradu nititur.* Virgilius [Aenëid. II. v. 380.]

*Pressit humi nitens.*

Varro Pranso parato. [ap. Non. l. c.] *Fertur bisulcis unguibus nitens humi.*

Ibidem [v. 323.]

*Grais ingenium, Grais dedit ore rotundo*

*Musa loqui, praeter laudem, nullius avaris.*

Ovidius in hanc sententiam [Art. Amat. l. III. v. 403.]

*Quid petitur sacris, nisi tantum fama, poetis.*

Ceteri mortales, quae arant, navigant, aedificant, pretium spectant. Solos poëtas inanes beant lauri, atque ederae.



## CAPUT XVII.

*Fortissima Tyndaridarum. Ambubaiae. Io  
Bacchae. Labeone insanius. Aqua cur  
vilissima. Ingenius.*

**L**ibri primi Sermonum Horatii Satira prima sunt  
hi versus [99. seqq.]

— — — *At hunc liberta securi  
Divisit medium fortissima Tyndaridarum.*

• Quot docti viri in horum expositione versuum laboraverunt? universique parum feliciter. Fortasse non absurdum fuerit conjungere vocem *Tyndaridarum* non cum *fortissima*, (id enim natura superlativi non patitur,) sed cum *securi*: ut sit. *Liberta* fortissima hunc medium divisit securi *Tyndaridarum*: id est, imitata *Clytemnestrae* *Tyndari* filiae facinus: quae securi in caput inlisa maritum interemit. Nec obstat, quod masculino genere comprehendit *Clytemnestram*. Immo sic ratio postulat. Nam quemadmodum diceremus: *Filii Tyndari Pollux, Castor, Helena, Clytemnestra, Phoebe*: ita hoc loco masculinum genus femininum comprehendit. Frequens est auctoribus figura haec. Terent. *Eunucho* [Act. v. sc. II. vs. I. & 2.]

*Uterque mater & pater*

*Quasi dedita opera domi erant.*

Vix enim umquam femineo generi masculinum cedit. Vix dixi: quoniam commodum venit in mentem illud Ciceronis *epist. xxv. lib. x. ad Furnium*. *Istamque operam tuam, navitatem, animum in Republicam, celeritati Praeturae anteferendam censeo*. Aufonius imitatus Horatium patronymico masculino

no

no comprehendit femininum, de Niobe loquens. [*E-pigr.* 244.]

*Thebarum regina fui; Sipyleia cautes*

*Quae modo sum; laesi numina Latoïdum.*

est enim ibi *Latoïdum* contractum pro *Latoïdarum*. Non est vero alienum a superiore argumento admonere, quod Athenaeus [*lib. II. cap. 15. p. 57.*] scriptum reliquit, de ovo Laedae: ovum adpellatam fuisse aulam; in qua Laeda liberos peperit. Hinc fabulae origo.

Paullo supra in ea, quam nominavimus, fatira, adnotandus est dativus verbo, *refert*, additus in eo versu [*49. seq.*]

*Vel dic: quid referat intra*

*Naturae fines viventi.*

Quod exemplum fortasse est singulare.

*Balatrones* & *Ambubaiae* vocabula sunt initio Satirae secundae libri primi Horatii. Otho Frisingensis *lib. v. cap. 13.* *Balatrones* exponit scurras & moriones. Alii *Balatronem* proprium nomen fuisse cujusdam insignis scurrae tradunt. *Ambubaiae* vocem esse Syriacam dicunt significantem tibicinas. Quo in sensu fortasse *Ambubaiae* illae apud Suetonium in Nerone [*cap. 27.*] sunt accipiendae.

Satira tertia *lib. I. [vs. 7.]* legendum esse, *Iö Bacchæ*, non autem, *Iö Bacche*, ultimae syllabae ratio admonere Lambinum potuit. Fuit autem vox Baccharum se invicem cohortantium.

Ibidem [*vs. 82.*]

*In cruce suffigat Labeone insanior ipso.*

De hujus Labeonis procacissima linguae libertate in Augustum, qui maledicta malefactorum cumulate poterat retundere, legatur Dio *lib. LIV. [p. 531. C. Ed. Leuncl.]*

Ibidem poeta vilissimam aquam adpellat, cum dicit [*Sat. v. vs. 88.*]

*Ve-*

*Venit vilissima rerum*

*Hic aqua.* —

non quod contemptui sit, & neglectui, sed quod obvia, multa, abundans, & nulla impensa parabilis. Sic Virgilius de pomis, & faselis [Georg. lib. I. vs. 274.]

*Vilibus aut onerat pomis.* —

[Georg. I. vs. 227.]

— *Vilemque faselum.*

*Ingenuus* Satira sexta ejusdem libri in his versibus. [vs. 7. seq.]

*Cum referre negas, quali sit quisque parente*

*Natus, dum ingenuus.* —

non refertur ad libertinum, ut censet Lambinus: sed significat probum, verecundum, & justum. Sic Cic. lib. v. epist. Familiar. [epist. ult.] *Verum enim scribam: teneriore mihi animo videbare: sicut omnes fere, qui vita ingenua in beata & libera civitate viximus.* Rectius igitur Acron sentit, qui exponit sic: *Ingenuus autem ad moris probitatem pertinet.*

## C A P U T XVIII.

*Satira fuerit ne tota Romanorum. Satiram nullam soluta oratione scriptam.*

**C**ontroversia est inter veteres scriptores, fuerit ne Satira tota Romanorum: quoniam aliqui eamdem etiam Graecis vindicant. Horatius, Quintilianus, & Acron Latinorum partes foveant. Diogenes Laërtius, & Diomedes Grammaticus ab usu Satirae Graecos non excludunt. Singulorum verba audiamus. Ponemus autem prius testimonia eorum, qui Latinis Satirae inventionem, & usum tri-

tribuunt; deinde addemus eorum auctoritates, qui Graecorum etiam fuisse crediderunt (a). Horatius Satira x. libri primi [vs. 55. seqq.]

*Hoc erat experto frustra Varrone Atacino,  
Atque quibusdam aliis, melius quod scribere possem  
Inventore minor. Neque ego illi detrahere ausim  
Haerentem capiti multa cum laude coronam.  
At dixi, fluere hunc lutulentum.* —

Idem Satira i. lib. ii. [vs. 62. seq.]

— *Quid? cum est Lucillius ausus*

*Primus in hunc operis componere carmina morem.*

Fabius lib. x. cap. i. Satira quidem tota nostra est, & in qua primus insignem laudem adeptus est Lucillius: qui quosdam ita deditos sibi adhuc habet amatores, ut eum non ejusdem modo operae auctoribus, sed omnibus poetis praeferre non dubitent. Plinius Secundus in epistula ad librum Naturalis historiae. Quod si hoc Lucillius, qui primus condidit styli nasum. Acron ad illum versum Horatii in epist. de Poëtica ad Pisones. [lib. i. Sat. x. vs. 66.]

— & Graecis intacti carminis auctor.

sic inquit: Hoc ideo dictum: quia primus Satiram Graecis intactam versibus hexametris scripsit. Etiam Graecis auctor operis est. Atque hi sunt, qui totam Latinorum esse Satiram volunt.

Nunc proferamus testimonia illorum, qui Graecis non ignotam fuisse eandem tradiderunt. Diogenes Laërtius lib. ii. Menedemo [sect. 140.]. *Ea omnia*

(a) Conferri huc omnino debent *Isaaci Casauboni de Satyrica Graecorum Poësi, & Romanorum Satyra* libri duo: quos in *Musei Philologici parte I.* recudendos curavit *Th. Crenius*. Egregie in illis docet Vir Maximus, Satyricam Graecorum Poësin cum Romanorum Satira pessime confundi: atque hujus inventionem & usum solis Romanis merito ab Horatio, & Quintiliano tribui. Vid. praecipue *Lib. ii. cap. 2. & 3.*

omnia memorat Lycophron in Satira, quam inscripsit Menedemus. Idem ix. Timone. [sect. 110.] Nam & poemata conscripsit, & versus, Tragoedias, & Satiras, & Comoedias xxx. Idem lib. v. Demetrio [sect. 85.] Demetrium alium Satiricum recenset. Idem lib. III. Platone [sect. 56.] Erat autem quartum poema Satiricum. Apulejus iv. Floridorum. [p. 246. Ed. Colvii] Canit enim Empedocles carmina: Plato dialogos: Socrates hymnos: Epicharmus modos: Xenophon historias: Xenocrates satiras. Diomedes Grammaticus. [lib. III. p. 480. Ed. Putschii] Poëmatos Dramatici genera sunt quattuor apud Graecos. Tragœdica: Comica: Satirica: Mimica. Idem paullo post [p. 482.] verbis, quae referam: in quibus vitii est sine dubio aliquid (a). Satira est carmen apud Romanos nunc quidem, apud Graecos maledicum, & ad carpendum hominum vitia Archæae Comoediae characterē compositum: quale scripserunt Lucillius, Horatius & Persius. Neque vero dederim, pedestri stylo ante Lucillium fuisse illam apud Romanos conscriptam: ne forte veteres Horatii interpretes aliquem decipiant: qui harum ineptiarum sunt auctores. Omnino Graecis (si quidem illi Satiram habuerunt) & Latinis metro illa adstricta fuit. Primum Satira poemā est. Id docent Horatius & Diomedes. Deinde nullum habemus solutae orationis exemplum. Nam illud Ennii exemplum, quod exstat apud Nonium in Obstringillare [cap. 2. p. 567.] Resistant, occurrunt, obstant, obstringillant, obagitant: est Brachicatalecticum metrum Iambicum (si modo ea omnia verba uno versu sunt comprehendenda) cui supra Trime-

tri

(a) Varie hic Diomedis locus scribitur, uti jam observavit Grenius ad Casaub. de Rom. Sat. Lib. 11. cap. 3. p. 208.

tri versus naturam pes unus superabundat: sic enim adpellat Diomedes versus uno pede longiores. Etiam Menippeas Satiras suas Varro carmine condidit: vario quidem, sed tamen carmine: cujusmodi exempla multa apud veteres Grammaticos, praecipue Nonium Marcellum (quamquam pleraque incuria librariorum corruptis numeris) leguntur: ex quo pauca quaedam citare est operae pretium. Ille igitur in voce *Merum* [cap. 4. p. 679.], ex Menippea τοῦ πατρὸς παιδίον περὶ παιδαγωγίας.

*Ac liberos parare cui necesse sit.*

In verbo *Seplafium* [cap. 3. p. 611.] Varro ἀνθρώπου λίθι περὶ γενεθλιακῆς.

*Doti dato insulam Chium, agrum Caecubum.*

*Seplasia Capuas, Macellum Romuli.*

In *Coagulum* [cap. 1. p. 498.] Varro. Ἐστὶν ὁ μὲν ὁ τρόπος τῆς ματαλαίας περὶ μέθης.

*Vino nihil jucundius quidquam bibit.*

*Hoc aegritudinem ad medendum invenerunt.*

*Hoc hilaritatis dulce seminarium.*

*Hoc continet coagulum conviviae.*

In *Cogere* [cap. 4. p. 634.]: ex Varronis Satira Eumenidibus.

*Furando tamen, ac morbo stimulatus eodem,*

*Ex sese ipse aliquid quaerat, cogatque peculi.*

In *Tempestas* [cap. 1. p. 484.]: Varro Eudaemonibus.

*Interea tonuit bene tempestate serena.*

Lucillius quoque vario genere carminis Satiras scripsit: ut lib. xxix. Satirarum apud Nonium in *Ignominia*. [cap. 1. p. 496.]

*Deliciis maculam, atque ignominiam inponere.*

In *Munes* [cap. 1. p. 495.] Lucillius lib. xxvi.

*munifici*

\* *Comesque amicis nostris* \* *videmur viri.*

In *Rudus* [cap. 1. p. 492.]: Lucillius lib. xi. Satirarum.  
*Viam*



*Viam struendum, & iniciendum huc adgerem.*

*Et id genus rudus.*

In *Tollere* [cap. I. p. 483.]: *Lucill. lib. XXV.*

*At cui, quem febris una, una ἀπὲς ψία,*

*Uni, inquam, Cyathus unus potuit tollere.*

In *Tricae, & Tricones* [cap. I. p. 487.]: *Lucill. Satira prima lib. XI.*

*Nec mihi amatore hoc opus, nec tricone vadato.*

Idem [cap. I. p. 495.]

*Lucius Cotta senex Crassi pater hujus παλαιδου,*

*Magnus trico fuit, nummarius, solvere nulli.*

In *Cernuus* [cap. I. p. 494.]: *Lucill. Satirarum lib. III.*

*Cernuus extemplo plantas convestit honesto.*

Ibidem: *Lucill. Satirarum lib. XXVII.*

*Modo sursum, modo deorsum, tamquam collus cernui.*

*Brachycatalecticis est versus. In Tolutim* [cap. I. p. 485.]: *Lucill. Satirarum lib. VIII.*

*Si omne iter evadit, stadiumque adclive tolutim.*

&:

*Velle tolutim hic semper incoepturus videtur.*

In *Capulum* [ibid.]: *Lucill. Satirarum lib. II.*

*Quem cum vidisset Hortensius, Postumiusque,*

*Ceteri item in capulo hunc non esse, aliumque cubare.*

## CAPUT XIX.

*Lucillium non primum Romanae Satirae  
scriptorem fuisse: sed Ennium. Ru-  
diōr vox Latina non est.*

**H**oratio patronos acres ac defensores hic quaero in causa, ut mihi videtur, conclamata (a). Ait ille; Lucillium fuisse Satirae primum inventorem Romae. Et tamen idem paullo post alium Satirae auctorem praedicat. Audiantur ejus versus ex Satira x. lib. i. [vs. 55. seqq.]

*Hoc erat experto frustra Varrone Atacino,  
Atque quibusdam aliis, melius quod dicere possem  
Inventore minor. Neque enim illi detrahere ausim  
Haerentem capiti multa cum laude coronam.  
At dixi fluere hunc lutulentum.* —

Satira i. lib. ii. [vs. 28.]

*Millia me pedibus delectat claudere verba,  
Lucilli ritu nostro melioris utroque.*

Paullo post ibidem [vs. 62.]

— *Quid? cum est Lucillius ausus*

*Primus in hunc operis componere carmina morem?*

Clare his omnibus locis primum Satirae inventorem Lucillium praedicat. At in eadem x. Satira lib. i. alium; non nominando, auctorem Satirae ante Lucillium dicit, cum sic scribit. [vs. 64. seqq.]

— *Fuerit Lucillius, inquam;*

*Comis & urbanus; fuerit limatior idem;*

*Quam rudis & Graecis intacti carminis auctor:*

*Quamque poetarum seniorum turba.* — — —

Ecce hic alium a Lucillio Satirae auctorem fuisse scri-

(a) Egregie pro Horatio causam dixit: τὸν Casaubonus de Rom. Satira. Lib. ii. cap. 3.

scribit, Quo in loco excusam libenter, si queam, Poëtam: quod subsidium quando praestare non queam, admirari interea licet securitatem tot doctorum virorum: qui posita multa opera in eo explicando hic mutum faciunt (a). Lambinus tamen satagit, acumenque suum pistillo acutius in eo loco explicando ostendit, sic scribens: *Fuerit limatior idem Quam*] *Hunc locum, quem scio difficilem & impeditum haberi, sic expedio, atque explico. Demus (inquit Horatius) Lucillum limatiorem fuisse, quam auctorem Satirae Graecis intactae esse oporteat, quod idem fere valet, ac si dicat. Demus Lucillum fuisse sublimiorem, quam esse debuerit. Atque ita nomen Rudis in patrio casu accipio, & cum voce Carminis conjungo. Nam quod alii recti casus faciunt, hoc modo. Fuerit limatior idem, quam rudis: id est, fuerit limatior potius, quam rudis & impolitus, hoc illi non recte. Sic enim esset locutus Horatius. Fuerit limatior, quam rudior. Probandaeque formae ejus dicendi multa adgerit exempla: quod facere in re omnibus nota non oportuit. Qua tamen in parte bis ac fortasse saepius peccat. Primum adhibet vocem auribus Latinis inauditam rudior: ut non fuerit Horatius docendus non Latine loqui. Deinde non perpetuum esse praeceptum illud, quod dicit: *Limatior, quam rudior*, satis docet Columella (eo enim nunc solo auctore contenti erimus) in prooemio lib. XII. sic scribens: *Idcirco reddit timidiorem, quam virilem*. Terminus etiam posterior comparationis diversus esse debet a re, aut persona comparata: quae ratio servatur a Poëta, cum subdit [vs. 66.]*

*Quam*

(a) Tu vide *Casaub.* in opere saepius laudato *Lib. II. cap. 2. pag. 194. Ed. Crenii.*

*Quam rudis, & Graecis intacti carminis auctor:*

*Quamque poetarum seniorum turba: —*

id est, limatior auctore carminis rudis & intacti Graecis. Dicit hic aliquis: quemnam tu censes fuisse eum: quem Horatius in illo loco auctorem rudis & intacti Graecis carminis dicit? Rem breviter expedio. Ennius ille fuit. Antecessisse autem aetate Ennium Lucillio, quilibet discere ex Eusebio potest. Scripsisse vero eundem Satiram, probatur testimonio Porphyrius: qui ad illum Horatii versum, *Frustra Varrone Atacino*, sic scribit: *Item Ennium: qui quattuor (al. ix.) libros Satirarum reliquit.* Agellius quoque lib. XVIII. cap. 2. idem testatur, sic scribens: *Quorum prima fuit enarratio horum versuum, qui sunt in Satiris Q. Ennii, uno multipliciter verbo concinniter implicati: quorum exemplum hoc est:*

*Nam qui lepide postulat alterum frustrari,*

*Quem frustratur, frustra eum dicit frustra esse.*

*Nam qui sese frustrari quem frustra sentit,*

*Qui frustratur, is frustra est: si non, ille est frustra:*

Nonius in *Obstringillare* [cap. 2. pag. 567.], quod etiam supra posuimus. *Resistant, occurrant, obstant, obstringillant, obagitant.* Nomen & locum antiqui scriptoris, qui hic egregie faceret, non memini. Ejus vicem subibit Petrus Crinitus, sic in lib. de Poëtis de Ennio loquens: *Satirarum libros scripsit quadratis versibus: qui in magno pretio habiti sunt.*

## CAPUT XX.

*Acer, intactus.*

**S**unt quibus in Satira videar nimis acer: & ultra  
Legem tendere opus.

*Acer* hic, initio primae Satirae secundi libri, non est in reprehendendis atque infectandis hominum vitiis nimis vehemens, nimis faevus & asper, ut exponunt nonnulli: sed altus, robustus, nervosus, elatus, grandis, vehemens in Satira scribenda: cujus stylum esse oportet humiliorem: quippe qui proxime adcedere debeat ad stylum antiquae comoediae: cujus locum subiit apud Latinos Satira. Hanc esse veram hic verbi hujus sententiam, satis declarant statim sequentia haec carmina.

— *Sine nervis altera quidquid*  
*Composui pars esse putat: similesque meorum*  
*Mille die versus deduci posse.* —

*Acer* igitur ad vires & nervos carminis referri debet, non ad acrimoniam atque mordacitatem. Immo Horatius in Satira adeo fuit multis partibus Lucillio mitior & temperantior: stylo vero adeo leni & demisso, ut nonnulli olim, & tempestate nostra doctissimi viri (a) ausi sint, jure an injuria? hunc praestantissimum Poëtam Juvenali, si Dis placet, post habere.

Ibidem [vs. 23.]

*Cum sibi quisque timet, quamvis intactus, & odit.*  
Quoniam laesi & tacti homines dolent accepto jam malo, non timent: timor enim est damni venturi: propte-

(a) In margine primae editionis erat. *Dionis Thomas, Jul. Caesar Scaliger.*

propterea moveor, ut hoc loco *intactus* interpreter, *Innocens*, *Integer*: quique vere non queat tangi: & de quo iuste detrahere nullus posset. Lucretius *intactilis* diceret. [lib. I. vs. 438.]

CAPUT XXI.

*Malis alienis ridere. Triplex.*

Cum Latine dicatur, *in jus vocare*, aut *rapere*: non autem, *in fura*, ego versum illum Horatii Satira III. lib. II. [vs. 72.] qui nunc sic legitur:

*Cum rapias in jura malis ridentem alienis.*

sic restituendum censeo.

*Cum rapias in jus malis ridentem alienis.*

Quid autem sit, *malis*, sive, *maxillis alienis ridere*, consulatur proverbium in Adpendice (a).

Ibidem. [vs. 237.]

*Sume tibi decies: tibi tantundem: tibi triplex.*

*Triplex*, hic pro *ter* tantum est. Sic locutus est Livius lib. VII. [cap. 8.] *Multiplex*, quam pro numero *damnum*. Aemilius Probus in Themistocle. [Milt. cap. v. §. 5.] *Decemplicem numerum hostium profli-garent.*

CAPUT XXII.

*Muribus vita brevis. Verniliter. Incoquere.*

*Remittere muriam, fucum, labem.*

Cur Satira VI. lib. II. Horatius dixit, *murium* breve esse aevum eo versu [97.]?

*Vive memor, quam sis aevi brevis.*

Qui

(a) Vid. Joan. Ferrerii Proverbiorum Collectanea post Erasmi Adagia pag. 1583. Ed. Col. Allob. 1612.



Qui de natura hujus animalculi scripsere, tradunt adeo fecundos crebrosque esse muris partus, ut, nisi natura brevem ei vitae terminum statuisset, copia esset futura frugibus, ceterisque commodis hominum, damnosa. Graeci *μυρουβადιους* dicunt. Ibidem. [vs. 108.]

*Continuatque dapes. Nec non vernaliter ipsis  
Fungitur officiis, praelambens omne, quod adfert.  
Verniliter* ego dicendum puto: sicut a *Scurra, Scurriliter*. Est autem hoc loco *Verniliter*, furaciter, vel gulose. Sequitur enim: *praelambens omne, quod adfert*. Hoc genus hominum saepe prius degustatas, deminutas, praerosas, & semesas a se escas dominis adponunt. Quod vitium egregie apud Terentium Adelphis [Act. iv. sc. 2. vs. 50. seqq.] depingit Syrus sic dicens:

-- -- -- *Ego jam prospiciam mihi.  
Nunc jam adibo: atque unumquodque, quod quidem  
erit bellissimum,  
Carpam: & cyathos sorbillans paullatim, hunc  
producam diem.*

Satira VII. ejusdem libri. [vs. 82.]

*Duceri, ut nervis alienis mobile lignum.*  
Neque Acronis placet interpretatio, neque Lambini: qui de Neurospastis intelligit. Ego accipio de Trochleis, Ergatis ipsis, atque aliis ejusmodi tractoriis machinis. Hae machinae trahunt quidem molem aliquam: sed eadem machinae moventur, inpelluntur, aut trahuntur extrinsecus alia vi.

Satira VIII. ejusdem lib. II. [vs. 51. seqq.]

*Erucas virides, inulasque ego primus amaras  
Monstravi incoquere: inlutos Curtillus Echinos,  
Ut melius, muria: quam testa marina remittit.*  
Sensus horum versuum satis per se erat apertus,  
nisi

nisi Lambinus pilum in ovi testa, quod ajunt, quaerens, novam, id est, a se excogitatam, invitam tamen, & reluctanter lectionem, unde etiam non belle se explicat, intruderet. Reluctantem dixi: quoniam verbo *incoquere* utimur plerumque, cum loquimur de rebus, quae in liquore, jureve aliquo alio coquuntur: cui significationi fidem faciunt (ne alia aliunde huc congeram) exempla: quae ipse Lambinus ex Virgilio atque Horatio adfert: ut satis inde adpareat, naturam repudiare formam hanc dicendi. *Erucas inulis incoquere*. Sua igitur vera, & vetusta, & a posteritate accepta lectio versibus conservetur: quorum hic est ordo atque sententia. Ego primus monstravi incoquere muria, quam testa marina remittit, erucas virides, inulasque amaras. Curtillus monstravit, eadem incoquere muria echinos inlotos, ut melius: quod perinde est, ac si dixisset: melius esse incoquere muria inlotos, quam lotos echinos. Muria autem, quam testa marina remittit, est liquor: qui ex testa marina multo inspersa & macerata sale liquatus effluit. Id enim in his condituris significat verbum *remitto*. Hoc verum esse diligentissimus, & maxime proprietatis amans, Columella probat lib. XII. cap. 9. cum sic scribit: *Caules lactucae ab imo depurgatos eatenus, qua tenera folia videbuntur, in alveo salire oportet: diemque unum, & noctem sinere, dum muriam remittant: deinde muria eluere*. Alio, sed oppido quam significanter, & adposito sensu accipitur a Plinio, cum tincturam scribit fucum remittere: quod contingit, cum de indole (ut sic dicam) & splendore accepti tinctura coloris deperit vetustate, vel usu aliquid, & quasi eluitur. *Buccinum* (inquit lib. IX. cap. 28.) *per se damnetur: quoniam fucum remittit*. Ali-

ter etiam Horat. *Epist.* I. lib. II. [vs. 235. seqq.]

*Sed veluti tractata notam labemque remittunt*

*Atramenta, fere scriptores carmine foedo*

*Splendida facta linunt.*

id est, polluunt, & nigrorem, aut aliam maculam adlinunt.

## C A P U T XXIII.

*Paganalia. Declaratur Horatii locus. Frater. Olympia coronari.*

**Q**uis circum pagos, & circum compita pugnam,  
Magna coronari contemnat Olympia? cui spes,  
Cui sit condicio dulcis sine pulvere palmae?

Horum trium versuum Horatii ex *epist.* I. lib. I. [vs. 49. seqq.] haec est sententia. Quis si speret, sine pulvere & sudore magna Olympia, id est, in magnis Olympiis, victor securus incommodi & periculi coronari, non id malit: quam cum labore & & discrimine in vilibus Paganaliorum ludis pugil humilem inde laudem quaerere? De Paganalibus ludis puerorum legere est apud Suetonium in Augusto. [cap. 45.] *Spectavit autem (inquit) studiosissime pugiles, & maxime Latinos, non legitimos, atque ordinarios modo, quos etiam committere cum Graecis solebat: sed & catervarios oppidanos inter angustias vicorum pugnantes temere, ac sine arte.* Varro lib. V. de Lingua Latina. [p. 49. Ed. Stephani.] *Feriae non populi modo, sed montanorum: ut Paganalia, quae sunt alicujus pagi.* Quod adtinet ad illam formam dicendi, *coronari Olympia*, legantur, quae diximus [supra cap. XV. pag. 407.] ad versum illum in epistula ad Pisones.

— Qui Pythia cantat,

In

In epistula III. ad Julium Florum. [lib. I. vs. 35.]

*Vivitis indigni fraternum rumpere foedus.*

Quomodo fraternum? An amorem tantum intelligit, quantus est fratrum inter se? An fuere Julius & Munacius fratres germani: sed altero in alterius gentis adoptionem tradito? An fratres uterini tantum fuerunt?

Ep. VII. ad Maecenatem. [lib. I. vs. 96. seqq.]

*Qui semel adspexit, quantum dimissa petitis  
Praestent, mature redeat, repetatque priora.*

*Μέτροις* duas sunt. Verba autem sunt Poëtae, non Philippi: ut putantes nonnulli (a) sententiam veram non sunt adsecuti. Legendum autem esse *semel*, ut nos restituimus, non *simul*, sententia satis probat. Et qui aliter tradiderunt, longe a vero aberrant, uno in loco duos graves errores admittentes.

## CAPUT XXIV.

*Medium vitiorum quid sit. Tesquor.*

**V**irtus est medium vitiorum, utrinque reductum.

Versus est Horatii ex epist. XIX. lib. I. [vs. 9.] ad quem versum proba est veterum & novorum interpretum expositio. Attamen; quid? si virtutem medium interpretemur: quae de extremis duobus contrariis vitiis participans, & ex defectu aliquam, & ex excessu aliquam item partem accipiens, temperatam ex utriusque illis extremis vitiis misturam efficiat? Certe sic sentit Suidas in voce μέσος, pluribus verbis acute disputans, quomodo virtutes morum sint medium.

Epist.

(a) In margine prioris editionis, *Lambinus*.

Epist. XIX. [vs. 12. seqq.]

*Quid? si quis vultu torvo ferus, & pede nudo,  
Exiguæque togæ simulet textore Catonem,  
Virtutemne repraesentet, moresque Catonis?*

In secundo versu aliqui legunt, *testo ore*, ex historia, quam narrat Plinius Junior lib. III. in quadam epist. ad Catillum Severum [Ep. 12.] his verbis: *Erunt officia antelucana: in quæ incidere inpune ne Catoni quidem licuit. Quem tamen C. Caesar ita reprehendit, ut laudet. Describit enim eos, quibus obvius fuerit, cum caput ebrii retexissent, erubuisse. Deinde adicit. Putares, non ab illis Catonem, sed illos a Catone deprehensos. Potuitne plus auctoritatis tribui Catoni, quam si ebrius quoque tam venerabilis erat?* Verum audax nimis est hæc licentia sine auctoritate alicujus veteris libri. Deinde adcommo- dare eam historiam versui & sententiae Horatii, est utrique scriptori vim facere. tum ratio bene loquendi hanc lectionem penitus respuit. Quis enim dicat, aut ferat modum hunc dicendi, Catonem testo ore exiguae togæ abiisse? Alii nulla reddita ratione reponunt, *textore*: quæ lectio debet esse eadem cum superiore, *testi ore*. Acron omnino videtur legisse *textore*, cum sic exponit; *qualem fecerit textor*. Non desunt, qui *gestore* legant. Justus Lipsius vir doctus libro primo Electorum cap. 12. testatur se in vetere scripto libro reperisse scriptum, *tesquore*: neque aliud addit. Quæ lectio videtur bis a Porphirione comprobari. Primum, cum in ejusdem versus expositione sic inquit: *Metonymia, id quod fit, pro eo, qui facit*. deinde, quando tertium a superioribus versum [17.] exponens hunc,

*Decipit exemplar vitiis imitabile.* —

sic scribit: *Ut ille, qui Catonem imitari se putat, sit tristis*



*tristis ac sordidatus incedat.* satis manifeste Porphirio exprimit notionem verbi *tesquor*, cum *tristis* & *sordidatus* dicit. *Tesqua* namque, sive *tesca* (sic enim scribitur apud Varronem) loca sunt inculta, deserta, aspera, difficilia, horrida, & senta. Inde verbum hoc Horatius vel formavit ipse novum, qualia aliquot alia apud ipsum non ante auribus Latinis audita leguntur: vel ab antiquiore auctore mutuatus commodum hic illi locum tribuit: quod verbum squalorem, fordes, horrorem significat, & situm. De verbo *tesqua* meminerunt Acron & Porphirio in epistulam libri primi decimam quartam. Item Varro [*lib. vi. de L. L. p. 67. Ed. Stephani.*] & Festus Pompejus. [*in voce Tesca*]. De utro autem Catone Majorene, an Uticense sit intelligendum, parum refert: utriusque enim par fuit natura, & mores pares. Quamquam, ut hic de posteriore accipiam, faciunt verba Suetonii a nobis supra citata. Libet tamen etiam adjungere aliquot ex Plutarcho testimonia: quae confirmant ea, quae ab Horatio de Catone scribuntur. Iste igitur in ejus vita diversis in locis sic scribit [*in Catone min. p. 759. E.*] *Ferunt autem statim a pueritia constantiam & severitatem Catonis conspicuam fuisse. Vim namque habebat ultra aetatem ejus incoeptam. Adulatoribus asper: terrentibus adversus: tardus ad risum, ut perraro vultum remitteret: ad iram non facile labens: sed cum in eam devenerat, implacabilis.* Et [*p. 761. C.*] *In ceteris, quae ad victum pertinebant, durus & severus erat. & severitatem rigoremque bonitate & gratia immotam adamavit.* Et [*p. 762. C.*] *Interdum vero nudis pedibus (hoc arguit mendacii Acronem: qui Catonem negat nudis pedibus solitum incedere) & absque tunica in publicum prodibat. & paulo post: Saepe nudis pedibus, & sine toga ad rostra veni-*



venire. Et [p. 783. E.] *Post prandium rursus, ut solebat, sine calceis, & tunica in forum veniens una cum familiaribus ambulabat. Et [p. 793. A.] Cato autem torve ipsum prospiciens.*

## CAPUT XXV.

*Dossennus. Quando primum Romani barbam alere desierunt. Ducere aera.*

**M**irror Lambinum tantopere fatagere in nomine *Dossennus* (sic enim scribendum est, non *Dorsennus*) ad epistolam primam lib. II. ejusdem Horatii ad Maecenatem [vs. 173.]. Fuit hic *Dossennus* Poëta Comicus inter antiquiores relatus. Est ejus mentio apud Senecam [Ep. 89.], & Festum Pompejum in voce *Temetum*. Citat quoque Plinius Secundus lib. XIV. cap. 13. aliquot hujus *Fabii Dossenni* non inlepidos versus. Est apud me nummus argenteus cum effigie Poëtae barbata. Quod indicat fuisse eum ante Superiorem Africanum: qui primus Romae incoepit barbam non alere: qui mos ad Imperatorem Hadrianum duravit. Hic namque, ut vulneris in facie cicatricem tegeret, non radendae barbae morem induxit. Habet nummus sub effigie inscriptionem hanc DOSEN. a tergo quadrijugem currum. Subtus est BRI. prioribus literis contusis: ut cognosci non possint. Suspiciari possint nonnulli *Britannos* indicari: moverique ad id credendum: quod in prima parte currus superinposita est quasi casula, aut turris cum fenestris: unde pugnarent essedarii. Sed ea tempestate nondum Romanis cognita erat Britannia: certe intacta.

Ibidem. [vs. 197.]

*Spectaret populum ludis adtentius ipsis.*

*Ut sibi praeberentem mimo spectacula plura.*

Sententia veruum horum est. Spectaret Democritus adtentius quam ludos & mimos ipsos, populum: caperetque maiorem voluptatem spectans dementiam & levitatem populi, quam ex ludis & mimis ipsis. Hic omnes interpretes ridiculi sunt.

Ibidem. [vs. 239. seqq.]

*Editto vetuit: ne quis se praeter Apellem*

*Pingeret: aut alius Lysippo duceret aera*

*Fortis Alexandri vultum simulantia. ---*

Pluribus verbis disputat hic Lambinus: & pro duceret legendum putat funderet, aut cuderet. Ego nihil mutandum censeo. Dicit enim Horatius ducere aera, pro, ducere aereas imagines, fortis Alexandri vultum simulantes. Quid etiam, si aere accipiamus pro ex aere? Certe Apulejus scribit Floridorum primo. [p. 222. Ed. Colvii] Sed inprimis illud praeclarum Alexandri: quod imaginem suam, quo certius posteris proderetur, noluit multis artificibus vulgo contaminari. Sed edixit universo orbi suo, ne quis effigiem Regis temere adsimilaret aere, colore, caelamine. Quin saepe solus eam Polycletus aere duceret: solus Appelles coloribus delinearet: solus Pyrgoteles caelamine excuderet.

Ibidem. [vs. 246. seq.]

*Munera, quae multa dantis cum laude tulerunt*

*Dilecti tibi Virgilius, Variusque poetae.*

Multa cum dantis laude, Maecenatis scilicet. Laudatur Maecenas non solum quia liberalis: sed quia cum iudicio dabat; bonis scilicet & merentibus. Notus est ille versus:

*Beneficium dando accipit, qui digno dedit.*

Magna scilicet laus sequitur digno dantem. Longe gravior gratiorque est sententia haec, quam si  
(quod

(quod alii faciunt) intelligas atque exponas. Ab-  
eunt donati & laudati.

## CAPUT XXVI.

*Cicuta. σικύα. De Clysteribus. Cicuta non  
semper perimit. De pronunciandis diph-  
thongis. Duas continuatas liqui-  
das in una syllaba non  
conlocari.*

**Q**uae intemperiae adegerunt virum doctum Lam-  
binum, exponentem versus hos Horatii [lib.  
II. Epist. II. vs. 52.]?

— Sed quod non desit habentem

*Quae poterunt umquam satis expurgare cicutae?*  
Quid, inquam, impulit hominem pro *cicutae*, le-  
gere, *Sicuae*, sive *Sicyae*? Audacia est, ne temerita-  
tem dicam, adulterinam vocem, auribus Latinis  
non auditam, occupare alienam sedem: & per in-  
dignam vim atque injuriam nulla ne levi quidem um-  
bra juris, ut sic loquar, de legitima possessione ab  
omnibus antiquis & recentibus libris, & a consen-  
su interpretum univerforum huic loco addicta dei-  
cere veterem dominam? sed rem perpendamus.  
*σικύαν*, & *σικύαν* Graeci dicunt. si *σικύαν* Latine  
voluit scribere, servanda fuit integra diphthongus  
abusiva: ut mediae syllabae consuleretur, quae  
producta est: quod faciunt, qui *Ἀρπυίας* *Harpyias*  
scribunt, non *Arpuas*. Si a *σικύας* deducit *Sicuas*,  
in eandem fraudem incidit. Media enim, quae  
esse in versu Horatii longa debet, in *σικύα* brevis  
omnino est: quod probat in simili stirpe vocalis ea-  
dem in versu, qui est apud Athenaeum. [lib. III.  
cap. I. p. 73.]

Τὸν σικυὸν τρώγουσα γίναι τὴν χλαῖναν ὕφαινε.  
alter etiam apud Suidam in voce Πρω, proverbii nomine prolatus.

Ἀρχομένων σικύων, καὶ ληγουσῶν κολοκυνθῶν.  
Item ille a Scholiaste Aristophanis in Acharn. [vs. 519.] & a Suida [in voce σίκυον.] ex quodam epigrammate adlatus.

Καὶ σίκυον χνοάοντα, τὸν ἐν φύλλοις πεδοκοίτην.  
Atque, quod ait Lambinus, Cicutam non adhiberi a medicis ad purgandum, neque Cicutam vim ullam purgandi habere, ut fortasse non mentiat, certe mendacium dicit. Siquidem aliqua est Plinii auctoritas: qui lib. xxvi. cap. 14. Cicutam inter purgantia numerat sic scribens: *Cum ceroto apostemata, & ulcera tetra folia Mandragorae recentia: radix vulnera cum melle aut oleo: Cicuta cum feligine mista mero: Aizoum Herpetas quoque & Nomas, ac putrescentia: sicut Erigoron verminosa: recentia autem vulnera Astragali radix, ut vetera quoque ulcera, purgat Hipocisthis utraque.* Quod autem Cucurbitis medicinalibus purgandi verbum adtribuit idem Lambinus; ego observavi veteres scriptores plerumque aliter loqui. Quin verbum illud *expurgare* ad evacuationes maxime pertinet, quae dejectione alvi superioris & inferioris fiunt: quod non item ad sanguinem exfugendum per cucurbitas satis recte dicitur. Quippe illae (ut opportunitates omittam alias harum cucurbitarum ab Hippocrate [*De his quae uterum non gerunt.* p. 677. Ed. Foesii.] expositas) si tumenti qualibet de offensione parti: aut sicuti considerate clementerque scarificatae acie novaculae imponuntur, & quasi adglutinantur vi flammulae in stupa adcensae, potius quam *purgare*, dicentur sanguine levare, evacuare, educere, *extrahere*, *extrahere*, *eruerere*, & *exfugere sanguinem.*  
Nam

Nam, quae integrae parti ad humores, atque ad rejectionem sanguinis, & ad profluvium menstruorum coercendum majores plerumque cucurbitae adhibentur, fere dicuntur *sistere*. Haec vera esse omnia, fatebuntur, quicumque medicorum libros consuluerint, & Plinium, ubicumque in hac sententia scribit de *Mandragora*, *Elleboro*, *Cucurbitisque* his medicinalibus. Quod idem Lambinus scribit, cicutam immoderato frigore enecare, id negat nemo: loqui tamen cum aliqua correctione debuit: quoniam tantum abest, ut tota cicuta venenum sit, ut etiam mensis adhibeatur. Audiamus Plinium *lib. xxv. cap. 13.* sic loquentem: *Cicuta venenum est, publice Atheniensium poena invisa: ad multa tamen usus non omittendi: semen habet noxium: Caulis autem & viridis estur a plerisque & in patinis.* Apulejus in oratione pro se priore. [p. 331. *Ed. Colvii.*] *Ut si helleborum, vel cicutam, vel succum papaveris emissem, item alia ejusmodi: quorum moderatus usus salutaris: sed commistio, vel quantitas noxia est.* Ad quos autem usus sit opportuna, legatur Plinius idem pluribus in locis: brevitatis enim causa huc ea non congerenda existimavi. Dioscorides quoque de ejus succo scribens *lib. iv. [cap. 77. Ed. Colon. 1529.]* quantum ei tribuit? *Ἐστὶ δὲ πολὺ χρῆσθαι εἰς τὴν ὑγιαστικὴν χρῆσιν ξυρανθέν.* Columella etiam *lib. vii. cap. 5.* Cicutae succum viridis ad tollendam ovium scabriciem opportunum esse tradit.

Ex his omnibus rationibus censeo, Horatium hoc loco nomine *cicutae* potionem intelligere ex *cicuta*, temperata fortasse etiam mistura aliorum medicamentorum: cujusmodi ad varios usus complura legere est apud Plinium, ut dixi, atque alios. At cicuta venenum est: quasi pleraque medicamenta purgantia, peregrina praesertim, nisi sint scien-  
ter

ter praeparata, & macerata, domitaque societate elementiorum medicamentorum, noxia perniciofaque non sint : quippe quae natura sua extergunt, exterunt ; & rodunt. Itaque Homerus *Φάρμακα* dixit *κακά*. Sapienterque Plato in Timaeo ad finem, fugitandas monet purgationes omnes non necessarias. Τρίτον δὲ εἶδος κινήσεως σφόδρα ποτὲ ἀναγκαζομένῳ χρήσιμον· ἄλλως δὲ οὐδαμῶς τῷ νοῦν ἔχοντι προσδεκτέον τὸ τῆς Φαρμακευτικῆς καθάρσεως γιγνόμενον ἰατρικόν. τὰ γὰρ νοσήματα, ὅσα μὴ μεγάλους ἔχει κινδύνους, οὐκ ἐρεθίζεον Φαρμακείαις. Quid ? si *Cicutam* hic apud Horatium accipiamus omnino pro veneno ? interpretemurque ? Non omnes *Cicutae*, non omnia *Aconita*, non omnia toxica mihi poterunt etiam enecando eripere, quin

-- *Melius dormire putem ; quam scribere versus ?*

Fuit, cum aliquando putarim, nomine *Cicutae* poetam intelligere *Crunos*, sive *Siphones* (sic enim Columella *lib. ix. cap. 14.* vocat) id est fistulas : quibus clysteres per anum in intestina induntur : eluunturque eadem intestina : alvusque exoneratur & purgatur. *Cicutae* enim nomine etiam *interno-dium* significari in omnibus geniculatis stirpibus, quae concavae sunt & vacuae, cujusmodi est *Cicuta* ipsa, frumenti calamus, arundines ; & alia similia, satis nos docet Virgilius, cum inquit [*Ecl. ii. vs. 36.*]

*Est mihi disparibus septem compacta Cicutis*

*Fistula.*

Glossarium quoque sic exponit : Ἀντὶς ἀπὸ καλὰ μου. *Cicuta*. ut apud Virgilium verius sit intelligere de omni calamo potius, quam de *Cicutae* calamo tantum : quod voluit vir doctus [*Jul. Caes. Scaliger.*] Initio autem hae Clysterum fistulae & siphones, (quos Festus in voce *Eudiaeon*, *Clysterion*

E e

vide-



videtur adpellare) ex internodiis arundinum confectas esse credibile est. Immo hodie quoque tenuis plebecula utitur his ipsis arundinum internodiis pro aereis Siphonibus, superimposita cava perforata scutella, ad jus decoctum Clysteris capiendum, inserto in imā arundine calamo pennae anserinae aut olorinae, similitudine inversi colli & rostri Gruis. Atque de *Cicuta* haftenus. Admonet me diphthongus illa in vocibus *Sicyia* & *Harpyia*, ut de ratione scribendi & pronunciandi eas Latine hic aliquid dicam. Scribendam atque enunciamdam utramque vocalem in diphthongis Latinis esse, res est satis jam constituta & nota: etsi plerique omnes contenti scientia rationis, vulgus profereundo sequimur. Diximus Lambinum non debuisse *ficuam* scribere, si *σικυῖαν* voluit exprimere. Hoc jam dubitationem non habet. Quomodo autem subjunctivas vocales diphthongi oporteat disponi in scribendo & pronunciando, fortasse inter omnes non convenit. Sunt nonnulli ex antiquis Grammaticis, qui τὸ *ιώτα* diphthongi in *Harpyia* & similibus censuerunt a praecedente vocali distrahi, & cum sequente vocali conjungi debere hoc modo: *Harpyia*. Mihi aliter videtur. Causae, quae ad id censendum movent, hae sunt. Ut in reliquis diphthongis Graecis, cum Latine scribuntur, subjunctiva vocalis subjunctiva manet, sic etiam in hac diphthongo τὸ *ιώτα* adhaerebit praepositivae suae: ut pari jure sit cum reliquis: scribeturque *Sicyi, a*, & *Harpyi, a*. Praeterea αὖ diphthongus Graeca, Latine scripta, semper perseverat esse τὸ *ae*: siquidem a jure non receditur: quod clare patet in *Aivelaas*, *Aeneas*, *Aeneades*, *Aeneius*. Si id non sit, pessime consulere tur ceteris. Quid quaeso est eventurum vocali praepositivae in εὐ diphthongo, nisi ὡ vocalem subjuncti-

junctivam diphthongo conservemus & adplicemus suam? Namque si in Ἐυαγόρας & Ἐυάνδρος nos τὸ α a diphthongo detrahentes, ac facientes consonantem, adplicando sequenti vocali, *Ē*, *vagoras*, & *E*, *vander* dicamus, necesse est *E* remanere brevem. Demonstrationes hae lineales sunt: nec quidquam vere dici contra potest. Ipsi Graeci, si quando diphthongum hanc dissolvunt, voluntque priorem vocalem esse longam, vertunt ἔψιλον in η: si vero brevem, nulla est mutatio necessaria. Pro testimonio, duae sufficiant ex Hesiodi Theogonia voces ἔυκομος & ἔυσεφάνος. [vs. 267.]

Ἡὺκόμους ὅ' Ἀρπύιας, Ἀελλώ τ' Ὀκυπέθην τε.  
Et [vs. 978.]

Γείνατο καὶ Πολύδωρον ἔυσεφάνῳ ἐνὶ Θήβῃ.

Atque (quod ab hac disputatione non est admodum alienum) facimusne recte nos, qui in vocibus his *Maia*, *Aiax*, & quae sunt his similia, τὸ ἰώτα, quae Graece loquentibus & scribentibus est subjunctiva diphthongi, cum sequente vocali conjungimus? Aufonius ausus est Latine scribere, cum dicit [Epigr. 325. vs. 12.]

*Salaminius Aëas.*

Longius abeamus aliquantisper. In dictionibus simplicibus duarum pluriumve syllabarum, in quibus insunt duae pluresve consonantes, quarum prima possit statim sequenti incumbere, ut in hoc nomine, *Castra*: in his, inquam, quid statuemus? adhaerebit τὸ s priori vocali, an cum sequente conjuncta consonante, vocali sequenti serviet? Probus Grammaticus dividendas consonantes censet: itaque in hac voce, *aestas*, τὸ s, praecedenti syllabae adjungit. Est Mediolanii in hortis urbanis I. V. C. Vidi Mazentae, Nobilissimi & Elegantissimi viri, insculpta in Lunensi candido mar-

more *προτομή*, vel Cybeles turritae, vel Hastae urbis: a cujus utroque latere vox haec *Hasta* sic divisa conspicitur. *Has* TA. Universae similes voces ad hanc tamquam normam revocari debeant, doctorum iudicium esto. In duabus liquidis exstat praeiudicium Probi Grammatici [*lib. I. p. 1389. Ed. Putschii.*]: qui M, & N, conjungi numquam debere iudicat, paucis nominibus exceptis: ut in *Mnasylas* & *Mnemon*: ego adderem etiam *Polymnestor* (primas enim duas syllabas in hac dictione alibi demonstravimus esse breves) & sic aliquot alia. Ergo auctore Probo pronuntiabimus *om - nis*, non *o - mnis*. Fortasse quod ad nomen *Has* TA, & ad marmor Mazentae adtinet, dici potest, marmorariorum arbitrium fuisse, ut ex libidine sua voces fecarent: uniusque syllabae partem fini praecedentis verbi, partem initio sequentis, adtribuerent. Quod proclive est iudicare ex nonnullis antiquis marmoribus: in quibus syllabae divisaeprope prodigiose sunt nulla cogente necessitate, quippe vacante & superante spacio intra eos cancellos & limites, quos sibi in longitudinem rectis lineis praesignarint. Cujusmodi adponimus inscriptionum duarum partem eam (nam integras alibi retulimus) quae ad rem praesentem facit.

Hastae.

Dertonae.

DECVRIO. HAST EN	LEG. V. M. CONI VGI
---------------------	------------------------

Pro.

Pronunciabantne antiqui I, & V, consonantes separatim a sequente vocali? Id propono propter τὸ I. separatim a sequente vocali in hac inscriptione Dertonensi. Atque hanc postremam partem addidi in gratiam sodalis amabilissimi Fabii Bellonii: qui cum jure arctissimae necessitudinis posset imperare, rogavit, ut caput hoc longiusculum hac appendice cumularem.

## CAPUT XXVII.

*Mediastinus. Ludere.*

**M***ediastinus*, quod verbum est in Epistula XIV. libri primi Horatii, non a *Medius* & αἶσθς: neque a *Medius* & *stando*, ut putant, compositum nomen est: sed vox est simplex a *Medius* derivata, ea terminatione, qua *Clandestinus* a *Clam*, & *Paupertinus* a *Pauper*. *Mediastini* autem in familia urbana servi condicione erant pessima: quippe quibus omnium prope imperio esset parendum. Villicus autem servus plerumque fuit, primas in familia rustica gerens, impositus a domino reliquis ad distribuendum suas cuique operas, & diaria: eratque tamquam domini vicarius. De quo, & de ejus officio, legatur octavum caput libri primi diligentissimi Columellae. Addidi autem *plerumque*, cum servum fuisse dixi: quoniam partes villici interdum etiam liberis mandatae sunt: quod cognosci potest ex oratione Ciceronis pro L. Flacco, non procul a fine: ubi datum esse iudicium in villicum M. Lurconis libertum narrat. Nam nisi villicus ille liber fuisset, non esset in iudicium vocatus. Atque sint haec dicta in epistulae, quam dixi, versus hos [14. seq.]

*Tu mediastinus tacita prece rura petebas:  
Nunc urbem & ludos & balnea villicus optas.*

Sequitur ibidem hic versus [36.]

*Non lussisse pudet, sed non incidere ludem.*

Hic verbum *Lussisse* tectum illud quidem est, & honestum; quo tamen amantium atque conjugum etiam congressus significantur; quo in sensu fortasse hic accipiendum est. Sic Graeci παίζειν dicunt. In quam notionem protulit Moses Geneseos cap. xxv. [v. 8.] καὶ παρακύψας Ἀβιμέλεχ ὁ βασιλεὺς Γεράρων διὰ τῆς θυρίδος, εἶδε τὸν Ἰσαὰκ παίζοντα μετὰ ῥαβέκκας τῆς γυναικὸς αὐτοῦ. Nostres quoque mulieres interdum inter se laetius fabulantes, tecto hoc verbo verecunde significant, quod pudor & modestia suo verbo prohibet proferre.

## CAPUT XXVIII.

*Levo. Grate. Declaratus Horatii versus.*

**L**evare, prima syllaba producta, est levigare, & polire apud Horatium epist. ultima lib. II. [v. 123.]

*Nimis aspera sano.*

*Levabit cultu.*

Quantitas syllabae primae si animadversa esset, Porphirionem in errorem non traxisset: quamquam fortasse alius a Porphirione id admisit.

Ibidem [v. 128. seq.]

*Fuit haud ignobilis Argis:*

*Qui se credebat miros audire tragoedos.*

Legantur Petrus Victorius libro Variarum Lectionum III. cap. 9. & Robortellus Adnotationum pag. 27. & Aelianus Variarum Historiarum lib. IV. ad finem.

Ibi-

Ibidem [vs. 210.]

*Natales grate numeras?* —

Sententia haec est. De longa aetate gratularis? gratusque es erga Deos? diuturnioris vitae gratiam a Dis agnoscis? refers acceptam Dis vitae longitudinem? Hic Lambinus crasse alucinatur.

Ibidem [vs. 183. seqq.]

*Cur alter fratrum cessare, & ludere, & ungi,  
Praeferat Herodis palmetis pinguibus: alter  
Dives & importunus, ad umbram lucis ab ortu  
Silvestrem flammis & ferro mitiget agrum:  
Scit Genius* ----

Quorsum hic infarcit Lambinus Herodis fratrem? habuit quidem Herodes fratrem Pheroram, & fortasse alios quoque: sed nec frater, nec Herodes ipse in hac similitudine locum ullum habet: nisi quatenus divitem significat. Sensus est. Diversa sunt hominum studia, adeo, ut ne duos quidem fratres reperiās, qui eandem vitae rationem sequantur. Testes sunt Terentiani fratres Demea & Mitio. Ita hic alter laetam, quietam, ociosam, securam, voluptariam, & deliciosam vitam vel opibus Croesi anteponit. Alter noctem diei laborando continuat, fodit, arat, ferit, duriter, parce vitam agit: per omne genus laborum se terit & excruciat, quaerendo & cumulando semper intentus.



## CAPUT XXIX.

*Aeliani locus demonstratus integer & declaratus.*

**P**indarus, ut est apud Aelianum *lib. XIII.* *Variae Historiae* [*cap. 25.*] quinquies cum Corinna, nobili poëtria, & apud cives gratiosa, stultos Thebis nactus auditores, caussa cecidit. Quorum arguens Pindarus incitiam συνεκάλει τὴν Κορίνναν. sic enim legitur: nec ullo modo aut addi quidquam, aut mutari lectio debet: sententiaque est cum perspicua, tum elegans, & gravitate tanti viri digna. Συγκαλέω autem praeter alias notiones significat etiam *Adpello*, & *Provoco*. *Endo plorato* (inquit Glossarium vetus) συνεκάλεσον. & alibi: *Provocat*, προκαλείται, ἐπικαλείται. Haec verbi vis non animadversa, nonnullis causam praeiit conrumpendi locum: qui per vim furcillis eiecta voce naturali, & causae locique propria, adulterinam, absurdamque substituentes pro Corinna κορίνην, sensu ineleganti, rustico, & contumelioso legunt. Alii Κορίνην servantes anteponunt vocem ὤν, sic legentes, συνεκάλει ὤν Κορίνναν, *adpellabat suam Corinnam*. Sed non tam amens & praeceps fuit Pindarus: ut justam, vincibilemque (ut Terentiano verbo utar) *causam*, ipse non modo suae facultatis conscius, sed etiam aequus aestimator virtutis aemulae adversariaeque suae, deteriorem faceret intemperantia impotentis iracundiae, & contumelioso convicio, nullum ullius festivi falsique leporis honestum, & ingenio doctoque viro aculeum habente. Judicassent certe universi, Pindarum, ut claudi celeritatis

tatis viriumque subsidio destituti equos conscendunt, sic ipsum diffusum causae ad auxilium proborum confugere. Non solum de adversaria nihil humile sensit: sed etiam, cum eandem judicem sumit, hac animi altitudine fiducia plena quantam adspersit mulieri iudicii, iustitiae, & fidei commendationem? Neque vero dubito, cum duo in hoc Aeliani loco acrius controversentur & concertent, quin, si non ab utroque, certe ab altero, de cujus probitate & virtute ex ejusdem scriptis iudico, nostra haec animadversio gratiam ineat, & benevolentiam conciliet. Non absimile autem refertur Euripidis gravis & severi viri dictum: qui ab imperitis aestimatoribus iudicatus inferior, adversarium urbane & graviter simul adpellans inquit; *Non te pudeat Euripidem vincere?*

C A P U T XXX.

*Neptunus unde dicatur. Locum Ciceronis non esse mutandum. Virgilii versus emendatus.*

**L**ibro secundo de Divinatione [lib. III de N. D. cap. 24.] tradit Cicero: ut a *Portu Portunum*, sic a *Nando Neptunum* deduci. Ibi nonnulli pro *Nando*, a *Nuptu*, vel, a *Nubendo*, censent legendum. Sed nihil mutandum est. Nam abiret a se ipse Cicero: qui paullo supra dixit: *Quique aër per maria manat* (fortasse pro *manat* legendum est, *nat*: sed significatione utrumque idem est) *eum esse Neptunum*.

Libro III. Aenëidis Virgilii sunt hi versus [vs. 659. seqq.]

*Trunca manum pinus regit, & vestigia firmat.  
Lanigeræ comitantur oves: ea sola voluptas,  
Solamenque mali de collo fistula pender.*

ad quos versus Pierius admonet, in aliquot vetustis scriptis libris tertium versum esse hemistichium, hoc modo: *Solamenque mali*. Ego quoque sequentem partem versus spuriam esse judico: esseque supplementum imperiti alicujus non solum non necessarium, sed etiam contrarium superioris versus extremæ parti. Nam si ovium comitatus fuit sola Polyphemo voluptas, non ergo addi debuit hæc altera, fistula de collo pendens.

## CAPUT XXXI.

*Satura Lex. Satura Lanx.*

**Q**uaesumus, dicimus pro, *Quaesimus*: contra *Portubus*, *Ficubus*, cum aliis similibus. Pari modo *Satura* & *Satira* poëma: & *Satira* & *Satura lex*: & *Satura* & *Satira Lanx*, aut *Farcimen*. Itaque apud Tibullum lib. II. *Eleg.* I. Vetustus codex Vaticanus *Satiri* pro *Saturi* habet in hoc versu [23.]

*Turbaque vernarum satiri bona signa coloni.*

*Saturam* autem *legem*, & *Saturam lancem* a *Satur*, ut est dictum, nomine, vel a verbo *Saturo* deduci, illa, quod una rogatione plura juberet: hæc, quod pluribus, & variis cibis aut frugibus esset referta, omnibus est notum: & Glossarium vetus inquit: *Satura*, νόμος πολλά περιέχων.

C A P U T XXXII.

*Mediolanium, non Mediolanum scribi. Istaec,  
& Iſthaec. Caelum, & Coelum.  
Deliciae, & Delitiae.*

**L**evicula res, non contemnenda tamen. *Medio-*  
*lanium* sex syllabis, non *Mediolanum* scribi o-  
portere, docent tres antiquae inscriptiones: quas in  
marmoreis partim tabulis, partim Stylobatis ad-  
monitus a Nobilissimo, & honestissimarum artium  
scientia instructissimo, Vido Mazenta I. V. C. Me-  
diolanii nuper legi: quarum exemplum infra po-  
nam. Graeci etiam scriptores Ptolemaeus & Stra-  
bo eandem Orthographiam ubique servant. Nam  
Aufonium, & culpa librariorum corruptos Taciti,  
Stephani, & Plinii libros nihil moror. Praeterea  
in his, quas statim addo, Mediolaniensibus inscrip-  
tionibus, est *coelum* cum *oe* diphthongo. *Iſthaec*  
cum adspiratione in medio dictionis. *Delitiae*, cum *t*.

In latere angulari privatarum aedium e re-  
gione templi Divae Mariae Scalae.

VENERI. ET  
CHARIT  
COELVM TERRA MARE. ET  
DEVM. REMOTA  
MENS VOSTRO COLITVR  
FAVENTE. DVCTV  
NOSTRIS ERGO DEAE  
FAVETE VOTIS  
HIE. ARAB. ALVIS. F.  
V D

Ibi

Ibidem.

POMONAE

SAC

HARAB. POMARIA  
 ISTHAEC. AMOENA  
 HESPERIDVM.  
 DONA. BEATA. SIBI  
 HOSPITIBVS QVE  
 FORE. DELITIAS  
 NVMINI. PO

V.

C.

Quae sequuntur exempla pertinent ad id, quod diximus: *Mediolanium*, non *Mediolanum*, esse scribendum.

In hortis Galleatii Vicecomitis.

V. S. D. M  
 MAXIMVS. MAXIMINVS  
 PRIMITIVVS. VI. VIR  
 MEDIOLANIENS  
 SIBI .....  
 .....  
 .....  
 .....  
 .....

Ibidem.

.....  
 ..... SVB. VR  
 SVIS. MEDIOLANIENS  
 RVFINAE. LIBERT  
 VERA  
 IN. A....  
 SECVNDAE  
 T. L. PAL  
 VXORI  
 ..

Medio-



446 JOANNIS MARIII MATTII

Mediolanii.

SACRO  
SVSCEPTO  
SORTIBVS. SVBLATIS  
C. GALLIO  
ATTICVS  
MEDIOLANIENS



EJUS.

E J U S D E M  
JOANNIS MARI MATTHI,

*Brixiani,*

B R E V I S D E F E N S I O

*Suae Secundae Adnotationis ad eorum*

O P I N I O N E M,

QUI CONTENDUNT,

Ex aliquot locis Fabii Quinctiliani certo statu  
debere, libros Rhetoricorum ad  
Herennium a Cornificio fuisse  
conscriptos.

*Cum Carmine in fine ad Divam*

M A R I A M V I R G I N E M

*matrem D. N.*

A D P E R I N L U S T R E M

O C T A V I A N U M G I L I J N U M,

*Patricium Alexandrinum.*

Et additis aliis doctis & Elegantibus Versibus.

G U-

GULIELMINI SCHIAVINAE,  
SACERDOTIS CANONICI MAX.  
TEMPLI ALEXANDRIAE.

**O**RTA gravis lis est inter duo lumina linguae,  
*Antiquo nomen quae tulit a Latio.*

*Riccobonus stat pro una parte: sibi que tuendam*

*Partem aliam Marius Mattius adripuit.*

*Disceptet causam doctissimus: atque uter horum*

*Conlimans videat rectius hic, statuatur.*

JOAN.

JOANNES MARIUS MATTIUS,

PER INLUSTR I

I. V. C.

OCTAVIANO GILIINO,

*Patricio Alexandrino,*

S. P. D.



igitur circiter. xlix. annus, perinlustris  
& excellens Gilijne, cum editus est  
Ticini liber Adnotationum mearum: in  
quarum secundo capite rationibus adla-  
tis demonstrabamus, eos, qui ex Fabio  
Quintiliano conarentur probare, auctorem Rhetor-  
icorum ad Herennium Cornificium esse, ejusdem  
Fabii testimoniis ad mutandam sententiam jure  
compelli posse. Cumque, orta aliis de rebus contro-  
versia inter Carolum Sigonium, & Antonium Ric-  
cobonum, viderem, in suis scriptis probationes illas  
meas ab Riccobono homine docto tentari: non (ut  
mihi certo persuadeo) ullo laedendi mei studio: sed  
quod rationes caussae, cui inservit, sic postulare  
judicet: neminem putavi fore, qui factum meum sit  
damnaturus, si ego quoque causam semel susce-  
ptam, & quam probem, atque opinionem pristinam  
defendam ea moderatione, quam a natura ac-  
ceptam moribus alicui studiose per totam aetatem sem-  
per, & colui. Et sane si alterum tueri gloriosum  
est, sibi adesse cuiquam vitio dabitur? Di mentem  
istam hostibus. Nec mea scripta de me ita male me-  
rita sunt, ut foetus meos habere caros non debeam.  
Mibi igitur hic adfui, negotium proprium, non  
F f alie-

alienum acturus. Quamquam si a Carolo Sigonio  
stem, agam causam amicissimi hominis: quem &  
vltimum meritissimo atque mutuo dilexi, & mortuum  
memoria colam sempiterna. Committere etiam ne-  
gligendo non debui, ut haec inveterata de Cornifi-  
cio opinio mihi noceat. Quod certe contingeret, si  
tacitus rem transirem: homines enim paullo remis-  
sione cura Riccoboni scripta legentes, nullo contra-  
dicente, rationes ibi apud eum lectas probarent: si-  
lentiumque nostrum in conscientiam ducerent: &  
bona causa deserta, existimaretur mala. Respon-  
deo igitur: & ad ea, quae sunt in adnotatione mea  
pridem edita, quae hic quoque describitur, addo  
nonnullas alias rationes: in quibus si pro pristina  
opinionem propugno, oppugnare quemquam videri non  
debeo: iametsi dum adiumenta mea confirmo, ne-  
cessitas causae coëgit infirmare aliena. Haec au-  
tem commentatio mea cum carmine ad Sanctissimam  
Mariam matrem D. N. baud ita pridem a me con-  
scripto cupit in lucem prodire: sed id concedere illi  
non audeo prius quam gravissimum sapientis consilii  
tui testimonium, quod plurimi facio, ad desiderium  
illius intelligam adcedere. Gravioribus quidem co-  
gitationibus distineri te, & sublimiora adspectan-  
tem, interpretatione juris & legum esse quam occu-  
patissimum, plane video. Sed singularis & praeci-  
puus in me amor tuus, te libente, subsurabitur, sa-  
tis scio, magnitudini & multitudini negotiorum tuo-  
rum otii aliquid, quod subsecivis horis legendae ac  
perpendendae vigiliae huic meae libenter impendas.  
Habes quidem gentilium tuorum libros quos volgas,  
qui doceant: habes exempla, quae imiteris. attamen  
haec meae charitatis non impediunt, immo fortasse  
etiam addunt currenti calcaria ad meditando illo-  
rum honores, & sublimes gradus: ad quos sua eos  
virtus multarum celebrata monumentis historiarum  
feliciter extulit: in quorum exemplis sic jam pridem


*impressa alte vestigia fixisti: ut, qui in rationem vi-  
 tae & studiorum tuorum adtentius intueantur, e-  
 gregiam aemulationem, & expressum moribus tuis  
 testentur proavum tuum Christophorum Gilijnum  
 Praesidem Magistratus Ordinarii Mediolanii. Qui  
 tanta prudentia & approbatione universae Provin-  
 ciae Mediolanensis eum magistratum gessit: ut, quos  
 ad laudem cohortentur, illis hunc tamquam exem-  
 plum ad imitandum adhuc omnes hujus imperii civi-  
 tates citent, & proponant. Simoninum Gilijnum  
 avum tuum, excellens Octaviane, militiae scientissi-  
 mum, & Ducum Consiliarium egregie commendant  
 annalium ejus temporis testimonia. Ille honorifice  
 functus ad Europae magnos Dominos legationibus  
 multis; tam carus probatusque Ducibus fuit, ut eo-  
 rum liberalitate honoris ergo oppidum Gamalerium  
 ad v. ab Alexandria lapidem dono in clientelam, quod  
 nunc feudum adpellant, acceperit. Et quoniam veram,  
 solidam, propriamque eam esse cujusque laudem jure  
 semper judicavisti, quam quisque audit sibi & virtu-  
 ti suae tribui: nec satis existimasti ad gloriam, prae-  
 luxisse tibi claros Majores tuos, tu ipse a prima aetate  
 omnem virtutem morum atque naturae sic coluisti; ut  
 quocumque incubueris, mirifice excellueris. Ego ma-  
 gister olim tuus testis sum, cum tuae in me colendo, &  
 amando (neque enim id reticere debui) benevolentiae,  
 tum in discendo alacritatis & diligentiae: num-  
 quam eguisti admonitionum stimulis. Satis per te  
 paratus, & adtentus eras. Itaque me in studio  
 tuo plurimum amabam: & in te mihi suavissime  
 blandiebar, qui talem alumnum haberem, tali ad-  
 versus me benevolentia & reverentia, tali ingenio  
 atque industria praeditum. Jam tum optimae fru-  
 gis omnibus spem dabas: quodrum expectationem non  
 fefellisti. Namque excellenti cum laude & existi-  
 matione emersus ex humaniorum literarum studio,  
 sic in juris cognitionem te demersisti, ut inde brevit*



non inrigatus & tinctus, sed totus largo flumine  
cognitionis humanarum & Divinarum legum persul-  
sus & imbutus emergeris, nulla facta jactura poli-  
tiorum literarum: quas, a multis cum legum libris  
cūre non posse existimatas, tu adeo lepide & feliciter  
simul consociasti, ut amabiles totò foro sint formu-  
lae, & actiones tuæ. In magistratuum bonoribus  
administrandis, quos hic & Mediolanii, & in to-  
ta Mediolanensi ditione adeptus es, & in advoca-  
tionibus clientium eorum pulcherrimum virtutum  
induxisti, fidem, facilitatem, comitatem, pruden-  
tiam, gravitatem lepore conditam, adfabilitatem.  
In statuendo vero, & in sententiis ferendis, aut  
compositione tollendis controversiis, acumen & dex-  
teritatem adeo admirabilem ostendisti, ut hoc tam  
pulchro virtutum comitatu facile universis probave-  
ris, te vere esse nepotem Jacobi avi tui, qui fuit a  
Secretis Francisci Sforziae II. Ducis Mediolanii:  
& fratris filium Camilli ejus filii patrui tui: cujus  
singularem doctrinam & sapientiam testatur doctus  
& elegans Latine conscriptus, qui circumfertur, li-  
ber. Neminem habuit Camillo Dux nec cariorum,  
nec instructiorem artibus iis, quae ad administra-  
tionem Rerum publicarum pertinent, prudentia scili-  
cet & fide. Itaque in foedere, quod Bononiae ictum  
est, constituta tandem inter Clementem Medicem  
Pont. Max. Karolum Austriam Imperatorem, &  
Venetos pace ann. cl. l. xxx. cum, adnitentibus  
maxime, & id omnino contentantibus Venetis, Fran-  
ciscus Sforzia in patrium regnum est restitutus, eni-  
tuit virtus Camilli hujus: sine cujus consilio in omni  
administratione publica Dux numquam quidquam  
statuit. Idem postea missus ab eodem Sforzia in  
Hispaniam legatus ad Karolum jam dictum Im-  
peratorem, munus obivit (ut nihil aliud addam)  
ex mittentis sententia. Demum a Clemente Pont.  
Max. in purpuratorum Cardinalium conlegium  
com-

*commendatione meritum, & nobilissimarum vir-  
 tutum ultro coöptatus fuit: etsi laetitia haec per inci-  
 diam & scelus improborum quorundam, alienam glo-  
 riam infamiam ignominiamque suam existimantium,  
 diuturna illi esse non potuit. Nam dum ex Hispa-  
 nia, sanctus honorifice magnificeque legationis mune-  
 re, Romam redit, in Sicilia veneno sublatus inter-  
 iit vir plane singularis: qui iis etiam, qui ab eo  
 erant propter aemulationem alieniore animo, post  
 obitum sui desiderium reliquit. Nisi Paullus Jo-  
 vius in libro de viris doctrina inlustribus honorificam  
 de eo mentionem haberet, liberius hic mihi latus  
 evagandi campus daretur. Quamquam illius vir-  
 tus aliorum quoque multorum testificatione satis est  
 nota: teque meminisse ea confido, quae tibi olim  
 adolescenti ego de tuis gentilibus, praetermissis illis,  
 quos plurimos legebam artem militarem cum summa  
 laude tractavisse (quorsum enim militarium viro-  
 rum commemoratione auribus obstreperem hominis  
 non Pallada, sed Minervam jam tum spectantis?)  
 meminisse (inquam) te confido, me solitum esse ti-  
 bi praedicare inter eos, quos supra dixi, atque  
 alios etiam, de tribus Gilijnis, uno Archiepiscopo  
 Genuensi Ottone: altero nomine & cognomine Gi-  
 lijno Episcopo Comacensi: tertio Episcopo Bobiensi:  
 ut sciam, mihi consilium non esse, stemmata Nobilissi-  
 mae familiae tuae hic spectanda exponere: quae res  
 propter gentilium numerosam prolem plenius volu-  
 men desideraret. Tantum in praesentia te hortor,  
 ut parentis tui Thomae exemplum, & rationem,  
 quam tota vita in administratione negotiorum cum  
 universorum, tum maxime publicorum admirabilem  
 adhibuit, sequaris sedulo, quod facis, & imitatio-  
 ne exprimas & repraesentes. Ubi, si quis alius, ille  
 cunctis civibus suum in Rempublicam studium, &  
 pietatem luculenter probavit. Sed ut, quod superius  
 dixi, iterum hic repetam, & epistolam verissima*

*praedicatione meae in te propensissimae voluntatis  
concludam, in magno numero eorum, qui ex gym-  
nasio meo prodire clari & eximiis artibus excel-  
lentes viri, tibi persuade, & pro certo habe, te  
praecipue esse, in quo, supra quam scribendo adse-  
qui possim, mihi blandiar & placeam. Vale. &  
quam nactus es Spartam, eam ne desere: id est,  
me, quod facis, constanter, & mutuo ama. Dat.  
Alexandriae V. Idus April M. D. IIC.*



EX LIBRO  
ADNOTATIONUM  
JOANNIS MARII MATTII.

## CAPUT II.

*Libros Rhetoricorum ad Herennium non esse  
Cornificii.*



Qui libros Rhetoricorum ad Herennium Cornificio adscribunt, quo in numero sunt magni hac tempestate nominis viri, ex aliquot locis Fabii Quintiliani, quo auctore ipsi ad ita sentiendum moti sunt, facile convincuntur. Namque lib. v. cap. 10. in principio sic scribit: *Genus quoddam Enthymematis a Cornificio adpellari contrarium.* At ubi id apud auctorem horum Rhetoricorum legitur? Eiusdem Fabii lib. ix. cap. 3. hæc verba sunt, ubi de figuris agit: *Hæc omnia copiosius sunt exsecuti, qui non ut partem operis transcurrerunt, sed proprie libros huic operi dedicaverunt. Sicut Caecilius, Dionysius, Rutilius, Cornificius, Visellius, alique non pauci.* At auctor Rhetoricorum ad Herennium de tota arte Rhetorica, non de figuris tantum tractat: quod fecisse Cornificium scribit Fabius: quodque fecisse Rutilium omnes scimus. Idem ibidem paulo post: *Quaedam omnino non sunt figurae, sicut Ordo, Dinumeratio, Circumscriptio, sive hoc nomine significatur comprehensa breviter sententia, sive finitio: nam & hæc Cornificius atque Rutilius schemata dictio-*

nis putant. Atqui in toto eo opere, quod Cornificio vindicant, de his figuris ne verbum quidem. Idem Fabius ibidem. *Adicit his Caecilius περὶ φεᾶσι, de qua dixi, Cornificius Interrogationem, Ratiacinationem, Subjectionem, Translationem, Obscultationem.* At ubi de Obscultatione in eo toto libro? Idem paullo supra: *Equidem tradi inter praecepta, miror: eorumque exempla vitandi potius, quam imitandi gratia pono. Amari jucundum est, si curetur, ne quid insit amari. Avium dulcedo ad avium ducit. Et apud Ovidium ludentem. Cur ego non dicam Furia te furiam? Cornificius hanc Traductionem vocat, videlicet alterius intellectus ad alterum.* In libro quidem quarto operis ad Herennium [cap. 14.] in Traductione exemplum illud legitur. *Amari jucundum est, si curetur, ne quid insit amari.* Cetera vero nequaquam. Immo in figura, quam Agnominationem ille auctor vocat, exemplum illud ponitur [lib. iv. cap. 25.]. *Avium dulcedo ducit ad avium.* Ut qui suspensas habent universas suas rationes ex hoc loco, probaturi ex eo, opus illud esse Cornificii, tenui admodum, atque adeo nullo filo pendeant, vel etiam suo ipsi gladio confodiantur. Qui vero eosdem libros Ciceroni adscribunt, imperitiam suam cum hebetate iudicio ostendunt: nec vident, quam male de Cicerone mereantur, opus illud, tanto viro indignissimum, illi adtribuentes.

JOANNIS MARIII MATTII  
 DEFENSIO  
 ADNOTATIONIS SUAE  
 SECUNDAE,  
 CONTRA  
 EORUM OPINIONEM,

*Qui ex aliquot locis Quintiliani contendunt  
 Rhetorica ad Herennitum ab Cornificio  
 esse certo agnoscenda auctore.*



Magni in literis patrum aetate & nostra viri libros Rhetoricorum ad Herennium sine ulla dubitatione Cornificio adjudicant, adducti aliquot locis Fabii Quintiliani. Pugnavit acerrime in hac parte nuper Antonius Riccobonus, homo egregie nobilibus artibus excultus. Ego pridem tradidi, infirma esse ad obtinendum, quod volunt, adjumenta ex Fabio petita: neque adhuc de sententia decedo: nixusque eodem Fabio auctore dico, certo, ut illi adfirmant, statui id non posse. Atque, ut tota caussa apertius cognoscatur, descripta prius hic vetere nostra adnotatione, conlatisque locis utriusque, Fabii & auctoris Rhetoricorum istorum, in quibus quasi firmissimis fundamentis Riccobonus omnem spem obtinendae causae



fae inaedificat, etiam Riccoboni verba adponimus: statimque subjungimus ad singulas ejus rationes nostras, quibus pristinam nostram confirmari opinionem existimamus. Utri rectius senserint, judicabunt docti. Ex quindecim rebus, quibus Riccobonus in libro, quem *Judicium secundum*, & in eo, quem *Defensorem* inscribit, nititur probare, librum Rhetoricorum ad Herennium esse Cornificii: una est figura Traductio: de qua ipsum audiamus.

Ex Riccoboni Defensore. p. 139. *Et inde.*

1. *Non una figura Traductio, sed res quindecim a me collectae hoc effecerunt. Et c. Me vero, ut ita scriberem, impulit, quod scriptum in Rhetoricis ita videbam. Traductio est, cum idem verbum modo ponitur in hac, modo in altera re, hoc modo. Amari jucundum est, si curetur, ne quid insit amari. Apud Quintilianum vero hoc pacto. Aliter quoque voces, aut in eadem, aut in diversa significatione ponuntur: ut, Amari jucundum est, si curetur, ne quid insit amari. Cornificius hanc Traductionem vocat, videlicet alterius intellectus ad alterum. & paullo post: In eo libro scripsi Quintilianum res quindecim de Cornificia attulisse, quae omnes de auctore ad Herennium verae essent: nihilque tribuisse Cornificio, quod in Rhetoricis non Herennii, ut tu loqueris, sed ad Herennium non inveniretur. Et c. Audi: postquam vis, & cognosce, vel potius, quod cognoscis, confitere, non minus ex aliis, quam ex tua figura Traductione colligi, ea Rhetorica certo esse Cornificii. Age enim. Declaravit auctor ad Herennium Traductionem, Quintilianus eam declarationem tribuit Cornificio, unde colligis, scriptorem ad Herennium esse Cornificium. In his verbis pluscula sunt Sigonii, quae tamen Riccoboni sunt censenda: quoniam si a Sigonio essent praetermissa, Riccobonus eadem fuerat adlaturus, si quidem caus-*

causam suam voluisset firmare. Nos ad universa sic respondemus. Si sola legantur & pendantur, quae ab Sigonio & Riccobono ex Fabio, atque ex incerto auctore prolata sunt, verba, cadam ego statim causa non solum non perorata, sed ne inchoata quidem: quod ne adcidat, fideliter loca utriusque Fabii & hujus incerti auctoris huc transferam. Fabius igitur *lib. ix. cap. 3.* in figura *Ἀνταγκλάσει* (quam tamen P. Rutilius, unde Quinctilianus eam accepit, *Ἀνάγκλασιν*, vocat) sic scribit: Cui confinis est *Ἀντανάγκλασις*, ejusdem verbi contraria significatio. Cum Proculejus quereretur de filio, quod is mortem suam expectaret, & ille dixisset, se vero non expectare, Immo, inquit, rogo expectes. Non ex eodem, sed diverso vicinum accipitur, cum supplicio adficiendum dicas, quem supplicatione dignum judicaveris. Aliter quoque voces aut eadem in diversa significatione ponuntur, aut productione tantum, vel conreptione mutatae, quod etiam in jocos frigidum. Equidem tradi inter praecepta miror: eorumque exempla vitandi potius, quam imitandi gratia pono. Amari jucundum est, si curetur, ne quid insit amari. Avium dulcedo ad avium ducit. & apud Ovidium ludentem. Cur ego non dicam Furia te furiam? Cornificius hanc Translationem vocat, videlicet alterius intellectus ad alterum. Haec Fabius. verba vero auctoris ad Herennium haec sunt [*lib. iv. cap. 14.*]: Transductio est, quae facit, ut, cum idem verbum crebrius ponatur, non modo non offendant animum, sed etiam concinniores orationem reddat: hoc pacto. Qui nihil habet in vita jucundius vita, is cum virtute vitam non potest colere. Item. Eum tu hominem adpellas, qui si fuisset homo, numquam tam crudeliter vitam hominis petiisset. At erat inimicus. Ergo inimicum sic ulcisci voluit, ut ipse sibi reperiretur inimicus? Item. Divitias sine divitum esse: tu vero vir.

virtutem praefer divitiis. Nam si voles divitias cum virtute comparare, vix satis idoneae tibi videbuntur divitiae, quae virtutis pedisequae sint. Ex eodem genere exornationis est, cum idem verbum modo ponitur in hac, modo in altera re, hoc modo. Cur eam rem tam studiose curas, quae multas tibi dabit curas? Item. Amari jucundum est, si curetur, ne quid insit amari. Item. Veniam ad vos, si mihi Senatus det veniam. In his quattuor generibus exornat. &c. Riccobonus & ceteri, qui ab hac parte stant (neque enim hodie aut heri, ut diximus, haec mota est controversia) sic conligunt. Quintilianus figuram hanc, Amari jucundum est, si curetur, ne quid insit amari, a Cornificio translationem adpellari tradit. Est autem sic apud hunc auctorem librorum ad Herennium. Ergo Cornificius est horum librorum auctor. Duobus modis hic respondeo. Primo concedere me, Cornificium confecisse Rhetorica, in quibus sic scripserit, ut Fabius tradit: negare tamen, haec Rhetorica esse ea: quippe multa Fabius scribit a Cornificio tradita, quae tamen in his libris non leguntur: ergo haec Rhetorica Cornificii non sunt. Quae autem sint ea, quae in his libris incerti auctoris non legantur, quae Cornificio Fabius tribuit, sua quaeque loco in his, quae deinceps dicentur, demonstrabimus. Altero modo eludi, atque adeo reprimi posse adversariorum argumentum arbitror sic. Fabius eodem loco dicit, hanc figuram, Avium dulcedo ad avium ducit, a Cornificio Translationem adpellari. Hoc autem in hoc libro non fit, neque enim in Translatione hic incertus auctor meminit hujus exempli, Avium dulcedo ad avium ducit. Ergo horum auctor Rhetoricorum ad Herennium non est Cornificius. Immo auctor hic incertus hanc figuram, Avium dulcedo ad avium ducit, Agnomina.

minationem, non Traductionem facit. Quid hic dicent Cornificiani? Certe non aequi tantum iudices, quos semper adpello, sed paullo etiam in causam Cornificianorum propensiores, quique eosdem factos & tectos velint, aut amplius pronunciabunt, aut juris idem Attii quod Titii statuent. Quid? quod Fabius, cum dicit, Cornificium adpellare hanc figuram Traductionem, sic exponit: *videlicet alterius intellectus ad alterum*, id est, (ut ego verbis ejusdem Fabii interpreter) *ejusdem verbi contraria significatio*, & eadem voces in diversa significatione positae, aut productione tantum, vel conreptione mutatae. At hic auctor multo magis Traductionem facit, cum eadem voces crebrius repetitae idem significant, non autem contrarium. Quod adparet illis exemplis, quae subjungit. *Qui nihil habet in vita jucundius vita, is cum virtute vitam non potest colere. Item. Eum tu hominem adpellas, qui si fuisset homo, numquam tam crudeliter vitam hominis petiisset. At erat inimicus. Ergo inimicum sic ulcisci voluit, ut ipse sibi reperiretur inimicus? Item. Divitias sine divitum esse: tu vero virtutem praefer divitiis. Nam si voles divitias cum virtute comparare, vix satis idoneae tibi videbuntur divitiae, quae virtutis pedisequae sint.* Cum igitur longe alia sit Traductio haec incerti auctoris ab illa, quam Fabius Cornificio adtribuit, non ausim ego certe, puto, nec quemquam alium ausurum adfirmare, conligi ex hac Figura Traductione, ea Rhetorica certo esse Cornificii: immo in multo diversissimam sententiam ab hac Traductione traducor. Sed quoniam dictum est, quae exempla, & quas rationes tribuat Fabius Traductioni Cornificianae, ea esse Agnominationis apud auctorem Rhetoricorum ad Herennium, ne forte quis me haec putet,

fo-

somniasse, verba illius audiantur. [lib. IV. cap. 21.] *Agnominatio est, cum ad idem verbum, & idem nomen acceditur commutatione unius literae, aut literarum, syllabae aut syllabarum: aut ad res dissimiles similia verba adcommodantur. Ea multis & variis rationibus conficitur. Adtenuatione, aut complexione ejusdem literae, sic. Hic, qui se magnifice jactat, atque ostentat, venit a te, antequam Romam venit. Ex contrario. Hic quos homines alea vincit, eos ferro statim vincit. Productione ejusdem literae hoc modo. Hunc avium dulcedo ducit ad avium. Brevitate ejusdem literae, hoc modo. Hic tametsi videtur honoris cupidus, tamen non tantum curiam diligit, quam Curiam. Addendis literis hoc pacto. Hic sibi posset temperare, nisi amor mallet obtemperare. Demendis literis sic. Si lenones tamquam leones vitasset, vitae se tradidisset. Transferendis literis, sic. Videte iudices, utrum homini navo, an vano credere malitis. Item. Nolo esse laudator, ne videar adulator. Addam etiam hoc, deinde finem huic parti imponam. Auctor ad Herennium fingit ex se ipse omnia figurarum omnium exempla. At Fabius testatur versusum illum Ovidii,*

*Cur ego non dicam Furia te furiam?*

apud Cornificium esse: quod haud scio an sit ad infringendam adversariorum causam firmissimum argumentum.

2. Auctor (inquit Riccobonus) ad Herennium scripsit integrum librum de Elocutione, qui est quartus Rhetoricorum. Quintilianus lib. IX. ait. Haec omnia de Elocutione, copiosius est exsecutus Cornificius: qui proprie librum huic operi dedicavit. Est vero sic apud Fabium? immo sic, ut ego diserte describam. Haec omnia copiosius sunt exsecuti, qui non ut partem operis transcurrerunt, sed proprie libros huic operi dedicaverunt.



dicaverunt, sicut Caecilius, Dionysius, Rutilius, Cornificius, Visellius, alique non pauci. Quorum verborum sensus hic est. Copiosius hi de figuris tractaverunt, quoniam in hac parte Rhetorices tantum occupati fuerunt: solum in figuris tradendis operam suam conlocaverunt: reliquas Rhetoricae partes non adtulerunt. Id autem ita esse probat liber P. Rutilii: ubi tantum de figuris agitur. Idem fecisse Cornificium significat Fabius. At hic incertus auctor de tota arte Rhetorica, non de figuris solis tractat. Quod si intelligamus, Fabium hoc sentire, Cornificium ex quattuor libris quartum integrum Elocutioni dedicasse, aliis tribus libris in reliquis Rhetoricae partibus consumptis, non ridiculus sit Fabius? quasi non & ipse idem fecerit: qui librum integrum, immo libros integros 8. & 9. Elocutioni dedicavit?

3. Ille (pergit Riccobonus) inter figuras verborum numerat Interrogationem. Hic eodem libro testatur Cornificium numerasse.

4. Ille nominat inter easdem figuras Ratiocinationem. Hic dicit etiam Cornificium nominasse.

5. Ille Membrum figuris verborum aggregat. Hic quoque lib. IX. tradit Cornificium aggregasse.

6. Ille Articulum figuram verborum facit. Hic affirmat Cornificium fecisse.

7. Ille inter easdem figuras vult esse Subjectionem. Hic aperit Cornificium voluisse.

8. Ille simul Occupationem collocat. Hic declarat Cornificium collocasse.

9. Ille inter eas recipit Interpretationem. Hic exponit Cornificium collocasse.

10. Ille in ipsis commemorat Conclusionem. Hic ostendit Cornificium commemorasse.

11. Ille in iisdem collocavit Translationem. Hic meminit Cornificium collocasse.

Ego



Ego ad novem has res, Interrogationem, Ratiocinationem, Membrum, Articulum, Subjectionem, Occupationem, Interpretationem, Conclusionem, & Translationem in universum sic respondeo: *ὅτι καὶ μερίζειν* id esse, tantulam, id est unam, rem in tot partes, id est in 9. res, secare: quod faciunt parci, ne dicam, an fordidi? Atque etsi de consilio cujusquam judicare non debeo, tamen existimo Riccobonum conantem probare, Cornificium fuisse auctorem horum Rhetoricorum, maluisse dicere, se ex quindecim rebus, quam locis id facere, quo, Fabii loco uno in res novem dissecto, causam faceret, ostentatis adjumentis tot probationum, speciosiore & plausibiliore: & numeris addendis Soriten Chrysippi tumidiorem, non tamen pleniorum aut ampliorum redderet: alioqui minore opera, minore impendio chartae atque Chalcanthi universa haec absolvi poterant. Sed recitemus nos verba Fabii ex *cap. 3. lib. ix. Adicit his Cecilius περίφρασιν*, de qua dixi: *Cornificius Interrogationem, Ratiocinationem, Subjectionem, Translationem, Occupationem, praeterea Sententiam, Membrum, Articulum, Interpretationem, Conclusionem.* Verba haec Fabii aperte ostendunt, locum unum esse. Sed sint res novem. Etiamne, ut causae serviamus, studio vincendi fucum faciemus? &, aequitatem fusque deque habentes, scripta antiquorum ex libidine pervertemus? Cur, ubi est Occupationem, fit Occupatio? expunctaque vera & iusta scriptura inducitur falsa & adulterina? Inter bonos bene agier, admonemur vetere juris formula. Vincamus virtute, non artibus, in certamine praefertim nobili & generoso: ubi etiam vinci lucro est. Ac fortasse velocitas percurrendi oculos raptim legentis fefellit: & occupata pluribus cogitationibus

buts mens pro *Occultationem*, *Occupationem* accepit: malo enim de tali viro haec suspicari: attamen quos ego legi libros, universi *Occultationem* habent: de qua *Occultatione* quando hic auctor nusquam egit (egit autem Cornificius, id testante Fabio) convincitur, haec Rhetorica a Cornificio non fuisse conscripta. Quod ad reliquas octo pertinet Interrogationem, Ratiocinationem, Membrum, Articulum, Subjectionem, Interpretationem, Conclusionem, & Translationem, adversarii sic pugnant. Scribit Fabius, has omnes figuras tractatas esse a Cornificio. Reperiuntur autem universae apud hunc auctorem. Ergo is auctor est Cornificius. Respondetur. Si hic auctor de his figuris tradidit, fecit, quod omittere omnino non potuit sine nota insignis imperitiae: pleraeque enim eae figurae in ornatu orationis principem locum tenent. Itaque Cicero (neque enim Graecos nominare est necesse, quando de verbis, quibus a nostris adpellatae sint eae figurae, sermo est) cum alibi, tum in Oratore, quoties de Articulo, Membro, & Translatione agit? Itaque si adfirmemus, hunc librum esse Cornificii, quod ibi tractatas esse eas figuras legimus, quas a Cornificio traditas scribit Fabius, eodem argumento, Orator Ciceronis erit Cornificii, quoniam ibi has figuras tractatas & quidem saepius videmus. Juvant igitur & hae octo res Cornificianos ne hilum quidem. At Fabius sic scripsit. At ego hic adjutor defensorque sum causae meae, non Fabii patronus, aut etiam interpres.

12. Ille (inquit Riccobonus) *Sententiam* &

13. *Definitionem* ponit inter *Schemata* λέξεις. Hujus verba haec sunt. Cornificius atque Rutilius *Sententiam* & *Definitionem* *schemata* λέξεις putant.

Respondeo, ductum esse in fraudem Riccobonum a memoria, non sic scripturum profecto, si Fabii locum, cum haec commentaretur, consulisset: qui locus sic habet *lib. ix. cap. 3. Quaedam omnino non sunt figurae, sicut Ordo, Dinumeratio, Circumscriptio, sive hoc nomine significatur comprehensa breviter sententia, sive finitio. Nam & haec Cornificius atque Rutilius Schemata λέξεις putant. In quibus Fabii verbis duae illae voces sententia & finitio (finitio inquam, non Definitio, ut deceptus a memoria Riccobonus perperam legit) non sunt figurarum nomina: sed exponunt, & quasi definiunt, quid sit Circumscriptio: quod licet ex ipsis Fabii verbis adparet satis, tamen elucet etiam melius ex Cicerone pluribus locis; sed maxime in Oratore, quando de Circumscriptione loquitur [cap. 58.] *Sed (inquit) universa comprehensio, & species orationis clausa, & terminata est. & paullo post [cap. 59.] Cadere tantum numerose oportere, terminarique sententiam. Ibidem [cap. 61.] Illa circumscriptione ambituque, ut tamquam in orbe conclusa currat oratio, quod insistat in singulis perfectis, absolutisque sententiis.* Atque (quod rem juvat) ut fileam, paullo post Fabium Sententiam soli Cornificio vindicare, illis verbis supra citatis: *Cornificius Interrogationem &c. praeterea Sententiam, Membrum &c.* non facturum, si prius eandem utrique Rutilio & Cornificio tribuisset, ut (inquam) illud fileam, quo pacto hoc quamvis in adnotatione nostra etiam dictum, filere & praeterire possim sine certo praevaricationis crimine? Fabius, ut ex ejus verbis prius adlatis vidimus, aperte testatur, Cornificium inter figuras ponere Ordinem, Dinumerationem, & Circumscriptionem. At apud hunc incertum auctorem ubi haec leguntur? Ut solo hoc testimo-*

nio

nio cogantur velint nolint Cornificiani fateri, nequaquam hos libros a Cornificio conscriptos fuisse: neque omnino verum esse, quod scribunt, nihil tribuisse Fabium Cornificio, quod in Rhetoricis ad Herennium non inveniretur.

14. Ille (scribit Riccobonus) tradit contrarium idem fere esse, quod Contentio est, & contrarium esse, quod ex rebus diversis duabus alteram breviter & facile confirmat. Hic scribit lib. 5. Enthymema, quo pugna constat, contrarium a Cornificio appellari. Ego vero ex hoc Fabii loco, qui integer a me ponetur, dico & praedico, quaerendum esse alium Cornificium, cui vindicetur incerti auctoris liber: quando nullae vindictae isti possunt adserere. Verba Fabii lib. v. cap. 10. ubi agit de argumentis, sunt haec: Nam Enthymema &c. Unum intellectum habet, quo omnia mente concepta significat, sed nunc de eo non loquimur: Alterum, quo sententiam cum ratione: Tertium, quo certam quamdam argumenti conclusionem vel ex consequentibus, vel ex repugnantibus (significat) quamquam de hoc parum convenit. Sunt enim, qui illud prius Epichirema dicant: pluresque invenias in ea opinione, ut id demum quo pugna constat, Enthymema accipi velint: & ideo illud Cornificius Contrarium adpellat. In verba Quintilianiani nunc nihil inquiri: nec interpretem ago. Sed proferatur mihi locus ex his libris, quos Dis atque hominibus invitis Cornificio adscribunt, ubi legatur Enthymema, quo pugna constat, Contrarium adpellari: tunc stet, qui proferat, coronatus Olympia: tunc manum tollo. Nam quae de Contrario semel, & de Contentione bis agit hic auctor lib. 4., pertinent ea ad figuras verborum & sententiarum, non ad argumenta. Describere libet, quoniam mirifice ad rem faciunt, verba Ciceronis ex Topicis [cap. 13. seq.]

quibus lectis Cornificiani etiam atque etiam videant, quisnam primus Enthymematis quoddam genus Contrarium dixerit: *Ex hoc illa Rhetorum sunt ex Contrariis conclusa, quae ipsi Enthymemata adpellant: non quod non omnis sententia proprio nomine Enthymema dicitur: sed ut Homerus propter excellentiam commune poetarum nomen efecit apud Graecos suum. sic cum omnis sententia Enthymema dicatur, quia videtur ea, quae ex Contrariis conficitur, acutissima, sola proprie commune nomen possidet. ejus generis haec sunt. Hunc metuere: alterum in metu non ponere. Eam, quam nihil adcuras, damnas: bene quam meritam esse autumas, dicis male mereri. Id quod scis, prodest nihil: id quod nescis, obest. Hoc differendi genus attingit omnino vestras quoque in respondendo disputationes, sed Philosophorum magis, quibus est cum oratoribus illa ex repugnantibus sententiis communis conclusio: quae a Dialecticis, tertius modus, a Rhetoribus Enthymema nuncupatur.*

15. Auctor denique (haec est ultima res Riccoboni) ad Herennium, praecipit Licentiam esse, cum apud eos, quos aut vereri, aut metuere debemus, tamen aliquid pro jure nostro dicimus. Quintiliani verba sunt. Idem dictum sit de de Oratione libera, quam Cornificius Licentiam vocat. Graeci παρρησίαν. Nonne certo certius apparet (si Quintiliano fides habenda est, ut certe est) Rhetorica ad Herennium esse Cornificii? Respondeo ego. Quod ad Fabium pertinet, telum adripio & retorqueo, sic. Fabius scribit Enthymema, quo pugna constat, adpellari a Cornificio Contrarium. Id ab hoc auctore Rhetoricorum ad Herennium non fit. Item. Fabius scribit Ordinem, Dinumerationem, Circumscriptionem, Occultationem, inter figuras adnumerari a Cornificio. Id ab hoc Auctore Rhetoricorum ad He-



Herennium non fit. Ergo certo certius adparet, si Quintiliano fides habenda est, ut certe est, (sic enim loquitur Riccobonus) Rhetorica ad Herennium non esse Cornificii. Hoc, quod sequitur, non dico ego (tueri enim & laudare scriptorem optime meritum, non criminari debeo) sed tamen fingamus aliquem sic dicere. Fabius scribit, tractatas esse a P. Rutilio figuras ἡθοποιίαν, χαρακτηρισμὸν, Dinumerationem, Circumscriptionem: quae tamen apud P. Rutilium non reperiuntur: apud quem si ceterae, quas Fabius Rutilio tribuit, leguntur, cur non & hae? Complexionem argumenti, quae fortasse duplex esse potest, ego non infero. Concludat, cui libeat. At fortasse Fabius alium Rutilium citat. At, respondeo ego, fortasse, ac ne fortasse quidem Fabius alium ab hoc incerto auctore Cornificium citat: a quo postea hic incertus didicerit, huic figurae Licentiae nomen dare. Certe agens de hac figura nullis indiciis significat, a se primo Licentiam adpellatam: immo jam illi tale nomen fuisse aperte esse ostendit, sic scribens: *Ergo haec exornatio, cui nomen Licentiae est.* Dicturus profecto, cui nos Licentiae nomen dedimus: si hujus ipse verbi auctor fuisset: quod quidem alibi fecit: nimirum libro primo his verbis: *Nisi quia de Insinuatione nova excogitavimus: quod eam soli praeter ceteros in tria tempora divisimus.* Atque nemo est in scriptis Rhetoricis Ciceronis vel mediocriter versatus, quin sciat, multo maximam partem illarum figurarum, quae apud hunc incertum auctorem sunt, iisdem nominibus a Cicerone prius esse insignitas: quas persequi nunc occupato homini non est ocium nec consilium. Ut necesse sit fateri, ea nomina non ab Cornificio, sed multo ante eum natum, facta fuisse. Atque ut alia



quoque adjumenta addamus, cum Fabius scribat sic: *Quod idem dictum sit de Oratione libera, quam Cornificius Licentiam vocat, Graeci παρρησίαν.* Cumque apud Julium Rufinianum legam [*De Fig. Sent. p. 24. Ed. Pithoei.*], *Parrhesia oratio libera, quam Cornificius Licentiam vocat.* Veni in mentem suspicari, magnam partem horum verborum ab libro Rufiniani esse in librum Fabii translata. Scilicet, quod fortasse aliquis (quod fit frequenter ab iis, qui loca auctorum ex aliis scriptoribus vel exponunt, vel aliquo modo juvant) in orae area libri Fabii verba Rufiniani, quae ibi quadrarent, adscripserit, quae postea imperitus librarius de margine in ordinem verborum Fabii transtulerit. Quod quidem animadversum est a doctis nostra aetate hominibus, libris Ciceronis contigisse pluribus in locis. Ad quam censuram fortasse vocari possunt etiam verba haec in figura Contrarium. *Contrarium idem fere est, quod contentio.* Certe cum bis agat idem auctor de Figura Contentione, neque tamen faciat mentionem adfinitatis, quae sit illi cum Contrario, cumque nullam adferat rationem, quare Contrarium idem fere sit, quod Contentio, si etiam ordinem, quem in reliquis omnibus figuris exponendis servat hic auctor, acres judices animadvertant, periculum est, ne censeant, ea omnia expungenda, ut de margine in librum transcripta. Ego autem interim ne censeo quidem: tantum abest, ut judicem: doctiorum sententiam audiam, & sequar.

Ergo cum suspectus sit locus Fabii: cum non constet hunc auctorem ipsum huic figurae nomen dedisse Licentiae: cum declaratum sit, alium ab hoc auctore horum Rhetoricorum a Fabio Cornificium significari, a quo hic incertus auctor nomen figu-

figurae Licentiae acceperit, cum Fabius tribuat multa Cornificio, quae in hoc auctore non leguntur: dicimus, neque hanc quintam decimam Riccoboni rem quidquam efficere, propter quod de opinione pristina discedere nos debeamus. Et quamquam tot tantisque rationibus, quae firmissimae sunt, fulcitur causa adnotationis nostrae, tamen, quoniam sua sponso sponsa pulchra est, suumque corvo ovum placet, cum mihi sensum retineo meum, cuique relinquo suum: qui si dijudicari controversiam velint, ego vero vel ipsos adversarios iudices sumo: illis ipsis disceptatoribus utar: sin ab sua ipsi liberali verecundia non impetrant, ut iudicandi de se partes suscipiant, ego nihil aliud contendo, nisi ut iudicent docti: quibus spero si nihil aliud, certe modestiam nostrae adnotationis, & totius hujus disputationis commendatam, & probatam fore.

Alius est Fabii locus adprime a nobis faciens: sed ille in praesentia non succurrit.



D. O. M.

## DIVAE VIRGINI MARIAE

AD OPPIDUM VICUM

in Liguribus Epanteriis inaudita mira-  
cula edenti supplex carmen

JOANNIS MARIII MATTII

*Brixiani,*

AD NOBILISSIMUM

JOANNEM BAPTISTAM SCARAMPUM.

**V**IRGO decus caeli, praesens tutela piorum,  
 Ecquid de superis oculo nos adspicis aequo  
 Sedibus? & nostrae tangit te cura salutis?  
 Sed quid ego haec posco, quasi nescius, aut dubius sim?  
 Quin potius meditor, tibi quo modulamine laudes  
 Diva cakam, referens magno pro munere grates?  
 Cujus ope, & patrocínio Rex magnus Olympi  
 Seræ plura meae largitur lustra senectæ  
 Munificus? quo tanta, & tot miracula rerum  
 Possim animo, manibusque, oculisque fidelibus ipse  
 Contractare meis? Quantis, Deus optime, donis  
 Millia multa hominum cumulantur? abusque supremis  
 Finibus Ausoniae? quam multae huc undique gentes,  
 Tacti animum adflatu Divini numinis, una  
 Certatim coeunt? haec ut surgentia caelo  
 Tempa colant: numenque humiles reverenter adorent  
 Mirandum, Maria alma, tuum? gravibusque levati  
 Sub-

*Subsidio praesente tuo, morbis, pia vota  
 Solvant: Et cunctis meritum testentur honorem?  
 Ecce tua currunt ope claudi. Lumine cassis  
 Jampridem, absterfa nunc omnia nube patefcunt.  
 Torrida contractis cui laeva aut dextera nervis  
 Obrigit, redeunt ad pristina munia vires.  
 Redditur auditus surdis: muta ora loquuntur.  
 Calculus in tenuem subito resolutus arenam  
 Eicitur: fracti solidescunt firmiter artus.  
 Hydropi haud sitiuntur aquae: cui corpore toto  
 Nulla suum officium praestabant membra, repente  
 Virtus cognatos antiqua recurrit in artus.  
 Quin (numquam ante audita loquor) vix bina juventae  
 Lustra supergressi pueri, innuptaeque puellae  
 Millia multa inter matronarum, atque virorum,  
 Magna doctorum patrum admirante corona,  
 Grandia verba ferunt, suadentes corda salubri  
 Laetitia ad celsum mortalia tollere caelum,  
 Cum gravium rerum, Et verborum pondere tanto,  
 Ut prisca inuideant Gracchi, priscique Cethegi.  
 Vidi oculis, vidi ipse meis: his auribus hausi,  
 Contremuisse truces animos: odia aspera blando  
 Cessisse eloquio: domitisque ingentibus iris  
 Sinceram in pacem durissima corda repente  
 Sic cotisse, gravi, Et dulci sermone refracta,  
 Ut damna obliti, Et foedatam caede suorum  
 Plurima humum, lacrimis obplentes ora sinumque,  
 Carum in complexum populo plaudente venirent.  
 Quos furiae plures infestavere per annos:  
 Quosque intemperiae, dirae turpesque ministrae  
 Persephones gravibus divexavere malorum  
 Tormentis, sanam retulerunt ilico mentem:  
 Postquam sancti hujus tetigerunt limina templi.  
 Sed neque ego, indignus famulus servusque vocari,  
 Virgo, tuus, sum expers meritorum exsorsque tuorum.*

Namque ubi certa meae sedit sententia menti,  
 Te duce, Joannes Baptista Scarampe, meique  
 Omnis consilii, atque viae rectore, superba  
 Linqwentem Insubrum Dominae urbis moenia, miris  
 Prodigiiis horrendam & relligione columnam hanc  
 Visere: teque in ea prostratum orare sedentem,  
 Ilico praesto ades: & curis annisque gravatum  
 Pluribus: & tarda titubantem crura senecta  
 Auxilio festina juvas: roburque juventae  
 Sufficis: atque viam facilem mollemque ministras  
 Per juga caligantia saxosi Apennini.  
 Salve diva potens terrae, caelique marisque.  
 Respice, quaeso, meos tenui cum prole penates,  
 Inspirans cunctis verae pietatis amcrem.  
 Da totam sine labe ulla, sine crimine vitam  
 Degere: da sanam sano cum corpore mentem:  
 Ut tua toto animo purgati numina adorent:  
 Perpetuo & maneant veterum in pietate parentum.  
 De me (ha, ne grave sit) natum, qui nostra piavia  
 Crimina placato gratissima victima patri,  
 Posce, ora, exora: liceat traducere caste  
 Aetatem: inque via vestigia ponere recti.  
 Ne mea monstrato quidquam de tramite flectat  
 Vita, sed usuram reliqui aevi ponat, in isto  
 Dum currit stadio, totam ad moderamina legis  
 Sanctae. Tu praefer lumen: ne forte dolosis  
 Nescius offendam in tenebris: ne Acheruntius anguis,  
 Qui nimis, heu, nostram in cladem vigil excubat: & qui,  
 Pro lacrimae, prima nostros ab origine mundi  
 Circumscripsit avos, specie suadentis honesta  
 In fraudem ducat: Stygiisque malus male cautam  
 Fraudibus inlaqueet mentem. Dux, rector ibique  
 Summe Deus, nostrae clavum moderare carinae.  
 Cumque aderunt seri jam mitia tempora fati,  
 Spiritus optatum petat ut sublimis olympum,

O, mibi de aligeris adsit legionibus unus:  
 Commendata animae cui sit custodia nostrae:  
 Qui faciat languenti animum: qui nocte suprema  
 Molli ope compagem solvat clementius istam.  
 In primis turpes abigat, saevasque volucres  
 Damnatas Erebo Harpyias, Furiasque nocentes:  
 Quae diris terrent spectris mortalia semper  
 Corda, sed in primis extrema in morte frequentes.  
 Nos gratis meritum semper celebrabimus hymnis  
 Diva tuum memores: passisque ad sidera palmis  
 Tura salutiferis Panchaea adolebimus aris.

---

## R E L I G I O N E M CERTUM ESSE SALUTIS ET SECURITATIS PIGNUS.

**D**ives, inops venerare Deum: totamque tuarum  
 Spem rerum in sola religione loca.  
 Illa comes medios veniet tibi fida per hostes.  
 Immo adeo vitae dux erit illa tuae.  
 Assyrii Isacidas (a) duce ea fovere camini:  
 Ut lambit catulos foeta catella suos.  
 Obstupuit tantis natura exterrita monstis.  
 Cantat in innocuo laeta juventa foco?  
 Crede mihi, tumidos sistunt cita flumina cursus:  
 Et repetent fontes Mella, Padusque suos.  
 Aërii montes desident vallibus imis.  
 Turgescent valles in juga celsa cavæ.

In

(a) Isach, Misach, Abdenago.



*In liquidum tellus modo dura, liquabitur aequor.  
 Vertet & in durum se liquida unda solum.  
 Curricula intendens rapido contraria mundo  
 Phoebus anhelantes retro agitabit equos.  
 Denique quidquid erit, quod mens optaverit aequa,  
 Quod pro te, atque tuis numina sancta petes,  
 Illicet advenient conceptis omnia votis,  
 Rite Deum pura si pietate colas.*

---

## IN OBITU RODERICI TOLEDI

LEGATI, ET DUCIS CATHOLICI  
 REGIS IN BELLO ALPINO  
 ET GALLICO.

**D**um cupit ardentem Rodericus stinguere flammam  
 Impiaque Alpinis pellere signa jugis,  
 Pone sequens dubio dum tardat in agmine miles,  
 Crebraque in obstantem Gallica tela ruunt,  
 Acciderit tantum me vivo dedecus? inquit:  
 Ut semel obtento pellar ab hoste loco?  
 Videris, o Sol alme, hosti dare terga Toledum,  
 Oblitum laudis, degeneremque (a) sui?  
 Non ita Rhenanae me cognovere phalanges:  
 Versaque in inbellem Belgica castra fugam.  
 Cum ruerem densas dextra victrice catervas;  
 Mosaque sanguineis turbidus iret aquis.  
 Vincimur, at numero: tanto mihi gloria major:  
 Solum ausum tantam sustinuisse manum.

(a) *al. suae.*

*Quin,*

Quin, mihi sint animae si mille: ego mille pacisci  
 Non animas dubitem pro pietate meas.  
 Si saltus nequeam captos virtute, tueri  
 Vivens, obcludam corpore stratus iter.  
 Si pereo, o me ter felicem, terque beatum.  
 Pugnantem sacra pro pietate mori.  
 Ante tamen pro, Christe, tua quam toncido caussa,  
 Hasce prius nostras accipe quaeſo preces.  
 Me Duce victrices caeli Rex summe cohortes  
 Commendo fidei iustitiaeque tuae.  
 Caussa tua est: cuncti eversas pugnamus ob aras  
 Christe tuas, & pro relligione tua.  
 Consortem thalami super omnia respice nostri,  
 Heu, precor: a sacro nomine nomen (a) habet.  
 Pro caro illa sedet semper suspensa marito:  
 Atque implet votis omnia templa piis.  
 Ipse ego deliqui si quid, tu parce benignus.  
 Sis clemens, animae propitiusque meae.  
 Sic rogat: & lato dextra laevaue coruscans  
 Ense, virum quanta caede cruentat humum?  
 Ira, dolor, rabies, animosi audacia facti,  
 Et pudor opprobrii barbara corda ferit.  
 Undique propterea densis coire manipulis,  
 Caede redempturi tot sua damna, viri.  
 Obruitur telorum imbri Rodericus: & hosti  
 Empta tamen multo palma cruore venit.  
 Felix tali obitu: heroum haud indignus avorum:  
 Sublimis meriti scandis ad astra poli.

(a) Hieronyma.

478 JOANNIS MARIII MATTII

AD ILLUSTRISSIMUM

JACOBUM RICARDUM,

REGIUM SENATUS MEDIOLA-  
NIENSIS PRAESIDEM.

IN OBITU

HIERONYMI CASONIS OPITERGINI,

Philosophorum in gymnasio Tici-  
nensi principis.

**E**rgone in aeternam clausit sua lumina noctem  
Caso, pars animae magna, Ricarde, tuae?  
Tu quantis oneras immitia fata querellis?  
Sauciat & quantus pectora amica dolor?  
Non vis ulla tamen, non ulla injuria fati,  
Eripuit tanti pignora cara viri.  
Sed decus, & totum virtus cantata per orbem  
Extulit ad meriti templa beata poli.  
Carus enim pariter vixit mortalibus: ipsi  
Caelicolae arserunt hujus amore viri.  
Dicat forte aliquis: si terris carus & astris,  
Cur astra & terrae caussa fuere mali?  
Sitne malum acceptam divis rescribere vitam,  
Anne aliter, non est temporis hujus opus.  
Tantum igitur leti causas narrabimus: unde  
Caso sit e terris raptus in astra tuus.

Con-

*Concordes in amando animi discordia vota  
 Severe: hoc homines, hoc voluere Dei.  
 Optarunt placidae Casoni saecula vitae  
 Multa boni, quotquot sunt ubicumque viri.  
 Ut quanto cunctis iret praestantior ille  
 Virtutum numero, vel probitate viris,  
 Illi etiam diae tanto diuturnius aerae  
 Fata benigna darent munere posse frui.  
 Certabant contra studiis concordibus omnes,  
 Qui caeli cives lucida regna colunt.  
 Angustas siquidem terras, nimiumque pusillas:  
 Mentis ubi tantae non capiantur opes.  
 Ampla autem capiet diffusi regia caeli:  
 Quo probitas illi jam patefecit iter.  
 Hic, ubi in aeternum juvenescet candidus aevum,  
 Inter & heroes, aetheriosque choros.  
 Hic noctis sine faece dies: hic gaudia surgunt,  
 Perpetuo ambrosiae rore refusa rosae.  
 Hic, ubi verus honor virtuti, veraque surgunt  
 Praemia: ubi aerumnis plena parata quies.  
 Haec animos dulci sparsit sententia amaro,  
 Permiscens laetis tristitia, nigra bonis.  
 Gaudebant caro capiti tam multa parari  
 Gaudia, perpetuam cum superisque moram.  
 At desiderio quis non tabescat? & una  
 Supremum laetans optet obire diem?  
 Ergo, quamquam abitu (nam obitum dixisse placuit est:  
 Parca nec in tantos jus habet ulla viros.)  
 Maerebant passim doctorum plena virorum  
 Agmina: tuque omnes ante, Ricarde, alios.  
 Maerebant prorsae, maerebant undique versae  
 Pierides, Charitum conlacrimante choro.  
 Maerebat laniata comas Sapientia honestas,  
 Indiga in hoc artis, subsidiique sui.*

Ne tamen huic cunctis dignissimo honoribus, atque  
 Dulci animae latam praepediisse viam  
 Ad superos possent censerī, & tanta morari  
 Praemia, decepti plurimo amore viri,  
 Tanti spe quæstus longos domuere dolores;  
 Cari gaudentes utilitate hominis.  
 Pax igitur luctu: lacrimis pax: tristis honestos  
 In Pæcanis abit Lessus ubique modos.  
 Cantabant cuncti vario modulamine laudes;  
 Casō, tibi: & cineri sunt data tura tuo.  
 Huc si cunctorum concludere carmina tentem,  
 Longa dies non est longa futura satis.  
 Tu quantum ingenii specimen: tu quantum & amoris  
 Laudibus exprompsisti, docte Ricarde, tuis?  
 Non (inquis) jam te volitantem ad sidera, Casō,  
 Prosequimur lacrimis, flebilibusve modis.  
 Ast alacres geminis (a) celebramus funera ludis,  
 Et cingit laetum festa corona caput.  
 Quam putat ignavi mortem imprudentia vulgi,  
 Transitus est magnis ad meliora viris.  
 Ut colubro rigidae per inertia frigora brumae  
 Increscunt caecae (b) tergora dura cutis:  
 Idem vere novo pastus mala pharmaca, vepres  
 Inter, & angusti scrupula saxa thori  
 Deponit senium: nitidaque in veste (c) coruscus  
 Gaudet: & in forma se probat ipse sua:  
 Sic biemem exutus vitae, dejecit amictum  
 Sordentem, & gravidum corporis hujus onus  
 Casō meus. Juvenis, propria & virtute decorus  
 Vivit perque animos, inter & ora virum.  
 Fortior est fato virtus. Nec honestius actæ  
 In terris vitae gloria pulchra perit.  
 Vivit: & aetherias Casō migravit in oras:  
 Festus ubi & felix gaudia plena capit.

Propte-

(a) Scenicis &amp; Gymnicis. (b) Caecior Leberide. (c) al. veste.

Propterea (jubet is) cari doctique sodales,  
 Temperet a lacrimis jam modo quisque suis.  
 Illum hymnis potius meritis comitemur ovantes.  
 Nostrae illum chartae Piëridesque canant.  
 Et pro tristi apio, & pro ferali cyparisso,  
 Vernanti viola, purpureaque-rosa  
 Festa coronemus sibi tempora quilibet: atque  
 Cantemus summo carmina iusta Deo.  
 Caso habitet memori, vivatque in mente virorum:  
 Pectore Casonis viva sit urna mei.  
 Illius nostrum semper recalescet amore  
 Pectus: & in nostro pectore vivus erit.  
 Est suspensa mei penetrati in parte larari  
 Casonem referens picta tabella meum.  
 Hanc ego mane novo: hanc sera sub nocte saluto:  
 Hac desiderium mollius ipse fero.  
 Qualibet intueor, notis me spectat ocellis:  
 Nec quobquam a nostris lumina cara movet.  
 Si contra adspecto recta e regione, tuetur  
 Illa etiam vultus e regione meos.  
 Celsius adtollo: tollit quoque celsius illa  
 Lumina. Deicio: deicit illa quoque.  
 Adcedo ad dextram: ad dextram se torquet & illa:  
 Spectat leva, si forte sinister eo.  
 Pone abeo obliquus: flexa cervice repente  
 Vertitur: atque abitu congemit illa meo.  
 Sto fixis oculis: oculis manet aemula fixis.  
 Denique me cunctis pascit imaginibus.  
 Haec mihi honorificos (a) mollit spectata labores:  
 Detergetque animo taedia cuncta meo  
 Curarum: quarum me onerat Rex mole Philippus:  
 Rex, quo nil majus maximus orbis habet.  
 Hic tribuit sancti rectorem me esse Senatus:  
 Et regno Insubri libera jura dare.

(a) al. magnificos.

H h

In-



*Incumbens humeris tantarum sarcina rerum,  
 O animae pridem vitæque melque meae,  
 Quanta facultatis tollit mihi commoda? (namque  
 Vivida laudandi mens studiumque manet.)  
 Aequa voluntati si sit concessa facultas,  
 Laudis & historiam concelebrare vacet,  
 Cantarem primum Sophiæ præconia: cujus  
 Dulci in Casonis pectore nidus erat.  
 Nulla virum latuit pars illius: omnia norat,  
 Quaecumque in priscis sunt agitata scholis.  
 Norat Palladiæ docuerunt quidquid Athenæ:  
 Indorum & nudi quæ tenuere sophi. (a)  
 Plurima Socraticis tamen est impensa libellis  
 Cura: hæc est vitæ vera magistra probæ.  
 Divina ille hujus quoties præcepta canebat  
 Celsior in cathedra, compositaque toga,  
 Dulcius Ambrosia, puro pretiosius auro,  
 Gratius & Casta, Corycioque Croco.  
 More nivis densæ (b) eloquium manabat ab ore,  
 Purifica pascens plena theatra dape.  
 Quid memorem vitam numeros probitatis habentem? &  
 Virtute ambitas Principum amicitias?  
 Quamquam se ille sua involvens Sapientia, & una  
 Subiciens pedibus spemque metumque suis,  
 Rerum & honorum contemptu ditissimus, o quam  
 Anteabit magnos prosperitate Duces?  
 Præstantes aliquos aliqua in virtute videmus.  
 Hac ille: ille alia primus in arte cluet.  
 At Caso cunctas sic pertractavit, in omni  
 Virtutum versans nocte dieque choro,  
 Ut primæ in cunctis tulerit suffragia laudis,  
 Incedens omni grandior invidia.  
 Audiit orantem Latia quicumque Minerva,  
 Obstupuit clamans: Tullius alter adest.*

Hunc

(a) Gymnosophistæ. (b) Νιφάδες.

Hunc natum mediis subito testeris Athenis:  
 Si, quidquid Graece condidit ille, legas.  
 Et quicumque vident elegeia carmina, dicunt:  
 Romani sunt haec carmina Callimachi.  
 Obscuras rerum causas inlustris ille  
 Explicuit mentis dexteritate suae.  
 Cur magnes ferrum: paleas cur succina raptent:  
 Cur hiet adspectans alterum biantem hominem.  
 Curque sub Herculeum tundantur grandine Cancrum  
 Vitiferi colles, & sata laeta bonum.  
 Fulgura solstitiis quia nam cava nubila rumpant.  
 Tuncque quid in terras fulmina crebra cadant.  
 Humidus ut pluvias, ut fumidus halitus edat  
 Flamina: quo motu territa terra tremat.  
 Atque etiam librata suo cur pondere, celsa  
 Pendeat: & praeceps non leviora ruat.  
 Non umquam, studio ocI, virtutisque parandae  
 Sedibus e Latius extulit ille pedem.  
 Descripsit tamen hic radio felicius orbem,  
 Quam quibus est oculis cognita terra suis.  
 Indus ab occiduo quantum decedit Ibero:  
 A Tanaï Nilusque, Hesperionque Ceras. (a)  
 Sed quid ago ingrediens stultus, maris atque viarum  
 Vastum iter, insuetus ferre laboris onus?  
 Et pauca, aut potius provisa viatica nulla.  
 Commissa at quanto est cymbula parva mari?  
 Pecco equidem: verum cupio persolvere amico  
 Officium, saltem, qua ratione queam.  
 Est amor in causa: jubet hic majora subire:  
 Seque duce ingentem suadet habere animum.  
 Felicesque parum per dura negocia cursus  
 Depositae interdum praemia laudis habent.  
 Et quoniam (quamvis studio contendimus acri)  
 Quam cupio, scio me persoluisse minus:

(a) Promontorium Bonae Spei.

*Adcedo ad docti Ticini moenia jamjam:*  
*Grandia ubi modicus contegit ossa lapis.*  
*Dulcia quot tumulo libabimus oscula cari?*  
*Quae fundam furdo verba suprema rogo?*  
*Sis levis, o tanti terra hospita pulveris, oro.*  
*Sis levis: hic animae est pars tumultata meae.*  
*Aeternum salve: aeternumque vale incola caeli*  
*Jam Caeſo, atque animis adnumerate piis.*  
*Sis memor: ut nostri memorem precer? attamen oro:*  
*Cari iſtic ſocii ſit tibi cura tui.*  
*Gratus adi Dominum Mundi: qui noſtra piavit,*  
*Crimina, placato victima grata patri.*  
*Poſce, ora, exora: liceat mihi degere vitam*  
*Candidam: Et in recta, quam docet, ire via.*  
*Cumque mihi lucis ſupremae advenerit hora,*  
*Ut petat optati ſpiritus aſtra poli,*  
*Hic mihi de ſummo, te propter, proſpice ſedem*  
*Rege Poli. Hic cumulet gaudia noſtra locus.*


F I N I S.



EJUS

E J U S D E M  
JOANNIS MARI MATTH  
L I B E L L U S  
D E  
ORTHOGRAPHIA.

A D  
*ANTONIUM ARNUTIUM  
MEDICEM,*  
*MAXIMI ALEXANDRIÆ FANI  
ARCHIDIACONUM.*



JOANNES MARIUS MATTIUS  
ANT. ARNUCIO MEDICI,  
PROTONOTARIO APOSTOLICO,  
ET ARCHIDIACONO FANI  
MAXIMI ALEXANDRIAE.

S. D. P.



Quoniam animadverti, carissime Antoni, genere, doctrina, & religione pariter illustris & excellens, probare te & sequi rationem scribendi, quam servo ego, & servari, ubicumque in meis libris est visum, a typographis jubeo, nuper quamdam quasi saraginem conlegi eorum verborum: in quibus a vulgata forma scribendi non temere (ut quidem mihi videor) sciens, & fortasse etiam prudenter discedo. Eam prodire in publicum, & in tuo nomine adparere volo. Testis erit illa meae in te mutuae benevolentiae: quam jam tum inceptam, cum alumnus meus merebas stipendia disciplinae meae, colui semper, & colam constanter, sic meritis tuae probitatis, amoris, religionis, dignitatis, & doctrinae postulantibus. Tota autem hujus Orthographiae ratio petita est a doctissimis auctoribus, a ratione, atque ab usu bonorum scriptorum. Usus autem est (ut facile colligitur ex Diogenis Laërtii Zenone, qua in parte de Soloecismo agit) consensus bonorum felicitis linguae: ne quis forte corruptus male scribendi mos usum putet. Hic usus, & haec felicitas eversa Republica paullatim primo, deinde penitus praeceps ruit. Hac Orthographia, quam sum commonstraturus, usos fuisse olim veteres, ratio, Grammatici prisci, antiquae tabulae aereae, numismata, marmora, & scripti calamo libri luculenter docent. His auctoribus, bis magistris, hic utimur. In restituenda hac Orthographia olim



elaboravit prope primus omnium Cassiodorus, & quidam alii deterioris notae. Deinde aetate nostra Piërius Valerianus. Subsecuti sunt, optime de omni genere literarum meriti, mei amici, Carolus Sigonius, Paullus & Aldus pater & filius Manucii: Fulvius Ursinus: ambo Scaligeri, pater & filius, nobilitate & tractatione praestantissimarum artium inlustriissimi. Huic quoque parti, quotiescumque aliud agenti opportunitas se offert, non deest Antonius Augustinus, & aliquot alii doctrina & iudicio insignes viri: quos neque universos novi, neque necesse habeo perquirere & recensere. Aldus jam pridem edidit in hoc genere elaboratum & doctum librum: quem locupletare ubere adcessionem praefens & per literas mihi est pollicitus: sed dum ille tardius, id est maturius ad opus adgreditur, ego ab occasione hujus mei exeuntis libri admonitus manipulos aliquot (ut rusticorum vocabulo utar) verborum huc includere non omnino importunum esse judicavi. Maxime autem ad hoc capiendum consilium impulsus sum suspitione amittendae laudis, quam ex hac lucubratiuncula exspecto. Namque illius exemplum, quod Mediolanio Romam ad Aldum ejus rogatu mittebam, inter manus tabellariorum & cursorum publicorum periiit. Fieri facile potest, ut libellus incidat in manus ambitiosi alicujus: qui ἐπαινον κέρδος sibi gratulans adripiat, & pro suo venditet & edat: alteriusque laboris gloriam ἀνιδεως καὶ ἀνογιτ reportet & fruatur: de qua jactura postea ego malum fatum incusans frustra clamitem. Sic vos non vobis. Hoc formidatum malum belle posse averti, re hic indicata existimavi. Si quis vero expositionem verbi Orthographiae cupit scire, hanc habeat a Suetonio in Augusto sic tradente: Orthographiam, id est, formulam rationemque scribendi, a Grammaticis institutam, non adeo custodivit. Fortasse vero tractatio haec longiorem atque adcuratiorem operam postularet. Sed optimus Arnutius, omnis hujus brevitatis & festinationis Mattio gratiam faciet. Vale.

ORTHOG.

# ORTHOGRAFIA

## M A T T I I.

### A.



Interjectio, non Ah. Probus, & veteres Codices Virgilii. Attamen vetus Tibulli Codex Romanae bibliothecae Ha scribit, adspiratione praecedente.

Ab, Ad, In, fere semper servantur integrae in compositis.

Abdo.

Abfabrum. Festo.

Abgrego. Festo.

Abicio, Adicio, Deicio, Conicio, Eicio, Inicio, Obicio, Proicio, Reicio, Subicio, uno i. Namque τὸ I. magnam, tam apud Graecos, quam apud Latinos, vim habet producendi antecedentem syllabam brevem. Sicque habent veteres calamo scripti libri: sic Epigrammata Orbis ab Apiano & reliquis conlecta: sic Glossarium vetus.

Abripio.

Abluo.

Abludo.

Abnuo.

Abpatratum Jureconsultis.

Ab, & Ad, b, & d servant in omnibus, ne singula enumerem, compositis usque ad Aurelii Antonini aetatem in omnibus scriptis calamo libris, marmoribus, & nummis. Immo, sic est etiam

in nummis Alexandri Imperatoris. Sic Gloss.  
vetus.

Accipio primus Lucilius cum c. scripsit. Sic po-  
stea reliqui: attamen interdum Adcipio scribitur  
cum d, in aliquibus scriptis libris Virgilii.

Adcensi. Fest.

Adcingo. Gloss. vetus: & veteres codd. Virg.

Adcio, is. Adcire. Vet. codices Virgilii, & Ci-  
ceronis.

Adcubo: ratio, & libri boni.

Adcidisset ad terram trabes. ad Herennium, &  
Varroni.

Accipiter, & } vet. codices Virg.  
Adcipiter. }

Adclivis. Gloss. vetus.

Adfectus. Lapides Neapoli & Bajis.

Adfero.

Adfecto. Festus.

Adfines. Festus.

Adgredior. V. C. Virg.

Adgrego. Festus & Gloss. vet.

Adgrettus, pro Adgressus. Fest.

Adnafcor, & }

Adghafcor. }

Adgnati, ut Adfines.

Adnepos. in libro Apiani,

Adgnatio. Pandectae Florentini.

Adfabrum, fabrefactum. Fest.

Adfari } Virg. vet. codices, Macrobiani, & Gloss.

Adfatim } vetus.

Adlecti. Fest. & marmora antiqua: ut notat An-  
tonius in Baebia familia.

Adlicio. Fest.

Adligo. V. C. Virg. licet quidam veteres Gram-  
matici contrarium tradant.

Ad-

- Adlivefcit. Felt.  
 Adniſto. Felt.  
 Adripio. ratio.  
 Adrogo. Gloſſ. vet.  
 Adrumavit. Felt.  
 Adpromiſſor. Felt.  
 Adſciſco } V. C. Virg.  
 Adſcripti } Felt.  
 Adſcribo.  
 Adſectata. Feſtus.  
 Adſertor. Feſt. in Sertor.  
 Adſero. Felt.  
 Adſervo.  
 Adſcendo.  
 Adſcenſus.  
 Adſidelae.  
 Adſiduus. Feſt. Varr. V. C. Virg.  
 Adſipere. }  
 Adſtraſſent. }  
 Adteſtata. } Feſt.  
 Adtegrare. }  
 Adtritum. }  
 Adtribuo. }  
 Adtubernalis }  
 Adtractare, cum a. vet. codices Virgilio, & Livii.  
 Ad prima tenax. V. C. Virg.  
 Adnoſco. Pandectae Florentini.  
 Adnoſcit } V. C. Virg.  
 Adnovit }  
 Adloquor. V. C. Virg. marmora ubique. ſic univer-  
 ſa huiusmodi reliqua.  
 Adlocutio.  
 Adnominatio.  
 Adtinet.  
 Adquiro. V. C. Virg. & ſic uſque ad Antoninum.  
 Ad.

Adparent. V. C. Virg.

Adfuetus. V. C. Virg.

Adtollo, Adtuli.

Adfero.

Adfum. V. C. Virg.

Adpono, V. C. Virg.

Adnitor. V. C. Virg.

Adcurro. V. C. Virg.

Adnuo. V. C. Virg.

Adnare, V. C. Virg.

Adsto. V. C. Virg.

Adlabor } V. C. Virg.

Adlappus }

Adfixus.

Adfigno: tabula aerea Urfini,

Adfligo,

Adclivis,

Adcingor.

Adcendor, &amp; Accendor.

Adloquor.

Adgero,

Adger.

Aheneus, a, um,

Aeneus, a, um.

Ahenus, a, um.

Aereus, a, um.

Adglomero. Festus in Axe.

Adquiesco. Lapis Vetus.

Accifus tamen, V. C. Virg. &amp; Servius eo versu,

*Accifis coget dapibus*: ubi inquit. Ac. oc. an.

idem nobis praestant, quod apud Graecos ἀμφί.

Ambactusque, id est, circumactus: Festus quoque

Am (inquit) praepositio loquelaris significat

Circum,

Aereus, lege Aëneus.

V. C. Virg.

ab Aes,

Am

Am servatur integra: attamen

Ancaesa. Festo.

Anceps.

Ancilo.

Anhelo.

Anquiro.

Am sequente vocali, b. mediam admittit.

Ambactus. Fest.

Ambages. } Fest.

Ambedo. }

Ambefus.

Ambens. Lucretio.

Ambest. Fest.

Ambio.

Amburbium. Fest.

Ambarvalia.

Amburo. Ambustus.

Amplector.

Amplus.

Amplius.

Amplio.

Amputo.

Amfanctus, & } Servius.

Anfanctus. }

Amnis.

Ampendices olim, inquit Festus: nunc

Appendices.

Amsegetes. } Fest.

Amtermini. }

Adfurgo.

Adsto. V. C. Virg.

Alium, non Allium. Olus hortense, unico I. ab ha-  
lando dictum.

Aeneus.

Aheneus. } Agellius.

Aënum. }

Ahe-



Ahenum.

Acalanthis, non Acanthis. V. C. Virg. & Probus  
ibidem.

Aesculus. lapis vetus: quem Urfinus edidit.

Arcesco. Gloss. vetus. libri veteres. & ratio, ab  
Arcio scilicet.

Afuit.

Afuturus. } Cod. veteres. Glossarium vetus.

Amicitia, non Amicicia, cum t. tabula aerea Urfini.

Anchora, cum adspiratione: licet in Graeca voce  
non sit. Vet. Cod. Virg. & Servius.

Avitus, non, Habitus, cognomen Cluentii. V. C.

Arena, & }

Harena. }

## B.

**B**latio, is. }  
Blatero, as. } sine c. & unico t.

Belua, unico l. quidquid dicat Festus: qui à belua  
bellum deducit: cum bellum duellum sit: sicut  
bis, duis.

Baccha, Bacchi Sacerdos.

Baca uno c. & sine adspiratione gemma est, & Lau-  
ri & similium fructus.

Bosporus, non Bosphorus.

Brabium vel Brabeum, non Bravium.

## C.

**C**arthaginensis, quinque syllabarum, non Car-  
thaginienfis. Nam alucinatur hic Priscianus,  
& alii in hac parte eum secuti. Etenim nomina  
derivata, quae in *ensis* cadunt, à genitivis for-  
mantur versa, si sunt primae declinationis, diph-  
thon-

thongo in *ensis*. ut, Bononiae Bononienfis. Veronae Veronenfis. Si secundae, *i*, in *ensis*. ut Comum, Comi, Comenſis: Piſtorium, Piſtorii, Piſtorienſis. Corfinium, ii, Corfinienſis. Si tertiae, *is* in *ensis*. Ut Sulmo, onis, Sulmonenſis: ſic Hipponenſis, Ulyſſiponenſis, Tarraconenſis, Narbonenſis. Carthago, ginis: Carthaginenſis. Quod ad carmen illud Ennii adtinet, *Hoſtem qui feriet, mihi erit Carthaginenſis*. Neceſſitas metri poëtam coëgit, ab Epentheſi ſubſidium poſcere. ut Virgilius fecit in Alituum.

Cum haec jam pridem ſcripſiſſem, animadverti poſtea Joſephum Scaligerum in Catalecta, idem ſentire.

Cartacinenſis eſt in antiqua inſcriptione cum c. & ſine adſpiratione in ſecunda ſyllaba apud Fulvium Urſinum, in Ogulnia familia.

Caelum. Eſt tamen Coelum cum oe diphthongo Mediolanii in lapide antiquo, in angulari lapide domus privati hominis e regione D. Mariae Sca-  
lae.

Caelo, as, cum ae diphthongo, Sculpo.

Celo, as, ſine diphthongo, Lateo.

Coepi, cum oe, quod eſt, incoepi.

Cepi ſine diphthongo ae, a capio. quidquid alii aliter tradant.

Cea	} tres diverſae inſulae.
Cia	
Chius	
Cos	

Ceiſus, non

Caeus.

Cerialia, & } Cereris Sacra. Cerealis eſt in Fannia

Cerealia } familia apud Fulvium Urſinum.

Civis, pro Cives, non Civeis: ſic reliqua ſimilia omnia.

Chau-

- Chaurus. } V. C. Virgilii, non Caurus, aut Corus.  
 Chorus. }  
 Cyniphius, non Cinyphius.  
 Clypeus, Clypeum, cum y. &  
 Clupeus.  
 Cohors. marmora antiqua  
 Cors. lapis antiquus ad aram templi Montatae, quod  
 est oppidum agri Hastensis: & alter Serravallis,  
 Oppidi Dioetesis Dertonensis.  
 Chors, tis. marmor antiquum Hastense.  
 Connifus, & } Vet. Codices Virg. & Probus.  
 Connixus. } hinc servitio enixe tulimus.  
 Cluma & } Felt.  
 Gluma. }  
 Comiffatio. } Felt.  
 Comaffatio. } aliis.  
 Comifatio, uno } Glossario veteri.  
 f. }  
 Confidero, non confydero.  
 Contracto, non Contrecto.  
 Concio, onis: est tamen in tabula aerea Urfini  
 Conctio. &  
 Contio, in tabula aerea Bembi.  
 Conjux. Maritus.  
 Conjux cum uxorem significat. sic observavit Pie-  
 rius in monumentorum titulis.  
 Contari, a Contus, quae est pertica nautica, quae  
 aquae profunditatem explorant, ut legitur in  
 multis inscriptionibus antiquis. &  
 Cuntari, utrumque sine c.  
 Curgulio cum c. quamvis auditur g.  
 Caieta itidem cum c. licet proferatur ut g.  
 Chilo cognomen Flamini: tamen in quibusdam  
 nummis interdum adspiratio omittitur: quod e-  
 venit etiam in Gracchus. Graecus; Triumphus  
 Trium-

Triumpus: Tamphilus. Tampilus: Pamphilus  
Pampilus.

Chilo (inquit Festus) coghomen à magnitudine  
labrorum.

Cilo, sine adspiratione, cui frons est eminentior.

Conligo.

Conlibertus. in libro Apiani.

Collibertus. marmor Hastense, & alia.

Conlegium. tabula aenea Urfini, & Gloss. vetus.

Collegium etiam legitur.

Conlucare. Fest.

Conlatia. Festus.

Convulsus. Victorino.

Cumvexus. Victorin.

Conlabor. V. C. Virg. ratio, & marmora vetera.

Conlaudo. Gloss. vetus.

Conlatus. lapis Neapoli ex Urfino, & libro Apiani.

Conlativum. Festo.

Conripio. V. codices. & ratio. Sic fere similia  
omnia in Gloss. vetere.

Con, sequente vocali amittit n.

Coagmento.

Coagulum.

Coalesco.

Coangustare.

Coarctare. & sic reliqua.

Comburo b. fuscipit.

Cum alter

Coëo.

Coërceo.

Coitus.

Coius. pro cuius, saepe.

Coinquino.

Cohibeo.

Cohorreo.

Cohortor.

Comedo tamen m interponit, vel est ex cum & edo.

Coörrior.

Coörtus.

Incipientia verba ab m, ut Muto, ultimam prae-positionis literam eandem esse postulant. ut

Commuto: sic reliqua auctore Cicerone, in orato-re: qui sequendus est, non Glossarii Scriptura.

Commoveo.

Conplaceo. vet. codices Virg.

Complector.

Compello. sic reliqua.

Combibo.

Combennones.

Condico. Sic reliqua.

Conficio. Sic reliqua.

Congruo. } Sic reliqua.

Congemino. }

Conjecto. } Sic reliqua.

Conjunctus. }

Conpono. } Cic. Oratore: qui in omnibus etiam

Consuesco. }

Concrepo. }

Conficio. }

Conicio. lege Abicio.

Conloquor. etiam Gloss.

Conpaetum. Gloss.

Conlapsus. Veteres lapides, & Vet. cod. Virg.

Connitor. Sic reliqua.

Conquiro.

Conquasso.

Conregione. Fest.

Conpleo. V. C. Sic idem servandum est in ceteris  
a P. incipientibus, auctore Cicerone.

Compello.

Con-

- Comparavit. marmor antiquum in Basilica Lateranenſi.  
 Conpotrix. ſic reliqua.  
 Conruſpari. Feſt.  
 Conrugare.  
 Conrumpere.  
 Conripio. V. C. Virg. & Ciceronis, & ratio.  
 Conſpergo.  
 Conſervo.  
 Conſponſor.  
 Conſpuo.  
 Contriſtat.  
 Conteſtari.  
 Convallis.  
 Convello.  
 Coquus, & cocus.  
 Circum ubique ſervetur integra  
 Circumluvium. Feſt. cum duobus etiam uti. I. Luo.  
 Circumfero.  
 Circumlatus.  
 Circumtulit.  
 Circumcido.  
 Circumdo.  
 Circumfluo.  
 Circumforani.  
 Circumfodio. & reliqua.  
 Circumjaceo. & reliqua.  
 Circum, quando componitur cum incipientibus a  
 vocali, tunc m. in pronunciendo omittitur, aut  
 diſſimulatur.  
 Circumago.  
 Circumadgero.  
 Circumeo.  
 Circumequito.  
 Circumire.



Circumitio.

Circumobruo.

Circumcido.

Circumcludo.

Circumconcolo.

Circumculco.

Circumcurro.

Circumdolo.

Circumduco.

Circumgemo. &amp; reliqua similia.

Circumlambo.

Circumlator.

Circumlocutio. } Gloss. ratio.

Circummitto. } &amp; reliqua similia.

Circummunio.

Circumnascor.

Circumpadanus.

Circumpango.

Circumplector.

Circumpono.

Circumrodo.

Circumsaepio.

Circumscribo.

Circumtego.

Circumvehor.

Circumvolo.

Cluma, l. Gluma.

Cum plures.

Cum plurimi. } divisis dictionibus.

Cum maxime. } Terent. &amp; Livio.

Cumque Horatio.

Si con integra fervatur, quando componitur cum  
 verbis a consonantibus incipientibus, cur idem  
 ius non sit incipientibus a *b.* & *p.* ? Id est, cur si  
 scribitur, concrepo, concerto, condico, conficio

cio, conformo, congreco, congregior, conjux, conjecto, conlibertus, conlapsus, connecto, connitor, convoco, convicium, conqueror, conquiro, concipio, conruspari, confidero, consto, contestor, contristo: cur (inquam) non conbibo, & conpono, ut vult Cicero ipse, dicemus cum reliquis similibus?

## D.

**D**etracto, non Detrecto. Sic contracto. V. C. Virg. Tibulli, Ciceronis, & Livii.

Deverto & Devertor, non Diverto & Divertor.

Libri veteres, & ratio.

Deversor. Deversorium. sic etiam tabula LXXII: aerea Urfini. pag. 19.

Diligo, & } pro eligo, non Deligo. } sic veteres  
Dilectus. } argumento sunt derivata, } cod. & Fe-  
Diligens, & } stus Pompe-  
Diligentia. } jus.

Deicio, lege Abicio.

Deblatero.

Decim, non Decem. V. C. Virg. & Livii, inde undecim & reliqua.

Destringo, non Distringo.

Destinguo, l. Stinguo, vel Tinguo.

Dimico, & } & similia.

Dijudico. }

Delapidata. lapidibus strata. Festus.

Difficere, à Sico verbo, quod pro Seco est in tabula aerea Genuae.

Disignator, non Designator. libri veteres Vaticani: & marmora antiqua.

Diffarreatio.

Diffidium.

Di. } unico i, non Dii, & Diis.  
Dis. }

Differto, as. Plauto Menaechmis. ubi ratio versus  
sic postulat.

Dissero. Lucretio, & Festo.

Disertus tamen dicitur prima brevi.

Disertim. } Festo. Glossarium duobus ff.

Disertiones. } scribit recte.

Delitiae, est Mediolanii in antiquo lapide cum t.

Dum taxat: ut Quot annis divisis dictionibus. Ta-  
bula aerea judiciaria apud Ursinum.

### E.

**E**dera. non Hedera. Festus tamen adspirat,  
Ecfatus antiquis.

Effari, & } Festo. Scauro, & codicib. veterib. Vir-  
Effatus. } gili.

Eheu

Heu heu. }

Eligans, pro } Cicero de N. D. ratio.

Elegans. }

Eandem, non Eandem. Attamen tabula Judicia-  
ria antiqua Ursini cum n. scribit.

Eluies, uno U.

En do, non Endo: sic in du: separatim.

Et si. lege Nihilo minus. & Nuntius.

Emptus cum P. sic Redemptus. Emptor. Redem-  
ptor. Pandectae Florentini. Tabula aerea anti-  
quissima Ursini. & Glossarium. Valerius Probus.  
Festus in Titivillitium.

Eu oe.

Exfectus.

Exfeco.

Ex-

Exhibeo. attamen aliquot marmora habent Ex-  
fibeo

Exscindo.

Enixe, & } Veteres Virgilii, & aliorum libri. &  
Enixus } Grammatici.

Epistula post Justiniani tempora scribi coepit Epi-  
stola cum O.

Eumdem, Eamdem. cum m.

Exsequor.

Exsecutus. }

Exsequiae. }

Exscisio.

Exstinguo.

Exsta, orum, ab } Festus.

Exstando.

Exsulo, non exulo. } Veteres Virg. codices. &

Exsul, non Exul. } ratio. sic

Exsulum. Attamen Eutiches antiquus Grammati-  
cus scribi debere contendit Exsilium, cum i: ut  
a consul consilium.

Ex, vix invenias; ut non composita ab ea Praepo-  
sitione fervent x. Vix autem dixi: quoniam  
paucula quaedam cum F. aliqua cum C. repe-  
riuntur. Recte ne, an secus?

Exdecimare. } Fest.

Exdorsua. }

Exdutae. } Fest.

Exuviae. }

Exconsul. J. C.

Efficio.

Exlex.

Exsio, is, purgo. } Fest.

Exsior.

Exfodio, Plauto.

Explumo.

Exgrumino.

Exgrumio.

Exgregiae.

Exgressi. aliquot Codices Virgiliani.

Exfilati.

Effilati. } Festo,

Effilatum.

Exfuti, pro } Fest.

Effusi.

Elabsus. V. C. Virg. cum b. ratio.

Exspes.

Exspiro.

Exspers pro sparsus. Catull. de Coma Berenices.

Excoquo. sic Coquus, & Cocus, Recoquo.

Esquiliae, non

Exquiliae.

Expendo.

Expurgo.

Exspiro.

Exrogare. Fest.

Exfaniare. a fanies.

Exscalpo.

Exsignare.

Exfomnis.

ExforDESCO.

Exercirent. Sarcirent, Festus. Sed debuit scribere.

Exfarcirent.

Exscendo. } Livio.

Exscensus.

Exsaevio.

Exscarifico.

Exfectus. Ratio.

Exverrae. purgamenta. Festo.

Exverto.

Exsupero.

Ex-

Exfugo.

Exfors,

Exfanguis.

Exbueres, five

Exburæ.

Excedere. Fest. & ratio.

Excidionem. Fest.

Excio, is. Fest.

Excipio. Fest. V. C. Virg.

Expapillatio. Fest.

Expatare,

# F.

**F**as, ut Nefas, cum f. non Nephas.

Femor, oris.

Femur, uris.

Femus, feminis.

Femen, feminis.

Fetialis, cum t. Festus, & aliquot Graeci. Sed

Fecialis, cum c, habet antiquus lapis Brixiae in Divae Juliae. Nam Sigonii, Panvini, Manucii, ducti sunt in fraudem ab iis, qui audita ab aliis retulerunt. Apud me est testimonium oculati testis & descriptoris diligentissimi: qui universas inscriptiones urbis & agri Brixiani admirabili diligentia & fide conlegit. Aliud testimonium est apud heredes Caroli Sigonii, missum a me viventi amico: de quo munere mihi per literas gratulatus est, & gratias egit. Etiam in vetusto lapide apud Delmatas Fecialis cum c. est. Totum hoc Epigramma descriptum exstat in libro Apiani inter Epigrammata Salonae. Glossarium quoque cum c. scribit, sed cum diphthongo in prima syllaba.

Fluo, cum uno u.



Flavius, & } cum duobus uu. V. codices Virgillii.  
 Fluvidus. } attamen docti nonnulli censent scri-  
 bendum Fluius uno u.

Felix, sine diphthongo. Plutarchus tamen in Sulla  
 Φοιλιξ scribit. verum Graeci monstra saepe edunt  
 in vertendis Romanis vocabulis in suam linguam.

## G.

Genetrix, & } utroque modo bene.  
 Genitrix. }

Gracchus, & } lege Chilo.  
 Graccus. }

Gaetulus, Graecis. } primis duabus longis. Ovidius  
 Getulus, Latinis. } tamen illis est abusus.

Galatea, Γαλάτεια. non Galathea.

Geneſta cum e. V. Codices Virgillii. tamen Probus  
 probat Geneſtam.

Graſſor, cum G.

Gluma, & } Feſtus.  
 Cluma. }

Genua, non Janua: omnes historiarum ſcriptores.  
 inde

Genuenſes. &

Genuuates. Tabula aerea Genuae.

## H.

Habitus. l. Avitus. cognomen Cluentii.

Harpyia. Har, pyi, a. non Har, py, ia. ſic  
 cenſet etiam Charifius, & ratio diphthongi ſic po-  
 ſtulat.

Harena, &

Arena.

Ha-

**Haſta Colonia:** non **Aſta**, Urbs **Ciſalpinae Galliae** in **Liguriae Taurinae** parte. inde

**Haſtenſis.** Hanc **Tanarus** adluit. Antiqua **marmora.** ut in **Aedibus nobilium Mazentarum Mediolanii.**

**Helorus, & } quod ab antiquis adſpiratio ſaepe**  
**Elorus. } detrahebatur.**

## I.

**I**cuius, non **Itius**, apud **Horatium.** **Ratio, Libri** veteres, **Marmora antiqua.**

**Idcirco**, non, **iccirco.** **Veteres lapides:** inter alios unus in libro **Apiani** pag. 370. habet **Itcirco**, uſitato tunc more quorundam: qui **T. pro D.** poſuerunt: & **Gloſſarium.**

**Illicet**, non **Illicet**, **V. C. Virg.**

**Illico** fortasſe, non **Illico:** ut **Illicet**, ſcilicet. quamvis nonnulli putent dici, quaſi in loco.

**Inluſtris**, non **Illuſtris.** Sic eſt in tabula antiqua aerea: ſic vetus inſcriptio apud **Scaligerum** in fine ſecundi libri ad **Auſonium Gallum:** ſic **Gloſſarium:** in quo univerſa ſequente **L. ſervant** **N. ut**

**Inlaudatus.** **V. C. Virg.** ſic

**Inlecebrae.** **ratio, Gloſſarium vetus.**

**Inlex.**

**Inlaqueatus,**

**Inlices.**

**Inliciter.**

**Inlido.** **V. C. Virg.**

**Inliſus.** **V. C. Virg.**

**Inlicium.**

**Inliteratus.**

**Inlatus.** **ratio, Gloſſarium.**

**In-**

Inlino. Gloss. ratio.

Inlimatus. Gloss. ratio.

Inlicio. } Gloss. ratio.

Inlexi. }

Inluvies. Gloss. ratio.

Inlotus. Gloss. ratio.

Inluceo. ratio. Gloss.

Inchoo. Olim autem

Incoho. sic duae tantum dictiones Latinae post c. servant adspirationem. Inchoo, & Pulcher. Addebant aliqui Lurcho.

Illic, Illaec, Illoc, vel Illuc. ut } sine adspiratione.

Istic, Istaec, Istoc, vel Istuc. }

Inicio, leg. Abicio.

Inrisus, non Irrisus.

Inrideo.

Inremeabilis. V. C. Virg.

Inrumiendi. Festus in Sublicium.

Inrumpo. V. C. Virg.

Inpello. V. C. Tabula aerea Ursini. sic reliqua verba hujusmodi.

Intubus.

In du, non Indu. ut En do, non Endo, licet sit una tantum dictio.

Interemptus, ut Peremptus. cum P.

Irito, as. uno r. ad iram incito. unde

Iritatus.

Inritus, non ratus, media brevi. Glossarium & ratio.

Inrideo. Festus.

Inpono. Tabula aerea Neapoli; Ursini.

Impetro. est in marmore edito ab Ursino, per aetatem Trajani.

Impensa est in inscriptionibus Vespasiani apud Panvinum. nisi forte ille male descripsit.

In-

Inpenſa cum n. in tabula marmorea Maſſeorum edita ab Urſino.

Inprobo eſt in lapide antiquo Neapoli: quem Urſinus edidit.

Inprudens, apud eundem.

Imperator cum m. ſic

Imperioſus. Ita ſemper Faſti.

{ ſic coeptum eſt ſcribi aetate Imperatorum: ante enim cum n ſcribebant.

Inpero, & } cum n. Tabula aerea Urſini.

Inperium:

Juvenalis, & hoc

Juvenale. non Juvenilis & Juvenile. V. C. Virgilii, & reliquorum: ſic etiam Grammatici.

Jupiter uno p. lib. veteres.

Juppiter duobus pp. marmora vetera.

Juſtitia cum t. V. C. Virg. Nummi. & marmora antiqua.

Interemptus.

Inter, cum in aliis compoſitis ſervetur integra, in ſequentibus aliter ſcribitur.

Intellego.

Intellectus.

Intelligentia.

Intellego, & } utrumque.

Intelligo

## L.

**L**apſus. Ratio, Probus, & V. C. Virg. non

Lapſus.

Litera, uno t. a linea ſcribi debet. ratio. & V. codices.

Litus, uno t. vel quia antiqui conſonantes non gemi-

## 510 JOANNIS MARI MATTHII

minabant: vel quia Analogia sic postulat, five a Lido, is, five a Lino, is. five a Ludo, is, ut placet Ciceroni, deducas.

Laetitia, cum t. libri vet. Marmora & Nummi.

Lanitium, cum t. V. C. Virg.

Laodamia Graeci, cum a.

Laodomia Latini, cum o.

Lurco, sine adspiratione. sic Orcus. ut non bene sentiant, qui tria esse verba dicunt, in quibus c. adspirant. Lurcho, Orchus, & Pulcher.

Loquor, } Sic, Sequor,

Locutus. } Secutus.

Laena, vestis, ut Claena.

Lena, I. C. a Lenone.

Laevus, a, um,

Luo. Festus tamen scribit Circumluium duobus uu. sic Pluo, & Pluvia.

### M.

**M**ediolanum. sex syllabarum. sic tres tabulae marmoreae habent in urbe Mediolanio.

Mantele, & Mantelia, non

Mantile, & Mantilia. V. C. Virg. & reliquorum.

Marcus, &

Marcia, gentilicia nomina cum c. a Marco. Attamen Piërius lib. 40. de literis Hieroglyph. in uno nummo Marciae Otacillae esse Martia cum t. scribit.

Macius alicubi observavi. Attamen est

Mattius cum duobus tt. in antiquo lapide in Apiani libro. pag. 377. **MATTIVS. CHARITON.** & Taurini in aedibus Pingonii hoc est **vetus Epigramma in Tabula marmorea.**

**MER-**

## MERCVRIO

T. MATTIVS, ATEVRITL F

MAGIACVS

V. S. L. M.

Aliud alterius Mattii marmor est in libro Apiani in inscriptionibus Carinthiae pag. 377.

## N.

**N**e, pro certe, & valde, sine diphthongo. Grammatici omnes veteres. Donatus, Priscianus, Diomedes, Sospater. licet deducant a *va* adverbio. Potest, & a *vn* derivari optime. libri scripti cum diphthongo scribunt.

Neclexerunt, cum c. est in antiquo lapide, in Vico agri Bergomensis, Adnaste dicto.

Nenia, sine diphthongo, a *νήπιος*, quod extremum significat. Sic censet etiam Jul. Caesar Scalliger.

Nymfa. L. Pulcer. nam antiqui multi adspirationem neglexerunt.

Ninguo. V. C. Virg. non

Ningo.

Nequidquam, cum d.

Nifus. a nitor, eris. & incumbens significat. Probus.

Nixus, a, um. Nixa, partu levata, & incumbens etiam. V. C. Virg.

Naïs, Naïdis, uno i. V. C. Virg. & Probus. quamquam idem Virgilius dixit Naïadum quattuor syllabarum, & Naiades trium.

Nuncius, cum c. Festus, & quidam lapides. Attamen nonnulli libri veteres, & lapides nonnulli,  
Nun-



Nuntium scribunt cum t. fed enim tabula aerea antiqua, & Senatusconsultum itidem antiquum semper o, & t. fervant. Sic & Nontiata, & Pronontiata scribunt.

Nihilo minus, divisis dictionibus. ut Paullo minus. Multo minus. Et sic cetera similia.

Nimio plus. & Vehementer significat. Sunt autem multae voces, quae nunc conjuncte scribuntur: quas tamen ratio, & antiquorum usus monet disjuncte scribere, & pronuntiare.

O.

**O**bbrutesco.

Obcubo. V. C. & ratio.

Obcumbo. V. C. ratio.

Obcurro. V. C. ratio, & Festus.

Obculit. ratio, Festus.

Obculto. Glossarium.

Obfero. ratio, & Festus in Ob.

Obcenfus. Festus in Ob.

Obmaneo.

Obmanens. } Festus in Ommementani.

Obstipui, non

Obstupui.

Obcaedes.

Obceno, as.

Obcaleo.

Obdo.

Obdormisco.

Obduco.

Obfirmo.

Obgannio.

Obficio.

Obfensus. } Glossarium.

Oblecto.

Obicio. l. Abicio.

} sic similia reliqua.

Obi-

Obicis ab Obex. V. C. & Festus.

Obfusco, as. non

Offusco.

Obferre. Fest. in Ob.

Obmoveo.

Obpuvio. } Festus.

Obprobrare. }

Obprobrium.

Obpuviato, a Paulo. Fest.

Obmurmuro. } Fest. in Obstinato.

Obmutesco. }

Obmolior. } Fest.

Obfirmo. }

Obstrudo. Fest.

Obstinatus.

Obsonitavere. Festus.

Obnitor.

Obnato. } & reliqua similia.

Obraucesco. }

Obrepo.

Ocquinisco.

Occentavit. Cicero & Festus.

Occido, & derivata. Fest.

Occipio.

Occare.

Occaecare. } Cicero & Fest.

Ocius. } ἀπὸ τοῦ ὠκέως. Fest.

Ocissime. }

Ocimum. } trifolium.

Offendix.

Offendo.

Officium.

Ommentans, pro Obmanens. Fest.

Oppidum. } Fest. uno p. Duobus tamen est pp. in

Opidum. } tabula aerea judiciaria apud Fulvium

Urfinum. Idem in Numonia.

# §14 JOANNIS MARIII MATTII

Opperiri.

Orcus. Festus ab Urgendo.

Oricia Terebyntho.

Ostendo.

Oufentina. Fest. marmora Capitolina. Vet. Cod.  
liber Apiani.

P.

**P**arnasus, Latinis.

Παρνάσσος, Graecis.

Pago.

Pango.

Penthesilea, non

Panthasilea.

Per composita, quavis consonante sequente, servat  
τὸ r. Velius tamen Longus sequente l. mavult τὸ  
l. scribi: ut

Pellabor, quam Perlabor. recte ne, an secus?

Pellax.

Pellicio. } libri veteres, & Velius Longus.

Pellices. } Festus.

Perjurus.

Perjuro, non } Vaticani liber vetus Plauti.

Pejero.

Horatius tamen dixit: *Ulla si juris tibi pejerati.*

Sic Dejero apud Terentium.

Perlego. Terentius tamen Scaurus

Pellego mavult.

Percunctor, Festus tamen verius

Percontor scribit: sic docti probant. Nam Con-  
tus, non Cunctus, pertica nautica est, qua aquae  
altitudinem explorant: unde Percontor.

Peremptus, Interemptus. Festus.

Pluvo.

Pluvia. } duobus uu. veteres codices.

Proi-

Proicio, lege Abicio.

Pertracto.

Primnesius, non

Prymnesius.

Puppem, & } sic reliqua hujusmodi.

Puppim.

Poplicola.

Poplicula, apud Urfinum in Petronia.

Proelium, non

Praelium. sic

Proelum.

Protenus, longe.

Protinus, statim.

Preenfus, sine h. &

Prenfus.

Progne. attamen

Procne. V. C. Virg. & marmora.

Pregnas. V. C. & Grammatici.

Pheneus. trisyll. *Φένεος*. Apollonius tamen in Hymno

Apollinis mediam cum *ae* diphthongo scripsit.

Porsena unico n. media longa, nisi usurpetur.

Pretium cum t. marmora antiqua. Agraetius, Valerius Probus. Etymologia a Peritus. Nam periti pretium rebus ponunt.

Proconsul, & Pro consule, se juncta aliquantum secunda parte a Praepositione, diferte sculptum est, & cum omnibus literis in antiquo marmore Taurini.

Pro magistratu, in tabula aerea Farnesiorum Romae edita ab Ursino. sic Magistratus, pro ve magistratu oius, ubi fortasse legendum est *magistratibus* ultimum verbum.

Pulcher est solum Latinum nomen, in quo *ro* C. aspirationem requirit: nam antiqui multi adspirationem neglexerunt, ut in Nymfa, Pilus, Pilippus.

Pudicitia cum t. nummi Juliae Piae uxoris Severi  
Imp.

Perlucidus, non } Glossarium.  
Pellucidus. }

Perihodus. Festus, & ratio.

## Q.

**Q**uadrupes cum i. Grammatici, & libri veteres.

Quemque } veteres libri, lapides, & ratio.

Quamque } non, Quenque, & Quanque

Quicumque, Quaecumque, Quodcumque, cum m.  
sic reliqua. Romae tamen in marmore Vespasiani est

Quemcunque, cum n. si modo exemplum fideliter  
descriptum est.

Quatenus, qua fine. ut Haftenus, hac fine.

Quatinus, quoniam.

Quis, non } ratio; non enim diphthongus Graeca  
Quois. } cadit in dictione Latina: & multi  
Grammatici contra Probum aliter  
sentientem.

Quot annis, } Vet. codices. Marmora. Tabu-  
Quot mensibus, } lae aerae. Veteres libri.

Quot diebus.

Quotiens, } Caper. veteres codices. Tabulae ae-  
Totiens. } reae Ursini cum n. semper.

## R.

**R**edemptor. L. Emptus.

Reicio. L. Abicio.

Re sequente vocali plerumque d. admittit in com-  
positis. ut

Redamo.

Re-

Redarguo.  
 Redandruo.  
 Redemptor.  
 Redeo.  
 Redhibeo.  
 Redhostire.  
 Rediculi fanum.  
 Redimio.  
 Redimitus.  
 Redimiculum.  
 Redivia. Festo.  
 Redoleo.  
 Redundo.  
 Reddo, non Redo.  
 Retraeto.  
 Robur aliis: aliis  
 Robor.

## S.

Satura lex, & lanx. non } Festus, & ratio. nam Lati-  
 Satyra } na est, non Graeca dictio.

Sacra via separatim. etsi est unum verbum, quod  
 adparet ex derivato nomine.

Sacraviensis. L. nihilominus, & pro consulatus.

Sic Festus.

Saepio, is.

Saepes, is. } antiquae inscriptiones.

Saepe.

Savium, non Suavium.

Savior, aris. non Suavior. } V. C.

Scaeva, sinistra.

Saevus, a, um. crudelis, crudele.

Schedia, genus navigii.

Scida.



Scirpus, non Sirpus.

Secordia, non } Festus.

Socordia. }

Secors, non }

Socors. }

Scaena cum diphthongo ae. V. C. & marmora antiqua. etsi quidam aliter tradunt.

Scribfi, a Scribo. Terentii manu scriptus liber  
Vaticanae bibliothecae, & ratio.

Secutus, a, um.

Semiustus, non

Semustus.

Semianimus.

Simpulum. } Festo.

Simpuvium. } Aliis.

Sirius ardor.

Singilatim. Tabula aerea Urfini: quae praestat scriptis libris aliter habentibus.

Solcito, as.

Solitautilia.

Sollistimum. Festo.

Sollemnis.

Solox, Solocis. Festus.

Spatiator cum t. Festus.

Spacium cum c.

Stinguo, is, non stingo, is.

Spintyrnix. Festus. quam alii

Spinturnicem dicunt.

Spinther, cum adspiratione. Festus.

Stuppa, duobus pp. V. C.

Stellio, duplici ll. V. C. Virgilii. & Festus.

Stiricidium. Nonio.

Stillicidium. Festo.

Suboles. V. Cod. Marmora. Glossarium. Ratio.

Subtingo.

Subi-

Subicis, licet, e, fit in nominativo Subex: qui  
nominativus si non est, esse tamen debuit.

Subcido. Glossarium.

Subcidaneum. Glossarium.

Subicio, L. Abicio.

Succenturiare. Festus.

Succidanea victima. Fest.

Subcingo.

Succingulum. Fest.

Suffibulum.

Suffimentum.

Suffragat.

Suffuerat.

Summissior.

Summuffi.

Supplicia.

Surregit.

Surremit.

Surrempfit.

Suspicio.

Suspectus.

Sucepit.

Submersus.

Subtemen, lege Tegimen. V. C. & Grammatici  
antiqui. Glossarium. & Carisius.

Subcedo. V. C. Virg. Ratio.

Succurrit. Glossarium.

Supleo, uno p. V. Cod. Virgilii, & lapides. sed fie-  
ri potest, ut id adciderit de more eorum, qui  
consonantes non geminabant: ut fecerunt in Su-  
cus, pro Succus. & similibus.

Succurrit. Gloss.

Summuto. Cicerone admonitore in Oratore.

Subflamen. Gloss.

Subfulcio. Gloss.

Festus.

Festus.

Subgillatus. Gloss.

Subministro, Gloss. & ratio.

Subrigo. Gloss. & ratio.

Subripio, Gloss. & ratio.

Sub. Cicero libro de Oratore de Praepositione Sub,  
*Adjuncti verbi primam literam praepositio commu-*  
*tavit, ut*

*Suffugit.*

*Summutavit.*

# T.

**T**atiensis, lege Titiensis.

Tantundem cum n. in tabula vetere apud Si-  
gonium lib. 2. de jure antiquo P. R. nisi sit de-  
scribentis error.

Tarco, onis. vet. libri Virgilii. Latinis.

Tarchon, Tarchontis. Graecis.

Taenia.

Tesca. Varroni, & Festo. aliis vero

Tesqua.

Tegimen. vet. cod. Virgilii. Inde per contractio-  
nem

Tegmen.

Terybinthus, cum y. & adspiratione in fine.

Tergeo. V. C. Virg. & Servius. trisyllab. Nam

Tergo Latinum non est, & quae sunt in Calepi-  
nis exempla omnia ad secundam conjugationem  
sunt convertenda.

Thermodon, non Thermodoon.

Thyas, & }

Thyias. }

Tibur. }

Tiburs. }

Tho-

Thomice, cum adspiratione. Fest.

Titienſis tribus. Feſt. aliis

Tatiensſis.

Tinguo, is.

Tirreni. ſine adſpiratione. non Thirreni, aut

Thyrreni.

Tiro, non Tyro: nam vox eſt Latina.

Transno, as. } Veteres libri Virg. & ratio.

Transnato.

Transcurro.

Transdo.

Transduco.

Transfigo.

Transfreto.

Transgredior.

Transluceo.

Translucidus.

Transfero.

Transtuli.

Translatio.

Transmeo.

Transporto.

Transpadani.

Transrhenani.

Transfilio.

Transjungo.

Translabor.

Traicio. } tamen

Traiectus. } a reliquis abeunt.

Transmitto.

Transmigro.

Transfundo.

Transmontanus.

Transpicio.

Transiberinus.

Transfulto.

Transfuo.

Transfendo.

Transfendo.

Transferibo.

Transverbero.

Transverso.

Tremefco, non Tremifco. V. C. Virg. & aliorum.  
formantur autem haec inchoativa a prima per-  
fona praeteriti imperfecti, *bam* fyllaba in *fco*  
mutata. Ideo a *Tremebam*, *Tremefco*. quid-  
quid tradant alii.

Tropaeum. ratio. Vet. codices Virgilii. & mar-  
mora.

Tufus, non

Tunfus.

Turci, Turcorum. Suidas. Curopalates. & alii  
Graeci fcriptores. Nam Pomponio Melae &  
Plinio.

Turcae longae ab his diverfi fuere.

# V.

Vallus, pro Vannus, } V. Codices, & Varro.  
Vannus. } eadem fuere.

Valles. }

Vallis. }

Vertex. } a vertendo, alii a volvendo.

Vortex. } a vorando, ut nonnullis placet, funt  
diverfa fignificatione.

Veribus a Veru. V. C. Sospater. Marmora an-  
tiqua.

Ungo, non

Unguo.

Unguen, inis: unde venit

Un-

Unguentum.

Virectum, non } Veteres Virgilio, & aliorum libri.

Viretum.

Volsens. & } Vet. Codices Virg.

Volcens.

Vergilius, & }


Virgilius. }

Volturnalia. Festo.

Umor, oris. } sine adspiratione, est in Pervigilio cu-

Umco, es. }

jusdam Poëtae apud Lipsium lib. pri-  
mo Electorum: fortasse more eorum,  
qui adspiratione non utebantur.





**H**ic in fine operae bujus, & in fundo aetatis non quidem in animo habeo Grammaticis crucem, in qua se torqueant, figere. quod respondisse olim scribunt Virgilium sciscitanti cuidam, quidnam aenigmatica illa in Bucolicis quaestione designaret his versibus.

Dic, quibus in terris, & eris mihi magnus  
 Apollo,  
 Tris pateat Caeli spatium non amplius ulnas.

non, inquam, id specto. Sed serio ludens habere volo sollicitos, & sibi caput scabere aliquantisper meos Fordanum, & Marcellum fratres Arnutios; dum meditantur & vestigant, quidnam responsuri sint, si quis interroget, quodnam sit, quidque significet apud Eusebium quinto Olympiadis ducentessimae secundae anno Proverbium Quinctianum, his verbis ab eò relatum. Casius Severus, orator egregius: qui Quinctianum illud proverbium luserat. Quodnam, inquam, est: & quid significat Quinctianum proverbium?

F I N I S.

# I N D E X A U C T O R U M,

In hisce Opusculis Illustratorum, Vin-  
dicatorum & Emendatorum.

## A.

**A**CRON. Pag. 20.  
**A**CTIUS *apud Ciceronem.* 379.  
**A**ELIANUS. 440.  
**A**LCAEUS. 107. seqq.  
**A**RISTOTELES. 69. seqq.  
**A**UCTOR AD HERENNIUM. 55. 457.  
*seqq.*  
**A**ULUS GELLIUS. 15. 16. 136. 137. 354. 377.  
**A**USONIUS. 362.

## B.

**B**ARTOLUS. *fitus.* 297.

## C.

**C**APITOLINUS. 324.  
**C**ASTELVETRUS. 282.  
**C**ATULLUS. 322.  
**C**ICERO. 9. 11. 21. 31. 32. 59. 124. 127. 130.  
133. 134. 135. 138. 144. 167. 168. 169. 171.  
175. 176. 177. 192. 216. 230. 248. 305. 329.  
334. 343. 344. 345. 346. 347. 350. 379. 393.  
441.  
**C**ODEX JUSTINIANAUS. 41.  
**C**OLUMELLA. 122.  
**C**ORNELIUS NEPOS. 136.

## D.

# INDEX AUCTORUM.

## D.

**D**ARES PHRYGIUS. 58. 126.  
 DICTYS CRETENSIS. 126.  
 DIOGENES LAËRTIUS. 128.  
 DIOMEDIS *Scholia inedita ad Dionysium Thra-*  
*cem.* 67. *in not.*  
 DIONYSIUS AFER. 311. *in not.*  
 DONATUS. 25. 298.

## E.

**E**NNIUS *apud Ciceronem.* 377.  
 EUSEBIUS. 402.  
 EUSTATHII *Scholia ad Dionysium Afrum.* 311. *in not.*

## F.

**F**ESTUS. 351.  
 FLORUS. 23.

## G.

**G**ELLIUS. *vid. AULUS GELLIUS.*  
 GLOSSAE VETERES. 276.

## H.

**H**ESYCHIUS. 71. *in not.* 271.  
 HORATIUS. 90. 91. 125. 178. 182. 203.  
243. 245. 248. 384. 385. 386. *seq.* 388. 389.  
391. 393. 394. 397. 399. 401. 402. 404. 406.  
407. 408. 410. 413. 417. 420. 421. 424. 425.  
428. 430. 437. 438.

## I.

**I**NSCRIPTIONES ANTIQUAE. 337.  
338. 339. 340. 341. 342. 349. 352. 353. 361.  
376. 436. 443. 444. 445. 446. 504.

L.

# INDEX AUCTORUM.

## L.

**L**IVIUS. 62. 64. 81. 92. 94. 123. 138. 140.  
184. 186. 189. 217. 220. 221. 224. 230.

## M.

**M**ARSILIUS FICINUS. 366.

## N.

**N**EPOS. *vid.* CORNELIUS NEPOS;  
NONIUS. 344.

## P.

**P**ANDECTAE. 32. 37. 39. 44. 61.

**P**ERSIUS. 18.

PERVIGILIUM VENERIS. 325.

PHOCYLIDES. 133.

PLATO. 103.

PLINIUS. 227. 236. 357. 358. 407.

PORPHYRIUS. 21.

PRISCIANUS. 11. 311.

PROBUS. 129.

PROPERTIUS. 320. 375.

## Q.

**Q**UINCTILIANUS. 55. 56. 161. 162.  
163. 165. 457. *seqq.*

## S.

**S**EDIGITUS VOLCATIUS *apud Gellium.* 354.

**S**SERVIUS. 116. 307. 312. 315.

SILIUS ITALICUS. 133.

STEPHANUS. 308.

STRA-

# INDEX AUCTORUM.

STRABO. 308. 311. 312.

SUETONIUS. 12. 308.

de Illustr. Rhetor. 23.

## T.

TACITUS. 246. 326.

TERENTIUS. 24. 25. 26. 27. seqq. 361.

TERTULLIANUS. 13.

TIBULLUS. 17. 315. seqq. 442.

TRISMEGISTUS. 363. seqq. 366.

## V.

VARRO. 233. 235.

VIRGILIUS. 53. 67. 72. 83. seqq. 86. seqq.

98. 101. III. 120. 126. 137. 139. 141. 142.

148. 150. 151. 161. 170. 188. 190. 195. 198.

201. 203. 206. 209. 210. 227. 272. 273. seqq.

277. seqq. 299. 302. 304. 306. 311. 313. 441.

VITRUVIUS. 192. in not.

## X.

XENOPHON. 109. 120.

XIPHILINUS. 360.

F I N I S.

# INDEX RERUM ET VERBORUM.

<i>A</i> non <i>Ab.</i>	A.	Aloyfius Trotus Bentivo-	
<i>A</i> Vocalis in Vocativis	322	lius.	293
quanta fit.	158	Ambracia	307
<i>Abicio.</i>	373	Ambracius finus.	ibid.
Ab inferis qui redierint.	302	Ambubaiae.	411
	302	Amellum.	276
<i>Aboleo.</i>	275	Aminea alba & purpurea.	118
<i>Acer.</i>	420	<i>Ἀνάκλασις.</i>	459
<i>Acrifonëis</i> Patronymicum.	116	Animantium voces.	153
	307	<i>Ἀνταπάλασις</i>	459
Actiaci Ludi.	307	Antonius Arnutius.	259
Actius Apollo.	ibid.	Antonius Arnutius Medi-	263
<i>Acuta belli.</i>	392	ces.	292
<i>Adspargere.</i>	398	Antonius Trotus.	292
<i>Adulor.</i>	153	Antonius Trotus Bentivo-	289. 293. feqq.
Adulterium an natura tur-	32	lius.	276
pe fit.	153	<i>Apiastrum.</i>	307
Aeaea infula.	114	Apollo Actiacus.	387
Aedificialis Jupiter.	210	<i>Appiades</i> Patronymicum a	216
Aegaeum mare.	ibid.	praenomine.	411
Aegaeus Neptunus.	209	Appius Claudius Cae-	150
Aegoceros.	365	cus non fuit caecus.	393
Aegyptiacae literae.	368		269. feqq.
Aegyptus Danäi frater.	299	<i>Aqua cur viliffima dicta ab</i>	139
Aemilii unde dicti.	230	Horatio.	59
<i>Agnomen.</i>	307	Aquila, nuncia Jovis.	278
Agon.	360	Ara Maxima.	225
Alba Pompeia.	293	<i>Arbitria facere.</i>	109
Albertus Trotus.	323	Archiatri.	Al
Albula.	354	Ardea, prius Ardua.	
Aldus Manutius.	293	<i>Aristotelico more.</i>	
Alexander Trotus Centu-	ibid.	Armorum male mentio-	
rio.	J. C.	nem fecit Virgilius initio	
Alexander Trotus	ibid.	Aenëidos.	
<i>Aliquid monftrare.</i> Pro-	24	Alconius Pedianus non fuit	
verbium.		aetate Virgillii.	
		<i>Ἀστρον.</i>	



# I N D E X.

*At* abundat apud Virgilium. 298  
*Atlanticum* mare. 76  
*Audeor, Audendus.* 184  
*Aulon, Aulonia.* 244  
*Aymonetus Trottus.* 293

## B.

*B*alatro. 411  
*Barbam* Romani quando coeperint non alere. 428  
*Belli portae.* 53  
*Bisextum.* 61  
*Brachium toga* cobibere. 22  
*Brasica.* 247

## C.

*C*aelum & Coelum. 443  
*Caenomani.* 66  
*Caesar Arnutius Medices.* in *Dedic. Opinion.*  
*Caestus.* 99  
*Cajus* modo duarum, modo trium syllabarum. 374  
*Calamus.* 240  
*Calypso.* 112  
*Camillus Gilijus. in Dedic. Brevis Defens.*  
*Camillus Trottus Castellacius.* 294  
*Canere Pythia, Olympia.* 407  
*Capita fluminum.* 141  
*Capricornus.* 209  
*Capti* in bello qua ratione non occiduntur, sed feruntur. 35  
*Casus.* 313

*Catilinae scelera.* 152  
*Caronis feveritas.* 426  
*Caulon, Caulonia.* 244  
*Censeo.* 81  
*Centaury in Taphoso* sepulti. 310  
*Cerberus quot capitum.* 84  
*Xenis.* 132  
*Christophorus Gilijus. in Dedic. Brevis Defens.*  
*Ciceronis Oratio pro Coelio.* 22. 23  
*Cicuta non semper* venenum. 432  
*Circe.* 112. 197  
*Circeji, insula.* 111  
*Civitatum Jura* adeptarum civitatem *Romanam.* 335  
*Clades Variana.* 387  
*Cnemis mons.* 310  
*Coelli Oratio pro se de vi.* 23  
*Coelum & Caelum.* 443  
*Colluviarium.* 193. in not.  
*Colonarium.* 192. in not.  
*Coloniarum jura.* 335  
*Columbarium quid sit.* 192. in not.  
*Columnarium.* 192.  
*Kouázor.* 69  
*Comodia.* 67  
*Condemnare.* 219  
*Conficere justa.* *Conficere justa funebria.* 393  
*Conjurator.* 203  
*Conopeum* penultimam nunc longam, nunc brevem habet. 212  
*Consonantes plures* vocalem brevem praecedentes producant. 179  


---

 *duae plures-*  
ve

# I N D E X.

ve corripunt praecedentem vocalem. 241

Consonantes antiqui non geminabant. 317. 321

Consul unde dictus. 222

Consules Iudices dicti. *ibid.*

—— Pridie Kal. Januar.

prope non Consules. 350

Consulium Jurandi mos. *ib.*

Contudit mediam habet communem. 19

Coricus. 303

Corinnae & Pindari certamen. 440

Corinthiacus sinus idem qui Crisaeus. 310

Coriscus. 303

Cornificius non probatur ex Fabio scripsisse Rhetorica ad Herennium. 55. 447. seqq.

Coronari Olympia, Pythia. 407

Corytus. 303

Cotiso, Daciae Rex. 245.

—— 391

Creare Magistratus. 218

Creta nonaginta urbium, & centum. 142

Crisaeus sinus. 310

Cucurbitae Medicinales. 431. seqq.

Cyclades. 111

Cyclici poëtae. 402

Cylon Atheniensis. 144

Cydonium scelus. *ibid.*

Cyrenus, sive Cyrenius, pro Quirino male vertitur apud Iosephum, Lucam, & Dionem. 88

## D.

**D** abjicitur interdum in versu. 382

Danaus. 368

Daphnis primus Bucolici carminis inventor. 148

Decemplex. 421

Decotes. 276

Deliciae, & Delitiae. 443

Deorum convivium. 202

Destituere. 138

Detorquere. 398

Dexippus Cōus, Medicus. 16

Di, & Dis, pro, Dii, & Diis. 375

Diem frangere. 385

Diffindere meridiem somno insititio. *ibid.*

Dionysia. 68

Dioxippi varii. 16

Diphthongus sequente vocali quanta. 129

Diphthongi ab antiquis ommissae. 315

Distilo, pro, Distillo. 317

Dossennus, non, Dorsennus. 428

Drama quid, & unde. 70

Drusianae fossae. 387

Drusus ex gente Claudia fuit adoptatus in gentem Juliam. 326

Ducere aera, & aere. 429

Δουλειπιδες senes. 407

Δουαπία. 346

## E.

**E**dico & Edo componi ab Ex praepositione. 348

Εκδυτικός. 271

Ll 2

Elei

# I N D E X.

Elei Locri. 310  
 Emplastratio, Emplastrum. 237

*En & Hem confusa.* 24

Ennius primus Satirae Au-  
 ctor. 419

Epici & Tragici non fin-  
 gunt ipsi personas fabu-  
 lae principales, nec fa-  
 bulam ipsam. 399

Epici Poetae sumunt argu-  
 mentum ex hiltoria. ib.

Epicnemidae. 310

Epicnemidii. ibid.

Epicnemii. ibid.

Epistolae ad Tironem ex  
 Lib. xvi. non uno, &  
 eodem tempore & loco  
 scriptae. 329

Epizephyrii Locri. 310

Epopoeta. 279

Ergata. 422

*Essem ab Edo, & Essem à*  
*sum quomodo differant.*  
26

*Εσθής* quid significet. 29

Eumenides cur sic dictae.  
147

Euryti duo. 208

Eurytus bicorpor. ibid.

Exarchiattrorum immuni-  
 tas. 269

*Exarchiattris.* 269. seqq.

*Exconsul, & Exconsule.*  
272

*Εξιστοός.* 270

Exsuperabilis. 276

*Εξδυστοός.* 271

## F.

**F**abulae historiam respi-  
 ciunt. 86

*Facere funus.* 393

*Facere iusta.* ibid.

*Facere iusta funera.* ibid.

*Facere senatusconsultum.*  
219

*Faselus vilis.* 412

*Fatum.* 313

*Feriae Lepidianae.* 387

*Fibra.* 120

*Figura nova.* 410

*Figuro.* 201

Flagella in vitibus. 227

Foederatarum cum Ro-  
 manis civitatum jura.  
335

*Foeneratores cur boni dicti.*  
132

*Fortissima Tyndaridarum.*  
410

*Fortuna.* 314

*Fossae Drusianae.* 387

Franciscus Bernardinus  
 Trotius. 293

*Frangere diem.* 385

*Frater pluribus modis ac-*  
*cipitur.* 425

Fratres germani duo eo-  
 dem praenomine. 349

*Fucum remittere.* 423

*Fundamentum duo signifi-*  
*cat.* 221

Funebribus pompis genti-  
 lium tantum imagines,  
 non etiam matrum adhi-  
 bebantur. 327

*Funera iusta facere.* 393

*Funeri iusta facere.* ibid.

*Funerum iusta facere.* ibid.

Fu-

# I N D E X.

Furiae cur Eumenides &  
*Σεραϊ* dictae. 147

## G.

**G**albae praenomen *Ser-*  
*vius*, non *Sergius*. 246

Galleacius Trotius Benti-  
volius. 293

Geminus Janus. 53

*Gemma* in arboribus. 240

Gentilia nomina patrony-  
mica dicta a Graecis. 117

Germania. 65

*Germen*. 240

Gestae res. Vid. *Res Gestae*.

*Gigas* priore longa. 389

Gilijus Gilijus Episc.  
Comacensis. in *Dedic.*  
*Brevis Defens.*

Gilijus Gilijus Junior  
Episc. Bobii. *ibid.*

*Glastum*. 188

Graeca nomina in , & v.  
179

Graecia Magna, sive Ma-  
jor, Italia dicta. 118

*Grai*, *Grais*, pro *Grai*,  
*Graiis*. 375

Guarnerius Trotius Benti-  
volius. 291

Guido Arnutius. in *Dedic.*  
*Opinion*.

Gulielmus Arnutius. *ibid.*

*Guttur*. 101

*Gyges* priore longa. 389

## H.

**H**, id est, adspiratio,  
non finit ullam vocem.

322

Hadrianus Imp. primus  
coepit barbam alere. 428

*Harpyia*, & similia. 434

Haftenium marmorum in-  
scriptiones. 336. seqq.

Heautontimorumenos Te-  
rentii, Comoedia du-  
plex. 27

\_\_\_\_\_ quid  
nomen ejus significet. *ib.*

Hector Naevianus. 11

Helias Capreolus, Brixien-  
sis Iustus. 118

*Hem* & *En* confusa. 24

Hemicyclus quid. 135

Herceus Jupiter. 114

Herculis Scyphus. 231

Hesperii Locri. 310

Hexametri versus *longi* di-  
cti. 19

Hieroglyphicae literae.  
365

Hieronymus Caso. 478

Homerus unde inchoet nar-  
rationem *Odyssaeae*. 282

Hyantides. 132

Hylaeus. 206

## I.

**I**acobus an trisyllaba vox?  
322

Iacobus Arnutius. in *Dedic.*  
*Opinion*.

Iacobus Gilijus. in *Dedic.*  
*Brevis Defens.*

Iacobus Maria Arnutius  
Medices. in *Dedic.* *Opi-*  
*nion*.

*Iambus* disyllabum & tri-  
syllabum. 323

Janus Geminus. 53

L 13

*Ja-*

## I N D E X

*Levare.*  
*Lex satis*  
Liberti  
mina  
quan  
dant  
Libri  
ren  
fici  
*Licin*  
cor  
Liqu  
vis  
Liter  
*A'so*  
*Loc*  
—  
—  
P  
Loc  
Loc  
*A'so*  
*Lo*  
*Lu*  
*L*  
*I*  
*I*  
*V*  
*P*



# I N D E X.

<i>Levare.</i>	438	<i>Madefco.</i>	275
<i>Lex fatura.</i>	442	Magna, five, Major Graecia Italia dicta.	118
Liberti nomina & cognomina patronorum, aliquando etiam commendantium <i>accipiebant.</i>	345	<i>Malis alienis ridere.</i>	Pro-
Libri Rhetoricorum ad Herennium non sunt Cornificii.	55. 447. seqq.	verbium.	421
<i>Licinius</i> primas habet duas communes.	356	<i>Mamma.</i>	240
Liquidarum & Mutarum vis.	241. 380	Manfredus Arnutius. in <i>Dedic. Opinion.</i>	
Litterae Hieroglyphicae.	365	Marcellus Arnutius Medicus.	ibid.
<i>Λόγος.</i>	120	Marcus Varro Porcus appellatus à Palaemone.	273
Locri Elei.	310	Maxima ara.	150
— Opuntii.	ibid.	<i>Mediastinus.</i>	437
— Ozolae.	ibid.	Medicorum immunitas.	269
— Zephyrii, & Epizephyrii.	ibid.	Medimnus.	136
— Epicnemidii.	ibid.	<i>Mediolanium</i> , non, <i>Mediolanum.</i>	443
Locrius fons.	312	<i>Medium vitiorum</i> virtus est.	425
Locus pro dignitate.	59	<i>Melissphyllon.</i>	276
<i>Λόγος</i> , rationes civitatum.	343	<i>Melissa.</i>	ibid.
<i>Longus spe.</i>	407	<i>Melissphyllon.</i>	ibid.
Lucianus Trottus.	293	<i>Melittena.</i>	ibid.
Lucilius non primus Satirae inventor.	413. seqq. 417.	Memmiades patronymicum à nomine Gentis.	388
<i>Ludere.</i>	438	<i>Mens</i> apud Virgilium quid significet.	201
Ludi.	98	<i>Mis.</i>	101
Ludovicus Trottus Bentivolius.	293	<i>Miser</i> pro innocente.	28
Luscinia cur <i>Daulia</i> dicta.	174	Modius.	136
Lustrum.	228	Moesia.	273
<i>Luteum, Lutum.</i>	188	Monaes.	390
M.		<i>Multiplex.</i>	421
M sequente consonante aliquando abjicitur.	381	Municipiorum jura.	335
		<i>Muriam remittere.</i>	424
		Murium vita brevis.	421
		Mutarum & liquidarum vis.	241. 380
		<i>Myfia.</i>	273
			N.



# I N D E X.

N.	O.
<b>N</b> <sup>ais.</sup>	
Narrationem Odyssae unde inchoet Homerus.	<b>O</b> non Ob scribendum. 322
282	Obex. 373. 377
Naryce. 310. seqq.	Obices. ibid.
Narycion. ibid.	Occasionis novacula. 392
Narycus. ibid.	Octavianus Gilijns. in <i>Dedic. Brevis Defens.</i>
Naryx. ibid.	Oculus in arboribus. 240
Natales grate numerare. 439	Oculus inretortus. 205. 385
Necessitas serva. 389	Odyssae prior Iliade. 298
Nefas, in <i>Stipis</i> . 388	Oechaliae plures. 208
Neleus à Theseo occisus. 206. seqq.	Ogygia Calypsus insula. 112
Nepos, Neptis. 57	Olympia coronari, vincere. 407. 424
Neptunus Aegaeus. 210	Opera. 175
Nessus & alii centauri ubi sepulti. 310	Opuntii Locri. 310
Nicolaus Arnutius. in <i>Dedic. Opinion.</i>	Ora fluminum. 141
Nicopolis. 307	Oratio Ciceronis pro Coelio. 22. 23
Niobes filii. 84	—— Coelii pro se de vi. ibid.
Niti, pro, incedere. 409	Ostia fluminum. 141
Nobiles quinam apud Comicos. 29	Otto Gilijns Archiepisc. Genuensis. in <i>Dedic. Brevis Defens.</i>
Nobis merente, nobis absente, dixerunt antiqui. 17	Ovum Leda. 411
Nomina propria virorum in ius unius syllabae, quomodo obliquos terminent. 369. seqq.	Ozolae Locri. 310
Non modo, Non solum, non sequente, Sed etiam. 318	<b>P</b> adua. P. 322
Notam remittere. 423	Paganalia. 424
Novacula Occasionis symbolum. 392	Paganus Arnutius. in <i>Dedic. Opinion.</i>
Nova fictaque. 398	—— de re Venerea. 438
Numerare grate natales. 439	Palaemon Grammaticus. 273
	Parce detorta. 398
	Paridis iudicium de tribus Deabus. 301
	Par-

# I N D E X

Parvae Iliadis auctor quis sit.	402	argumentum sumunt ex Historia.	399
Patronymica.	117	<i>Poma vilia.</i>	412
<i>Pax.</i> πᾶξ, παῖαξ, adverbia.	29. 30	<i>Porca</i> in re rustica quid significet.	233
Pedanei iudices.	41. seqq.	<i>Portae belli.</i>	454
<i>Pedestris sermo.</i>	401	Portunus unde dictus.	441
Pelasgi Asiae.	126	Praefecturae jura.	336
Pelagias postea Jōnia. ibid.		Praetor.	222
Penetralis Deus.	114	Praetor maximus.	ibid.
Perfarum incestae nuptiae.	34	Praetorium.	ibid.
Perficum mare.	73	Pridie Kalend. Januar. consul prope privatus erat.	350
Pertinaces Imperatores duo.	360	<i>Pro, non, Prob.</i>	322
Petrus Martyr Arnutius, in <i>Dedic. Opinion.</i>		Progne à nonnullis in lusciniā, ab aliis in hirundinem versa dicitur.	197
Petrus Martyr Arnutius Medices Junior.	ibid.	<i>Proicio.</i>	401
Φέβυξ.	105	<i>Prolubium, &amp; Proluvium.</i>	361
Philomela nonnullis in lusciniā, aliis in hirundinem versa dicitur.	197	Pronomen pro Nominibus.	315
Phocylidis <i>νοῦθετικόν</i> spurium est.	133. in not.	<i>Propius nihil factum est.</i>	14
Phraātes, vel Phraātes, Parthorum rex.	204.	Πρόπολος.	389
	384. 391	Propria nomina virorum in ius unius syllabae quomodo obliquos terminent.	369. seqq.
<i>Pie.</i>	334	<i>Propterea.</i>	380
<i>Pietas.</i>	ibid.	Proserpina ubi rapta.	197
Pindari & Corinnae certamen.	440	<i>Puder inutilis.</i>	346
Pinus domestica.	273	<i>Purgare.</i>	331
Planta.	240	Purgatio non necessaria fungienda.	433
πλύνω, & πλύνεσθαι.	398	Purpura candida.	391
Poëta Epicus se non nominat.	284	<i>Pythia canere, vincere.</i>	407.
Poëta fingit etiam quae fieri non possunt.	404		424
Poëtae saepe diversa tradunt.	84	Q.	
Poëtae Tragici & Epici		<i>Qua</i> aliquando paret conest.	275
		<i>Quaesumus, ut, sicubus.</i>	442

# I N D E X.

*Quem* aliquando parelcon  
est. 275  
*Quinctilius* qui fuerit apud  
Horatium. 386  
*Quinctilius Varus*. ibid.  
*Quirinus*, non *Cyrinus*, aut  
*Cyrenius*, vertendum a-  
pud Josephum, Lucam,  
& Dionem. 88

## R.

**R**ainezonus Arnutius. in  
*Dedic. Opinion*.  
*Refert* cum Dativo. 411  
*Regifugium*. 63  
*Relativa* non semper re-  
spondent numero ante-  
cedentium vocum. 213  
*Remittere fucum, muriam,*  
*notam, labem*. 423  
*Res gestae* à gentilibus no-  
minibus saepe adpellan-  
tur. 387  
*Rhapbanus*. 247  
*Rhetorica* ad Herennium  
non sunt Cornificii. 55.  
447. seqq.  
*Rhodus* cur *clara* ab Hora-  
tio dicta. 182  
— quibus aliis nomi-  
nibus appellata. ibid.  
*Rodericus Toledus*. 476  
*Rogare leges, & magistra-*  
*tus*. 218  
*Romanae urbis ruina*, quam  
praedicat Horatius, con-  
tingit sub Totila. 396  
*Romani* quando incoepe-  
rint barbam non alere.  
428  
*Rubrum mare*. 72

*Rufus Praetorius, Cico-*  
*niarum conditor*. 13

**S**alsus quid significet. 163  
*Satira Graecane fuerit*, an  
tota Romana. 412  
*Satira lex, lanx, poema*.  
442  
*Satira scripta est vario car-*  
*minum genere*. 415  
*Satura lex, lanx, poema*.  
442  
*Saturnus* cur à coelo dica-  
tur venisse. 302  
*Scipiades à cognomine Pa-*  
*tronymicum*. 387  
*Scribendo adfuerunt*. 343  
*Scyllae plures*. 195  
*Scyphus Herculis*. 231  
*Sed aliquando abundat*. 298  
*Semen*. 238. 240  
*Σεμει* *Σεμει*, Furiae. 147  
*Senatusconsultum facere*.  
218  
*Senes* *δυσίλπιδες*. 407  
— Sexagenarii in co-  
moediis. 28  
*Septimontium*. 351  
*Sermo pedestris*. 401  
*Serua necessitas*. 389  
*Servius Galba, non, Ser-*  
*gius*. 246  
*Σίρβια*. 430  
*Σίρβια*. ibid.  
*Sicua*. ibid.  
*Sicyia & familia quomodo*  
*pronunciari debeant &*  
*scribi*. ibid. seqq.  
*Simoninus Gilijsus. in De-*  
*dic. Brevis Defens*.  
*Siqua*. 275  
Si-

# I N D E X.

<i>Siquem.</i>	ibid.	transformatus dicitur.	
<i>Sisyphi fabula.</i>	206		197
<i>Si vales, bene est.</i>	343	<i>Tergemini bonores.</i>	125
<i>Sol in Ida monte aliter,</i> <i>quam alibi, oritur.</i>	115	<i>Terminalia.</i>	61
<i>Solvere iuxta funeri.</i>	393	<i>Tesca, &amp; Tesqua.</i>	427
<i>Somnus institutus.</i>	385	<i>Tesquor.</i>	ibid.
<i>Somnum capere, videre.</i>	30	<i>Thais &amp; similia.</i>	375
<i>Spe longus.</i>	407	<i>Thalia Musa, Gratia, &amp;</i> <i>Nympha.</i>	213
<i>Sporades insulae.</i>	111	<i>Thetidis nuptiae.</i>	202
<i>Stafimus, vel Stafinus, an</i> <i>Parvae Iliadis auctor.</i>	402	<i>Thomas Gilijous, in De-</i> <i>dic. Brev. Defens.</i>	
<i>Stattus, Praenomen, No-</i> <i>men, &amp; Cognomen.</i>	352	<i>Tiro Ciceronis libertus</i> <i>quando libertate dona-</i> <i>tus.</i>	331
<i>Stria.</i>	233	<i>Tonsus.</i>	275
<i>Striga.</i>	ibid.	<i>Totila Romam dixit.</i>	396
<i>Stiria.</i>	ibid.	<i>Tragici sumunt argumen-</i> <i>tum fabulae ex historia.</i>	399
<i>Strix.</i>	ibid.		421
<i>Subex, Subices.</i>	373- 377	<i>Triplex.</i>	421
<i>Superne, &amp; inferne, ulti-</i> <i>mam habent brevem.</i>	129	<i>Trismegistus cur sit adpel-</i> <i>latus Mercurius.</i>	363
<i>Surculus.</i>	240	————— <i>Rex non fuit.</i>	364
<i>Syllabarum tempora non</i> <i>eadem servantur Grae-</i> <i>cis &amp; Latinis.</i>	211	————— <i>qua lingua</i> <i>scripserit.</i>	365
<i>Συνομήνη.</i>	203	————— <i>ante Mosen</i> <i>&amp; Pharaonem fuit.</i>	368
<b>T.</b>		<i>Troja quoties capta.</i>	303
		<i>Trojanum imperium CCC.</i> <i>annis, minus tribus, ste-</i> <i>tit.</i>	114
<i>T abjicitur in versu.</i>	382	<i>Trottorum nobilitas.</i>	290.
<i>Tantali saxum.</i>	152		seqq.
<i>Tantum abest, non sequen-</i> <i>te, ut</i>	319	<i>Turidare, Furi deberi.</i>	178
<i>Taphosus mons.</i>	310	<i>Tusculi vicus.</i>	235
<i>Tartarus.</i>	83	<i>Tutela esse.</i>	184
<i>Taurus Cretensis.</i>	207	<i>Typhoeus, Typhon.</i>	209
<i>Tereus Prognos maritus</i> <i>non fuit Thrax.</i>	174	<i>Tyridates.</i>	391
————— <i>in upupam ab aliis,</i> <i>ab aliis in accipitrem</i>			

# I N D E X.

## V.

<i>V</i> ariana clades.	387
Verba factitia.	153
Vermium plurimorum nomina, quidque rodant, & ubi nascantur.	180
<i>Verniliter</i> , non, <i>vernaliter</i> .	422
Verres gentile nomen, non cognomen.	229
<i>Vestis</i> pro omni vestium apparatu.	29
Vicus Tuscus.	235
<i>Videre somnum</i> .	30
<i>Vincibilis</i> .	276
<i>Vir</i> .	272
Virgilius unde incipiat nar-	


rationem adventus Aeneae in Italiam.	282
Vitiorum virtus medium.	425
<i>Ungere</i> de mortuis.	396
Vocales ab antiquis conjungebantur.	172
Vocalis utraque in diphthongis pronuncianda.	434
Vocativi primae declinationis quantam habeant ultimam.	158
Voces animalium.	153. seqq.

## Z.

<i>Z</i> ephyrii Locri.	310
-------------------------	-----

## ADDENDA ET EMENDANDA.

- Pag. 94. lin. 10. *Cap. 55. L. Cap. 65.*  
 112. lin. 24. *Orygia. L. Ogygia.*  
 153. lin. 4. à fine. tributum. *L. tributi.*  
 175. lin. 19. ejusmodi oppugnatum. *L. ejusmodi operibus oppugnatum.*  
 272. in fine notae haec adde. *Junge interim Cap. Hofman. Var. Lect. lib. V. Cap. 26, 27 & 28.*  
 289. lin. 1. *libellus. L. libellos.*  
 338. lin. ult. *TRO. legitur ETRO. L. TRO. legitur ETRO.*







1111

116

76

55.



